

مكتبة الأسرة  
٢٠٠٣

مكتبة الأسرة

# لينين الرملى

من مسرحيات



كاتب بالبريد / وجهة نظر بالعربي الفصحى / مسرحيات قصيرة



الأعمال الكاملة



كَأَنَّكَ يَا أَبُوزَيْدَ  
وَجْهَةٌ نَظَرٍ  
بِالْعَرَبِيِّ الْفَصِيحِ  
مَسْرَحِيَّاتٌ قَصِيرَةٌ

مَسْرَحِيَّاتٌ

لَيْنِينَ الرَّمْلَى



## مهرجان القراءة للجميع ٢٠٠٣ مكتبة الأسرة

برعاية السيدة سوزان مبارك

(سلسلة الأعمال الكاملة)

إشراف: طارق الجمال

الجهات المشاركة:	كأنك يا أبوزيد، وجهة نظر، بالعربى الفصيح، مسرحيات قصيرة مسرحيات لبنين الرملى تصميم الغلاف والإشراف الفنى:
جمعية الرعاية المتكاملة المركزية	للفنان : محمود الهندى الإخراج الفنى والتنفيذ:
وزارة الثقافة	صبرى عبدالواحد الإشراف الطباعى:
وزارة الإعلام	محمود عبدالمجيد المشرف العام :
وزارة التربية والتعليم	د. سمير سرحان
وزارة التنمية المحلية	
وزارة الشباب	
التنفيذ : هيئة الكتاب	

---

## على سبيل التقديم:

لا سبيل أمامنا للتقدم والرقى وملاحقة العصر إلا بالمزيد من المعرفة الإنسانية.. نور يهدينا إلى الطريق الصحيح، ولأن مكتبة الأسرة أصبحت أهم زهور حدائق المعرفة نتسم عطرها ربيعاً للثقافة المصرية الأصيلة.. فإننا قطعنا على أنفسنا عهداً ووعداً ليس لنا إلا الوفاء به لتثمر شجرة المعرفة عطاءً للأسرة المصرية.

د. سمير سرحان

---



# وكانك يا أبوزيد

كوميديا شعبية

١٩٨٨.١٩٧٧





## دخول

قبل رفع الستار

تظهر جوقة من المنشدين والرواي على الريابه والالات الشعبيه

**الرواي :** قال الرواي ياساده ياكرام ..

ولايلحو الكلام الا بذكر النبي عليه الصلاة والسلام ..

هادى سيرة هريدى عبدالجبار المصرى ..

اخر الرجال المحترمين فى جبلى وبحرى

وقصتنا بأذن الله تحكى

عن تغريبه الفتى فى القاهره

والاهوال اللى رآها بها .

وهى ملحمة تصور كفاحه وكده , لياخد بتاره وينتقم لاهله .

**منشد :** لكل شيء حكمه وسبب .

سبيك من المألوف ..

وابحث عن وجه العجب .

بدم الحكايه كنا فى رجب .

والعتمه نزلت حطت ع البلد .  
والبلد فى الصعيد جبلى ..  
لادخلها نور ولا ميه ..  
بينها وبين العمار كوبرى .  
وترعتين وجنايه وبعدها تعدى .  
تمشى ساعه وتركب حماره .  
ف بطن الجبل تلقاها .  
وسط الصحارى والخلا واحه

\*\*\*\*

**المنظر :** منظر ريفى .. ارض زراعيه وجسر بسيط  
الشمس تميل للغروب  
**الراوي :** يحكى انه فى يوم قاتظ منكود ، قام نزاع مشهود ، بين زيد من  
عيلة القبايزة ، وعمر من عيله الشعانين .  
واصل المشكل والموضوع ، معزه تخص واحد ودخلت فى أرض  
الثانى . ولا عايش النهارده حد فاكركم مين ابتدا بالعتاب والشكرى .  
ولا كيف جر العتاب لسباب ، اتعلا بذكر الجدود والاباء .. أصل  
الشتيمة فينا .. طبع وداء .  
(يجرى تمثيل الموقف بالتزامن مع السرد فنرى العنزه وهى تأكل  
من الأرض ثم يدخل زيد من ناحية وعمر من الناحية الاخرى  
ويتعاتبان .  
بينما الموسيقى تطفى على حوارهما وتعزف الحوار نفسه بلغتها)

**السرّاءى :** واطور الموضوع لشجار ، والتقى الخصمان فى معمعان ،حتى  
استظهر زيد على عمرو ، وهجم عليه كالأسد الكاسر وطعنه فى  
صدره ، فخرج السكين يلمع من ظهره فوق يتخبط بعضه ببعضه .  
وهكذا كان من الدنيا مرتحلة .

(يطعن زيد عمرو الذى يهتف بصوت متحشرج)

**عمرو :** يا بوى ( ثم يموت )

(اضلام قصير على المشهد وموسيقى)

**السرّاءى :** وقام الثار بين العيلتين .. وفى كل عام يتكرر الموال .

موال حزين قتال . لحد ما كترت النسوة وشح صنف الرجال .  
ولا عُدش م الذكور ، غير الصغار لاطفال .

(أضاءة على نفس المنظر ليلا . من كل ناحية يدخل رجال  
العائلتين يحملون النباييت وخلف كل مجموعه عدد من النسوة  
يحملن المشاعل) (يتعارك الفريقين بالعصى ، ثم بالسكاكين  
والفؤوس ، ثم بالبنادق

والمدافع والقنابل .. الجثث تسقط تباعاً وتتكوم فوق بعضها حتى  
تكون تلا . والنساء يطلقن الزغاريد )

(أضلام سريع وموسيقى )

**السرّاءى :** ودارت الدائرة على الشعانيين . مات الشباب والشيوخ وأولادهم

وحتى عيالهم . ما فضّش ملهم غير الصبى عوضين .

عوضين كان عنده سبع سنين ويومين .

(أضاءة لثرى عوضين بصحبه أمه ومعها صرّه أو سبت)

ولما عرفت أمه انه عليه الدور ، قالت علام أكبره واريبه لاجل ما  
فى يوم يقتلوه . وفى ليلة شتويه ، والقرية كلها نايمة ، بعثته فى السر  
ويا رسول ، قاصد مكان مجهول .

( الأم تحتضن الصبى وتلوح له بيدها وهو يمشى مع الرسول )

الرواي : وبعد أعوام كثار وصل للجبابرة خطاب .

وفيه مكتوب ، ان الصبي عوضين كبير بقى شاب .

وانه نزل القاهرة من بعد طول ترحال .

فرح كبير الجبابره وراح لابن اخته هريدى وقال ..

آن الاوان تاخذ بتارنا البايث وتهدى منا الببال ووعدده ان قلع فى قتل  
غريمه يتم جوازه ، على بنت خاله .

رد هريدى وقال: كلمتك أمر يا خال وانفذه فى الحال ،وقام يعد  
عدته وسلاحه وودع داره ومحراته ومقصده القاهرة ، ولاكانش  
عمره زارها .

اما ما كان من أمره بعد رحيله من الوطن ، فهذا ما نويتا ان  
نعرضه ونفصله حتى تبقى تاريخ هذه الزياره عبرة وأشاره .

( صوت قطار يبدأ التحرك )

( ثم ترفع الستار )

## المشهد الأول

المنظر : زقاق بالقرب من محطة مصر

مقهى رصت المقاعد خارجه . باب لوكاندة عليها يا فطة (أوتيل  
المحطة) عدد الناصية فانوس نور ولافته (ممنوع الدخول) على  
حائط اعلان سينما ، كشك سجاير ، عربة أطعمة ... الخ.

الوقت : ليل .

(على المقهى مرشد أفندى جالس يقرأ فى جريده)

السرّاوى : فى قهوة قرب باب الحديد كان ميعاد هريدى مع صاحب المكتب  
والدلل دا اسمه مرشد أفندى - كان بيشتغل مخبر - لكن اتعرف  
بدرى . واصل الملعب انه عرف عوضين لما التجأ له يكتب جواب  
واتنين لاهه المشتاقه وكدا عرف سره ، بيعت ببيعه لعدوه ، واهو  
قاعد ينتظره لأجل ما يقبض مكافأته منه .

مرشد : (ينظر لساعته) غريبه ، هريدى أتأخر كدا ليه ؟

الجرسون : (يظهر بصديه عليها زجاجة) الساقع يا عسل ..

مرشد : هو قطر الصعيد بيوصل امتى بالضبط ؟

الجرسون : ( ناظراً لساعته ) بالضبط .. بالضبط ؟ ييوصل متأخر خمس ساعات .

مرشد : يسوفك رينا يا هريدى ويوفك تقتل عوضين علشان اقبط أنا القرشين .

( يظهر احد ابناء الصعيد )

الرجل : ( يدفع عربة امتعه مطارات وقد أمثلات بقفف كثيرة ) الجمر ك مذنين والله ؟

الجرسون : اذا مكانش معاك حاجة قوت .  
مرشد : دا باين قطر الصعيد دخل ( ينهض ) قولى يا بلديات ، أنت وصلت أمتى ؟

الرجل : امبارح .. ليه ؟

مرشد : ليكون هريدى ضرب لخمه فى المحطة هو كمان . اروح ابص عليه ( يخرج )  
الراوى : وشاءت الاقدار ، يقوم مرشد ساعه ما يوصل هريدى عبد الجبار .  
فيا هلئرا يفشل فى مساعه . ولا ينجح فيحم القضاء ، وتتواصل سلسلة الدما ؟ هذا ما سوف نراه .

( تخرج الجوقه وهى تعزف ، بينما يظهر هريدى )

( يدخل بظهره ، فى يده صرة خلجاته وقد علق فى ذراعه سبت الزواده كأنه هاندباج . يزيح التلفيحه من على وجهه ويدور حول نفسه مرتبكا )

هريدى : لو سمحت يا حضرة ، ممكن تدلنى على علوان اكانده المحطة ؟

شخص ١ : ( ينظر اليه من أعلى إلى أسفل باحتقار ثم يخرج )

هريدى : ( بغضب ) أبى . الراجل الدون ما استبحركشى يا هريدى .. عتسيه ؟  
اسييه كيف ( يخرج طبلجه ويتحرك متحفزاً ثم يتوقف ) معلى ،

يمكن طرشان، ومعذور ..تلاجى الزيته خريت لهم ودنائهم .  
( يتجه لشخص آخر و بصوت عالى) جولى والله ممكن تدلنى على  
علواز..

شخص ٢ : ( يتحرك خارجاً دون ان ينظر له)  
هرىدى : اسفخص ، طب والله ما انا سايبك ( يهم بالحاق به ثم يقف )  
معلش يمكن عيان ، معذور أكيد كتر الضوز غللت لهم عينيه .  
(. جه لشخص ثالث يمر مسرعاً) دا مفتح .. تسمح والله يا فدى..  
شخص ٣ : (وهو يمر ويختفى بسرعة) لا ما اسمحش .

هرىدى : يا ابن الفرطوس .. طب استنانى (يهم بالحاق به ويقف) معلش ،  
يمكن مستعجل ،معذور الخليج كلاتها هنه مستعجلين ،ما خبرش ليه  
( لشخص رابع) تسمح والله يا سيدنا .

شخص ٤ : (وهو يتحرك بتأفف) يحزن .. يحزن .  
هرىدى : واه بشحت منك ؟ اسفخص على اصلك ( يبصق لكن البصقة  
تصيب شخصاً آخر يمر لحظتها ) عدم المؤاخذه ، مش أنت  
المجسود .

( ثم لفتاه ترتدى بلوزة وينطلون ) من فضلك يا أخ . أنت يا أخينا  
ما تعملش طرشان انت روخر ( يوقفها ممسكاً بذراعها )

الفتاة : آى آى ..ايدى ، انا ست يا مغفل .

هرىدى : (بخجل) واه ..لا مؤاخذه يا حرمه .

الفتاه : ايه ..ما فيكيش عيين ؟

هرىدى : فيا، بس اعرف مئين ان النساءين حداكم بتلبس المناطيل ..ابجى  
حتى يافطه علشان أعرف انك مره .

الفتاه : مره فى عينيك راجل حمار .

- هریدی :** حمار ؟ (يتحرك خلفها بتحفز) معلى ، بخاطرها ماهى حرمه .  
 (ثم لثاب) لا مؤاخذه يا أخ . تبجى فىن أكأندة للمحطة ؟
- انشباب :** (بأنوثة) بس كده ؟ تعال معايا وأنا اوصالك .
- هریدی :** واه حرمه تانى ؟ لا مؤاخذه (يهم بالتحرك)
- الشباب :** حرمت عليك عيشتك يا بعيد .. انا راجل .
- هریدی :** (يستدير ويتألمة بدهشة) واه ؟؟ طب ادينى أماره .
- الشباب :** الله . هو تعجز ولا ايه ؟ باسم كده (ويتمجه للمقهى)
- هریدی :** يا بوى ، الحرمات أترجالت والرجال اتنسوت ، احفظلى بعجلى يارب .  
 (رجل عجوز يترنح فى مشيته ويقع ، لا أحد يهتم به)  
 عجائب ، الراجل مكهل جد أبوهم وناصريه بيتوجع ما حد عبره .  
 لا مؤاخذه يا بابا الحاج ، هات أيدك .. ولا جولك (يحملة بيده)  
 أوديك الاسبناليه .
- الكهل :** (بثمالة) وانت مال أهلك يا حشرى ؟
- هریدی :** أبابى (يتركه فيسقط) راجل مكهل انما سافل وخمورجى .  
 انت وجعت بنات مين مين يا هریدی ؟ شوف صالحك ، احسن .  
 دى باينها أكأندة (يتطلع ناظرا لليافته فيصطدم بشخص ٥)
- شخص ٥ :** مش تفتح يا قفل ؟ (ويخرج)
- هریدی :** جفل ؟ (يستدير بغضب لشخص آخر يظنه هو المتحدث ويصفعه بقوة على قفاه ويلقيه ارضاً) انا جفل يا طور ؟
- شخص ٦ :** (ينهض متحفزاً لكنه يرى هریدی فيجفل) انا كلمتك يا عم ؟
- هریدی :** جبريل العفش ، غور من وشى الساعة دى (يدفعه فيطير ويقع فى الخارج الكل يلتفت له بخوف ، ينظر لاحدهم ويحده) انت ..  
 تعرف تستجرالى المكتوب فى اليافته دى ؟



- خص ٦ : (بخوف وأدب) أوتيل المحطة .
- سريدى : لا، انا عايز أكائدة المحطة . ومع ذلك تشكر (ثم يتوقف مستدركا) .
- انت ما جلتش الشكر لله ليه ؟ مش تتعلموا الادب ؟
- خص ٦ : (بخوف) الشكر لله .
- سريدى : (للجرسون الذى يظهر يصينه أكواب ماء) أسجبنى بيج ميه يا ريس ،
- رجى نشفان .
- جرسون : الميه بتنزل مع الطلبات ، مش فاتحينها سبيل .
- سريدى : (يمسكه من قفاه) واه ؟ حتى الميه حداكم بالجرشونات . معلوم ،
- الى ماعينى نصرت فيكم راجل بيل الريح . أسفخص .
- جرسون : (بخوف) يا عم القهوة قهوتك (وهو يمسح وجهه) أشحال لو ماكنتش
- ريقك ناشف ، دى لازم أول مره تنزل فيها مصر .
- سريدى : (وقد شرب بصوت مسموع) واخر مره .
- جرسون : ليه بس خير ؟
- سريدى : محصلش خير واصل .. انا يادوك ادليت م الجطر . التجيت الناس
- ماشيه . مشيت وراهم .. نزلوا سلم نزلت وراهم ، بصيت لجيت
- روحى فى جب تحت الارض .
- جرسون : جب ؟ لازم نزلت مترو الانفاق .
- سريدى : أنا حسبتهم مطايرد ، ومتخفين م الحكومه . نهايته جيت أفوت
- جالولى لازم اجطع تسكره . جطعولى تسكره وفوتونى ، لجيت
- روحى جدام جطر . أجولك الحج ، انا عجلى دار واتخيلت ، كيف
- الجطر دا نزلوه ع السلالم لحد تحت ؟ غايته ركبت سألونى نازل
- محطة السادات ولا عبد الناصر ولا سعد زغلول ؟ جلت لهم اقا
- ملياش فى السياسه واصل .. نزلونى فى السيده زينب .

الجرسون : شالله يا ست .

هريدى : جيت اخراج جالولى فين تسكرتك ؟ جلت رميتها . جطعنونى تسكرة  
تانى . رحى معاود الجطر وراكب .

الجرسون : وتركب تانى ليه ؟

هريدى : امال يضيع عليا حج التسكره ؟ سالونى تانى نازل محطة سعد ولا  
ناصر ولا السادات ؟ عرفت انهم بيستمحنونى , جلت لعجل بالى  
خليك فى السليم يا هريدى .. اللى بيدعيله الشيخ فى جامع بلدنا ,  
ييجى هوده اللى راضيه عليه الحكومه . عنها جلتهم نزلونى عند  
الملك فؤاد ضحكوا زيك كده معرفش ليه , وجفت وصرخت بأعلى  
حسى , غريب ومش من هنه يا ناس , طلعونى على وش الدنيا  
ينويكم ثواب .. ملاحظوا عليا الخلق وكل واحد يتمقلس عليا بكلمه . آل  
ايه كان لزمنا جيل ما اخطى , استجرا اليفط وامشى تمام حسب  
الكتوبه اللى فيها . غايته خدوني من يدى زى العيل الصغير  
وطلعونى فوج الارض . تجولش اتولدت من تانى . لجيت نفسى  
وسط وسعايه ووسطها مسخوط عالي عمييطرطش ميه . بتلفت  
لجيت يافطه جدامى استجراها لى واحد افندى طلع مكتوب فيها  
السير فى هذا الطريق , مشيت حسب السهم ما بيشارر لجيت روحى  
فوج كوبرى مافيهشى غير طرمبيلات بترمح كيف المجانين .  
تنتنى اجرى والطرمبيلات ورأيا .. جلت يا واد يا هريدى هين  
جرشك ولا تهين نفسك . شاورت لطرمبيل بالاچرا واديت العلوان  
يوصلنى بمعرفته .

الجرسون : تركب تاكسى وانت بينك وبين المحطه ميه متر ؟

هريدى : التاكسى خدتم فى ساعتين . اتعطل منهم ساعه نزلت ازج من حدا  
المطار لحد هنه .

الجرسون : حمد لله ع السلامة .

هريدى : لا سلامه ولا هبابه لسه خطى لجيت يافطه على اولة الحاره .

الجرسون : اوعى تكون اليافته اللى مكتوب عليها فف .

هريدى : هيه . وجفت جول ساعه كمان لما زهقت وطجيت الاخر جلت الف

وادخل الحاره م اليمه الثانيه . لفيت لجيت فى وشى يافطه تالته آل

ايه ممنوع الدخول .

الجرسون : يا عم ادخل ولا يهملك .

هريدى : ايوه ايوه عشان تجولوا الصعايده ما يعرفوش النظام . بس انا بجى

عجلى شاورلى بفكره زين . سهيت الخلع وخشيت الحاره بجفانيا ..

فكرونى خارج ، محدش اتعرض لى .

الجرسون : وانت عايز تروح فين ؟

هريدى : لوكانده المحطه يرحولها منين ؟

الجرسون : ما انت واقف قصاها .

هريدى : عتستحمرنى انت روخر ؟ استجرولى اليافته وجالولى المكتوب

حاجة ثانيه

(موظف الفندق يقترب)

الموظف : ايوه مكتوب اوتيل .. يعنى لوكانده برضه بس بالانجليزى .

هريدى : واه وبالانجليزى ليه ؟ احنا فين هنه فى لفرنسا ؟

الموظف : اتفضل اهلا وسهلا عايز اوضه بسرير ؟

هريدى : لع . مرشد افندى جالى توصل الاكانده ، تربط ع الجهوه اللى فى

ريحها وتستناني (الجرسون) عندكوا مشاريب ايه ؟

الجرسون : اللى انت عايزه . كل الطلبات مكتوبه عندك ايه (يشير ليافته)

هريدى : يافطه تانى ؟ ملعون خاش اليفط كلانها ع اللى كتبوها . ايه غيتكم

فى اليفط دى ؟ اتخرستوا ماعدش فيكو لسان ولا هو السؤال حرم فى

بلدكم؟ (يلزع اللافة ويمزقها) أجرى هات لى واحد شاي صعيدى  
تجبل وكرسى دخان .

الجرسون : طب بس هدى اخلاقك يا عسل (يخرج)  
هريدى : يا بوى دماغى عيطرشج . من ليلة امبارح على لحم بطنى .  
(يخرج طعامه ويهم بالاكل عندما يلح الزبائن ينظرون له بلهم)  
لامواخذة .. بسم الله معاى يا اخوانا .

(فى الحال يهجم ثلاثة على مائدته ويتخاطفون الطعام)  
بالهنا و الشفا . على مهلكم ، الخير كثير ولجمة هنية تكفى فيه ،  
مطرح ما يسرى (يترك لهم الطعام ويخرج بقية الأكل ، بعض  
المارة يتوقفون ويهجمون على الطعام فيترك لهم السله وينتقل لمائدة  
أخرى)

لاحول الله يارب . أكن مصر فيها مجاعه واحنا جاعدين فى كفر  
السعد ولا على بالنا .

الجرسون : (يدخل بصنيه عليها كوب ماء فارغ ويراد ماء مغلى) الشاى .

هريدى : هات (يفرغ محتويات البراد فى فمه مر واحدة)

أباى . دى طعمه ماسخ كده ليه ؟ وكمان جايبه ساجع ؟

الجرسون : (بذهول) انت شربت الميه المغليه . الشاى أهوه بره .

هريدى : واه ؟ انتوا حداكوا بتسفوا الشاى وحديه والميه وراه ؟ ايه ..  
بتاخذوه دوا ؟ الحجنى بكرسى الدخان .

(مجموعه الزبائن تضحك ويتغامزون وهم يأكلون)

زيون ١ : بيقولك واحد بلديتنا برضه نزل مصر ودخل محل عصير قصب  
وشرب كويابه بعد عشر سنين نزل مصر تانى راح للمحل وقال  
للبياع ادبنى واحد كمان .

- هریدی : (يضحك مقهقها)
- زیون ۲ : ولا بلديتنا الثاني اللي بيهشتك ابنه لفرق خبط دماغه في طياره .
- زیون ۳ : ولا بلديتنا اللي حب يعمل مفاجأ لمراته طخها عيار .
- هریدی : (تتلاشى ضحكته وقد فهم وبلغت لهم) اسفخص عليكم يا رجاله  
ورج ومدھونه بويه (الجميع يتفرقون بخوف)
- الجرسون : (يظهر) كرسی الدخان .
- هریدی : مرشد افندی عوج عليا جوی، تبجي حوسة لو مجاش .
- الجرسون : ولا يهيك يا قمرأنا ممكن أحجز لك في اللوكانده
- هریدی : ما بدیش أكاندات .
- الجرسون : أمال بدك ايه ؟
- هریدی : (يهم بالحديث ويلاحظ أن موظف الفندق يلمص) بتتصنت على  
ايه ؟ شوف صالحك (ثم هامساً للجرسون) ما تعرفش طريق  
عوضين ولد الشعانين ؟
- الجرسون : (باستغراب) عوضين ولد الشعانين ؟
- هریدی : هس .. ايوه لو دلتنی عليه تبجي أولى بالحلوان من مرشد افندی .
- الجرسون : يا با انت في مصر. الناس هنا كثيره ومخدش له دعوه بالتانى .
- هریدی : ابای .. كلانكو واجعين في بعض ؟
- الموظف : (مقترباً وهامساً بخطوره) انا عرفت طلبك . تعال ورايا .
- هریدی : (يتلفت بحرص ثم ينهض خلفه ويهمس) وعرفت طلبی كيف ؟
- الموظف : (هامساً) انت مش نفسك في حاجه حلوه ؟
- هریدی : (متنهذا) حاجه حلوه ؟ تجصد ايه ؟
- الموظف : موزه یعنی .
- هریدی : موزه ؟ انتوا بتسموه هنا موزه ؟ احنا اللي حدانا نجول عليه موز.

**الموظف :** ما هو الصنف اللي عندكم ذكر ولا مؤاخذه ، انما الصنف بتاعنا أئذ .

(تظهر امرأة فى باب الوكاندة وتتمشى برقاعة) تحب تجرب ؟

**هرىدى :** دوجنى (ومستدركا) بس الخلع اللي هنه جعانين وعينهم فارغة،  
لوشافوا معايا حاجة حلوه عيبصولى فيها .

**الموظف :** ما تخافش محدش هيشوفك ، انت تخش اللوكانده ، والموزة تطلع  
لك لحد عندك .

**هرىدى :** أحسن بروضك عشان الواحد ياكل براحته . لكن استنى ، انت  
عتدلى موزه واحده ؟

**الموظف :** ايوه .

**هرىدى :** ليه، هى الموزه حداكم شكلها ايه ؟

**الموظف :** حسب مزاجك، فيه الطويله وفيه التخينه .

**هرىدى :** ولو ، انا ما تجصنيش واحده .. انا عايز اشبع .

**الموظف :** اجيب لك اتنين ؟

**هرىدى :** اتنين ايه وتلاته ايه ؟ شايفنى عيان ؟ والله لوجبت لى ميت موزه  
اجوم بيهم كلاتهم .

**الموظف :** ربنا يدريك الصحه . بس خلى بالك .. الواحده بعشره .

**هرىدى :** واه ؟ يعنى الخمسه يجفوا عليا بنص جنيه ؟ لا .. دا انت مغلوانى  
جوى .

**الموظف :** الواحده بعشره جنيه .

**هرىدى :** ليه ؟ هى الموز عندكوا معموله من ايه ؟ مهلبيه .

**الموظف :** تعال شوف بنفسك (بأخذه الى حيث المرأة) بلدياتنا راجل أمير  
وعايزك تريحيه ع الآخر .

**المرأة :** من عينا .

هریدی : أنتی المعلمه ؟ طب ممكن تفرجينى البضاعه بتاعتك الأول ؟

المــــرأة : دا انت جرئ قوى يا أسمك أية .

هریدی : بين البايع والشارى يفتح الله .. والشرط أدوج الأول.

المــــرأة : طب أصبر لما نطلع فوق .. اتفضل .

هریدی : يا ساتر (ويدخل خلفهما من باب اللوكاندة)

( يظهر مرشد )

مرشد : لا فى المحطه ولا وصل هنا .. يكون راح فين بس ؟

( تظهر المرأة خارجه وهى تصرخ ثم هریدی خلفها ممسكاً بعمته )

هریدی : آه يا فاجره يا عديمه الحيا .. اسفخص .

الموظف : طب بس قولى طلبك أية .

هریدی : أجفل خاشمك يا عرة الرجاله ، آه يا فاكهانيه يا ولاد الموزز.

مرشد : هریدی .. أنت هنا وأنا دايخ عليك ؟

هریدی : سيبنى أكسر لهم سوج الخضار دا فوق ضمناغهم

مرشد : (يمسكه) هما اصطادوك ؟ معلى نفسك فى حاجه زى كدا قولى أنا.

هریدی : هتجول أية أنت راخر؟

مرشد : ولا حاجه . المهم . حمد الله ع السلامه .

هریدی : سلامتى مش مهمه ، المهم تظمن جلبى ، لجيت عوضين الدون؟

مرشد : طب أقعد الاول .

هریدی : جعزت (يجلس) بس انا مستعجل جوى وطلجى حامى.

مرشد : يعنى جاى وجاهز بالمطلوب ؟

هریدی : أمال . بعث الجاموسه التلى حداى واشتريت الطبنجه . اهيه

( يخرج من صدره مسدساً كبيراً )

**مرشد :** (متلفناً بخوف) طب داريه ، داريه قوام .  
**هريدى :** ليه ؟ وأحنا بنسرج ؟ دا النار ولا العار يا أستاذ . دى اللحظة دى  
متشوج ليها بجالى سنين ، عشفى غليلي وارفع راس اهلى وأمشى  
فى البلد مفروط .

**مرشد :** أنا قصدى جاهز بالحلاوه بتاعتى ؟  
**هريدى :** جاهز .. ركك توصلنى لعوضين .  
**مرشد :** دا أنا هجيبهولك لحد عندك . أدبته ميعاد ع القهوه هنا وزمانه جاى  
كمان ساعة .

**هريدى :** (بفرحه) مليح ، يعنى أجدر أطخه والحج الجطر اللى معاود الصعيد  
طوالى ؟

**مرشد :** أيوه ، بس أبجنى بقى .  
**هريدى :** (يخرج محفظته) مش خساره فيك .  
**مرشد :** (بطمع) كل دى فلوس ؟ داربها لحسن النشالين هنا أكثر من الدبان .  
**هريدى :** ما تخافش أنا واعر . رابطها بحبل ولافه على رجبتي ، لك تلميت  
جنينه . يعنى ثلاث ورجات من أمات ميه . صح ؟

**مرشد :** (وهو يفرك يديه بسرور) صح .  
**هريدى :** ادى ورجه بعميه (وهو يمزق الورقه الثانيه) وادى نص بخمسين .  
**مرشد :** (بذهول) ايه دا ؟  
**هريدى :** ببجي لك ورجه ونص بعد الشغلانه ما تتجضى .

(من الخارج نسمع صوت كالتناى ثم صوت رزق ونعيمه)  
**ص رزق :** قالك ايه ؟  
**ص نعيمه :** قالك اه .

(يدخل رزق ونعيمه)



رزق : (فى ملابس الحارى يحمل صندوق العابه) قرب . قرب . قرب .  
نعيمه : (تحمل فى يدها رق وتقفز بخطوات راقصه) قرب شوف وانفرج .  
هرىدى : اباى .. موزه تانى؟ واه .. واه .. شوف بتتجصع ازاي .  
مرشد : وانت مالك ؟  
رزق : قالك ايه؟ قالك اه ..  
نعيمه : قالك سحر؟  
رزق : قالك لاه ..  
نعيمه : قالك شغل حواه؟  
رزق : قالك لاه ..  
هرىدى : خبر ايه .. امال يطلع ايه ؟  
نعيمه : قالك خفه يد. احسن م السرقة ومد اليد . قالك فن .. قرب قرب شوف الفن، بص يا حضره ، بصوا يا بهوات ، فنان السيرك العالمى رزق فى العابه المثيره المدهشه .  
(رزق يضع سله على مائده وينفخ فى الناي فيخرج منه ثعبانا يتلوى بينما نعيمه تتلوى راقصه ضاربه بالرق ثم تتناول الحنش وتلفه على رقبتها)  
هرىدى : (بخوف) الحج الحنش عيعضها .  
مرشد : ما تخافش . دا مخلعين سئانه .  
رزق : جلا جلا . بعون الله يفقس الكتكوت ويخرج من البيضه .  
نعيمه : ويتشجيع حضراتكم يرجع الكتكوت<sup>١</sup> جوه البيضه ويقفل . مين قال اه  
هرىدى : واه كيف؟ ودا كلام يخش العجل ؟  
رزق : بص شوف ادى البيضه .  
نعيمه : وادى اللى شواها .

رزق : بص يا حاضرة ، وفتح عيذك .  
 نعيمة : عيذك فتح .. تاكل ملبن .  
 رزق : واللى ما يفتحش .  
 نعيمة : (ناظره لهريدى) ياكل على قفاه .  
 هريدى : (متوجسا لمرشد) تجصد مين الموزه دى ؟  
 مرشد : مش انت يالختى .  
 رزق : (يفرد يده فى الهواء فتختفى البيضة) جلا جلا . هوب راحت فين  
 البيضة ؟  
 نعيمة : اقواك ولا تزعلش ؟  
 هريدى : (يلتفت للزبائن الضاحكين ثم لمرشد) بيضحكوا على ايه دولم ؟  
 نعيمة : لازم حد م اللى قاعدين علقها .. واللى خدتها يطلعها احسن له .  
 رزق : ما تخرجهمش يا نعيمه .  
 نعيمه : سيبنى بابا اطلعها (تتفرس فى الزبائن ، هريدى ينكمش متواريا)  
 انت ما فيش غيرك ، طلع البيضة .  
 هريدى : عليا النعمه ما خدت حاجه . انا مش حرامى .  
 نعيمة : يبقى افتشك (تمد يدها نحوه)  
 هريدى : نزلنى يدك لحسن اجطعها لك .  
 مرشد : دى لعبه يا هريدى ، اقع ما تضحكش الناس عليك .  
 هريدى : طب فتشى كيفك (تمد اصابعها فيضحك رغما عنه) حاسبى  
 بتغيرينى .  
 نعيمة : طب اقلع بقى بالذوق ؟  
 هريدى : اجلع ايه ؟  
 نعيمة : عمك .

- هریدی : فاکره تحت العمه شیخ ؟ وادی العمه (یخلعها)
- نعیمه : ما فیش حاجه معاه یاعم رزق . الراجل نضیف .
- رزق : طب اوعی انتی (یتظاهر بتفنیش هریدی وینشل محفظته ویسلمها لنعیمه ثم یخرج البیضه من قم هریدی) جلا جلا . هوب .
- هریدی : (بدهشه) طب ویمین الله مانا اللى خدتها یا حضرات .
- نعیمه : (وهی تدس المحفظه لهریدی) خلاص ادینا رجعناها .
- (ثم قاصده رزق بالحديث) بس ما تعملش کده تانى .
- رزق : اصلک وش فقر .
- نعیمه : احنا مش قولنا بطلناها یابا .
- رزق : مره تفوت ولا حد يموت یا نعیمه (ثم بصوت عال) ادی البیضه نحطها تحت البرنیطه ونقول جلا جلا تفقس البیضه ویطلع منها الکتکوت .
- ( یرفع القبعه ) الله راح فین الکتکوت ؟
- هریدی : (بدهشه وهو یخبط کفا بکف) ایوصح راح فین الکتکوت ؟
- نعیمه : اقولک ولا تزعلش ؟
- هریدی : (لمرشد) وازعل لیه ؟
- مرشد : (یهمس فی اذنه)
- هرید : (لمرشد بغضب) عتجول ایه یا جلیل الحیا ؟
- مرشد : وانا مالی ؟
- رزق : هو برضه ما فیش غیره یا نعیمه .
- نعیمه : بلاش یابا رزق . الراجل غلبان .
- هریدی : لا بجی . وادی جیوی . وادی حکی اهو . وادی العمه اهو .
- نعیمه : لا مش هنا باللیم . قوم اف (هریدی ینهض نعیمه تخرج الکتکوت

من تحته ) فقسّك يا حدق . تسقيفه لعم رزق ( ثم تدور بالرق ) الى  
يقدر فن عم رزق يشجعه ( ثم لهريدى ) شخشيخ جييك يا بلديات .

هريدى : بلديات ؟ اخرسى . تفى من خاشمك يا مره .

نعيمه : يوه ، خوفتنى ( تبصق فى صدرها )

رزق : تستاهلى . جالك كلامى ؟ سيينى البسه العمه بقى .

هريدى : لا انا الى البس العمه لروخى ( يرتدى العمه )

نعيمه : عداك العيب ، الحق عليا انا ولا تزعل .

( تتظاهر بانها تربت عليه وتنشل منه المحفظه )

هريدى : ابعدى يدك واجرى شوفى صالحك ( يدفعها )

نعيمه : انت بتزقنى ؟ الحق هات لى البوليس يابا ( وتناول المحفظه لرزق )

رزق : الحقنا يا شايش الحقنا يا بوليس ..

هريدى : بتخوفونى بالبليص بتاعكم ؟ طب سيينى عليهم يا مرشد افندى .

مرشد : خلاص .. الطيب احسن ( يتدخل بينهم ) روحوا انتو لحالكم .

نعيمه : معاش .. بكره تدور عليها وتعرف راحت فين يا جميل .

( تخرج نعيمه مع رزق )

هريدى : ( بغیظ ) ثانى بتجولها لى ؟ سيينى عليهم يا مرشد افندى .

مرشد : انت مجنون تتخانىق ؟ يبقى كويس لما البوليس يمسكك وعوضين

بطير من ايدك ؟

هريدى : عندك حج . بالمناسبه عوضين لما اديته الميعاد ما شكش فى

حاجه ؟

مرشد : لا اطمن .. ذا ما آمن لى ع الاخر .

هريدى : ( بدهشه وعدم ارتياح ) ما آمن لك ع الاخر .

مرشد : طبعا .

- هریدی :** (مصدوما) وعتخونه یا دون ؟ اسفخص عليك ناجص .
- مرشد :** الله .. مش دا اللي انت عایزه ؟
- هریدی :** لاه .. انا اجتل معلش ، لكن ما اخونش العیش والملح .
- مرشد :** خلاص بلاش الشغلانه دی بالمره (ینهض)
- هریدی :** (یدفعه) جعمر ، انت یا متعلم تعمل العمله الشین دی ؟ صح ساعات العلام یفسد المفهومیه وعمال احترمک واجولک یا استاذ.
- مرشد :** الله دا انا بتهزأ بقی (ینهض) طب مش لاعب .
- هریدی :** (بلهجه تهدید) جعمر .
- مرشد :** (وهو یجلس وبعتاب) ما انت بتجرح احساسی بکلامک .
- هریدی :** وانت عندک حس ولا دم عشان یجرح ؟
- مرشد :** لا ، انت کده هتخلینی ازعل ملک .
- هریدی :** تزعل ولا تطیح وتتحرج بجان ، بینی وبینک شغلانه فی الضلمه تجضیها وکل حی یروح لحاله . جولی عوضین الدون دا شکله ایہ ؟
- مرشد :** الله .. هو انت ما تعرفش شکله ؟
- هریدی :** وانا لو کنت خابر شکله ، کنت اتحوجت لندل زیک ؟
- مرشد :** الله یحفظک ، ع العموم شکله ما یسرش .. وشه زی فردہ البرطوشه (ویتامل هریدی) ومناخیره مبرطشه ، وعینیہ مدخمسه زی عینین القروء ، وودانه قد ودان الحمار .
- هریدی :** (بشک وتحفز) انت عتوصفنی انا ولا هوہ ؟
- مرشد :** (بخوف) لاسمح الله .. ایش جاب لجاب .. دا انت قمر .
- هریدی :** کمل وایه کمان ؟
- مرشد :** ومدب وعلیه الفاظ غریبه ولهجه ما تفهمهاش .

هریدی : مالها ملافظه ؟ لغوته هی لغوتی برضك .حسك عینك تتمقنت  
علینا یا فندی . ابای علی لغوتكم انتوا یا مصاروه .. یاللی لسانكم  
عوج وكلامكوا مخلط . ایشی شامی علی ترکی علفرنجی  
طیب خلاص حقك علیا .

هریدی : (وهو یعبث بشاریه) طب وشنباته .. اوصف لی شنباته .  
مرشد : لا دا مالوش شنب بالمره .

هریدی : واه ؟ لجل ما یخفی حلج کیف الناسارین ؟ ویشغل ایه ؟  
مرشد : مساح جزم .

هریدی : واه ؟ یبجی راجل ویطاطی علی نعال الناس ؟ لیه ؟ مافیهش دراعات  
تزرع ولا تجلع ؟ ما فیهش ایدین تصنع واكتاف تشیل ؟ كان  
اشرف له یسرج ولا یجطع طریح . یا بوی مساح نعال .. ؟ دا لو  
حد فی الجبابره عملها ، كنا اتبرینا منه لیوم الجیامه .

مرشد : لكن قولى .. علی كده هو راخر ما یعرفش شكاك ؟

هریدی : آیوه ، لكن اول ما یشوفنی عیص وجلبه عیدله .

مرشد : وایه اللی یخلیه یشوفك وانت بتقتله ؟

هریدی : عایزنی أجتله بالغدر فی ضهره ؟ یا شین ما جلت . لازما اواجهه .

مرشد : انت حر .. أنا عملت اللی علیا . أه دا مافضلش غیر نص ساعة

ویوصل . طیب یا هریدی (ینهض) «جود لك» ومبروك مقدا .

هریدی : لاه ، انت تجعمر هه لحد ما یطب برجلیه ، وانا اللی عتداری  
واترصد له من عدد الكن اللی هناك .

مرشد : (بقلق) وبعدین ؟

هریدی : ولا جبلین . اللی عیجعد ریحك اعرف انه هو .. اظهر واطخه .

مرشد : هتطخه ازای بالصبط ؟

هریدی : مالکش صالح (بنهض)

مرشد : مالیش صالح ازای ؟ مانا هبقی قاعد جنبه .قولى انت بتعرف تنشن کویس ؟

هریدی : ما تبشش للسحابة البیضا اللى على عینی . دى سحابه وعثعدى ، وعموماً لو ما صابوش الطلج الاولانى یصیبه الثانى .

مرشد : ( وهو یلطم ) ما هو الخوف من الطلج الاولانى دا . انا عندى عیال .

هریدی : کل حى بیاخذ نصیبه . ما تعطلش دولجت . بدى اخطف رجلی الأول لحد الجامع ..أصلی رکعتین لله .

(هریدی یخرج)

مرشد : طب ما تغیش علیا , مش هلاقى موضوع اکلمه فیه :

ص عوضین (من الخارج) مش تحاسب یا أخینا .

ص هریدی : معش لا مؤاخذه .. العتب ع النظر .

ص عوضین : ولا یهمك ، طریق السلامة یا خوی .

مرشد : (بدشه وقلق) یا نهار اسود دا صوت عوضین .

(عوضین یدخل)

عوضین : ( ویبده صندوق المسح ) بوهیا . ورنیش المع .

مرشد : ( یقفز واقفا بارتباك ) عوضین ؟ ایه اللى جابك دلوقت ؟

عوضین : واه .. طب رد السلام الأول یا جدع . واحشنى یا مرشد أفندی ..

فینک ما شفتکش من أمبارح . بالحضن یا راجل .. کیفک ؟

شجوالک ؟ انت بخیر ؟ اطمن .. انا بخیر الحمد لله .. تعیش ، الله

یخایک . عتک کثیر سایینی واجف وانت فاشخ بک ؟ مالک ؟

اتأخدت کده لیہ ؟

**مرشد :** لا .. بس اصلك بدرت شويه عن ميعادك ، اتفضل .

**عوضين :** وماله ؟ كل تبكيه وفيها خيره .. ازيك يا مرشد افندى سلامات كده . شحوالك واحشنى والله .. انت بخير ؟

**مرشد :** قولى الاول انت كنت بتكلم حد وانت جاي ؟

**عوضين :** ايوه ؟ راجل ماشى فى السكه يضبط خبط فيا . الظاهر اول مره يتدلى مصر .. مستجد يعنى .

**مرشد :** (لنفسه) يبقى هو .

**عوضين :** فكرنى بروحى انا روخر لما اتدليت مصر زمان . يا بوى كان منظرى يصعب ع الكافر . عشت سذتين اتلفت وراى .

**مرشد :** ليه ؟

**عوضين :** مانى اصل دخلت مصر من غير باسبورت ، فین وقین لما وجعت على ابن الحلال اللی طلع لی التأشيره ، كانت دروخه ، هاها . واحشنى يا مرشد افندى شحوالك ؟ هيه كنت عايزنى فى ايه بجى ؟

**مرشد :** لا .. مش انا اللی عايزك .

**عوضين :** امال مين ؟

**مرشد :** (مستدركا) قصدى يعنى ، مش تاخذ نفسك الاول .

**عوضين :** (ضاحكا) تعيش .. واخذ بدل النفس نفسين و متسلطن اربعه - وعشرين جبراط وحته . عايزنى فى ايه بجى ؟

**مرشد :** هتعرف دلوقتى (يتلفت للناصيه) بقول ايه .. ما تيجى تقعد مكانى احسن

**عوضين :** اشمعنى ؟ هو الكرسي بتاعك معمر ؟ هاها ؟ .

**مرشد :** عشان .. عشان ترتاح يعنى .

**عوضين :** مانى مرتاح . حاضر ماشى كلامك (ينهض و يغير المقعد)



- مرشد :** (متنهذا و هو يسحب كرسية بعيدا) اهو كذا ترتاح و انا ارتاح .
- عوضين :** (وهو يقترب بكرسيه منه) برضك ما جوتلش عايزنى فى ايه ؟
- مرشد :** (مبتعدا بكرسيه) مش عارف اقولك ايه يا عوضين ؟
- عوضين :** (يضحك فجاء مقهقهها)
- مرشد :** (باستغراب) ايه اللى بيضحكك يا عوضين ؟
- (للفسه) لا حول الله يارب دى حلاوه الروح .
- عوضين :** اجولك الحج ، منظر الجدع اللى خبط فيها فكرنى بنكته ، بيجولك واحد بيسال الثانى انت صعيدى يا خال ؟ جاله ايوه لكن بتعالج .
- ولا النكته اللى بتجولك .....
- مرشد :** (مقاطعا بدهشه) انت ما بتزعلىش م النكت دى ؟
- عوضين :** فيك من يكتم السر ؟ انا اللى مألّفها . معلوم . زمان لما كنت مستجد وغشيم كان دمي يقور ، دلوك الواحد جسمه نحس ، بجيت «اسبور»
- يعنى .. هيه عايزنى فى ايه بجى ؟
- مرشد :** طب اشرب حاجه الاول .. يا جرسون .
- الجرسون :** (يظهر) ايوه جاى .
- مرشد :** هيه .. نفسك فى ايه يا عوضين ؟ اطلب كل اللى نفسك فيه .
- عوضين :** كل اللى نفسى فيه ؟ ييجى واحد شاي ثجيل وكرسى دخان .
- الجرسون :** وعندك شاي ثقيل وكرسى دخان بفاع الطلاينه .
- عوضين :** انكلم بجى ياسى مرشد لحسن متأخذنيش انا مستعجل جبّتين .
- مرشد :** لا ما تستعجلش . دا حتى فى العجله الندامه .
- عوضين :** ورايا شغلانات ياما ما تتأجلشى لبركه .
- مرشد :** ياسيدى كله بيتأجل .
- عوضين :** لا . اصل الدنيا ابتدت تضحك لى . لجبت شغلانه زين وعترت على مطرح اسكن فيه ، جلت ما بدهاش يا عوضين ، تستجربجى وتخش
- دنيا .. اه حاكم كل شى باوآن .

**مرشد :** وانت معاك فلوس تاخذ مطرح و تتجوز كمان ؟  
**عوضين :** مانا بجالى سنين بحوش الجرش على الجرش . والليله رايح ادفع  
حج مطرح ، مش بجولك مستعجل .. طب دا انا ما كنتش جاي لك  
الليله اى والله .

**مرشد :** وبعدين ؟  
**عوضين :** ما نفهمش شئ كده الهمنى ، جالى يا واد يا عوضين فورت على سى  
مرشد الاول يمكن محتاجك فى حاجه مهمه .  
**مرشد :** عملت طيب .

**عوضين :** طيب ، عايزنى فى ايه بجى ؟ اتكلم لحسن انت وغوشتنى .  
**مرشد :** (مرتبكاً) من ايه كفى الله الشر ؟

**عوضين :** شايفك ملخبط وحزين ، زى اللى مجتول له جتيل .  
**مرشد :** انا ؟ لا بس اصلى مزنوق زنفه وحشه (يثلثت حوله)  
**عوضين :** مزنوج ؟ طب ما تجوم نفك زنجك يا راجل . عتجدع بيها ؟  
**مرشد :** ما هو محدش هيفك زنفتى غيرك .

**عوضين :** لا فهمانى دى .  
**مرشد :** بصراحه يا عوضين انا اتزنقت فى قرشين ، فكرت فيك .

**عوضين :** برجبتى يا مرشد افندى رجبتى سداده .  
**مرشد :** ايش عرفك ؟ ع العموم دا سلف ودين .  
**عوضين :** بلا كتر كلام وجاعد مكسوف عشان كده ؟ يلزمك كام ؟  
**مرشد :** هات كل اللى فى جيبيك .

**عوضين :** واه ؟ حتة واحده ؟  
**مرشد :** اظمن هردهملك بكره . انا خدت عربون على شغلانه كده ولو  
خلصت الليله هقبض بقيه اتعابى واخلصك .

**عوضين :** ربنا يسهلها فى وشك (يفتح صندوق المسح) امسك ادى تحويشتى  
كلها خمسميت جنيه بالتام .

**مرشد :** طب الساعه اللى فى ايدك متهيلالى مش هتلازمك .

**عوضين :** ما تغلاش عليك .. خد .

**مرشد :** روح يا شيخ ، الهى .. الهى يجعلك من اهل الجنة .

**عوضين :** الله يخليك (ينهض) بالاذن انا بجى .

**مرشد :** (ناهضنا بقلق) الله على فين ؟

**عوضين :** اخطف رجلى لحد الجامع اصلى العشا ، واسيبك تجضى شغلانك .

**مرشد :** لا .. فى عرضك ، دى ما تتقاضاش من غيرك .

**عوضين :** من غيرى انا ؟ كيف ؟

**مرشد :** اصلى بتقائل بيك .. لوقعدت جنبى ، الخير هيجى على وشك .

**الجرسون :** تعيش ، طب أجعد معاك عشر دجايج بالعدد.

**مرشد :** وانا مش عايز غيرهم .

**الجرسون :** (يظهر) الشاى

(ثم لمرشد ) لا مؤاخذه حساب اخينا اللى كان قاعد معاك . بيبقى

عندك ؟

**مرشد :** (مرتبكا) هه ؟ آه خلاص روح (لعوضين) اشرب يا عوضين .

**الجرسون :** (متوقفا) عوضين ؟ تكونش انت عوضين .. اللهم صل ع اللبى ..

عوضين ايه .. ؟ ايوه بتاع الشعانين .

**عوضين :** (بذهول) وعرفت كيف ؟

**الجرسون :** ماهو بلا قافيه كان فيه واحد بلدياتك بيسألنى عليك

(لمرشد) اللى كان قاعد معاك .

**مرشد :** (يرتعش) انا ؟ محصلش .

**الجرسون :** انا بابين لبخت ولا ايه ؟ ( ينصرف ) ايوه جاى .  
**عوضين :** ( بشك ) مال وشك أصفر كده ليه يا عكر ؟  
**مرشد :** أبدا .. دا يمكن حد من معارفك هنا و..  
**عوضين :** ( مقاطعا ) محدش هنهه يعرف أنى م الشعانين غيرك . عتخونى يا  
 مرشد أفندى ؟ ( ويلهض بتحفز ) بعلى بالجرشئات يا خسيس ؟  
**مرشد :** ( مرتجفا بخوف ) أقعد بس وانا افهمك .  
**عوضين :** ( متلفتنا ) اجعد عشان تمكن عدوى ملنى وتجبض ثمن رجبتي ؟  
 اجبض ملنى الاول ( يضربه على رأسه بصندوق المسح ثم يهرب )  
**الجرسون :** لا حول الله . ايه الحكايه ؟  
**مرشد :** ودتنى فى داهية الله يخرب بيتك .  
**زبون :** ( يظهر من داخل المقهى ) استنى لحط لك شويه بن يكبس لك الجرح .  
**مرشد :** تشكر ، سبنى انت وانتكل على الله .  
**الزبون :** مش هسيبك غير لما أطمئن عليك .  
**( يظهر هريدى عند الناصيه )**  
**هريدى :** ( يخرج مسدسه ) عوضين الدون .. يا فرحة جلبك يا أمائى . الليله  
 ليله عرس ابنتك هريدى ( يتقدم خطوة ) وجف عندك يا عوضين .  
**مرشد :** ( صارخا وهو ينبطح أرضا ) لا دا مش عوضين .  
**هريدى :** خد يا جعر ( يطلق رصاصة لكنها تصيب زجاج المقهى وتهشمه ،  
 البعض بجرى ، الزبون يسقط مغشى عليه )  
**هريدى :** امال عوضين فين ؟  
**مرشد :** عرف م الجرسون أنك سألت عليه راح ضاربنى وهرب .  
**هريدى :** ( بفزع ) هرب ؟ واعاود البلد كيف ؟ دا أنا حالف ما يبجاش دا على  
 راجل الا ما اعاود البلد وأنا واخد بتارى منه . دبرنى يا مرشد  
 أفندى .

- مرشد :** الموضوع بقى صعب وهحتاج مصاريف .
- هرىدى :** خذ اللى أنت عايزه (يبحث عن محفظته) المحفظة كانت مربوطة هنهه . اتسرجت يا هرىدى .
- مرشد :** وتقولى وأعر ؟
- هرىدى :** عرفته لا زما هو الشخص اللى بيلعب بالبيضة والحجر . سهانى هو وينته وسرجونى .. بس انا مش فايتهم .. اجتل عوضين الاول وبعدين اتنى بيهم واخلص حسابى معايم .
- الجرسون :** خلصنى انا وادىنى حسابى الاول . وحق القزاز اللى كسرتة .
- هرىدى :** سلفنى جرشين يا مرشد افتدى .
- مرشد :** مدين يا حبيبى ؟ دا بدل ما تدفع لى بقية عمولتى ؟ عن اذنك انا مش فاضى لك .
- (مرشد يخرج)
- هرىدى :** أنت روخر ؟ طب ورأس جدى عبد الجبار الكبير لا كون مثلت بيك .
- الجرسون :** انت متدفع ولا اجيب لك البوليس ؟
- هرىدى :** لا .. بلاش البليص أعمل معروف . ورايا شغلانه لازما اجضيها الاول خذ خلجاتى بيعها وامسك حباك (يخلع جلبابه)
- الجرسون :** ماتساويش نكله .. والحساب ثلاثه جنيه .. ياشاويش .
- (يظهر عسكري ويدخل ببطء)
- هرىدى :** اكرينى بيهم ، اغسل لك الكويات .. أمسح لك الجهوه .
- الجرسون :** هى تلاقيح جنت ؟ يا شاويش .
- هرىدى :** طب ادينى ساعة زمن الم لك حباك الطاج طاجيين .
- الجرسون :** أزاى بقى ؟

هريدى : ( يحمل صندوق المسح ويتجهه للزيائن) ورنيش المع ..تمسح يا بيه .  
الشباب : (برقاعه) انت يا .. ياراجل أنت. قرب، وطى .. تعرف تمسحها  
لى ؟

اظلام

## المشهد الثانى

السراوى : ( ومعه الجوقه أمام الستار )

هرىدى اتشرد وبات ع الارصفه ، ما خلا فى القاهرة حتة . مشيها  
من فوقها لتحتيها . م الباب الحديد كان المبتدا .. ومنها لشبرا  
وارتحل لا مبابة ورجع يطوف السيده والقلعة ، وفى كل خطوه  
يخلق فى وجوه الخلق وأمله يلقى غريمه قدامه فى لحظه .

ولاجل ما يقدر على المعاش ، رضى بالشغله الحقيره ..مماح جزم  
أشتغل . بياع سريح وينا وفاعل .. وحتى كومبارس فى السيمما .  
وفى كل مرة يشوف العجب ويتعجب ، وبعد ما يفهم السبب ويزول  
العجب يخرج بجرح وألم ، واسم عدو جديد ينضاف للسته العار  
والالم .

( يتزامن هذا مع صور لهرىدى وهو يتقلب بين المهن )

( تفتح الستار )

( يظهر هريدى فى مهنته الأخيرة كبائع جوال وقد ارتدى بنطلوناً  
تحت الجلاباب الذى شمره حتى وسطه )

هریدی : انا ان شکیت ربع مابی للحدید لیدوب .

الأوله غریتی ، و الثانية ذا المکتوب .

و الثالثة کنت أنا غالب .. صرت أنا مغلوب .

وکام یا دهر تنقلب علیا قلوب .

زعتت من عزم ما بی وقلت یا ایوب .

کاس الہنا کل ما اديره یجی بالمجلوب .

انا أن شکیت ربع مابی للحدید لیدوب .

( شخص یمر ویشتري من هریدی ثم یدخل مرشد )

هریدی : مرشد أفندی .. طمنی فیہ أخبار عن الدون عوضین ؟

مرشد : طبعاً ، بس أبجنى الأول ( یخطف منه النقود ) ایدک ع اللى کسبته  
النهارده

هریدی : هتاخده کلاته برضک ؟

مرشد : انت فاکر الحکایه بالساهل . دا انا مشغل معايا خمس مخبرين بیعسوا علیه .

هریدی : ابای .. خمس مخبرین ؟ اکن الحکومه ذات نفسیها معانا .

مرشد : طبعاً ، وانت لسه علیک کثیر ولا مش عایز تاخذ بتارک ؟

هریدی : عایز ، بس عشان اخذ بتاری لازما اتنى عایش . قوت لى حاجه

انتقوت بیها ، ان شاء لله حج رغیف ناشف وفحل بصل .

مرشد : خلینى أنا بس اصرف علیک ( یلقى له بقطعه نقد ) خد مثلن أهو ..

حار وثار

هریدی : ( یدحلی لیاخذه ) امرى لله ..

مرشد : أمرك لله ؟ یعنى ایه ؟ بستقطعک ؟ بستغلك ؟ بلاش خالص .

هریدی : لا موافج وراضی ، کتر الف خیرک ( یقبل کتفه ) وامسک الشلن أهو

مش عایزه ، بس جولى عرفت مکان عوضین ؟



مرشد : لا .. بس عرفت حاجه أخطر .

هریدی : ( باهتمام ) ايه ؟

مرشد : ( هامسا ) عوضين هو راخر بيدور عليك .

هریدی : ( بخيبه أمل ) بس كده ؟

مرشد : انت مستهون ؟ دا ناس ادوله اوصافك . يعنى ناوى يتغدى بيك قبل

ما تتعشى بيه .

هریدی : ييجى بركه انى اتكرت عشان ما يعرفنيش .

مرشد : وانت اتكرت ؟

هریدی : أيوه . مش شايفنى لست المنطلون . دا انا فاضل لى برنيطه وابجى خواجه .

مرشد : ويستحسن كمان تغير أسمك . أسميك ايه .. اسميك ايه ؟

هریدی : أبو زيد .

مرشد : أشمعى ؟ هتعملى فيها ابو زيد زمانك يا خى ؟

هریدی : عنترج ؟ ( مشيرا لشاربه ) ما ييجاش دا على راجل ان ما فجت ابو

زيد نفسه . بالحج فكرتنى .. طلع ورجه وجلم واكتب اللى عجواك

عليه .

مرشد : ( وهو يخرج ورقه وقلم ) ايه عايزنى اكتب لك جواب ؟

هریدی : لا .. عايز اكتب لسته اجيد فيها اسامى الناس الدون اللى جابلتهم

من ساعه ما تدليت وغلطوا فى حجى .

مرشد : وبعدين ؟

هریدی : ولا جبليين أول ما أخلص على عوضين , اندار عليهم واحد ورا

التانى .

اكتب عندك نمره واحد .. عوضين . نمره تنتين .. الراجل بتاع

البيضة والحجر اللى سرجنى .

- مرشد : ونمرة ثلاثة .
- هریدی : اكتب جدامه اللى فى بالى .
- مرشد : اشمعنى دا مش عايز تقولى عليه .
- هریدی : كفايه انا عارفه .
- مرشد : ماشى . نمرة اربعة .
- هریدی : جبد عندك ١٤٣٢٧ ملاكى القاهرة .
- مرشد : دى نمرة عربيه .
- هریدی : ايوه صاحبها طرطش عليا وسخ وجرى ما حصلتوش .
- مرشد : خلاص ؟
- هریدی : لسه نمرة خمسه, الراجل اللى شار بأن كل حاجه تنكتب فى يفت .
- عشان اللى ما يعرفش يفك الخط زى , ييجى مسخه .
- مرشد : بس دى اللسته كده كتير قوى .
- هریدی : ولد الجابره ما يفتوش تارهم واصل .
- مرشد : طيب يا عم أسيبك دلوقت . بس فتح عيدك وخلي بالك كويس ,
- لحسن عوضين يكون مترصد لك .
- (يخرج و يظهر رجل بملابس صعيديه)
- (هریدی ينظر له بشك يتحرك ويديره من ظهره ناحيته )
- هریدی : انت اسمك ايه ؟
- الرجل : محمدین ؟
- هریدی : طب فوت .
- الرجل ١ : بتسال ليه ؟
- هریدی : مالکش صالح ( يوقف رجلا آخر ) اسمك ايه ؟
- الرجل : حسنين .

هريدى : انت مع محمدين ؟

الرجل ٢ : ايوه بتسأل ليه ؟

هريدى : مالكش صالح . فوت .

( يظهر رجل ثالث ويلتفت خلفه للناصية )

الرجل ٣ : يا عوضين ..

صوت : ( من الخارج ) ايوه .

الرجل ٣ : مد شويه أتاخرنا .

هريدى : ( يتحفز ويشهر مسدسه )

( يدخل صبى صغير )

الصبى : ماناجاى اهو يا ابا ( ويفزع ) الحقنى يا با ..

هريدى : لا مؤاخذا مش تجول انه عوضين تانى .

( من الخارج نسمع صوت رزق ونعيمة ثم يظهران )

ص رزق : قالك ايه .. قالك اه ..

ص نعيمة : قالك سحر ؟

رزق : قالك لا ..

نعيمة : قالك شغل حواه ؟

رزق : قالك لا .

هريدى : ( مكمل ) جالك خفة يد .. سرجه ونشل .

وجعت فى يدى يا حرامى يا نورى ( يمسك بخناق رزق )

رزق : الله .. ايه دا ؟

نعيمة : دا الراجل اللى استكردناه وعلقتنا محفظته يا ابا .

هريدى : وبتجولها بعظمة لسانك يا بجحه ؟

نعيمة : انت بتتشطر عليه اكمنه عجوز ؟ لوراجل تقرب لى انا ..

هريدى : أبأى.. لولا أنك حرمة .

نعيممة : طب قرب لى وشوف الحرمة حتعمل فيك ايه ( تأخذ وضع استعداد الكارتيه )

رزق : خايف منها يا جبان ؟

هريدى : طب مش فايتك النهارده ( يترك رزق ويمسكها )

نعيممة : ( صارخه ) بتتشطر على حرمة يا ندل ؟ شيل ايدك يا قليل الحيا .

رزق : الحقونا يا ناس الراجل بيعاكس بنتى .

نعيممة : ( تمزق جلبابها ) يالهورى قطع لى جلابيتى .

هريدى : أبأى .. شغل التلات ورجات

( للمارة الذين تجمعوا ) والله ما كلمتها , دى هى اللى خدت فلوسى

رزق : عايز يخطفها . هاتولنا البوليس يا ناس .

هريدى : لا بلاش البوليس نتفاهم أحسن . رجعولى فلوسى ( المارة ينصرفون تباعا )

نعيممة : فلوسك كلنا وشربنا بيها وهضمنا كمان .

هريدى : مش شغلى حجى يرجعلى .

نعيممة : بقولك هضمناها .. يعنى الشكاليطه ساحت ، راحت مطرح ما راحت ، نجيبها لك منين بقى ؟

رزق : انت يرضيك الحريم بتوعك يناموا ع الرصيف واللى رايح واللى جاى يبص عليهم ؟

هريدى : لع ما يرضنيش .

رزق : اهو انا استغفرت ربنا وعالقت محفظتك علشان ادفع خلو مطرح ياؤينا ويسترنا

هريدى : يعلى سكتنوا بفلوسى وسبتونى أنام ع الرصيف ؟

نعيمه : انت راجل لكن انا واحده بنت . انت ما عندكش شهامه ؟  
 هريدى : عندي .. لكنى الشجه دى تعتبر بناءتى .  
 نعيمه : خلاص بابا نسكنه معانا , ان شا لله يبات فى حوش الفيلا .  
 هريدى : انتوا ساكنين فى فيلا ؟  
 نعيمه : ايوه فى الامام الشافعى .. حنة طريه انما ايه .. ترد الروح .  
 رزق : يسكن معانا ازاي , احنا نعرفه ؟ مش يمكن حرامى ويسرقنا ؟  
 ( هريدى يحاول ضربه .. رزق ونعيمه يجريان امامه )

اقلام

## المشهد الثالث

المنظر : اسفل كوبرى

( تظهر نعيمه ورزق ومعهما هريدى )

رزق : قالك آيه ؟ قالك آه ..

نعيمه : قالك سحر ؟

هريدى : جالك لاه

نعيمه : قالك شغل حواه ؟

هريدى : جالك لاه .

رزق : أمال آيه ؟

هريدى : جالك جوة زند وكثرة عزم وجلب حديد .

نعيمه : قرب . قرب . قرب يا جدع ، شوفوا الشجيع .

هريدى : شمشون الجبار اللى هد المعبد .

نعيمه : الراجل الحديد اللى يفل الحديد .. يزلط المسامسير ويقرقش القزاز

ويلحس النار .

رزق : قالك آيه ؟ قالك آه .

**هریدی :** جالك العلم فى المدارس ؟ جالك لاه . جالك الثآفه فى الكتب ؟  
جالك لاه . جالك آمال المفهوميه تيجى منين ؟ جالك م المروه و  
الجدعنه . جالك ودى تلاجيهها فين ؟ .. جالك فى الف و  
البرمجه ، واللى يعيش يا ما يشوف واللى يشوف ولا يفهمش ييجى  
كروديا .

**رزق :** واللى يتفرج ولا يدفعش يبقى ايحه .

**هریدی :** عايز عشر جدعان يربطونى بالحديد .

**نعيمه :** عشر جدعان يربطوه بالحديد .

**هریدی :** اربط جامد .. بكل جوتك .

**نعيمه :** ودلوقتى البطل شمشون هيفك ربطته ويخرج من حبسه بعون الله  
ويتشجيع حضراتكم .

**هریدی :** اللى يحب النبى يسجف . زيد اللبى صلا .. وكمان تسجيفه لجل  
النبى .

**نعيمه :** قرب .. قرب شوف البطل الجبار .. بعزيمته يقهر الحديد والنار .  
يا جوى .. يا جبار .. يا ستار .

**رزق :** الحقى يا بنت يا نعيمه العسكرية جاى علينا ، اهربى قوام .

**نعيمه :** والجدع نسييه وحده ؟

**رزق :** فوتى هو يخلص نفسه .

( يجذبها من يدها ويجرى )

**هریدی :** آيه يعنى العسكرية ؟ انا ما خفش غير م اللى خالجنى .

**الشرطى :** ( يقترب ) لأم الناس حواليك وعامل تجمهر ليه ؟ ماتعرفش ان دا  
ممنوع ؟

**هریدی :** أكل العيش يا شاويش .

الشرطى : معاك تحقيق شخصيه ؟  
 هريدى : البطاجة انسرحت .  
 الشرطى : دا انت اللى باين عليك سوابق .  
 هريدى : عيب .. انا بتشغل بعرج جيبنى .  
 الشرطى : انت هتعلمنى العيب دا انت قرد ورابطينك بسلسله . فوت قدامى  
 ( يدفعه )  
 هريدى : أنت بتزجنى اكمنى متكفف ويدى مشلوله ؟  
 الشرطى : انت اللى اتككفت بمزاجك يا فالج . فوت قدامى يا ميمون .  
 هريدى : ما تجولش ميمون ، انا مش حوان . انا راجل وشنباتى فى وشى  
 اهيه .  
 الشرطى : وكمان بتتحدى الحكومه ؟ والله ما انا سايبك .  
 ( يظهر مرشد )  
 مرشد : الله .. فيه ايه يا حضرة الصول معلش سماح اللويه وانا ضامنه .  
 الشرطى : لايمكن ابدا .  
 مرشد : حقك عليا انا .. معلش ، دا اصله صعيدى .  
 هريدى : ما تشتمش انت روخر انا بجولك اهو .  
 مرشد : وهى دى شتيمة ؟  
 هريدى : احنا اجدع ناس لكن متجولهاش فى وشى، عشان انت جاصد بيها  
 شتيمة وانا ما اتخلجش اللى يسبنى .  
 الشرطى : سامع اللعاضه ؟ طب تعال قول الكلام دا لحضرة الضابط .  
 مرشد : وعلى ايه دا غلبان مش قدك يا حضرة الصول .  
 هريدى : اسكت انت . ماييجاش ده على راجل ان مارحت معاك الجسم  
 والنتيابه كمان



- الشرطى : ويتحلف على شنبك . طب قدامى على القسم .
- مرشد : افهم يا بنى آدم انا عرفت لك مكان عوضين .
- هريدى : بتتكلم صح ؟ طب خلصنى اعمل معروف .
- الشرطى : دلوقت عملت عيشه ؟
- هريدى : مانا ممسوك من يدى اللى بتوجعنى .
- مرشد : ( للشرطى ) بقولك دا غلبان .
- الشرطى : جول بهيم ، جول طور .
- هريدى : اخ يانا مش جادر اتكلم ( لمرشد ) اعرف لى دا اسمه ايه ؟
- مرشد : سماح النويه عشان خاطرى يا حضرة الصول .
- الشرطى : لاممكن ، دا حلف على شنبه .
- مرشد : ( هامسا ) اذا كان على شنبه سيبهولى وانا احلقهوله .
- الشرطى : اشوف بنفسى .
- مرشد : حاضر بس سيبه دلوقت .
- الشرطى : ( لهريدى ) تعرف لو وقعت فى ايدى تانى ؟ حتشوف الشاويش
- عبد البر هيعمل فيك ايه .
- هريدى : عبد البر ، الحج حط لى اسمه فى اللسته .
- مرشد : يا أخى انتبيل لما افكك الاول .
- ( الشرطى يخرج )
- هريدى : هو كان ببوشوشك ببجولك ايه ؟
- مرشد : ولا حاجه .
- هريدى : طب جولى بالعجل ، عرفت طريق عوضين الدون ؟
- مرشد : ايوه ناس شافوه نواحي الدراسه انما ساكن فين معرفش .
- هريدى : مش مهم ، مستعد الف عليه الدراسه حاره حاره بيت بيت لحد ما
- التجيه خد ادى كل اللى معايا ( يعطيه نقودا )

**مرشد :** ايه دول ؟ ماينفعوش .

**هريدى :** بس التجيه واجنتله وانا اشيع جواب لخالى يدك كل اللى تريده  
ياللابينا .

**مرشد :** استنى ، لازم تغير سحتك دى خالص لحسن يشوفك ويعرفك .

**هريدى :** واه .. دى خلجة رينا اغيرها كيف ؟

**مرشد :** ( يلتفت ناحية الحلاق ) مانا عندى فكره .

**هريدى :** ( يلتفت حيث نظر ويتوجس ) جصدك تجول .. ؟

**مرشد :** عليك نور . هو اللى جه فى دماغك .

**هريدى :** اخرس يا ناجص يا جعر . اسحبها احسن لك .

**مرشد :** اسمعنى بس ..

**هريدى :** ما اسمعش بلا كتر كلام . جولى اجلع عينى .. اجطع زندى ..

جولى اجطع اى حاجه ، ولا اتيش احلج شبنى . ولما احلجه احلف

بايه بعد كده ؟ دا شرفى .. عرضى . ييجى ايه الفرج بناتى وبين

الجبان عوضين ؟

**مرشد :** الفرق ان هو ممكن يعرفك الاول ويقتلك قبل ماتقتله .

**هريدى :** يجتلى ، ع الاجل اموت راجل مش حرمة . ناجص تجولى احط

لبانه فى حلكى وامشى اتجصع زيكوا .. ناجص تجولى اتنكر

باللحمر ولا خضر واحط على وشى طرحه .

**مرشد :** لا طرحه ولا فستان .. انت يدوب تحلقه مش هيعرفك .

**هريدى :** ( بحزن ) ولا انا اعرف نفسى .

**مرشد :** خلاص ، اعرف شغلك .. سلامو عليكو .

**هريدى :** جول كلام معجول بالاستاذ . دا انا تعبت ياما لحد ماربيتته وكبرته .

دى عشرة ايام وسنين . دا كل معايا وشرب معايا .. دا انا مستخبي

وراه .

مرشد : طب ماهو لازق فى وشك كل ده ، نفك بايه ؟  
هریدى : اخ . جيت ع الجرح . مايصحش دا يستنى على راجل لحد ما اخذ  
بتارى .

مرشد : يعنى موافق ؟  
هریدى : لاه ( يطاطى راسه ) لكن مستعد اطرمه واهو لما اخفه برضك  
عوضين مايعرفنيش ، لكن احلجه زلط .. دا لايمكن واصل .  
مرشد : ماشى ، تخفه ، تعالى يا اسطى ( ينادى للحلاق )  
الحلاق : نعمين ؟

هریدى : هتعرف توضع لى شنباتى ؟ تشيل الهائش بس .  
الحلاق : بس كده ؟ . عليا .. اتفضل ( يجلسه وظهره للجمهور )  
هریدى : عتجصر حبه من طرفه ده وطرفه ده .. بس عايزك تفرجهولى م  
الوسط الاول .. معاك مشط ؟ امسك معايا فلايه .. بس خفف  
ايدك وحياة ابوك .

مرشد : ( يشير للحلاق اشارات صامته ان يزيل الشارب كله )  
هریدى : مش كفايه كده ؟  
مرشد : لسه عندك فرده اطول م التانيه ( وهو يدس نقودا فى يد الحلاق )  
ساويهم كويس يا اسطى .

هریدى : ( يستدير فنرى له فرده شارب ) مانيش شايف حاجه . مافيش  
مرايه ؟

مرشد : انا مرايتك ، كمل شغاك يا اسطى .  
الحلاق : ( بخوف وهو يلم حقييته ) نعيما يا بلدينا .  
هریدى : ( يدهض ويلمس مكان شارب ) واه شنباتى . عملتها يا نذل ؟ طب  
مايبجاش دا على راجل ان ما وريتك .

الحلاق : ( متراجعا ) وانا مالى هو اللى شاورلى احلقهولك .

هريدى : اسفخص ( هريدى يخطط الموس من الحلاق فيجرى )

مرشد : لومديت ايدك عليا مش حتلاقى عرضين ابدآ .

هريدى : ( ياخذ المرأة من مرشد وينظر بفزع ) ابأى بجيت عريان يا

هريدى .. بجيت عريان . اعاود البأء كيف ؟ ابص فى وشك ازأى

يا امأى ؟ ولما يسألونى اجولهم ايه ؟ اتنشلت فى الترمأى ولا

خدرونى بالبنج وعملولى عمليه ؟

( يبصق فى المرأة ثم يرميها ويغطى مكان شاربه ويبكى )

السلام

## المشهد الرابع

**الـسـراوى :** ادى اللى كان من امر الفتى هريدى . اما ماكان من امر الشقى عوضين , فكانت مصيبتيه اتنين من بعد ما حس الخطر بيلاحقه , هرب من داره وقطع حبال الود بصحابه وضاقوا الدنيا على وسعها قدماه , ملقاش غير مقلب زياله يأويه ويدفن نفسه وخوفه فيه .  
(اضاءه على المنظر والوقت . ليل اكوام من ثلال القمامه تتناثر فيها مهملات من صفائح واطارات سيارات واقفاص ومقاطف .. الخ .  
ثم هيكل صدى لسياره عتيقه . فى جانب كوخ من الصفيح وحبل غسيل معلق عليه بعض الهلاهيل . عوضين يظهر براسه من برميل ويشرب من زجاجة )

**الـسـراوى :** عوضين لاجل مايهرب من مصيره اتنكر بدوره , غير اسمه وليسه , ورى شنبه وغيرت محتته بقية ملامحه . ينام النهار ويسهر الليل لوحده . كل همسه يحسبها دبيب الموت جاى طالب اجله .  
وكان من وقت للتانى يشرب له قزازة سبرتو , يشجع بيها روحه ويقهر خوفه , وكان لما يسكر يفلت العيار منه والخمره تهيأله .

**عوضين :** ( يلوح بمسدس فى يده ويصيح بثمانه ) تعال لى ياهرىدى يا ابن الجبابره .. لو كنت راجل اطلع لى وانا اقطعك تجطيع واشرب من دمك يا جبان .

( يظهر شيخ شخص يصعد التل حاملا صره )

**عوضين :** مين ؟ مين هناك ؟

**الشخص :** ( يتوقف ) انا ..

**عوضين :** ( يتقدم منه ) انطج بالعجل لافتاك اسمك ايه ؟

**الشخص :** نسيته .. نزل السلاح وانا افكر .

**عوضين :** حد ينسى اسمه ؟ لازم انت هرىدى ، اعترف .

**الشخص :** لا وانبى . انا حرامى .

**عوضين :** لا يا شيخ خش فى عبي ؟

**الشخص :** والله العظيم حرامى ومستعد احلف لك .

**عوضين :** متأخذنيش العتب ع النظر .

**الشخص :** ( وقد تمالك نفسه ) انا حرامى تتبع المعلم زلط يا حمار .

**عوضين :** ( بخوف ) المعلم زلط ؟ طب حرك عليا .

**الشخص :** والله لاكون قابله يطردك من هنا ( ويمشى )

**عوضين :** لا .. اعمل معروف انا فى عرض المعلم زلط ( يلقي بالمسدس على

الارض فتنتلق منه رصاصه . يسقط على ركبته رافعا يديه

لاعلى ) لا .. ماتجتليش ياهرىدى انا عايز اعيش ( ثم يستدرك ) دا

الظاهر الطبنجه هى اللى طخت وحدها ( ينظر ليده المرتجفه ) لما

انت يدك بترجف من دلوكت ، هتجتل هرىدى كيف ؟ ( يلطم )

يا خيبتك يا عوضين .. انت مانفعش فى الجتل واصل . انت تنفع

تجتل ويس ( صوت خطوات ثم شيخ له هيئه غريبه ) مين ؟

الشبح : انا عفريت .

عوضين : خضنتى يا شيخ ، فوت ( الشبح يمر ، عوضين بعد لحظه يستدرك  
بفرع ) يامه .. عفريت ( ثم يهدا ) لانا لازم بيتهيالى تهياوات .  
ايوه انا خرفت من الجوع وجلة النوم . اما اجوم ادور لى على لجمه  
اتصبر بيها .

( يختفى من جهه ، بينما يظهر هريدى ومرشد من الجهة الاخرى )

مرشد : ( يتوقف ) ياه .. انا رجليا ورمت من كتر اللف .

هريدى : مدام الاخباريه جات لك انه فى النواحي دى يجى مسيرنا نعتز  
فيه . الله وجفت ليه ؟

مرشد : مش ماشى ولا خطوه تانيه . لحد هنا وفلوسك خلصت . عايزنى  
اكمل معاك شخشيخ جيبك .

هريدى : واه ؟ انت بتمشى بالعداد ؟

مرشد : هو تعب رجليا دا بلوشى ؟

هريدى : طب نريح شويه هنبيه وبعدين نكمل .

مرشد : ( يسد انفه ) وما نلاقيش غير الحته دى نريح فيها ؟ كمل انت .. انا  
مروح .

هريدى : الله ؟ استنى بس يا اسطى .

( يتحرك خارجا خلفه )

( يعود عوضين ومعه لفاقه يجلس ويشعل نارا ليتدفئ بها ويهم

بالاكل عندما يعود هريدى ، عوضين الذى هم بالاكل يتوقف

وينظر له بخوف وهريدى يبادل نظره مريبه ، موسيقى مناسبه )

هريدى : ( لنفسه ) لاه مش هو ، دا بشتبات .

مرشد : ( لنفسه ) لاه مش هو . دا من غير شنبات .

- هریدی : ( وهو يتحرك صاعدا التل ) السلام عليكم .
- عوضين : وعليكم السلام . بسم الله اتفضل معايا .
- هریدی : ( ناظرا للاكل ) عشت بالهنا والشفا لسه واكل .
- ( يتحرك ثم يقف ويستدير عائدا فجأة ) ولا اجواك مايصحش اوجع حلفانك .
- عوضين : اتفضل يامرحب غمس ان شالله لقمه .
- ( هریدی يكون قد بدا التهام الطعام وعوضين يتفرج عليه بدهشه )
- عوضين : اسم الكريم ايه ؟
- هریدی : ( بقم ممطلىء ) انا ابو زيد من عيلة الهلالى .
- عوضين : عاشت الاسامى .
- هریدی : وانت ؟
- عوضين : محسوك الزناتى خليفه ( ويقدم له يده مصافحا )
- هریدی : واه .. تبجى بصره . كفك .. انما ولد العم منين ؟
- عوضين : انى من بحرى .. مش باين عليا ؟
- هریدی : باين من لغوتك .
- عوضين : والاخ صعيدى مش كده ؟
- هریدی : غريبه وعرفت كيف ؟ ايوه بس انا م المنيا واخذ بالك ؟ المنيا .
- عوضين : ( بارتياح ) الحمد لله .
- هریدی : على ايه ؟
- عوضين : ولا حاجه انا حتى عمرى ناقبلت , يعنى لا اعرف المنيا من سوهاج .
- هریدی : زى حالاتى تمام . انا روخر عمرى ما خطيت بر سوهاج ولا اعرف فيها حد واصل .



عوضين : يا مرحب .. كل يا راجل .. والله لا انت واكل .  
هريدى : مانا باكل .. دا انا ما دجتش وكل بالطعامه دى من سنين ، تصدج  
بالله ؟ دى اول مره حد يجولى اتفضل من ساعة ما ادليت ههه ،  
روخر انا جلبي انفتح لك .

عوضين : القلوب عند بعضيها .  
هريدى : انما جولى . مين اللى ساكن ربحك فى اللواحى دى ؟  
عوضين : انى مانيش اختلاط بحد . بس أسمع ان كلهم ناس فى حالهم .  
حراميه على تجار حشيش على مطايريد ( ثم يشك ) لكن انت بتسأل  
ليه بتدور على حد ؟

هريدى : ايوه واحد سرجنى ويدى اعتر عليه واخذ منه حجي .  
عوضين : ( هامسا ) لازما حد من رجالة المعلم زلط ، بس انت مش قدهم .  
هريدى : ما تخافش بس انت اوصفهملى واحد .. واحد .  
عوضين : ( يرتجف فجأة بإعياء )

هريدى : الله مال جنتك بتتفضل كده ؟ عندك حمى ؟  
عوضين : لا دى دزوخه بسيطه من الجوع .  
هريدى : الا بالحج انت ما بفاكلش ليه ؟  
عوضين : اكرام الصنيف واجب .. لما تاخذ انت كفايتك وتشبع .  
هريدى : مد يدك ياراجل .. دا باينك ضعفان . جولى بتشتغل فى الفاعل  
اياك .

عوضين : ( وهو يأكل ) لا ، انى بياغ .

هريدى : يتبيع ايه ؟

عوضين : ببيع دمي .

هريدى : كيف ؟ هو الدم بيتباع ؟

- عوضين :** ايوه . اصل انا دمي ثقيل .. ببيع منه شويه علشان يخف .
- هريدى :** عتنتك على روحك ؟
- عوضين :** زى ما بقولك كل ما احتاج قرشين اروح لمركز التبرع بالدم .
- يحطوا فى دراعى حقنه ويسحبوا شوية دم ويقبضونى على قد اللى خدوه .. السننى بجوز جنيهات .
- هريدى :** اكن انت دلوك ما عندكش ريحة الدم ؟
- عوضين :** لا .. شوية اكل يعوضوا اللى راح .
- هريدى :** اباى عليكى بلد , كل شئ فيكى بينشرى ويتباع حتى الدم .
- عوضين :** وقفت ليه ؟ كمل أكلك يا راجل .
- هريدى :** دانا بدى استفرغ اللى فى جوفى . كيف يجى لى نفس اكل الوكل اللى شاربه بدمك يا حزين ؟
- عوضين :** ( ضاحكا ) لاما تخافشى الاكل ده مش شاربه .
- هريدى :** ( يستأنف الاكل ) اما دمى اللى اداهاولك ؟
- عوضين :** لا محدش ادهونى .
- هريدى :** ( يتلفت حوله ثم بفهم ) اوعاك تكون لميته ؟
- عوضين :** بس نصيف .. ايه بتقرف ؟
- هريدى :** ( ينهض محتجا ) وتتك تعزم عليا وأنت بتوكلى زباله ؟ وانا عمال اظلل من جوعى ومش دريان له بطعم .
- عوضين :** هتبطرع النعمة ؟ دا سردين مفتخر على مريى على زفر على تقاح امريكاني معتبر . عمر اهلك ما داقوه .
- هريدى :** دا وكل متاكل جبل كده . ويمكن مهضوم كمان . اتاريك بتعزم عليا بجلب جامد وجاعد تتفرج عليا . اسفخص عليك ناجص .
- عوضين :** تشكر ، بس أنا عزمت عليك باللى حيايتى ما ادبتكش فضلتى .
- خايتك تشاركلى قوتى وانا بقالى يومين ما دقتش طعم الأكل .

هریدی : فی دی عندك حج . ما ترعلش منی , وان كنت غلطت بكلمه  
امسحها فیا .

عوضین : بعد ايه ؟ بعد ما خلصت الأكل كله .

هریدی : بسيطة ، تجب أجور الم لك غيره .

عوضین : لا خلاص نفسی انسدت .

هریدی : لكن انت ايه اللي جابرك تبیع دمك ؟

عوضین : شغلانه سهله .

هریدی : لا أنت بتكذب ( ينظر له بتفحص ) أنا فهمت .

عوضین : ( بقلق ) فهمت أیه ؟

هریدی : مادمت متشعلج بالشغلانه دی ومش رايد شغلانه ليها مكان معلوم ,

تبجي هريان .

عوضین : ابدأ .. أنى ..

هریدی : ( مقاطعا ) ما تنكرش . عينيك الزوغانه بتجول أنك مستنى

جضاك .

عوضین : ( مرتبكا ) الحقيقة ..

هریدی : ( مقاطعا ) الحجيبة عرفتھا خلاص . انت الحكومه وراك . صح ؟

عوضین : ( بارتياح ) صح .

هریدی : شفت عرفتھا لوحدى كيف ؟ وعشان كده طايح تعيش وسط الزبانه

عوضین : اهى كلها معايش . طب دا انى حتى دافع خور رجل . امال انت

عايش فين ؟

هریدی : لا انا ساكن فى طريه .

عوضین : يا سلام ؟ ومش عجبك الزبانه وقرقان قوى ؟ بالك الزبانه اللي

مش عجبك دی ، بتتباع بالشئ الفلانى . بياخدوها بتوع المصانع

يعملوا منها حاجات ياما .. دا غير تجار المواشي يشتروها ويوكلوها  
للخنازير.

هریدی : انت عتاود السيرة تاني؟ معدني اتجلبت .

عوضين : دا اللي ربناه يوعدده ويشغل في الزياله، يبقى مريونير .

هریدی : اباي.. الزياله تخلي الواحد يبجي مريونير؟ يعني ما فيش ارنخص م  
الدم .

( يظهر رجل ومعه امرأة ويتضاحكان بخلاعة )

هریدی : ودا ايه دا روخر ؟

عوضين : دا واحد م الجيران . مالناش دعوه .

هریدی : بس دا معاه مره وبايته ناوي على مسخره .

عوضين : ( بخوف ) طب داري نفسك منهم الله لايسيك .

هریدی : احنا برضك اللي ننداري ؟ دول عيلجسوا المطرح . أوعي بلا كتر  
كلام .

عوضين : ( ممسكا به ) أعمل معروف ما تخريش بيتي .

هریدی : اخرب بيتك ؟ ليه هو انت بتشتغل ايه بالضبط ؟

عوضين : لا ما تفهمنيش غلط يا بوزيد .

الرجل : ابن الكلب اللي بيعطي حسه يخرس احسن له .

هریدی : ( بتحفز واحتجاج ) دا بيحول ابن الكلب .

عوضين : ( بسرعه ) مش انت . دا يقصدني اني .

هریدی : وهو يعرف ابوك مين ؟ سامع شمتك بودانك وساكنت ؟

عوضين : ( هامسا ) اصل دا واحد من عصابة المعلم زلط ودول ناس شرانين .

هریدی : وايه اللي يخليك تستني في ربحهم ؟

عوضين : ال ايه رماك ع المر ..

هریدی : أمر من كرامتك لما تتمرغ في الوحله ؟  
عوضین : یعنی اتخاقت عشان حد یسیح دمی ویضیع راسمالي كله ؟  
هریدی : أرض الله واسعه . لكن الكرامه لما تفرط فيها یفصاك إيه ؟  
عوضین : ما ائی اصلی لی حكاية طويلة لو تعرفها ..  
هریدی : لا طویله ولا جصیره .. أنا اتاخرت . فتك بعافیه یا زنائی .

( هریدی یخرج )

عوضین : ما بدری . نورت المطرح . مع الف سلامه .  
( یتظهر المعلم زلط ومعه اللص و الرجل صاحب المرأة واخرین )

عوضین : مین ؟ المعلم زلط ؟  
زلسط : ما بقاش ناقص غیر كلب زيك یبیح علینا .  
عوضین : انا ما غلطتش فی حد یا معلم .  
زلسط : مش كفايه سايبينك عايش بینا . اخرتها تقطع على الواد حنكوره  
وتقل مزاجه ؟

عوضین : برضك الواحد له كرامه یا معلم .  
زلسط : اللي زيك مالوش كرامه . وضیوه .  
عوضین : لا فی عرضك یا معلم حرمت . الحجونی یا ناس الحجونی یا هوه .  
( رجال المعلم یجتمعون حوله ویقبادلون ضربه )  
زلسط : ( ضاحكا ) یا خساره ما فیش حد بقدر یتشد لك عشان كنت اوریه مقامه .  
( هریدی یتظهر )

هریدی : انا اهو ..  
عوضین : فی عرضك یا ابرزید حوشهم عنی .  
هریدی : ما تخافش یا زنائی . انا سمعت صریحك عاودت طوالی .  
( لهم ) اللي هیجرب منه عبطعه وارمیه للجلط .

زَلَط : ودا يطلع مين ؟

هريدى : دلوك تعرف ابوزيد يجى مين .

عوضين : ( هريدى يشتبك مع رجال المعلم فى معركة ويخرج مسدسه )

ينصر دينك يا عتره .. حوش اللي وراك .

( هريدى ينتصر فى المعركة لكن رصاصة تصيبه فى قدمه )

( يجرى زلط ورجاله وهم يطلقون النار )

عوضين : انا مديون لك بحياتى .

هريدى : بلا كتر كلام . اهرب جوام جبل ما يعاودوا تانى .

عوضين : وانت ؟

هريدى : انا أشاغلهم لحد انت ماتزوغ .

عوضين : ازوغ اروح فين ؟ ماهى كلها موته .

هريدى : اهرب ماتبجاش طور .

عوضين : دا أنت انصبت فى رجلك . انصبت من تحت راسى . اودى وشى

منك فين ؟

هريدى : دا كفايه أنك جلت لى اتفضل وعزمت عليا بزيالك، ومش عاوزنى

أجف معاك وجت الشده ؟ اهرب يا زناتى انا اعرف افوت فيهم

وحدى .

عوضين : مجادش افوتك وحدك .

هريدى : واه .. انت بجيت نتكلم زى ( يسمع صوت نباح كلاب ) الكلاب

عاودت . اهرب نت مش واخد ع الشجوه . عتهرب ولا احلف يمين

اصورك جتيل ؟

عوضين : ( يكاد يبكى من التأثر ثم يتراجع ويجرى مبتعدا )

هريدى : تعالولى يا كلاب سعرانه . ان شا لله تكونوا عشر رجاله . واللى

ماطولوش النهارده عيستلى دوره فى اللسته .

ستار الفصل الأول

## المشهد الخامس

الراوي : قال الراوي ..

هریدی التقى بعوضین وصل جاهل حقیقته . بقى حبيبه وصاحبه .  
من حين لحين يتقابلوا . يطمئن الواحد على اخوه ويواعده .  
كل دا وهریدی ساكن مع الحاوی وينتق . وزى ما بيحصل فى كل  
حكايه .. البت نعيمه وقعت فى حبه . شافت ورا ملامحه القاسيه  
رقه الطفل الصغير وقلبه . هریدی لم ينتبه ، ساعى ليله ونهاره ورا  
خصمه ( تخرج الجوفه )  
اضاءة على المنظر

المنظر : ( حوش مقبره ، نرى سور الحوش وبوابته ، وباب حجره ، علاوة  
على مدخل للمطبخ و الحمام ، غسيل منشور ، عشة فراخ .. الخ )  
رزق : ( جالس الى طبلية ) الحقيقى بالاكل يا بت يا نعيمه .  
نعيمه : ( تظهر باطباق من المدخل ) مش نستنى ابوزيد يتعشى معنا ؟  
رزق : جعت .. ودا كل ما يخرج مع مرشد افندى ما يرجعش غير وخرى  
نعيمه : تلاقيه بياخذه يصرمحه فى الكباريهات .

**رزق :** كباريهات ايه انتى رخره , هريدى مش وش كده .  
**نعيمه :** واذا كان مرشد افندى كلمنى من وراء آل ايه عايز ياخذنى يشغلنى  
 فى كباره  
**رزق :** وفيها ايه يا بت ؟ هنعمل نمره انا و انتى ويطلع لنا لقمه حلوه .  
**نعيمه :** نعم؟ ما يحكمش .  
**رزق :** أصلك وش فقر .. انتى مش هتقعدى تاكلى ؟  
**نعيمه :** لا .. اصلى لما أكون قلقانه ما بيبقاليش نفس .  
**رزق :** وقلقانه من ايه يا عين ابوكى ؟  
**نعيمه :** انا قلت قلقانه ؟ انت الظاهر سمعك تقل ياها .  
**رزق :** نفسى افرح ببيكى يا نعيمه قبل ما أموت .  
**نعيمه :** وانا كنت لقيت الراجل اللى يملا عينى وقلت لاءه ؟  
 ( ومنتهبه ) اسمع .. دا ابوزيد رجع . دى خطوته .  
**هريدى :** ( يدخل ) يا ساتر .. سالخير عليكم .  
**رزق :** وعليكم .. مالك راجع مدلل كده ؟  
**نعيمه :** زى العاده ، كل مره ييجى مرشد افندى ياخذك ، ترجع أخر الليل  
 حيلك مهدود وقاطع النفس ، الا هو بيوديك فين ؟  
**هريدى :** بدور على ناس .  
**نعيمه :** انهى ناس بالطبط ؟ طب ما احنا ناس برضه .  
**هريدى :** وانتى ايه اخشاك ، ما تسكت بنتك يا عم رزق .  
**رزق :** كل واحد فيه اللى مكفيه يا نعيمه . ( ثم لهريدى ) الا صحيح يا  
 خويا ناس مين دول اللى بتدور عليهم ؟  
**هريدى :** واحد ليا علده دين وبيتهرب منى وتلى وراء لما اخذ حجبى .  
 ارتحتى ؟



نعيممة : طب تعال اطفح .

هريدى : مالى نفس للوكل .

نعيممة : عندك ، وفرت ( تجلس تأكل )

هريدى : وبعد هالك يا حرمة ؟

نعيممة : سامع وشاهد يابا ؟ خليه ما يقوليش حرمة تانى .

رزق : بلاش الكلمة دى يا ابوزيد .

هريدى : اباى ؟ ماهى حرمة . امال هى ايه .. دكر ؟

رزق : ايوه صحيح يا بت ، امال انتى ايه ؟

نعيممة : انا بت صحيح .. بس اجدع من اجدعها راجل كمان .

هريدى : ايوه ، عتجولى مساواه . الظاهر بدك بييجى لك شبات زبى .

نعيممة : زيك ؟ هيهى وهو فين شباك دا ؟ رهنقه ولا سلفته ؟ ولا يكونش وقع منك وانتى ماشى .

هريدى : (بخجل) اباى . حوشها على يا عم رزق .

رزق : انتوا ماوراكوش غير جرا الشكل؟ ( لنعيممة ) خلصى اكل وخشى نامى ، تلاقى الراجل تعبان . وعاييز يتخمد هو راخر .

هريدى : خليه ، مش عنام دلوك . نفسى فى كباية شاي .

نعيممة : اللى نفسه فى حاجة يهز طولها ويعملها .

رزق : دا انتو تسدوا النفس ( ينهض ويتجه لمدخل الحمام )

هريدى : ( يخرج مسدسه خلسه ليضعه تحت وسادة على مرتبه فى الأرض )

نعيممة : امسك . الجواب دا جالك الصبح بعد ما خرجت .

هريدى : (بلهقه) دا لزما من خالى .

نعيممة : ويتفتحه بقلب جامد ، هو انت بتعرف الالف من كوز الدرہ ؟

هريدى : ( بضيق ) ما بعش فيه نجديه .

- نعيممة** : قلت لك اعلمك القراءة والكتابة .
- هريدى** : مش ناجص غير مره , تعمل عليا استاذ .
- نعيممة** : ما تعلمكش ليه , مدام جاهل ؟ هات لما اقراهولك .
- هريدى** : لا . مرشد افندى جاى بكره , ييجى يستجرا هولى .
- نعيممة** : ( بغيط ) واشمعنى ؟ لازم فيه سر . وانا موتى وسمى الاسرار .
- هريدى** : بعدى عنى بابنت الناس .
- نعيممة** : ( مقتريه منه بصدرها ) طارعنى وهاته بالذوق أحسن .
- هريدى** : والله لو جريتى منى خطوه ثانيه ..
- نعيممة** : ( مقتريه أكثر ) هتعمل ايه ؟
- هريدى** : ( بصوت منخفض ) لاکون مصرخ باعلى حسى منادى ابوكى .
- نعيممة** : تبقي فتان ( تستغل ارتباكك لتخطف الخطاب )
- هريدى** : واه , هاتى الجواب ماعفرتنيش امال .
- نعيممة** : ( تضعه فى صدرها ) لوجدع تاخذه .
- هريدى** : ابای على هزاركم الماسخ ( متوسلا ) اعملى معروف يا نعيمه .
- نعيممة** : الله , حلوه نعيمه من خاشمك . جول كمان .
- هريدى** : مش جايل .
- نعيممة** : خد . ع العموم انا عرفت سرك .
- هريدى** : ( بقلق ) وعرفتى كيف ؟
- نعيممة** : ما دام خايف ومكسوف كدا , ييقى الجواب من واحده ست .
- هريدى** : ( بارتياح ) ست ؟ شوفى عجاك راح لفين ؟ طب ما هولوكان فيها ست ماكنت جولت لك بالمفتشر , اخبى عليكى ليه ؟
- نعيممة** : تخبى عليا ليه ؟ ليلتك مطينه . انت مش هنا خالص .
- هريدى** : معلوم مش هلهه . انا من جبلى .

نعيمه : عايز تفهمنى انك ما عرفتش سنات خالص ؟ ما لهماش عوزه .  
هريدى : اعمل بيهم ايه ؟

نعيمه : ودا سؤال ؟ طب مش ناوى تتجوز ابدا ؟

هريدى : وانتى صالحك ايه ان كنت اتجوز ولا اطلع ؟

نعيمه : آه . نفسى اعرف انت عبيط ولا بتستعيط .

هريدى : واستعيط ليه ؟ حد يعبط روحه بكفيه ؟

نعيمه : ابو زيد .. اقولك على سر ( هامسه باغراء ) انا واحده بنت

هريدى : ( بعدم فهم ) مادي عارفينها .

نعيمه : ( بعاطفه ) امال ليه مش قادر تحس باللى انا حاسه بيه ؟

هريدى : اباى .. وادري كيف .. انا كنت مره ؟

نعيمه : لا أنت الظاهر ما تعرفش يعنى ايه احساس .

هريدى : لا أعرف ، يعنى لما ابره تشكك، تحسى وتجولى جاي ، لما تاكلى

وكله معفنه بطذك تمغص و تحسى أنك عتستفرغى .

نعيمه : طب ولما احس أن قلبى بيدق ووشى بيحمر وجسمى يسيب وعقلى

يسرح وييجى ابويا يعوز فنجان قهوه أعمله شاي واسقيه لامي ،

يبقى دا من ايه يا هريدى ؟

هريدى : حاجه من تلتين .. يا بلهارسيا يا نكلستوما . بس اياكى تسكتى على

نفسك . خلى ابوكى ياخذك لحكيم المستوصف طوالى .

نعيمه : مصيبه تاخذك وتكون مستعجله . اوعى تجيب سيره لا بويا .

هريدى : وفيها ايه ، هو عيب ؟ بس فهمت .. خايفه من الحجن اياكى .

رزق : ( يدخل وهو يجفف يديه ) حقن ايه ، حد عيان ؟

نعيمه : محدش ( وهى تجمع أطباق الطعام وتخرج للممر ) يخرب بيت

البيهايم !

هریدی : ( هامسا ) متصدجهاش یاسی رزج ، بتتک مرضانه ویتخی .

رزق : ازای ؟

هریدی : جالت لی ان جلبها بیدج وشها بیحمر وجسمها بیسیب وعجلها بیشط منها .

رزق : ( بفهم ) بنت الکلب .. کل دا بیحصلها من غیر اذنی ؟

هریدی : ویتجول کمان ان جه ابوها یعوز فنجان جهوه تعمله شای و تسجیه لامها . فین امها دی بجی ؟ انا خایف یکون مخها روخر حصل له خیلان .

رزق : مخها هیه برضه یا نبیه ؟

هریدی : امال مخی انا ؟ انا یا خویا مافیاش حاجه من دی واصل .

رزق : یا ریتک اتعدیت منها .

هریدی : اتعدی منها کیف ؟ اوعی یکون عندها دود فی معدتها .

رزق : دود ایه ؟ .. افهم یا بنی ادم البت بتحب .

هریدی : واه ؟ تف من خاشمک یا سی رزج ، حرام علیک یا شیخ ما تبجاش ظالم . لو بتتک بتاعة الکلام دا کان بان علیها ، حاکم انا لیا نظره و افهم الحاجات دی .

رزق : انت لا بتفهم ولا بتحس . دی غرقانه فی الحب لشوشتها کمان .

هریدی : طب بس بس کتم ع الفضیحه .

رزق : ( بخبث ) ومال صوتک حشرج ونفسک انکرش لیه ؟

هریدی : معلوم اتضایج . فضیحة صاحبی فضیحتی . وعتتصرف کیف ؟

رزق : حط نفسك مکانی .

هریدی : احنا لو لینا جریبه حبب ، ندبحها ونتاویها من سکات .

رزق : ( متظاهر بالقسوة ) زین ما قلت یا هریدی ، واهو القبر جاهز تحتینا .

هریدی : ( بلهفه ) بس انت ليكو احوال ثانيه , والواجب نتأكد الاول عشان ما  
نظلمش البنيه . ويعدين لو عاشجه صح , فين اللي غواها ؟

رزق : انت .. انت يا ابو زيد .

هریدی : انا مالي ؟

رزق : انت ( مغيرا رايه ) انت عليك تعرفهولي .

هریدی : ( بارتياح ) ماشي . سيني اوجعها في الكلام ، وان طلع ليها عشيح  
ادبجهولك بيدي . كتم لحسن جايه علينا .

رزق : طب اسبيك تشوف شغاك .

( يخرج ل حجرته بينما تظهر نعيمه )

هریدی : انت خايفه ليه ابوكي يعرف انك عيانه ؟

نعيمه : جاك عيا يجي لك ويحط عليك .

هریدی : مش مرضانه , تبجي عاشجه ؟

نعيمه : ( باستغراب ) وعرفتها لوحذك يا ذكي ؟

هریدی : ( مصدوما ) لا . جالولي . بس ما صدجتش . وييجي مين  
عشيحك ؟

نعيمه : ( ساخرة ويسرور ) راجل .

هریدی : وكمان عتداری عليه يا فاجرہ ؟ انطجی بالعجل احسن لك .

نعيمه : انت بتغير عليا يا هریدی ؟

هریدی : ( مرتبكا ) بلا كتر كلام . انا دمی فاير لاجل المسكين ابوكي اللي  
جبتيله العار . والله لو اعرف الندل اللي غواكي لا جطعه تجطيع و  
واشرب دمه .

نعيمه : ( مقاطعه بسرعه ) اسمه ابو زيد .

هریدی : جلتى ايه ؟ ( بعد لحظة ) وكمان اسمه على اسمي ؟

- نعيمه :** يا خرابى . افهم بقى ، بحبك يا حمار بحبك يا طور بحبك يا بهيم .
- هريدى :** ( ينظر لها طويلا ) بتشتمينى يا نعيمه ؟
- نعيمه :** ما تغيرش الموضوع ، وشك احمر ، تبقى انكسفتى يا بيضه .
- هريدى :** ( بخجل ) طبى .. انت ، بلا كتر كلام ( يعطيها ظهره )
- نعيمه :** هو عيب احبك ؟
- هريدى :** اتحشمى يا بت اياكى تعاوديه نانى .
- نعيمه :** بحبك . بحبك .
- هريدى :** عسد ودانانى .. آهر ( يسد اذنيه )
- نعيمه :** طمنى انت بقى ، بتحبينى زى ما بحبك ؟
- هريدى :** اجول كيف وانا ما سمعتش حاجه ؟
- نعيمه :** ( متظاهرة بالبكاء فى انوثة ) فهمت .. لازم بتكرهنى .
- هريدى :** ( بسرعه واشفاق ) ما عاش اللى يكرهك .
- نعيمه :** ( مبتسمه ) تبقى بتحبينى .
- هريدى :** ما يصحش حرمه تنطج بالمسخره دى ، انتى غرضك منى ايه ؟
- نعيمه :** اتجوزك فى الحلال يا ابوزيد ، قلت ايه ؟
- هريدى :** مجادرس ، اهلى يجطعونى لو هملت الواجب اللى جيت علشانك .
- نعيمه :** وانت جيت عشان ايه ؟
- هريدى :** ما هو ذا السر اللى حالف ما جولش عليه .
- نعيمه :** ( وهى تمسح على شعره ) ويبقى ايه السردا ؟
- هريدى :** موضوع الدون اللى ما يتسماش .
- نعيمه :** واللى ما يتسماش دا ، اسمه ايه ؟
- هريدى :** اسمه عوضين الشعنان .
- نعيمه :** وعاييز منك ايه عوضين دا ؟

هریدی : دانا اللى عايز منه ( ومستدركا ) واه جرجرتينى فى الكلام لحد

ماكنت عفتش لك سرى . انتى ايه شيطانه ؟

نعيمه : ( بتوجس ) اوعى تكون ناوى على شىء يا ابوزيد .

هریدی : اسكتى مالکيش صالح بيا واصل .

رزق : ( يدخل ) فيه ايه يا ابوزيد ؟

هریدی : ( بسرعه وارتابك ) لا ما فيش حاجه يا عمى .

رزق : ( هامسا له ) ازاي ، لسه ما عرفتش المقطف اللى بتحبه بيقى مين ؟

هریدی : خرجنى انا م الحكاية دى .

عوضين : ( يصفق من خلف السور ) يا هل الله ياللى هنا .

نعيمه : ودا مين اللى جاى الساعه دى ؟

هریدی : دا زناى ، اذارى انتى ، اهلا يا زناى ، تعال خش .

عوضين : يا ساتر ، لامؤاخذه ان كنت ازعجتكم .

رزق : ( بعدم ترحيب ) لا .. اتفضل .

عوضين : ازيك يا ابوزيد .. رجلك المنصابه عامله ايه دلوقتى ؟

هریدی : حديد بس الصباع الكبير من مطرح الرصاصه مدوحس شويه وانت

كيفك ؟

عوضين : ( هامسا ) اخوك فى ضيقه وجاى واقع فى عرضك .

هریدی : استغفر الله .. انت تأمرنى .

عوضين : اصل الكلاب شمشمت ورايا وعرفت مطرحى ، مالفتش غيرك

أظمن له . ممكن تبيتنى عندك لحد الصبحيه ؟

هریدی : بس كده ؟ تشرف .. الطرية طريتك . بس أستاذن من عم رزق

الاول ( يتجه لرزق ) ممكن الضيف يبيت معاى الليله ؟

رزق : متأخذنيش . انا عندى بنت ما يصحش يبات معانا غريب .

- نعيمه : وفيها ايه بابا، هو هياكلنى؟ دا حتى باينه جدع ابن حلال .
- رزق : حيرتونى معاكم .. فوتى قدامى نتخمد ( يخرج لكن نعيمه تتلكأ )
- هرىدى : تلك واجف؟ اتفضل يا زناتى .. جعمر .
- عوضين : ( يحتضنه ) اصيل وشهم يا ابوزيد .
- هرىدى : يعنى جصدتلى فى حاجة كبيره؟ ( لنعيمه ) مستنيه حاجه؟
- نعيمه : يوه . مش الواجب أشوف صاحبك يشرب ايه ؟
- هرىدى : مالكيش صالح . خشى نامى وأنا عسأله .
- عوضين : ( لنعيمه ) لو كباية شاي أكون ممنون لك .
- نعيمه : بس كدا ؟ من عينا الاتنتين .
- عوضين : تسلم عنيكى .
- هرىدى : وانا كمان عايز كبايه .
- نعيمه : ما عندناش سكر كفايه ( لعوضين ) بالحق تحبه مضبوط ولا سكر زياده؟
- عوضين : احبه عسل، عسل قوى .
- نعيمه : حاضر ( تتحرك ثم تقف ) احط لك عليه نعنم ؟
- عوضين : نعنمهولى . كل اللى ييجى من يدك مقبول منك .
- نعيمه : دا بس من ذوقك ( تهيم بالخروج )
- هرىدى : ( ينهض ويلحق بها ) تانى مره ما تظهريش اما يكون حدادى ضيوف . فاهمانى يابنت الناس ؟
- نعيمه : اسم الله، وانت تحكم عليا بتاع ايه؟ جوزى، خطيبى، حبيبى ؟
- هرىدى : شش، خلاص .. روحى لحالك .
- ( نعيمه تخرج )
- هرىدى : آنست يا زناتى . طمنى عليك .



عوضين : زى ما قلت لك ، ماصدقت لقيت مطرح اتاوى فيه بعد ما سبت  
المزيلة لقيت الحكومة ورايا ، طفشت قبل ما يكبسوا عليا .

هريدى : غريبة انا روخر الليلة عرفت مطرح الحرامى الدون اللى بدور عليه  
لكن من حظى الاغبر رحت لجيته طفش .

عوضين : ابن الكلاب .. معلى مسيره يقع فى ايدك ، بس اياك ترجمه .

هريدى : ما تخافش عليا . المهم انت ، انا قلقان عليك .

عوضين : بالمناسبه من حقك ما دام هتبيتنى عندك ، تعرف انا هريان ليه .

هريدى : يعنى عايزنى احجج معاك لا سمح الله . وعتكون عملت للحكومة  
ايه ؟ مش غاية ما فيها جتلت جتيل ؟

عوضين : يا ريت . ما كانش دا بقى حالى .

هريدى : ( بقلق ) اوعاك تكون بتشتغل فى السياسه يا زناتى ؟ مالناش صالح  
يا خوى ، هى كانت بلدنا ؟ دا حتى انت من بحرى وانا من جبلى .

عوضين : يا ريتها سياسه . دا انا لو اقولك على سرى ..

هريدى : ( مقاطعا ) مالش لزومه . خلى السر مكنون فى صدرك . اوعاك  
تفضفض بيه لمخولج كان . ما تعملش كيف ماعملت انا وخيببت

روحي .

عوضين : وانت عملت ايه ؟

نعيمه : ( داخله ) الشاى .

عوضين : من يد ما نعدمها ( ينهض ليتناول منها الصينيه )

هريدى : ( لنعيمه بغيره وضيق ) فيه حاجة تانيه ؟

نعيمه : مش اوضب للراجل الفرشه اللى هينام عليها ؟

عوضين : بس هنتعبك .

نعيمه : تعبك راحه .



- هريدى : ايوه وصلنا للمهم .
- عوضين : ( بتردد وارتابك ) اما بعد .. اما بعد ..
- هريدى : علجت ليه ؟ ما تكمل
- عوضين : ( بغموض ) ما عدتش جادر اخبى عليك .
- هريدى : ( بتوجس ) حصل ايه ؟ فيه اخبار وحشه . جول ما تخبش .
- عوضين : ايوه . انى مضطر اصارك انى امى ما بعرفش القرايه .
- هريدى : يا بن الفرطوس .. وما جولتش م الاول ليه ؟
- عوضين : انكسفت منك وكان نفس اخدمك ، قلت اخترع لك كلمتين يطمنوك .
- هريدى : ( ضاحكا ) طب خلاص ما تزعلش نفسك . يعنى طلعت زى حالاتي ؟
- عوضين : ايوه ، جاهل ، وبأف وطور .
- هريدى : وليه الغلط دا ؟ طب دا حتى ساعات العلام يفسد المفهوميه . يا ما افنديه واساتيز ويخربوا بلد بزبها .
- عوضين : و النبى تسكت . هو الافنديات بيضحكوا على عقولنا الا بسبب علامهم ؟
- هريدى : ودا ييجى اسمه علام ؟ العلام نور مش ضلمه .. رحمه مش جسوه .. العلام لو ما كنش لا جل الواحد ما يساعد أخوانه ، ييجى مالهش لزومه .
- عوضين : على قوك .
- هريدى : يا لانا .. تلاجيك تعبان . وانا روخر غايز اصحى بدرى .
- بالبح ، الاحسن تخليك جاعد هنه مدام الحكومة لسه وراك .
- عوضين : مش معقول أتاقل عليك اكثر من كدا .
- هريدى : يا سيدى ، الحوش واسع ويساع عشره بالميت ، وإن ماشالنتكش الأرض .. اشبك على كتافى ، تصبح على خير .

عوضين : وانت من أهله . لكن الا من حق ، نعيمه دى محدش متكلم عليها ؟  
هريدى : لا ، بتسأل ليه ؟

عوضين : أبدا . اصلها بينها حاطه عينها منك .

هريدى : مخابرش .

عوضين : ( بعد لحظه ) ولا انت رايدها ؟

هريدى : بلا كتر كلام . وراى حاجات م النساوين . نام نام .

( الاثنان يسحبان الغطاء لينا ما )

عوضين : ( ينقلب ثم يرفع رأسه ) ابو زيد ...

هريدى : ( بين اليقظه و النوم ) هيه ؟

عوضين : انت نمت ؟

هريدى : ايوه .

عوضين : اصلى انا مش جايلى نوم .

هريدى : ( وهو يهرش فى رأسه ) ايوه البج كثير .

عوضين : لا البج دا شئ متعودين عليه .

هريدى : ( وهو يثأب بشدة ) آمال ايه ؟

عوضين : حاجة تانيه بتهرشنى فى دماغى ، بتجولى ما يصحش اخبى عليك

سرى بعد اللي عملته عشانى . انت بجيت أكثر من أخ . وعيبه

كبيره أنى مستأمنكش . اصل أنا يا ابو زيد مش هريان م السلطه . دا

أنا عليا تار بجاله ستين .

هريدى : ( يتقلب تحت الغطاء )

عوضين : ايوه ، مترصد لى واحد بلدياتى اسمه هريدى عبد الجبار .

( وعندما لا يسمع ردا ) خدت لى بالك ؟

هريدى : ( يشخر بصوت عال )

عوضين : واه .. انت نمت ؟ طيب ( يهز رأسه وينام بدوره )

انظلام

## المشهد السادس

المنظر : نفس المنظر السابق . فى الصباح

رزق : ( يروح ويجى وينظر للباب ) راحت فىن البيت دى بس ؟

هريدى : ( يصحو ويتثاءب ) صباح الخير يا عم رزق . مالك بتكلم نفسك ؟

رزق : البيت نعيمه بعثها تجيب الفطار والسجاير بقالها ساعه مرجعتش .  
انت خارج ؟

هريدى : ايوه ؟ مواعد مرشد افندى يفوت عليا دلوك .. لوجه يستثنانى،  
عطس وشى بشويه ميه .

رزق : وصاحبك دا هتسيبه هنا ؟

هريدى : خليه نايم باينه تعبان ( يتحرك الى الممر )

( يخرج وتظهر نعيمه ومعها لفه مأكولات )

رزق : كنت فىن دا كله يا بت ؟

نعيمه : قلت أشم شويه هوا .

رزق : بس الهوا مجاش سوا . مش كذا ؟ فىن سجايرى ؟

نعيمه : يوه، نسيت اشتريها .

- رُزق :** طبعا ، ييجى ابويا يعوز فنجان قهوه ، اعمله شاي واسقيه لامي .
- نعيمه :** قصدك ايه بابا ؟
- رُزق :** خشى فى عبي يا بت الحاوى ، امرى لله اروح اجيب السجاير .
- وانتى الحقى جهزى الفطار لحسن الهوا فى الحمام ( يخرج )
- ( نعيمه تتحرك بقلق ، تخطر لها فكرة تخرج ثعباناً وتلقيه على عوضين . عوضين ينتبه بعد لحظة وينهض شاهقاً بخوف )
- عوضين :** الحجونى ، حنش .. حنش .
- نعيمه :** ( تضحك ) عليك واحد .. دا ثعبان سنانه مخلعه .
- عوضين :** وقعتى قلبى حرام عليكى ( يضحك ) بس مقبوله منك .
- هريدى :** ( يدخل بنصف ملاپسه ) فيه ايه ؟ جرا ايه ؟ بتصوت ليه ؟
- عوضين :** ولا حاجه . دا احنا بنهزر .
- هريدى :** ( ناظرا لهما بريبه ) بتهزروا ؟
- نعيمه :** ايه مش احسن م الوش الكشر ع الصبح .
- هريدى :** بلا دلع ماسخ .
- عوضين :** ( محرجا ) طب انا داخل بيت الراحه ( يخرج )
- هريدى :** ( يبحث عن المسدس تحت الوساده ) واه الطبنجه كانت هنه .
- نعيمه :** ( تغنى ) ييجى ابويا يعوز فنجان قهوه ، اعمله شاي واسقيه لامي
- هريدى :** محدش غيرك خدها ، هاتى الطبنجه :
- نعيمه :** عشان نقل عقلك وتقتل فتيل ؟
- هريدى :** ( يمسكها بقوه ) ان كنتى سرجتيها عشان اقوت حجى واخذل اهلى وافضى لك وحدك ، تبجى غلطانه . دورى لك على مجطف غيرى .
- نعيمه :** انت ما تخلفتش للقتل يا بوزيد . انت انسان وحنين ..

- هريدى : ( مقاطعا ) انطجى فين الطبنجه ؟
- نعيمه : أى سيب ايدى . المسدس رميته فى الترعه .
- هريدى : يعنى ضاع خلاص ؟ دا انا ادفنك هنهه مطرح ما انتى واجفه .
- نعيمه : واهون عليك ؟
- هريدى : تهونى عليا انت وابوكى كمان ( يصفعها )
- نعيمه : بتضربنى عشان بحبك اكثر من نفسك وخايفه عليك يشنقوك .
- هريدى : ( مقاوما نفسه ) اسكتى انت شيطانه .
- ( يدخل عوضين عائدا )
- هريدى : ومالكيش كلام معاى واصل ، ولا انا جاعد معاكى فى طريقه واحده .
- بعد النهارده . والله لا كون حاطط اسمك فى اللسته .
- ( نعيمه تجرى للداخل باكيه )
- عوضين : ( يقف محرجا ) والله ما هوانى . هى اللى هزرت معايا الاول .
- هريدى : ماليش صالح بيها .
- عوضين : ان كنت جيت ازعجتكم انا ماشى دلوقتى .
- هريدى : مش انت المجسود يا زناتى ، وهى ما تهمنيش فى شئ .
- عوضين : يعنى انت ما بتحبهاش يا ابو زيد ؟
- هريدى : جلت لك لاه ، وراى حاجات أهم من جعدة النساءين .
- عوضين : الحمد لله طمنت قلبى .
- هريدى : ماتخافش عليا . مش ابو زيد اللى تضحك عليه الحريمات .
- عوضين : لا ، انى مقصدش ، انى بس كنت خايف تكون انت منشن عليها ،
- اكنن انا .. يعنى .. مستلطفها .
- هريدى : عتجول ايه ؟
- عوضين : ايه اتضايقت ؟

هریدی : لا ، واتضایح لیه ( ومستدرکا ) لاه ، معلوم اتضایح ، ما یصحش انا وابوها نأمن لك وأنت تستغفلنا .

عوضین : أعوذ بالله . انی غرضی شریف والله . دی فیها حاجه تزعل ؟  
هریدی : ( مستسلما ) لاه .

عوضین : ( بارتیاج ) وعشان تصدقی ، انی عایزك تخطبها لی من عم رزق .

هریدی : أنا ؟

عوضین : اصلی مش واخذ علیه وتلاقینی خجلان حبتین . قلت ایه ؟  
هریدی : ما علی الرسول الا البلاغ .

عوضین : نسلم وتعیش لی ( یقبله ) یا سلام یا ولاد . الفرجه مش سيعانی .  
هریدی : ( بغیظ ) اصبر . كنت شفت ابوها وافج خلاص .

عوضین : المهم ان هی موافقه .

هریدی : وعرفت کیف انها موافقه ؟

عوضین : ( مبتسما ) انت ما خدتش بالك انها من یمتی یعنی ..

هریدی : لا ، ما خدتش .

عوضین : دی حاجه باینه زی الشمس ، بس انت اللى ما لكش فی الحاجات دی .

هریدی : ( بتحفز ) وهو حصل بناتكم الحاجات دی ؟

عوضین : لا .. قصدی أقول یعنی انك كنت قدامها ، اشمعنى انا یا غریب  
اللى تاخذ علیا بسرعه وتهزر معايا ؟

رزق : ( داخلا ) انتولسه ما فطرتوش ؟ بت یا نعيمه فین الفطار ؟

عوضین : ادى احنا فیها ( ثم لرزق ) لا مؤاخذه یا عم رزق . ابو زید كان عایزك فی كلمتين الاول .



- نعيمه : ( تظهر ) ايوه يابا .
- رزق : طب ما تتكلم .
- عوضين : اصله الظاهر مكسوف .
- رزق : ( بفهم ) واحنا بينا كسوف يا هريدى يابنى ؟
- هريدى : مش الجصد ، بس ولا مؤاخذه يعنى ( ينظر ناحية نعيمه )
- نعيمه : اغور انا عشان تتكلموا براحتكو .
- رزق : والذى ايه ؟ لا ء استنى يا ختى . آل يعنى البت مش عارفه ..
- ( لهريدى ) وانت اتكلم . عيب الرجالة تنكسف زى البنات .
- عوضين : قوله يا عمى . عن اذنكم أنا .
- هريدى : هوانت تفرزنى وتجري ؟ جعمر .
- رزق : مش برضه الموضوع يخص نعيمه ولا أنا غلطان ؟
- نعيمه : ( بخجل ) وبعدين فيك يابا ؟
- رزق : على بابا ؟ ما تتكلم يابوزيد .
- هريدى : حاصر ( ناظرا لنعيمه ليراقب رد فعلها ) بجى الموضوع باختصار
- يا عم رزق انى طالب ايد بنتك ل ...
- رزق : ( مقاطعا ) طب ما ناعارف ، وموافق كمان ، حلال عليك
- ( يحتضنه ) مبروك يا ابوزيد .
- هريدى : صبرك عليا ماكملتش كلامى . بجول طالب يد بنتك لاخويا
- وصاحبى زناتى . جلت ايه ؟
- رزق : ( مبهوتا ) زناتى ؟ زناتى مين ؟
- عوضين : انا يعنى .. ابوزيد اتكلم بلسانى .
- رزق : ( محرجا ) والله ... انا مش مهم . نسالها هى . قلتى ايه يا نعيمه ؟
- نعيمه : ( ناظرة لهريدى بتحدى ) اللى تشوفه يا با .

**رزق :** ( وقد توّفق رفضها ) اهو شفت ( مستدركا ) ايه ؟ انا مش فاهم انت واقف زى الصنم ليه يا ابوزيد ؟ ما تقول حاجه .

**هريدى :** اقول مبروك يا عروسه . مبروك يا عريس .

**عوضين :** الله يبارك فيك .

**رزق :** على ايه ؟ انا لسه ما ادبتكش كلمه . سيبنا نفكر وبعدين ..

**نعيمه :** (مقاطعه) انا فكرت خلاص يا ابا ومش هلاقى احسن من زناتى .

**رزق :** اتفلقوا منك له (لهريدى) لك انت كمان ، ما هو يالاننوا اتجننتوا يا اما انا اللى خرفت (يخرج لحجرته)

**عوضين :** انا مش عارف اتشكر لك ازاي يا ابوزيد . انت ..

**نعيمه :** (وهى تشده ) سى زناتى . عايزاك فى كلمه .

**عوضين :** طب بالاذن يا ابوزيد (يخرجان)

(هريدى يظل واقفا يعانى الغيره و الحزن والالم)

**مرشد :** (يظهر خلف البوابة) صباح الخير .

**هريدى :** مرشد افندى . تعال .

**مرشد :** اذا كنت جاهز ياللا بينا ما فيش وقت نصيغه .

**هريدى :** لا .. تعال الاول . حصلت مصيبه . الطبنجة ضاغت منى .

**مرشد :** طب واقعد ليه بقى . ما اروح .. سلامكوعليكو .

**هريدى :** ( يوقفه ) استنى .. مش ممكن تكمل جمياك وتشتريلى طبنجه غيرها .

**مرشد :** وماله .. المهم معاك عمله ؟

**هريدى :** ييجى عليا .

**مرشد :** يفتح الله . محدش بيشتري سلاح بالشكك .

**هريدى :** ما هو باذن الله خالى يدفع لك كل اللى تعوزه . حتى وصلنى منه

مكتوب خد استجرهولى .

**مرشد :** ( يمسك الخطاب ويقراء ) اما بعد .

**هريدى :** ايوه فوت السلامات والذى منه .

**مرشد :** ما فيش سلامات .. هو الجواب اوله كده .

**هريدى :** والجواب ينجرا من علوانه . كمل .

**مرشد :** اما بعد فاحنا حاسين انك من وقت ما ادليت مصر و انت نسيت اهلك وتارك . والظاهر انتعمت كيف الاقدييات ومشيت ورا نساوين البندر بس فالح تبعت مراسيل تطلب نقديه .

اعلم ان ما فيش قرش هيوصلك بعد اليوم . وقدامك شهر كمان ان فات وما سمعناش الخبر اللى مستنظرينه . يبقى احسن لك تخليك مطرحك , وانا ابعت راجل صح يقوم بالواجب بدالك . الامضاء خالك .

**هريدى :** يا بوى راسى بجت فى الوحله . اعمل معروف يا مرشد افندى

**مرشد :** اذا كان خالك اللى من لحمك مش عايز يديك قلوب , اديك انا بتاع ايه ؟ سلامو عليكو .

**هريدى :** طب شوف لى شغلانه اتكسب مدها عشان الم حج الطبجيه بالعجل .

**مرشد :** ما نا عرضت عليك وانت اللى مرضتتش .

**هريدى :** لا كله الا الحشيش .

**مرشد :** قلت لك مش حشيش . دا هيروين يا جاهل .

**هريدى :** شوف لى غيرها الله يخليك . انت بتاع كله .

**مرشد :** ماشى . عندى لك شغلانه اخر ابهه . موظف قد الدنيا فى كباريه محترم .

**هريدى :** كباريه ؟ دا اللى ناجص . عرجص و لا أغنى ؟ حد الله ما بينى وبين الماخز ( من الداخل نسمع ضحكه عريضة لتعيه )

مرشد : لا واضح .. ونعم الاخلاق .

ص عوضين : ( من الداخل ) نعيمه ويعدين معاك ما تزعزغيش .

مرشد : ( بدشه ) ايه ده .. مين اللي عندك ؟

هریدی : ( محرجا ) واحد معرفه . جولى هشتغل ايه فى الكباريه ؟

مرشد : ابدأ يدوب هيلبسوك بدله شيك وتقف فى الصاله , والزبون اللي يغلط تأديه .

هریدی : فتوه ؟ لا .. انا ربنا ما ادنيش عافيه عشان اتشاجى وافترى على الخلع .

مرشد : مش فتوه ، بودى جارد ، يعنى موظف أمن . زيک زى الضابط .  
واحد طنش ع الحساب تمسكه .. زيون سكران اترازل بكلمه ..

هریدی : ( مقاطعا ) واه ؟ هوا الكباريه فيه سكرانين كمان ؟

مرشد : يعنى ، ساعات مش دايم .

هریدی : لا .. انا ماشتغلش فى مواخير واصل .

نعيمه : ( تصحك بخلاعه ثم تظهر من الداخل )

مرشد : صباح الفل يا ست الكل .

نعيمه : هو انت هنا ؟ ( بفتور ) اهلا .

ص عوضين : ( من الداخل ) رحتى فين يا نعيمه ؟

نعيمه : اغسل الصحن وتعالى .

ص عوضين : ( من الداخل ) من عنيا .

مرشد : ( باستغراب ) غريبه .. يبقى مين اللي عندك جوه دا ؟

هریدی : جالت لك واحد صاحبي ، اسمه زناتى .

نعيمه : ( بدلال ) ويبقى خطيبى ( وتتحرك لحجرتها وتخرج )

مرشد : ( باستغراب ) خطيبها ؟ امال انت وضعك ايه هنا ؟

**هریدی :** مالیش صالح بیها .. دی هی الی ضیعت الطبلجه .  
**مرشد :** خلاص یبقی تدفع لك تمنها .  
**هریدی :** بس هی ما حلیتهاش نجدیه .  
**مرشد :** ولما هی معهاش قلوب هتجوز ازای آمال ؟ تشتغل هی بدل قعدتها دی وتسد لك حقك .  
**هریدی :** لاء أنا أکلم ابوها هو ملزوم یدیلی حجها .  
**مرشد :** ومستنی ایه ، خش کلمهم .  
**( یشخ ، نسمع صوت عوضین یدندن بالاغنیه )**  
**مرشد :** مستحیل .. دا صوت عوضین . لکن ازای ؟  
**عوضین :** ( بظهر داخلایری مرشد فیقف مذهولا ) مین ؟ مرشد أفندی للندل ؟  
**مرشد :** عوضین الدون ؟  
**عوضین :** ( مخرجا مسدسه ) عرفت مطرحی کیف ؟  
**مرشد :** ( بخوف ) انا ما کنتش اعرف . انا جای ضیف .  
**عوضین :** ضیف ؟ لهوانت تعرف ابوزید ؟  
**مرشد :** ایوه انت الی تعرفه ازای ؟  
**عوضین :** دا صاحبی واخویا ومستعد یقتل عشان زناتی . فاهمنی ؟  
**مرشد :** زناتی ؟ ( بارتیاج ) هوانت کمان غیرت اسمک ( وضاحکا ) عشان کده .  
**عوضین :** ( بدهشة ) بتضحک علی ایه ؟  
**مرشد :** مافیش .. صدقنی انا جای لابوزید ادور له علی شغله .  
**عوضین :** وانت الی زیک یسعی فی الخیر ؟  
**مرشد :** اقتلی عشان بدل ما یبقی هریدی بس الی وراک ، یبقی هو والحکومة سوا ( عوضین یخفض المسدس ) عرفت أنك ما تقدرش تقتل ؟

- عوضين :** واضمن منين انك هتبقى معايا على هريدى ؟
- مرشد :** اطمئن هريدى فلس وما عدش حيلته يدفع لى .
- عوضين :** وانا كمان خالى شغل ومعايش ادفع لك .
- مرشد :** وماله .. اشغلك وندفع لى نص اللى تقبضه .
- عوضين :** عصرته هو ودلوقت هتدور عليا تعصرنى انا .
- مرشد :** نص فلسوك وتعيش فى سلام اوتعيش فى خطر وحرب ، ويرضه مش هينويك غير الفقر
- عوضين :** ( بضعف ) انا تعبت يا مرشد أفندى نفسى ارتاح واتجزر . أعمى هريدى عنى وخد منى كل اللى أنت عايزه .
- مرشد :** ماشى . على شرط ما تقولش سرى لى حد .
- عوضين :** بما نا اتقرصت منك واتعلمت ، دا حتى ابوزيد لسه ما قتلوش .
- مرشد :** واياك تقول له حاجه وأعمل حسابك اذا كنت عايزنى احميك تنفذ كلامى بالحرف الواحد .
- عوضين :** حاضر . انا تحت امرى . بس قولى هريدى فين دلوقتى ؟
- مرشد :** ( مبتسما ) لا يا حدق ، لما تقبضنى الاول .
- هريدى :** ( يظهر ) انت هنا يا زناتى ؟ حضرته بيقى مرشد أفندى .
- مرشد :** ايوه . اتعرفنا وانت جوه .
- هريدى :** زناتى هو اللى طلعت بيه م البلد دى كلاتها .
- مرشد :** قالى .. رينا يخالىكو لبعض . انا كمان مستعد اشغله معاك .
- نعيمه :** ( تظهر من الداخل )
- هريدى :** فى الكباريه برضك ؟
- عوضين :** كباريه ؟ بس أنت ماقتلش كباريه ؟
- مرشد :** ( مقاطعا ) وادبنى جلت لك .. عندك مانع ؟

- عوضين : لا .. انا تحت أمرك .
- هرىدى : لو السما انطبجت ع الارض ، رجلى ما تخطى هناك .
- نعيمه : سى مرشد . انت مش قلت أنك تقدر تشتغلنى ؟
- مرشد : ( محرجا من هريدى ) واحنا فى دك الساعه ؟
- عوضين : ( محتجا ) مرتى تشتغل فى الكباريه ؟
- نعيمه : انا لسه ما بقتش مراتك . ويعدين اشمعنى انت تشتغل فيه ؟
- عوضين : انا راجل .
- مرشد : خلاص وأهى هتبقى فى حماك ( هامسا ) ايه لسه عندك مانع يا عوضين ؟
- عوضين : ( بتراجع ) أنا ؟ لا استغفر الله انا كنت بستفهم بس
- هرىدى : ( بغضب ) انا عندى مانع .
- نعيمه : انت بالذات مالكش صالح بيا ، انا ليا راجل هو بس اللى يتحكم قيا .
- لا . دا لايمكن واصل ( ينادى ) انت يا عم رزج تعال شوف .
- هرىدى : ( يظهر ) فيه ايه تانى ؟
- رزق : بنت اخوك بدها تشتغل فى كباريه .
- هرىدى : وهيدفعولها كام ؟
- رزق : انا ممكن احبب لها ميه وخمسين جنيه شهرى .
- مرشد : ( بثوره ) ليه يا زناتى ؟ ليه يا عم رزج ؟ ليه يا نعيمه ؟
- هرىدى : علينا دين لواحد ولازم ندفعه .
- رزق : خلاص محدش عاجز متكم حاجه . سى مرشد انا رجعت فى كلامى
- هرىدى : شغلنى انا فى الكباريه ده . شغلنى فى اى نصيبه ، انا موافج .
- أنت حر فى نفسك . بس انا محبش ابقى مديونه لحد .
- نعيمه : حلو . يبقى نتقابل كلانا فى الكباريه .
- مرشد : اظلام

## المشهد السابع

ملهى ليلى .. درجه ثانية

جهه دخول ، بيست وعليه فتحه مغطاه بستارة ، يظهر فيها الفنانون

موائد حول البيست .. الخ

**المنظر :** ( خادم يجهز الموائد ، يظهر مرشد ومعه المتر )

**المتر :** شهل يا عبده الحفله هتبتدى .

**مرشد :** هيه ما قولتليش يا متر عجبتك البت نعيمه ولا لاء ؟

**المتر :** هى فرده مش وحشه .

**مرشد :** طب ما تطلب لى العشا بقى .

**المتر :** بس زى قلتها مدام مش عايزه ترقص .

**مرشد :** واحده واحده لحد رجلها ما تيجى فى الشغلانه . اطلب لى العشا بقى

لحسن واقع .

**المتر :** والراجل الدهل الثانى ، تفتكر هيسد معانا ؟

**مرشد :** ألا يسد ، دا ياكل عشر رجاله . زود انت فواتير الحساب زى ما

يعجبك و خلى زبون يتنفس .



**المتـر :** اما نشوف، هو كل دا بغير هدومه ؟ ما تندمه .  
**مرشد :** ( ينادى ) لبست يا ابوزيد ؟  
**ص هريدى :** ( من الداخل ) ايوه  
**مرشد :** طب ما جتش ليه ؟  
**ص هريدى :** خجلان من روحى . فيه حد غريب عندك ؟  
**المتـر :** سامع ؟  
**مرشد :** معلىش ، بكره يدرحد ، تعال يا ابوزيد ما تتكشفش .  
**هريدى :** ( يدخل مرتديا بدله لميع وبابيون وحذاء بكعب )  
**مرشد :** ما انت زى الفل اهو .  
**هريدى :** حاس كأنى بلياتشو فى البدلة ام ترتز والجزمه ضيجه زانجه على صوبعى المدوحس .  
**مرشد :** معلىش هتعود  
**المتـر :** خلى بالك انت هتشتغل اسبوع تحت الاختبار . نفعت .. كان بها ، ما نفعتش مع السلامه .  
**مرشد :** مش عايزك تقصر رقبتي .  
**المتـر :** فهمه انت بقى النظام لحسن مش فاضى ( يتحرك خارجا )  
**مرشد :** طب بس ابعث لى العشا .  
**هريدى :** جولى ، هى نعيمه وصلت ؟  
**مرشد :** مالك ومالها دلوقت ، خليك فى نفسك عشان تقدر تشتري السلاح الللى أنت عايزه .  
**هريدى :** وهو مصبرنى غير كده .  
**مرشد :** دى شغلانه سهله قوى . انت يدوب هتقف هنا ورا الطرايبزه بتاعتى وعينيك بتراقب . بس تقف بأدب .

- هریدی : فاهم . عجب بأدبی طول مالی هنا جاعدين بأدبهم .
- مرشد : عليك نور .. قلو ادبهم , تعمل ايه ؟
- هریدی : اطيح فى زماره رجبتهم .
- مرشد : حلو . اول ما الزيون من دول يخش ترحب بيه .
- هریدی : ارحب بيه من غير ما أعرفه ولا يعرفنى ؟
- مرشد : انت يدوب تبئسم له هو والست اللى معاه كده .
- هریدی : وكمان ابصيص للست اللى معاه ؟
- مرشد : عندنا هنا دى مش بصيصه . وبعدين تروح للست وتقلعها ..
- هریدی : ( مقاطعا ) اجلعه ؟ هى حصلت لحد كده ؟
- مرشد : افهم . هتقلعها الباطور . الجاكت الفريز .. اى حاجه على كتفها .
- هریدی : وده برضه حداكوا ماتبجاش بصيصه ؟
- مرشد : لاء . بعد كده بقى تيجى مادد ايدك و..
- هریدی : ( مقاطعا ) عندك . هى فيها مد ايد كمان ؟
- مرشد : تمد ايدك تخرج لها الكرسي علشان تقعدھا .
- هریدی : ما عنها ما جعدت . ماتعرفش تجعد وحديھا ؟ والراجل اللى معاھا
- هيسكت على كده ؟
- مرشد : الاتيكيت كده .. والراجل هتقعه هو كمان .
- هریدی : الحمد لله انك ما قولتليش اجلعه .
- مرشد : بس يا سيدى وتقوله كلمتين . شرفت يا باشا .. نورت يا باشا .
- هریدی : واه ؟ كل زباينكم باشوات ؟ ماشاء الله .
- مرشد : اى حد يخش هنا يبقى باشا على طول . وتحنى له وهو داخل .
- هریدی : ما عاش ولا كان اللى أطا طى له راسى .
- مرشد : هو بجد ؟ دى حركات .. شغل أونطه .

- هریدی : ویخش علیهم الأونطه دی ؟
- مرشد : دول يموتوا فى الأونطه .
- هریدی : یيجوا ناس هايفه وعجلها ضیج .
- المتـر : ( يظهر ) انت لسه بتشرح له ؟ ياللا الزباين داخله .
- مرشد : طب الحقنى بالعشا .
- ( خادم يقدم العشا لمرشد بينما يبدأ تشغيل الموسيقى وتطفى الأنوار )
- هریدی : النور باينه هينجطع .
- مرشد : دی أصول الشغل يا بنى آدم .
- ( يبدأ دخول الزباين تباعاً المتر يستقبل بعضهم )
- المتـر : ( لهریدی ) شوف شغاك
- هریدی : ( لأمرأه داخله مع رجل ) أهلا يا باشا .
- المـرأة : نعم ؟
- هریدی : ( يخلع القرو من على كتفها بقوة فيخلع معه الباروكة )
- زبون : ايه دا . مش تحاسب ؟
- هریدی : لامؤاخذه التعليمات كده .
- زبون : قول للمتر عايزين كاس دويل .
- هریدی : كاس أيه ؟
- زبون : كاس دويل .
- هریدی : حاضر .. الحمد لله انه ماطلبش كاس خمرة .
- المـرأة : ( تخرج سيجاره ) انت .. ولع لى .
- هریدی : بس الباشا ما يزعلش ؟
- زبون : ازعل من أيه ؟
- هریدی : انتو باينكو ما بتزعلوش من حاجة خالص .

زيسون : مافيش عندكم ميه ؟

هریدی : فيه، بس انا كنت سامعهم فى البار بيقولوا الميه كلها مضروبة  
(الزبون يترك الكاس فى الحال ) انا اسمع الناس بيعضروا بيض ..  
يضربوا جزوه . لكن الميه يضربوها ازاي ؟ لاء والاكاده بيعضروها  
حجن ميه برضه .

الزيسون : انا مش دافع حق الخمره دى .

المتستر : معلى ، دا أصله مستخدم جديد ، ومش فاهم حاجه خلى الحساب علدى .  
( بعض الزبائن تنهض وترقص على لحن ديسكو )

هریدی : الناس دى انهبلت . فيه رجاله بترجص و تتجصع كده هو ؟  
مرشد : وانت مالك ؟ طمش .

( الرقصه تتحول الى تانجو )

هریدی : اباي ؟ دول معبطين فى بعض .

مرشد : فيها ايه ؟ كل واحد ومعاه الست بتاعته .

هریدی : ما عندهم بيت يكونوا ويتستروا فيها ؟

مرشد : وطى صوتك ما تفصحناش .

هریدی : انا برضه اللى عفضحك ؟ وانتوا ناجصين ؟

زيسون : قولى يا ..

هریدی : نعمين يا باشا .

زيسون : الرقصه بتاعتكم هتطلع امتى ؟

هریدی : ما عندناش رجصات . دا كاباريه محترم . أجعد بأدبك .

مرشد : ( ينهض ويسحب ) ايه اللى بتهببه دا ؟

مذيع داخلى : والان مع الراقصه اللولبيه ( تظهر الراقصه هریدی يغطى عينه )

( الجمهور يصفق ويهال )

هریدی : بس منك له، اللي هيزيط عطرده بره .

المتسر : شوف صاحبك يا مرشد .

مرشد : ما تسيبهم يهيصوا يا ابوزيد .

هریدی : دی برضه مش جله آدب ؟

مرشد : لاء وافرض .. طنش .

( البعض يقف ويرمى بالنقود تحت اقدام الراقصه )

هریدی : بابوى .. دی بتكسب اكثر من عمدة بلدنا .

مرشد : انت هتقر ؟

هریدی : دا حرام . دا عرج ناس . بيشتغلوا ايه دول ؟

مرشد : نصهم حراميه .

هریدی : حراميه ؟ ومستنى ايه .. ما تبلغ عنهم البوليس .

المتسر : ( يمر ) انت با ينك اهيل .

هریدی : وانت باينك شيخ منصر .

المتسر : اخرس وراعى أكل عيشك لحسن اوريك .

زبون : مبسوطه يا حياتى ؟

المرأة : بس خايفة جوزى يعرف باللى بينا .

زبون : ولا يهملك .

هریدی : ( يجرى الى مرشد ) مرشد أفندى الحق شايف الراجل دا ؟

مرشد : ماله ؟

هریدی : الست اللي فى ريحه ما تبجاش مرته . عنتصرف كيف دلوكت ؟

مرشد : وانت مالك ؟

هریدی : مالى كيف، انت مش جلت لى اللي ما يجعدهش بأدبه .. آدبه .

مرشد : طنش .. اعمل نفسك مش شايف ولا سامع .

هریدی : لیه واجف جرطاس هنا ؟ دی مش جله أدب ؟  
مرشد : لأ .

هریدی : آمال جلة الأدب تبجی ایه ؟

مرشد : جلة الادب هنا أن الزبون ما يدفعش الفاتوره . فهمت ؟

المذيع : والآن مع السحر والاثارة ، الساحر رزق والوسيطه الحسنا نعيمه  
كهريا .

( موسيقى يظهر رزق ونييمه ثم عوضين )

رزق : ( هامسا ) انت ايه اللي طلعتك ورانا ؟

عوضين : مش خطيبتى؟ رجلى على رجلها .

رزق : سيداتى انسانى سادتى . حنقدم لكم فقرة من التلويح المغناطيسى .

( ويبدأ رزق نمرة التلويح مع نعيمه )

مرشد : ( لهریدی ) ومودى وشك الناحية الثانية ليه ؟

هریدی : مجدش ابص ع المسخره دى ( لكنه ينظر )

رزق : استعدى علشان تتلقى أوامرى .

نعيمه : انا جاهزه .

زيون : ( ضاحكا ) وانا جاهز يا جميل .

عوضين : بجوالك ايه .. اجعد بادبك .

رزق : قومى .. اتمشى ... نامى هنا .

عوضين : تنام قدام الناس ازاي ؟

مرشد : ( مقترباً منه ) ما تعقل يا عوضين ولا أعقلك .

عوضين : حاضر .

رزق : بص يا حضرة بص يا أستاذ بصى يا هانم ، هنوصل اللمبه بجسم

نعيمه اللمبة تسرى فيها الكهريا وتنور . كده تطفى كده تولع .

زبون : انت اللي منور .

زبون : يا مكهرب كهربنى .

هرىدى : ودى كمان مش جلة أدب ؟

مرشد : دا معجب يا أخى طنش ( ويهلل ) حلاوتك يا نعيمه يا ام ٢٥٠  
فولت .

هرىدى : انت كمان ؟

مرشد : يعمل لها جو ياخى . شغلتي كده . لازم أعمل بحق العشوه .

رزق : على شعرها تنور ..على صدرها تنور ..على بطنها تنور .

عوضين : بس كفايه .

المتنـر : الجدع دا هيقرفنا ، ابو زيد ، شوف شغلك معاه ، سكته .

هرىدى : الجدع ما غلطش .

المتنـر : طب انت مفصول .. اتفصل .

هرىدى : مفصول مفصول بس مش خارج غير معاهم ( ويخلع الجاكته )

رزق : والان الفقرة الخطيره ، نعيمه تحت تأثير التنويم هديها أمر تطير  
وترتفع فى الهوا .

عوضين : فزى قومى بلا مسخره .. انا هنام بدالك .

رزق : ما ينفعش .

عوضين : لاء ينفع هى يعنى نايمه بجد ؟ اهو ( يتظاهر بالنوم )

( ثم للزبائن الذين يضحكون ) بتضحكوا على ايه ؟

مرشد : وبعدا لك يا عوضين ؟ هتعقل ولا اجيب لك هرىدى ؟

عوضين : حاضر هعقل .

رزق : ( بيدأ فى نمرته مع نعيمه )

زبون : خد يا .. انت تعرف البنـت دى ؟

- هریدی : ایوه اعرفا ، يلزم خدمه ؟
- الزبون : عايزك بعد ما تخلص نمرتها تقولها سبعاوى بيه عايزك فى كلمه .
- هریدی : كلمة ايه بالظبط ؟
- الزبون : مالکش دعوه , بس قولها كده .
- هریدی : مالکش كلام معاها .. اتكلم معايا انا .
- الزبون : هى تبعك ؟ طب ما تقول كده . أمسك خمسين دولار .
- هریدی : ايه دول ؟
- الزبون : ما تبقاش طماع . هشوفك بعدين لما تجيبها .
- المتـر : ( يمد يده ويخطف النقود من هریدی ) احنا فى خدمتك يا باشا .
- مرشد : ( متدخل ) انا عايز نسبتي يا متر .
- هریدی : يا ولاد المزـر. انتو فاكـرنا ايه ؟ ( ويمسك بتورته امام الزبون ويلصقها فى وجهه ) بت يا نعيمه أنزلى من عندك .
- رئـق : انت مالکش حكم عليها .
- هریدی : انت يرضيك كده يا زناتى ؟
- عوضين : لا ما يرضنيش . اسمعى الكلام يا نعيمه .
- نعيمه : حاضر .
- مرشد : بقى كده يا زناتى ؟
- عوضين : ايوه كده . انت استعبدتلى ؟ ( لنعيمه ) فوتى قدامنا .
- المتـر : اوعى سيبها ( يدفع عوضين )
- نعيمه : يا دھوتى ، الحقونا هيصـريونا يا ابو زيد .
- هریدی : جايلك يا زناتى ( ويقفز الى البيست للمشاجرة )
- المتـر : الحقوا هاتوا البوليس .
- هریدی : يندھولنا البوليس ؟ طب محروج الكباريه بصحابه ع اللـى فيه .



**مرشد :** البوليس ؟ ( يجرى خارجا )

( عوضين وهريدى يطيحان بالموائد ويضربان الزبائن ، الكل يحاول أن يجرى أو يدافع عن نفسه عدا زبون سكران جالس يصفق ويقول برافو .. هريدى يلقى بعود ثقاب فى المكان فتبدأ النار فى الاشتعال .. نسمع صوت سارينه بوليس )

**عوضين :** اهرب يا ابوزيد .

**أبو زيد :** اهرب أنت يا زنائى .

( ستار الفصل الثانى )

## المشهد الثامن

المنظر : قسم بوليس .

(امين الشرطة نوباتشى جلس يتثائب .. يدخل شاويش ويؤدى

التحية)

الشرطى : تمام يا فندم .. الدوريه رجعت .

الأمين : فاضى ولا مليون ؟

الشرطى : معانا انتين مسكناهم تحرى كانوا بايتين ع الرصيف .

الأمين : ( يتثائب ) هاتهم وامرى لله .

الشرطى : ( يدفع هريدى وعوضين ) ادخل منك له .

هريدى : بس مانتزجش .

الأمين : اهلا وسهلا .. اهلا .

هريدى : شايف المجابله الزين ؟ اهلا بيك يا حضرة الاومباشى . اجعد يا

زناتى .

الأمين : يقعد ؟ فاكر نفسك فين ؟ فز قوم .

عوضين : سامحه يا فندم اصله مستجد هنا .

- الأمين : اخرس انت. لما اكلمك ترد ( لهريدى ) طلع البطاقه .  
 هريدى : معايش .  
 الأمين : وقعتك سوده ( لعوضين ) وانت ؟  
 عوضين : شرحه .  
 الأمين : اقطع دراعى ان ماكنتوش عصابه ( لهريدى ) اسمك ايه ياله ؟  
 هريدى : ( مستنكرا ) وله ؟  
 الأمين : ايه مش عجبك ؟  
 عوضين : لا مايجصدش .  
 الأمين : انت محامى عنه ؟ اخرس خالص .  
 عوضين : حاضر يا بيه .  
 هريدى : يخرس يعنى ايه ؟  
 الأمين : لا دا انت فاقد بقى . اسمك ايه ياله ؟  
 عوضين : ابوزيد يابيه .  
 الأمين : هو اللى يتكلم ( لهريدى ) اسمك ايه ؟  
 هريدى : واه ، ماجالك ابوزيد .  
 الأمين : لا.. اسمك ثلاثى .  
 هريدى : ما اسميش ثلاثى. اسمى ابوزيد سلامه .  
 الأمين : انت مابتفهمش ؟ بقولك اسمك ثلاثى .  
 هريدى : ماتجول كيفك , عتعرف اسمى اكر منى؟؟  
 الأمين : ماهو انا مش سايبك غير لما تقول اسمك ثلاثى .  
 هريدى : بالزور؟ بالغصب؟ حاضر يا حومه اسمى ثلاثى ارتحت ؟  
 عوضين : ( ضاحكا ) ثلاثى يعنى تقوله ثلاث اسمى .  
 هريدى : بس انا ليا اسم واحد .

- عوضين : قصده اسم ابوك وجدك .
- هریدی : ابای ؟ طب مایجول كده م الصبح . ابوزید الهلالی سلامه .
- الأمین : لا یاشیخ ؟ بتهرج یاشاطر ؟
- عوضين : لا یابییه هو اسمه كده والله .
- الأمین : وانت تطلع مین بقی ؟ الزناتی خلیفه ؟
- عوضين : ( بدهشه ) ایش عرفك ؟
- هریدی : واه دا مافیش حاجه بتستخبی ع الحکومه واصل .
- عوضين : ( هامسا ) ماتخافش انا ما اسمیش زناتی .
- هریدی : كفك . انا روخر ما اسمیش ابوزید .
- الأمین : وانتو بقی من انهی داهییه ان شاء الله ؟
- عوضين : لاء هو من داهییه وانا من داهییه تانییه .
- هریدی : ایوه انا من داهییه البلد ، انما هو من داهییه الخیمه
- الأمین : داهییه تاخذکم سوا ( لهیدی ) بلدکوا اسمها ایه ؟
- هریدی : انا من کفر .. . کفر زعیط .
- الأمین : ما شاء الله ( لعوضين ) وانت من کفر معیط . هه ؟
- عوضين : کنت هقولها .
- الأمین : بقتغل ایه یاله ؟
- هریدی : انا بیاع سریح .
- الأمین : یعنی صایع .. وانت ؟
- عوضين : صایع .
- الأمین : محل سکنتک .
- هریدی : انا ساکن ع الرصیف .
- عوضين : وانا جاره .

- الأميين : طب قولولى بقى .. بتدخنوا جوزة ؟
- عوضين : تشكر لسه شاربين .
- الأميين : وقعت يا حدق ( يكتب ) واعترف المتهمان بتعاطى المخدرات .
- عوضين : ( يمسك يده ) لا يا بيه احنا مش وش كده .
- الأميين : دا انتو كده نفسه . امال وشكم اصفر من ايه ؟
- عوضين : دا الجوع يا سعادة البيه .
- هريدى : بلاش كلام فى السياسه يازناتى عتودى نفسك فى داهيه .
- الأميين : طلعا الحشيش بالذوق . فتشهم ياعسكرى .
- الشرطى : تمام يافندم معاهمش حاجه .
- الأميين : فتشتم ؟
- الشرطى : لاء بس كلهم بيرموا حطة الحشيش وهما داخلين على باب القسم .
- بقولك فتش ياعسكرى .
- الأميين : حاضر يافندم ( ويخرج جيوبه )
- الشرطى : انت مسطول يا عسكرى ؟ فتش المتهمين .
- حاضر : حاضر يا فندم ( يفتش هريدى )
- الشرطى : مافيش حاجه . يافندم .
- الأميين : مش بتوع حشيش تبقوا حراميه ( يكتب ) واعترف المتهمان بسرقة
- الونش من مترو الانفاق .
- هريدى : ونش ؟ ويجول علينا احنا مساطيل ؟
- الأميين : اخرس لاحشيش ولا سرقه تبقوا بتوع سياسه . بتصورثوا امين فى
- الانتخابات ؟
- هريدى : انا راجل يابيه والراجل مايصوتش ابدا .
- الأميين : هتستعبط ؟ ماتعرفش التصويت اللي فى الانتخابات

هريدى : عارفه وبالا ماره يومها الناس بيجوا بلدا ويطلعوا وراء الصناديق وهما بيصوتوا .

الأمين : كويس بيصوتوا على ايه ؟

هريدى : بيجولوا بيصوتوا ع الديموجراطيه . لكن انا مائيش صالح بيها ولا عمرى شقتها .

الأمين : يعنى ما عندكش بطاقة انتخابيه ؟

هريدى : عندى بطاقة تموين بيدونى بيها صابونه لكن بتاعة الاستخاب دى اخد بيها ايه ؟ انا صوتى بيوصل لرينا وهو سميع عليم .

الأمين : يعنى انت ميش تبع حزب معين ؟

هريدى : انا حسبى الله ونعم الوكيل .

الأمين : جماعات دينيه يعنى . طب اركن انت هنا .

هريدى : الحمد لله .

عوضين : يخرب بيتك، هتودينا فى داهيه .

هريدى : ليه هى مش حاجه كويسه ؟

الأمين : وانت معاه فى الحزب ؟

عوضين : لا بابيه، انا على حزب وداد جلبى يابوى .

الأمين : وقعتك سوده وكمان بتضحك ؟

هريدى : انا مكشتر خلجه ( لعوضين ) هو الضحك تهمة جامده ؟

الأمين : بتتريق ؟ انا هخليكوا تعيطوا مش تكشروا . ياعسكرى خد الواد ده .

الشرطى : ( يدفع عوضين ويخرج به )

هريدى : هو موديه على فين ؟

الأمين : هيضايفه شويه ، يطلع معترف .

هريدى : معترف بايه ؟

الأمين : معترف عليك .

هریدی : دا لايمكن واصل . خذونى معاه ( يسمع صراخ عوضين فيتوقف )

الأمين : هيه .. تخش معاه ولا تعترف انت عليه احسن ؟

هریدی : لا يابيه .. اللى يسرى على صاحبى يسرى عليا انا روخر .

الأمين : دا انت بتعززه قوى . انا مستعد اخرجيه بشرط تخش بداله قلت ايه

يابطل ؟

هریدی : جلت الراجل ما يرجعش فى كلمته واصل ( يزعق ) جايلك يا

زناتى .

الأمين : أنت فاكرها خناقه ؟ يا عسكرى . خذ دا خلية يحصله .

هریدی : وهو مش هتسيبوه ؟

الشرطى : ( يدفعه ) فوت من غير كلام .

هریدی : نزل يدك ( يدفع الشرطى بقوة يهجم عليه أثنان ويخرجون به )

ص عوضين : ( من الداخل ) لا ، سيبوه هو . سيبوه وأنا هتكلم .

ص هریدی : أسكت يا زناتى .

الأمين : كفاية . هاتوهم

( يدخل الأثنان مرهقان )

هریدی : أياك تتكلم يا زناتى . تارى وتارك مش عفوتهم ولو فات سنين .

الأمين : أخرس ( لعوضين ) أتكلم يا زناتى . تهمتك يه ؟

عوضين : أنا سايبها لحضرتك نقى لى تهمة يكون الفاعل فيها مجهول وأنا

أعترف لك بيها بس تكون تهمة خفيفة الله يخليك .

الأمين : شئ جميل قوى .

هریدی : وأشمعنى أنت وحديك . هو أنت راجل وأنا لاه ؟

عوضين : مالكش دعوه ، أنا الحبس أحسن لى وأمن لى .

هريدى : الحبس للجدعان وما أنتش أجدع منى عشان تفدينى .

الأميين : أنتوا يا أما ملاحيس ، يا اما سكرانين .

هريدى : بس ما تجولش سكرانين . دا أحنأ طريجنأ الكباريه من تحت رأس  
السكرانين

الأميين : هو أنتو اللى حرقنأ الكباريه ؟ طب ما نقولوا م الصبح .\*

عوضين : كويس كده ، أهو عرفوا .

هريدى : واه ؟ أمال أسيبه يسوء سمعتنا . ويجول سكرانين ؟

عوضين : أنا اللى حرقنأ الكباريه وحديه يا بيه .

هريدى : لا ماتصدجوش أنا اللى حرجته ، وهو كان بيظفيه .

الأميين : ما تزعلوش نفسكم ، يا عسكرى ، حط الحديد فى أيديهم هما  
الأتنين .

( الشرطى يضع قيداً واحداً فى يد كل منهما )

الأميين : تأخذهم فى البوكس بسرعة لمديرية الأمن يكشفوا عن شخصياتهم  
وسايقهم .

عوضين : ( بحزن ) ليه يا أبو زيد .. أستفدت أيه ؟ ما كان كفايه واحد فينا .

هريدى : جول لنفسك .. أنت اللى مخك زنخ . ع العموم الونس مليح وايد  
لوحيديها ماتصجفش ( يرفع يده بالقيد الحديدي مشيراً إشارة لها  
مغزى )

انظلام



## المشهد التاسع

المنظر : حوش المقبرة .

( المكان فى أضاءه خافته ، يظهر شبحاً هريدى وعوضين ويطرقان

البوابة بسرعة . يظهر رزق ونعيمه من الحجرة )

نعيمه : بسم الله الرحمن الرحيم .

رزق : مين ؟

أبوزيد : ( همساً ) أنا أبوزيد .

نعيمه : ( بفرحة ) أبوزيد رجع .

زناتى : وزناتى معاه يا نعيمه .

رزق : ( يفتح لها البوابة ) خشوا يا ولاد . كلتوا فين . أتخصينا عليكم .

نعيمه : وأيه الحديد اللى فى أدبيكم دا ؟

هريدى : هرينا م البوليس وهما بيرحلونا فى البوكس .

رزق : هما قبضوا عليكم ؟

زناتى : أمال لابسين الكباشات عياقه ؟

هريدى : طمعونا أنتوا، عملتوا أيه بعد ما حرجنا الكباريه ؟

- نعيمه :** ابوليس سألنا، قولنا لهم ما نعرفش عنكم حاجه .
- عوضين :** ومرشد أفندى ما دلش علينا ؟
- رزق :** مرشد أفندى...قص ملح وداب .
- هریدی :** زى عوايده .
- عوضين :** بس أحنأ خلاص مالناش قعاد هنا ، لو سابتنا الحكومه مش هيسيبنا مرشد .
- رزق :** عندك حق .
- نعيمه :** أنت هتقف تنفرج عليهم يابا ؟ فك لهم الحديد .
- رزق :** أفكه أزاي . قالوك عليا حاوى يابت ؟
- نعيمه :** أتصرف ..أعمل أى حاجه .
- عوضين :** أيوه أعمل معروف أحنأ تعبانين ويقالنا يومين بلياليهم مادقناش طعم اللوم .
- رزق :** حاضر. أدينى قايم أتصرف ولو انى مش عارف هتصرف أزاي (يخرج)
- عوضين :** وحشتينى يا نعيمه ، وحشتينى قوى .
- نعيمه :** أنت أكثر يا زناتى .
- عوضين :** وأبوزيد ما وحشكيش ؟
- نعيمه :** ( بخجل ) طبعاً أمان ، حمد الله على سلامتك وسلامته .
- أبو زيد :** ( باقتضاب ) تسلمى .
- عوضين :** أمتى نكتب كتابنا بقى ؟
- نعيمه :** اللى تشوفه يا زناتى .
- عوضين :** عمرى ما حسيت أن حياتى غاليه عليا ، غير لما بعدت عنك (بمسك يدها)

نعيمه : وأنا طول الليل أفكر فيك ..

هريدى : ( ينتحج بغيره وغيظ )

عوضين : لا مؤاخذه يا أبو زيد ما أنتاش غريب .

هريدى : أيوه ، بس انا عايز أخش بيت الراحه .

عوضين : أصير لما ييجى عم رزق ونتفك أحنا الاتنين .

هريدى : ما نا صابر .. أصبروا أنتو .

نعيمه : تعال أقعد وأحكيلي ( تاخده لمقعد فيجلس وهريدى خلقه ) هريتوا أزاى ؟

عوضين : البركه فى أبو زيد . عليه يد مايعدمها ، خبط بيها العسكرى اللى بيحرسنا طب ساكت وما قامش تانى .

هريدى : ماكانتش يدى وحديا . يدك كانت فى يدى .

عوضين : بس أنت بطل يا راجل . تصورى حاولوا يخلونا نقر بأسامينا وعلوانا أبو زيد مفتتح خاشمه بكلمه .

هريدى : انت اللى جدع يا زناتى .. حاولوا يجرروك جبل منى ، معروفش .

عوضين : ومين اللى شجعنى وخلانى أصبر ، مش انت ؟

نعيمه : هما عملو لكوا أيه ؟

عوضين : أقولك أيه ولا أيه يا نعيمه ؟

هريدى : ( مقاطعاً ) ما تجولش حاجة يازناتى . أسكت .

عوضين : عندك حق . والخوف يتلهم ورانا ، أحنا لازم م الصبحية نهج ونشوف لنا بلد تانيه .

نعيمه : وأنا معاكم مطرح ما ترحوا .

هريدى : معاه هو . أنا مش سايب مصر غير لما أجضى وطرى منها

نعيمه : لسه راكب دماغك بعد اللى حصلك ؟ أرحم نفسك .

- هريدى** : زنائى ، جولها.مالهاش صالح بيا .
- عوضين** : وأنا عارف هى بتتكلم عن أيه ؟
- نعيمه** : حاجه ما تخصصكش يا زنائى .
- عوضين** : عارف أن سره معاكى . وهتصونيه يا نعيمه حتى متى أنا .
- نعيمه** : أبوزيد أخويا ، والعشره ما تهونش غير على ابن الحرام ، لو بتحبه تخليه يهرب معانا .
- عوضين** : طب قومى أنتى حضرى هدومك وعزالك وسيبيه عليا .
- نعيمه** : حاضر ( تنظر لهريدى .. ثم تخرج إلى حجرتها )
- عوضين** : ( يضع يده الحره فى صدر ملابسه ويخرج مسدسه ) عم رزق قالى أنها ضيعت الطنبجة بتاعتك .أمسك بدالها .
- هريدى** : لا . دا سلاحك يا زنائى .
- عوضين** : أنا مديون لك بحياتى هيغلا عليك ؟
- هريدى** : لكن ..
- عوضين** : ما تستغريش . انا مقدرش الومك عشان ما أدتنيش شرك . أنى راخر لسه مافتشش سرى نيك . لكن عجولك .
- هريدى** : هتجولى ؟ ( مبتسماً ) دا أنت بجيت صعيدى بحج وحجيج .
- عوضين** : أنى عشت فى بحرى ياما , لكن أنا أصلاً صعيدى أبا عن جد .
- بتبصلنى كدا ليه , مش مصدجنى أياك ؟
- هريدى** : ( بتوجس ) مش أصلح لك تدكن شرك جواك ؟
- عوضين** : دا أنت اللى وجفت جنبى ساعة الشده , ولا كنت تعرفنى . بدى تشاركنى همى وتشور عليا يمكن تساعدنى .
- هريدى** : أساعدك كيف ؟
- عوضين** : أصل عليا تار وهران منه .

هریدی : واه ( یجفل ویرتیک ویسقط منه المسدس )

عوضین : شایفک سکت ؟

هریدی : ( بصوت غریب وهو يتأمله ) عجول أیه ؟

عوضین : مش تسألنی مین اللى طالب التار منى ؟

هریدی : ( وهو يعطيه ظهره ) أنت تجول وحديک .

عوضین : ما أفترکش تعرفهم . جلّت لى أنك منياوى وأحنا من فوج شويه .

هریدی : ( يهتز ) زياده يا زنائى .

عوضین : ما أسمى زنائى . أسمى عوضین من عيله الشعانين فى سوهاج .

والتار مع عيله أسمها الجبابره ، أنما كلاتهم ناس دون وأسافل . ما

سمعتش عنهم ؟

هریدی : ما اسمعشى ( ويتناول المسدس من الأرض وهو مذهول )

عوضین : مالك ياابوزيد ؟

هریدی : نغزه فى جنبى بتجلى وتروح .

عوضین : التار أصله قديم ، خناجه على معزه ، وواحد من عيلة الجبابره سب

واحد من عيلتنا .

هریدی : لا جريكم اللى سب وجل أدبه الأول .

عوضین : ما تصدجش .. الحج معانا أحنا .. المهم لما جه عليا الدورامى

هريتى . اتربت يتيم فى الغربه ، وشفت ايام صعيبيه ، ولما أدليت

على مصر أتعرفت على مرشد أفندى . أمنتته على سرى . لكن

الخصيس باعنى لواحد م الجبابره بعثوه عشان يجتلى . لكن الجبان

ما جادشر يطولنى .

هریدی : جبان ليه ؟ ما أنت اللى هريت . لوراجل صح كنت وجفت .

عوضین : لو كنت وجفت كان اخدنى غدر .

- هریدی :** الراجل ما يجتلس بالغدر واصل .
- عوضین :** أنا كان بدی أجصر الشر ( مستدركاً ) لكن أنت عرفت مين ؟
- هریدی :** ( مرتبكاً لحظة ) لازما كده . مش شفتك وأنت مستخبى فى المزيله كيف الجطط والكلاب المرضانه .
- عوضین :** جلت مصر وسبعه وما يجدرش يلاجينى فيها . لكن دارت الأيام وعرفتك , وبعدين مرشد لاجانى عندك هينيه .
- هریدی :** ولا جابليش سيره الندل .
- عوضین :** طمعته أنا روخر بالفلوس عشان يبقى معايا ع البأف التانى .
- هریدی :** ( بعدم فهم ) بأف مين ؟
- عوضین :** هریدی هو فيه غيره ؟ اللى جعد مده يستحمره وينحل فى وبره بحجة أنه عيذله على مكانى .
- هریدی :** وايش أدراك أنه ما بيسرجش جوتك وعرجك بالحجه نفسها .
- عوضین :** أدبنى هقوت له البلد كلها هو وهریدی والحكومہ .
- نعيمه :** ( تظهر ) أنا وضيت عزالى . كنفوا بئقوشوشوا وتقولوا آيه ؟
- هریدی :** ولا حاجه .
- رزق :** ( يظهر داخلاً ومعه بلاطه ) مالمقتش غير دى . تنفع ؟
- هریدی :** تنفع ، هات قوامك . اضرب .
- رزق :** يا قوى ( يضرب القيد بالبلطة )
- هریدی :** أضرب جامد بكل عافيتك .
- نعيمه :** جامد آيه ؟ بعدين تعور حد فيهم .
- هریدی :** عورنى أنا مايهمكش .
- عوضین :** لا عورنى أنا .
- هریدی :** أضرب يا عم رزق ، خلصنى .

- رزق** : مانا بضرب أهو . كويس كده ؟ أدینی جرحت أیدك .
- هریدی** : كمل شغلك . أنا کلی جروح .
- رزق** : جلا جلا جلا .. هوب ( ويضرب ضربة أخيرة ) مبروك يا ولاد .
- عوضین** : الله يبارك فيك . مع أن الكلابشه دى هى اللی خلطنا واحد .
- هریدی** : بس أحنا اتنين مش واحد .
- نعیمه** : أجيب لكم لقمه تأكلوا .
- عوضین** : أنا بدی أنام أسبوع بحاله ( یلقى بنفسه على الفراش )
- رزق** : سيبهم یرتاحوا ، والصباح رباح ( یخرج )
- نعیمه** : ( وهی خارجة لحجرتها ) تصبحوا على خير .
- عوضین** : وأنتی من أهله ( لهریدی ) وأنت مش هتنام ؟
- هریدی** : بدی أسألك الأول . فرضاً یعنی التجيت هریدی قصادك ، تتصرف كيف ؟
- عوضین** : ودی عابزه سؤال ؟ أطخه جبل ما يطخنی وأریح الدنيا من وشه
- العفش** . الله .. مالك وشك أتغير ؟
- هریدی** : مافیش ، خلی لك سلاحك هیجی له عوزه عن جریب .
- عوضین** : ماعدتش محتاجه طول مانا جنبك یا أبو زید .
- هریدی** : أنا مش هتلی جنبك یا .. یا زناتی . امسك ( یناوله المسدس )
- عوضین** : لیه یا أبو زید ؟ فضفض لی بسرك یمكن أقدر أساعدك .
- هریدی** : مافی حد أجرب لی منك أفتش له سرى . لكین مجادرش .
- عوضین** : براحتك .. متأخذنیش أن كنت دوشتك بهمی ( یضع مسدسه تحت الوساده )
- هریدی** : همك هو همی .. همك هو همی .
- عوضین** : تعیش ، أنا روخر أرتحت أكملى صارحتك . كآنى كنت شایل جبل .
- وزیحته من على صدری ( یتتاب ویغفو فی الحال )

هریدی : ( يتأمله ) زحبت الجبل وحيطته على صدرى أنا .

لا . مش أنت اللى تنوح كيف النساوين يا هریدی . أتفكر فى اللى  
أنت أتغريت من شانهم . أتفكر فى خالك وأماك وناسك . لزمأ تاخذ  
بتارهم وتارك . لو فوت اللحظة دى ، عمرك ما عتجدر تانى (يمسك  
بالبلطة ويتقدم من عوضين ) أعذرني يا صاحبي ، اخذك بالغدر  
وأنت نايم أهون من أنى أواجهك بالغدر وأنت فايج ورينا وحده هو  
العالم أنى كأنى بجتل اعز حته فيا ( لكن وجهه يتقلص ويده تتسمر  
ثم تسقط منه البلطة ويتأوه ) أبأى .

عوضين : ( يفتح عينه ) مالك يا هریدی ؟

هریدی : ( وهو يمسك جنبه وينحنى ) النغزه فى جنبى عاودتنى ، وضماغى  
تجلانه من كتر الوش . ونار فى صدرى .

عوضين : ( يتحرك نحوه ) طب ارقد مدد .. ريح جتتك .

هریدی : ( يزيح يده ) بعد عنى . مش طايح حد يلمسنى . أه .

عوضين : يا بوى .. عمرى ما سمعتك تجولت الآه .

هریدی : وأنا لم كنت خبرتها إلا الليله (مداريا عنه وجهه ) اه دا الموت أهون  
وأرحم .

عوضين : ( ينادى بخوف ) نعيمه ، يا عم رزق الحقونى .. أبو زيد تعبان .

نعيمه : ( تظهر ) . سلامتك ، الف سلامه .

رزق : فيه أليه ؟

عوضين : أنا بجول تشوف له حكيم يسقيه شربه تخف الالم .

رزق : بس أحنأ معاناش فلوس ندفع للدكتور .

عوضين : تتخلق الفلوس أن شالله أنهب . بس مقدرش أشوفه بيتوجع قدام

عيلى .



رزق : طب خدنى معاك. خلى بالك منه يا نعيمه ( يخرج خلف عوضين )  
 نعيمه : اغللى لك شوية نعناع بيمكن يريحوا كبذك .  
 هريدى : ريحى روحك. كبدى مش عيشفى واصل . انا وحدى اللى عارف علاجه .  
 نعيمه : ( تضع يدها على جبينه ) دا انت جبينك مولع نار .  
 هريدى : بعدى بدك على .  
 نعيمه : انت لسه واخذ على خاطرك منى ؟  
 هريدى : كله من تحت راسك انتى .  
 نعيمه : دا انا قدمت لك نفسى وانت اللى جرحتنى . اعمل ايه اذا كان راسك  
 ناشفه وانا راسى انشف ؟  
 هريدى : وعايظه ايه منى دلوك ؟  
 نعيمه : مش عايظه غير سلامتك . الجواز قسمه ونصيب وانا بدعياك تلاقى  
 بنت الحلال اللى تحبها وتحبك .  
 هريدى : مش عايظه اغوى حد ولا حد يغوانى .  
 نعيمه : انت بتكابر يا ابوزيد لكن انا عارفه حليه قلبك ، كفايه اشوف حبك  
 لعوضين ، وازاى هو متعلق بيك وملهوف عليك .  
 هريدى : (مقاطعا) طبى ساكنه ، ماتقلبش عليا المواجه .  
 نعيمه : مش هى دى الحقيقه ؟ مش انت اللى فضلكه على نفسك فى كل  
 حاجه ، حتى فى حبك ليا ؟  
 هريدى : اسكتى بكفايه ، الحب ضعف ومذله .  
 نعيمه : لا يا ابوزيد دا اللى مايعرفش الحب مايقاش بنى آدم بالمره .  
 هريدى : واللى يفوت حجه وينسى واجبه ويتساهل فى كرامته ، ييجى ايه ؟ .  
 نعيمه : طلع من دماغك حكاية النار اللى سممت لك عقلك وحياتك . الكريم  
 هو اللى يغفر ويسامح .

هریدی : جلت لك طبي ساكته .

نعيمه : ( مكتشفه ) دى دمعتك فى عينيك .. للدرجه دى بتتجمع ؟

هریدی : يابوى . يارنتى ماجيت ولاعرفت حد منكم . ياريتك ماكنتى ولدتيلى يا امى

نعيمه : ( بتأثر ) طب بس يا ابوزيد . يقطعنى ان كنت ضايقتك .

هریدی : يارب خذنى دلوك وريحنى .

نعيمه : حرام عليك ، مانتقولش كده .

هریدی : ( مستسلما فجأة لدموعه ) يارتنى اعرف اجول كامتين م اللى فى

جلبى . انا مافى حد قهرنى ويكانى ولا اتمكن منى . لا الفجر ولا

الغريه ولا الناس الدون ولا السلطه ولا البلد بزيها ، جلبى يا نعيمه ..

جلبى الله يلعه هو بس اللى غلبنى .

نعيمه : ( تأخذه فى صدرها بعاطفه لاستطيع ان تكبها )

عوضين : ( يظهر ) جببت لك الحكيم يا ابوزيد ( ثم يقف مصدوماً )

نعيمه : ( مرتيكه دون حراك ) زناتى .. انا كنت ..

عوضين : ( مقاطعا وقد تماسك ) مش وجته ، ابوكى جاى ورايا .

( لهريدى ) اجعد وشد حبالك .

أبو زيد : ( بصرت واهن ) نعيمه بتغواك يازناتى .

عوضين : السهم انت يا ابوزيد .. طمنى عليك .

رزق : ( يظهر وهو يدفع طبيبا ) خش يا دكتور .

الدكتور : ادبلى داخل ماتزقش ، انا بحذركم . اللى عملتوه دا جريمه .

عوضين : ( شاهرا المسدس ) انت الظاهر مش عايز ترجع لعيالك .

الدكتور : ( بخوف ) حاضر . بس نزل السلاح ( ويفتح حقيبتة بسرعة )

عوضين : تكشف زى الناس . لو حصل له حاجه هندفذك هنا .. فاهمنى ؟

**الدكتور :** وأنا مغفل وضامن جنه ؟ حاضر ( ويبدأ الكشف على هريدى )  
**نعيمه :** ( لرزق ) انتو جيتوه ازاي ؟  
**رزق :** كان واقف يصلح عربيته ، شفت الشاره اللي ع العربيه عرفت انه  
دكتور . اتحايلنا عليه ييجى معانا مرضيش . زناتى جابه من قفاه .  
**عوضين :** طمنا ايه اللي عنده ؟  
**الدكتور :** هو عنده حاجه واحده ؟ دا مجموعة امراض . بلهاريسيا وانكلستوما  
دا غير انيميا حاده ، مايغركوش منظره .  
**نعيمه :** لكن دا بيتألم قوى يادكتور .  
**الدكتور :** ايوه الظاهر مرارته ملتهبه جدا .  
**عوضين :** فيه حاجه اسمها الظاهر ؟ اكشف تانى عدل ، وشوف رجله كمان .  
**الدكتور :** اه صحيح ايه اللي فى رجلك دا ؟  
**هريدى :** لا دا صباغى الكبير مدوحس بس .  
**الدكتور :** مدوحس ايه يامجنون ؟ دا فيه غرغرينه . انت مش حاسس بيه ؟  
**هريدى :** ايوه حاسس زى مايكون منمل .  
**الدكتور :** دا لازم يقطع حالا .. والا الغرغرينه تضرب فى رجله كلها .  
**نعيمه :** جاك قطع ايدك على رجلك .  
**عوضين :** انا السبب . الخناق اللي انصاب فيها كانت من تحت راسى .  
**رزق :** احنا مستنيين ايه ؟ ياللا ناخذه على المستشفى .  
**الدكتور :** حيلكم نتفق الاول ع المصاريف .  
**عوضين :** كام ؟  
**الدكتور :** ( يخرج آله حاسبه ) سرير المستشفى فى الليلة بثمانين جنيه .  
**رزق :** ليه أنت حتملها له فى الهيلتون ؟  
**الدكتور :** دا غير فتح اوضه العمليات ٢٠٠ جنيه ، وتحاسبوا ع الادويه والقطن  
وخلافه زائد اجرة ايدي الف بس عشان خاطركم .

- هريدى :** يعنى الفجير فى البلد دى مش من حجه يعيا ؟
- الدكتور :** سورى . الاسعار كذا . دا غير انك محتاج نقل دم اللتر بحوالى ..
- نعيمه :** بتقول بكام ؟ دا انا بيعهولكم بخمس التمن ده يا حراميه .
- الدكتور :** وانا مالى ؟ انا اشتريت منك حاجه ؟
- نعيمه :** اعمله العمليه وفلوسك هتاخذها بعدين ع الجزمه القديمه .
- الدكتور :** بعدين امنى بالضبط ؟
- رزق :** حين ميسره .
- الدكتور :** دى تبقى اسمها سرقة بالاكراه .
- عوضين :** اسمها وانت الصادق انسانيه بالاكراه ، شفه بالغصب . شيل قصادى .
- هريدى :** جطع صوبع هتعملوه شغلانه وعملية يالف جنيه ؟ دا احنا حدانا ناس بتجطع الرجبه بكيلة جمع ؟ شوف شغالك هنه واجطعهولى بالعجل .
- الدكتور :** مستحيل . انا معايش بنج .
- هريدى :** مالوهش لزومه البنج . اتكل على الله يادكتور . بس اعرفولى اسمه الاول
- الدكتور :** واسمى يهكم فى ايه ؟
- هريدى :** عشان امنمك للسته .

اظلام

## المشهد العاشر

- المنظر : نفس المنظر : بعد مرور يومين
- عوضين : ( وهو يجهز حاجياته ) شهل يانعيمة ، شهل ياعم رزق عايزين نمشي قبل العتمة .
- نعيمة : ( تظهر من الحجرة ببعض الحقالب ) احنا خلصنا .
- عوضين : ( ينادى فى اتجاه الممر ) ابوزيد انا رايح اجيب عرييه ، ما يلزمكش حاجه ؟
- نعيمة : هو ابوزيد مسافر معنا ؟ ما قالش انه جاى يعنى .
- عوضين : امال نسيبه وحديه ورجليه تعبانه ؟ لزما ييجى ولما رجله تشفى يبقى يروح مطرح مايحب .
- نعيمة : زناتى ..
- عوضين : نعم ؟
- نعيمة : اول امبارح لما انت جيت الدكتور لابوزيد وفتنى معاه ، كنت ساعتها ( وبحيره ) مش عارفه اقولك ايه .
- عوضين : يبقى ماتقوليش .

نعيمه : بس لازم تعرف ان مافيش حاجه بينى وبينه .

عوضين : عارف يا نعيمه . ابوزيد عاهده راجل وما اشكش فيه ابدا .

نعيمه : ماتشكش فيه هو بس ؟ طب اهو عندك اتجوزه هو بقى .

عوضين : ( مبتسما وهو يحتضنها ) انتى بتغيرى منه يا نعيمه ؟

نعيمه : اوعى كده .

هرىدى : ( يدخل وهو يعرج على قدمه ، يراهاما فيتنحج بحرج )

عوضين : ( بخجل ) ولا مؤاخذه . حضرت عزالك يا ابوزيد ؟

هرىدى : ( باقتضاب ) مالش غير الصره .

رزق : ( يظهر من الحجرة ببعض اللقائف والصناديق ) بت يا نعيمه ، انا نسيت اكل التعابين . لازم اشترى لها اكل لحسن تموت .

عوضين : طب بسرعه ، انا رايح اجيب العرييه اهو ( يخرج )

نعيمه : .. ماتتأخرش يا زنائى . نعيمه

هرىدى : ( بعد لحظه ) ماتريح رجلك ، واللى عايزه اجيبهولك .

نعيمه : ( لايرد ويتحاشى النظر اليها )

مالك يا ابوزيد ؟ بقالك يومين مسهم ، انت متضايق انك مسافر معانا ؟

هرىدى : ( بغموض ) كلاتنا لزما بييجى لنا يوم ونسافر .

نعيمه : قصدك ايه انكلم . انا عيني بتترف من ساعة الصبح .

هرىدى : ماتشغلش بالك ، انسينى يا نعيمه .

مرشد : ( يظهر فى البوابه ) سالخير عليكم .

هرىدى : مرشد افندى ؟

مرشد : مالك زى ماتكون شفت عفريت ؟ طب قولى اهلا وسهلا .

هرىدى : مرحب ، دا انا متشوج لك .

- مرشد :** لو كنت بتعمل لى حساب ماكنتش تحرق الكباريه وتجري .
- هریدی :** الكباريه يستاهل الحرج . وانا حظيت اصحابه فى اللسته
- مرشد :** قلبك ابيض ، ع العموم اصحابه انبسطوا ، لانهم كانوا مأمنين عليه بمبلغ كبير . امال فين زناتى ؟
- نعيمه :** راح يجيب عربيه . اصلنا معززين الليله .
- مرشد :** وليه الاستعجال ده ؟ ابو زيد ، عايزك فى كلمتين
- هریدی :** دا انا اللي عايزك ( لنعيمه ) فوتينى لوحدنا شويه .
- ( نعيمه تتحرك خارجه وهى تنظرلها بقلق )
- هریدی :** اهلا يا مرشد افندى ، ماعدكش اخبار عن عوضين ؟
- مرشد :** امال انا جاى لك ليه ؟ مش عرفت مكانه ؟
- هریدی :** لاه ؟ ومكانه بعيد عن هليه كثير ؟
- مرشد :** فى العباسيه .
- هریدی :** لاه ؟ يعنى بذك توديني العباسيه ؟
- مرشد :** عليك نور ، ياللا قوام ، ماتضيعش وقت .
- هریدی :** ماتخافش . المره دى عجلته يعنى عجلته . بس انا محتاج سلاح .
- مرشد :** طبجتي تحت امرك وكله بتمنه .
- هریدی :** انا شارى بس وريهونى الاول .
- مرشد :** اتفضل ( يناوله مسدسه ) معمر وجاهز . نكه واحده تاخذ عدوك .
- هریدی :** اجرب الاول ( يشهر المسدس فى وجهه )
- مرشد :** حاسب انت هتجرب فيا انا .
- هریدی :** ما انت عدوى يا مرشد افندى .
- مرشد :** ( بخوف ) دا انا هذلك على مطرح عوضين .
- هریدی :** دا انا اللي عدلك على طريق جهنم . حج ماجعدت تتسلى بيا انا وهو وتضحك على عجلي وعجله .

مرشد : ( بفرع ) انا كان قصدى خير. الحق عليا انى ما سبتكوش تقتلوا بعض ؟

هريدى : كنت عايزنا نعيش عشان نفضل عبديك تستغلنا وتلحل فى وبرنا وتسرج عرجنا وعمرنا .

مرشد : فى عرضك يا هريدى . مش عايز اموت . سيبنى وانا اقولك الحقيقه .

هريدى : لسه فاكروحك تضحك على عجلى ؟

مرشد : اسمعنى . خالك بعث واحد من طرفه عشان يقتل عوضين بدالك .

هريدى : ( بتفكير ) وهو يعرف طريق زنائى كيف ؟

مرشد : ما هو لما حرقت الكباريه , بعث جواب لخالك قالت له الحقيقه .

هريدى : ( يمسك به من ملابسه ) حجيجة ايه ؟

مرشد : انك متصاحب على عوضين وعائشين فى طريقه واحده سوا .

هريدى : ( وهو يهم بقتله ) أه يا خسر يادون , دا انا لازم اجبتك بدل المره تلتين .

نعيمه : ( تظهر ) ابوزيد ( وتقف بينه وبين مرشد )

هريدى : اوعى من سكتى .

نعيمه : مش هسيبك تودى نفسك فى داهيه .

مرشد : قوليله يا ست نعيمه . بيتشطر عليا انا بدل ما يتشطر على عدوه .

اقتلى بس قريبك هيسبقك ويقتل عوضين وانت اللى راسك هتبقى

فى الوحل يا هريدى

هريدى : اخرس ( ويهم بقتله ثانيه )

مرشد : عارفه عوضين دا يبقى مين يا ست نعيمه ؟

هريدى : كلمه واحده هتنطقها عتلاقى العيار فى جلبك .



مرشد : طب اروح لعيالى .

( مرشد ينتهز الفرصه ويخرج مسرعا )

نعيمه : يطلع مين عوضين دا يا ابوزيد ؟

هرىدى : مالكيش صالح .

نعيمه : انا عارفه انك عايز تاخد بتارك منه لكن هو مين . انا اعرفه ؟ له

اسم تانى ؟

هرىدى : انتى السبب فى دا كله . مالكيش صالح بيا .

نعيمه : وانت مش من حقه تصور لنا قتيل هنا .

هرىدى : (بتفكير) فى دى علكك حج ( يجهز صرته فى صمت )

رزق : ( يدخل ويلاحظ الجو ) آيه .. مالكم .. حصل آيه ؟

هرىدى : محصلش ، بس أنا ماشى وعريحكم من خلجى .

رزق : يعنى مش جاى معنا ؟

هرىدى : سكى غير سكتكو .

رزق : مش يصح نقول لزناتى .

هرىدى : عجوله ، بس مش هنه ، اما بيحى جوله انا مستتية حدا الجبلته

الغريبه . لازما يجابلى ( ينظر لنعيمه ثم يخرج مسرعا )

رزق : لاحول الله ، هو ماله يابى ؟

نعيمه : ابوزيد كان جاى مصر عشان ياخد بتاره من واحد .

رزق : ياروقه سوده ، يبقى احسن انه فارقنا بدل مايودينا معاه فى مصيبه

نعيمه : مانا خايفه ياخد زناتى معاه فى الرجلين .

رزق : يمكن بس عايز يقوله اشوف وشك بخير .

نعيمه : كان استلى يقولها له هنا .

رزق : تلاقبه طفش من لسانك.الى زى المبرد .

نعيمه : بالعكس ، دا أنا قلبى عليه .

رزق : قوللى يابت وريحيلى ، انتى بلحبى مين فيهم بالضبط ، ابوزيد ولا زنائى ؟

نعيمه : ( تهم بالكلام ثم تبكى )

عوضين : ( يظهر ) سلامو عليكم، دخت لحد ماجبت عريبه تساعدا احنا والعفش . كلكو جاهزين ؟

رزق : كلنا مين ؟ ابوزيد خد بعضه ومشى ..

عوضين : مشى ليه ؟ وراح فين ؟

رزق : بيقولك اول ماتيجى له ، تروح له الجبانة الغربيه ، عايزك ضرورى . انا هنقل الحاجه ع العريبه ( يحمل بعض الحقائق ويخرج )

عوضين : أتكلمى يا نعيمه . تكونيش زعلتى ابوزيد ؟

نعيمه : قولى الأول .. تعرف حد أسمه عوضين الشعنان ؟

عوضين : هو أنتى عرفتى ؟ أيوه دا أسمى الحجيجى ؟

نعيمه : ( بذهول ) أنت ؟؟

عوضين : مانا كنت عجولك طبعاً لما نيجى نتجوز ( ضاحكاً ) أنكسفت أجولك أنى صعيدى ، خفتى تغيرى رأيك .

نعيمه : يا نصيبتى . أنت اللى عليك القار ؟

عوضين : ( بسرور ) خايفه عليا ليجتلونى ؟ ولا يهملك أنا بسبع ترواح يا بت .

نعيمه : ومين اللى عايز يقتلك ؟

عوضين : واحد من بلدنا ماتعرفهوش ، ولا أنا حتى أعرفه ، أسمه هريدى .

نعيمه : ( بفزع ) هريدى ؟ يعلى ابوزيد .

عوضين : بتخرفى تجولى أيه ؟

**نعيمه :** أيوه ، أنا سمعت مرشد أفندي بيقوله يا هريدى . أبوزيد بيقى هريدى .  
**عوضين :** ( مستكراً ) بلاكثر كلام . فهمانى دى .  
**نعيمه :** زى أنت ماسميت نفسك زناتى وأنت عوضين .  
**عوضين :** لاء عجلى ما يجبلهاش ، لا .  
**نعيمه :** لاء ليه مش بتقول ما تعرفش شكله ؟  
**عوضين :** بس أعرف أنه بشنبات .  
**نعيمه :** وأبوزيد كان له شنب وحلقه .  
**عوضين :** أبوزيد أخويا هو عدوى .. تيجى أزاى دى ؟  
**نعيمه :** مش وقت أزاى . أنا دلوقت فهمت . لازم مستديك فى الجبانه عشان  
يقتلك ويدفلك فيها .. خد بعضك وأهرب قوام .  
**عوضين :** ( مذهولاً ) أهرب ؟  
**نعيمه :** أيوه . العربيه بره ، أهرب ماتستناش ..  
**عوضين :** أهرب أروح فين ؟ دا أبوزيد بقى جوايا ، فى دى . دا أنا كنت  
مستخى فيه يا نعيمه .. أهرب منه كيف ؟  
**نعيمه :** هج وسيت البلد كلها . المهم مايقنلكش ( تبكى ) عشان خاطرى  
يازناتى ما تخليهوش يقتلك .  
**عوضين :** ( يتأملها ) أنتى بتحبيه يا نعيمه . مش كده ؟ قلبى كان حاسس أنك  
بتحبيه هو أنما دلوك أتأكدت .  
**نعيمه :** دا أنا خايفه عليك يا زناتى .  
**عوضين :** لا .. أنتى خايفه عليه هو .. مش عايزاه يقتلى عشان مايخشش  
السجن ويفوتك .  
**نعيمه :** أنا خايفه عليك أنتوا الأتلين . مش عايزاكو تضيعوا من غير سبب ..  
أهرب يا عوضين . حياتك فى خطر .

عوضين : حياى مالهاش معنى ولا قيمه . عشتها كلاتها هربان . والهربان  
مش عايش . بكفايه لحد كده . زهجت ومليت .. أنا رايح له . مدام  
أدانى ميعاد مايصحش أتأخر عليه .

نعيمه : ( بفزع ) لاه .. تبقى ناوى على شر .

عوضين : ماتخافيش ، مش عجتله يا نعيمه .

نعيمه : زناتى .

عوضين : مش بس عشان بحبه . لا عشان أنتى روخره بتحبيه . وأنا  
مجادرش أكسر بخاطرك .

نعيمه : ماتبقاش مجنون . لو ماقتلوش أنت هيفتك هو ( ترتى فى صدره )

عوضين : هريدى اللى ماعرفوش جايـز ، لكن أبو زيد اللى أعرفه .. لا .  
مايستجراش . يده ماتطاوعوش ( يتحرك )

نعيمه : لا .. مش هسيبك تروح للموت برجليك .

عوضين : أنا أتأخرت عليه ، أوعى من سكتى ( يدفعها فجأة بعنف ) .

( يدخل رزق بينما عوضين يخرج ) .

رزق : بضرب لكم كلاكس .. مش سامعين ؟

نعيمه : الحقلـى ياعمى ، حوشهم . هريدى هيقـتل عوضين .

رزق : هريدى هيقـتل عوضين ؟

نعيمه : أيوه .

رزق : طـب وأحنا مالنا يابت ؟ أحنا لا نعرف هريدى ولا عوضين .

نعيمه : ماهو هريدى هو أبوزيد ، وعوضين بيقى زناتى .

رزق : لاه . فهمهاتى دى .

نعيمه : مافيش وقت أفهمك . حصلنى عند الجبانـه الغربيه ( تجرى  
خارجة )

رزق : بلا كتر كلام . طب فرضاً يعنى ، أبوزيد ولا هريدى .. يقتل زنانى  
ولا عوضين ليه ؟ دول أكثر م الأخوات . دول قفه بودنين ، لازم  
الشیطان دخل بينهم .. مصيبة لیكون دا حصل من تحت رأسها  
هى .. آیوه هى وش مصایب .. قعدت تلعب بالجدعين زى ما  
بتلعب بالبیضة والحجر . أخصى علیكى یا نعیمه .. هى دى أخره  
تربیتی فیکى ؟

( يظهر شخص ویصفق )

شخص : یا اهل الله یا للی هنا .

رزق : هنا ما فیش غیر میتین . تطلع مین أنت راخر ؟

الشخص : أنا بلديات هريدى ، جاي من طرف خاله . هو مش ساكن هنه ؟

رزق : جيت فى وقتك يا بنى . الحق قريبك قبل ما يرتكب جناية قتل .

الشخص : ( ساخراً ) ودا يعرف يجتل ؟

رزق : أيرة . هيقتل صاحبه وأخوه عوضين عند الجبانه الغربيه .

الشخص : ( يظهر بند قتيه ) ما تخافش مش عيسجنى واصل .

أظلام

## المشهد الأخير

المنظر : المدافن ..

الوقت غروب ..

( هريدى فى يده المسدس واقف بانتظار لكنه يرتجف من البرد )

هريدى : هرب الجبان . لزما نعيمه فهمت وجات له . مش عجدر أعاود البلاد  
واصل . أتحكم عليا بالغربه كيف ما أتحكم عليك يا عوضين . عتنى  
لأخريوم من عمرى هربان من اهلى وخجلان من روحى ، وعليا  
بدل التار ميه .

أخد بتارى من مين ولا مين . دا أنا كل ركن فيكى يا مصرليا فيه  
جرح وتار ( يسمع صوت كلاب تنبح فينتبه ) واه . يكون  
عوضين ؟ جه برجليه لجصاه ( يتحفز ) مين هناك ؟

ص عوضين : أنا زناتى يا أبوزيد .

هريدى : ( يخفى المسدس ولفسه مرتجفا ) لسه عيجول أبوزيد .. ييجى  
ماعرفش .

عوضين : ( يظهر ) ادبلى جيت ، خبرأيه يا أبوزيد ؟ جالولى أنك عايزنى .

..هريدى : ( محاولاً التماسك ) عت عرف دلوك .

عوضين : طب ماتجول بالعجل .

هريدى : خد نفسك .

عوضين : على جولك ، أحنا ورانا أيه ( يجلس على شاهد مقبره )

فاكر يا ابو زيد ليلة ما التجينا فى مجلب الزباله اول مره ؟ كنا

عشيه زى دلوكيتى . وانا كنت مجمعز ودافن نفسى فى الوسخ

ويرتجف كيف الفار المذعور لحد ما جيت أنت .

هريدى : ( مقاطعاً ) بكفاياك ..عندى كلمتين أجولهملك .

عوضين : وأنا حاشك ؟ جول كيفك .

هريدى : أن الأوان تعرفنى على حجيجتى يا عوضين .

عوضين : ( متظاهراً بالضحك ) وأنا لسه معرفكش يا ابو زيد ؟

هريدى : ما أسميش أبو زيد .

عوضين : مانا روخر جلت لك ما أسميش زناتى ، فرجت أيه ؟

هريدى : فرجت ياما .

عوضين : ( مقاطعاً ) أكن اللى فى جلبك من يمتى مش هو اللى فى جلبى .

هريدى : خلى اللى فى الجلب فى الجلب .. مش دا المهم .

عوضين : ( مهاجماً ) آمال أيه اللى مهم يا هريدى ؟

هريدى : ( مرتبكاً ) يعنى عرفت ؟ وفرت عليا كلام كثير .

عوضين : هات كل اللى حداك .

هريدى : ماعدش جدامنا غير شى واحد . وأنت عارفه ( يعطيه ظهره )

عوضين : ما أطجش حد يكلمنى من غير ما يكون باصنص فى عينا .

هريدى : ( يلتفت له ) وأدينى بصيت .

عوضين : ( بتحدى ) جولها يا هريدى .

- هريدى : ( يخرج المسدس ويتحدى مماثل ) لازما اجنالك .
- عوضين : مانا كنت جدماك جبل كده .. ما جتلتنيش ليه ؟
- هريدى : مانيش جبان عشان أخذك على خوانه .
- عوضين : لاه . أنت مجدرتش من شان اللى بناتنا ، دا أنا نجيتك م الموت .
- هريدى : وأنا نجيتك مره . نجى خالصين .
- عوضين : واحدا كنا بنجى بعضينا عشان نعيش لنا كام يوم زياده قبل مانتجائل سوا ؟
- هريدى : ماكنتش خاير انك عدوى ولا أنت كنت دارى .
- عوضين : اللى أعرفه أن عدونا واحد .
- هريدى : المكتوب على الجبين لازم تشوفه العين . ودا مكتوب .
- عوضين : ( متراجعا للوراء ) أبوزيد . أسمعنى .
- هريدى : أسمى هريدى يا عوضين . ومادمت عرفت وجتلى برجليك ، ييجى أنت الحج عليك .
- عوضين : كنت تتمنى أهرب وما أجيش ؟
- هريدى : .. مادمت جيت . تجى جاصد تجتلنى جبل ما أجنالك .
- عوضين : لو كنت رايد كنت طخيتك .. وأنت مدينى ضهرك . أنا جيت لك برجليا لأنى عارفك ماعتجدرش .
- هريدى : وتضمن متين أنى ماجادرش ؟
- عوضين : كيف مانا ضامن وعارف نفسى ، مجدرش أجنالك مهم جرجرتنى لهنه وأديننى ضهرك ( يلقى مسدسه ) لو تجدر أنت يا أبوزيد أعملها ، هموت مش ندمان ع الدنيا . أنت اللى عتندم .
- هريدى : لو ما جتلتكش عتندم أكثر ( يستعد لا طلاق النار ) .
- نعيمه : ( تظهر جارية ) لا .. لا .. يا أبوزيد .



**هریدی :** (بجتون مصوبا المسدس نحوها) وجفی عندك اصلح لك .  
**نعیمه :** (تقف مكانها بخوف) لیه یا ابوزید ، لیه ؟  
**هریدی :** بعدین أبجی أعرف لیه .  
**عوضین :** ومستنی أیه ؟ أضرب یا ابوزید .  
**هریدی :** ( يطلق رصاصة بيد مرتجفه فتطيش بعيداً )  
**عوضین :** (يفتح صدره) أضرب تانى ، ثبت يدك واضرب . أنا مش ناوى  
 أهرب .  
**هریدی :** ( يطلق رصاصة ثانية فتطيش كالأولى )  
**نعیمه :** ما عتجدرش یا ابوزید ( يقترب منه ببطء )  
**هریدی :** ( يرفع مسدسه ثانية فى عزم ) مكانك .  
**عوضین :** ( يتوقف مكانه بخوف ) ابوزید ..  
**هریدی :** ( يسقط المسدس من يده فجأة ويصوت مختنق بالدموع ) بعد عنى  
 یا زناتى  
**عوضین :** ( مبتسماً ) ابوزید .  
**هریدی :** هملى وبعده عنى .  
**عوضین :** ما جادرش ابعد عنك واصل ( يفتح يديه ليحتضنه )  
 ( يظهر الشخص خلف مقبره وهو يصوب ببندقية )  
**نعیمه :** ( وقد رآته تصيح ) ابعد یا زناتى .  
 ( لكن الطلقة تصيب عوضین فيسقط بين ذراعى هریدی )  
**هریدی :** ( يلتفت ناحية البندقية ثم لعوضین ) دمك مش عيروح هدر یا زناتى  
**عوضین :** ( مبتسماً ) بس اللسته كبرت جوى یا ابوزید .  
**هریدی :** بس المره دى انا عارف لیه .  
 ستارالنهايه



# وجهة نظر



(تطفأ أنوار الصالة، فى بقعة ضوء فى ركن من المسرح نرى اثنين من المكفوفين، مخلص يجلس إلى بيانو يوقع عليه نغمة ولا يكملها، بينما مسعود جالس إلى الأرض وقد دفن رأسه بين يديه. نسمع صوت عصفور يبدأ الزقزقة).

**مخلص :** اسمع.. الظاهر الدنيا عتمت.

**مسعود :** واحنا مالنا؟

**مخلص :** (بعد لحظة) هى الساعة تطلع كام دلوقت؟

**مسعود :** زى امبارح.

**مخلص :** يعنى الشمس راحت ولا لسه؟

**مسعود :** الله أعلم.

(صوت عصافير تبدأ الزقزقة)

**مخلص :** (بتنهيدة) ايه.. كل ليل وله آخر..

**مسعود :** (بأسى) إلا الليل بتاعنا. مش هتطلع شمس أبداً

**مخلص :** ربنا كبير.

**مسعود :** نبقى محتاجين معجزة.



## \_\_\_\_\_ الفصل الأول \_\_\_\_\_





## المشهد الأول

(فى إضاءة خافته تبين المنظر وهو بهو بالمؤسسة الإنسانية  
للمكفوفين مدخل يفضى للخارج وآخر للداخل، سلم يؤدي إلى  
مكاتب الإدارة نوافذ تسرب ضوء الغروب، وفى الصدر إلى أعلى  
حائط عليه صورة لرئيس الجمعية الإنسانية، بضع مقاعد فقيرة  
محطمة)

(تظهر مجموعة المكفوفين يتحركون ببطء وبلا هدف ويدندنون  
بصوت خافت)

لا بد من آخر بالليل...

ونطرد الضلعة.

لا بد من آخر بالليل...

تتحقق الرؤية.

مين أنتم. ومين إحنا ؟

وفين كنا .. وفين رحنا ؟

وليه .. تهنا ؟

وهى دى بسمه  
 ولا دى دمعہ ؟  
 وهى دى ايدك  
 ولا دا خلخر ؟  
 ومين جنبى ..  
 ومين فانتنى ؟  
 جاربنى ..  
 بتعلمى تبقى مرايتى ..  
 شمعہ فى ليل بؤسى .  
 رجع الصدى قالى  
 دللى تاه عنى ..  
 دللى كان شايف ..  
 لكن عاجز .. ياخذ يدى .  
 عكس اتجاه الضوء ..  
 أنا ماشى .  
 بسأل عن المعنى .  
 يا شمس ، قولى .. انطقى .  
 دا فجر ... ولا غروب ؟  
 أول شعاع النور ..  
 ولا دا .. آخره ؟  
 لا بد من آخر ياليل ...  
 ونطرد الضلمه ..

(طرق مصدره الباب الخارجى، يخفت الغناء ويتلاشى، تتكوم  
المجموعة فى ركن وينطوى كل على نفسه، بينما يظهر الفراش من  
جهة الإدارة )

- الفراش : أيوه .. حاضر ( يفتح النور ثم الباب )  
المعلم : ( يدخل حاملا عدة أقفاص ) سلامو عليكم .  
الفراش : أهلا يا معلم فتوح .  
المعلم : التموين بتاع الشعب .  
الفراش : اتاخرت علينا الأسبوع دا يا معلم .  
المعلم : مانتوا كمان اتاخرتوا فى الدفع .  
الفراش : ( يشم ثم هامسا ) اف . الخضار ماله معفن كده ؟  
المعلم : على قد فلوسكم . احمدوا ربنا انكو لاقيين الأكل .  
الفراش : احمدك يارب إنى ما باكش منه .  
المعلم : ( يلتفت للمجموعة ) ازى صحة الشعب النهارده ؟  
الفراش : هس .. نايم مالش دعوه بيه .  
المعلم : عندك حق ، ليقولوا أنا اللي صحيته . بالحق لى قريب كفيف وعائز  
ادخله المؤسسة عندكوا .  
الفراش : قوى دا البيه المدير يرحب .  
المعلم : المهم يدينى المعلوم ، حلاوة ما أجيبه .  
الفراش : بس أنت روح هاته ويحلها ربنا ( ويخرج خلفه )  
خيشه : ( يزحف وله عين معصويه ) ياكريم يارزاق يارب ..  
مسعود : ( يتحرك ثم يقف ) حد ياخذ يابدى .  
محاسن : ما تيجى نقوم من ريح الرجاله .  
انصاف : يعنى هنروح السيما ؟ أدينا مرزيين .

**مخلص :** (يخبط على البيانو وينهض) أف.. أنا زهقت .. أنا مليت .  
**عبد الباري :** هو المنتقم الجبار . المهيمن . الحى ، ياحى .  
**مسعود :** مافيش فايده ... أنت فين يا مخلص ؟  
**مخلص :** ايه يامسعود . بقالك سنتين ولسه ماحفظتش سكتك ؟  
**سنييه :** ماحدش يعرف الدكتور جه ولا لسه ؟ ( وهى خارجة )  
**أنا** عارفه بختى أسود من يوم ما تولدت .  
**محاسن :** حاسبى وانتى ماشيه لتتحكى في الرجالة .  
**انصاف :** مانتحك ياختى .. ياريت . احنا طايلىن ؟  
**خيشه :** أنت هتفضل واخذ الراديو لنفسك ؟  
**مخلص :** عايز تسمع تعال جنبى .  
**خيشه :** مش قاعد جنبك يا أخى هو بالعافيه ؟  
**مسعود :** وأنت تختار المحطه على مزاجك ليه ؟  
**عبد الباري :** أيوه وفاتحه على الغناء الخليع والعياذ بالله .  
**خيشه :** سيب الراديو ، وإلا اشتكيك للإدارة .  
**مخلص :** بتهددنى ياخشييه ؟ والله أمسح بيك بلاط المؤسسه .  
**عبد الباري :** لا أنت ولاهو ، اوعى ايدك منك له ( يخطف الراديو )  
**مسعود :** (وقد أصابته ضربه) طب وأنا مالى أنا مش عايز أسمع حاجه .  
**ص عشاوى :** (من الخارج) امنع الشوشره يامجموعه جيم .  
**مسعود :** (همسا) ارتحتم ؟ أهو عشاوى جالكم .  
**عبد الباري :** أه لو افتح دقيقه واحده . كنت خنفته .  
**مخلص :** تخنق مين ؟ دا وأخذ بطولة المحافظه فى وزن الثقيل . وهتطول  
رقبته ازاي ؟ دا طوله مترين بالراحه .

**عشماوى :** ( يظهر ونراه قصيرا للغاية , يمسك بعضا وييده الأخرى مقعدا صغيرا يضعه ويقف فوقه ) أنا مش قلت أمتع الزيطه ؟ طب أنا بقى عايز التخين فيكم يتنفس .. هات الراديو ده وم النهارده الليانو ممنوع ، والتلفزيون كمان ممنوع .

**السبعاءوى :** ( يظهر من أعلى ) ايه يا أستاذ ملاك بتزعىق ليه ؟

**عشماوى :** مجموعة جيم دى بالذات من دون المؤسسة كلها آخر شغب .

**السبعاءوى :** ( هابطا ) تقوم تشخط فى أولادى ؟ إلا كده أنا ما سمحكش .

**عشماوى :** دول صوتهم على ياسبعاءوى بيه .

**عبد البارى :** وهل هذه تهمة ؟

**السبعاءوى :** لا .. بس الصوت العالى يخلى الغرب ياخدوا عننا فكره وحشه .

ويقولوا انكوا غير متكيفين ( يسود لغط بينهم ) بس ولا كلمه ، ولا نفس

( يسود الصمت ) مش انتويا أولادى . أنا بكلمه هو ، أنتم أمانه فى

رفقتى ربنا يحاسبنى عليكم ربنا يوم القيامة .

**عشماوى :** يا سبعاءوى بيه دول سلوكهم معوج .

**السبعاءوى :** ولو ، اخصم لهم . أنت المشرف ودى شغلتك لكن ما تشخطش فيهم .

**عشماوى :** حاضر أنا أسف . مخصوم منكم خمس تيام .

**السبعاءوى :** هيه مبسوطين ياوлад ؟ ( يسود لغط )

**عشماوى :** شفت ؟ أهم زمزأوا .

**السبعاءوى :** وصلت للزمزأه ؟ لا ياوлад . مالكمش حق . دا بديل ماتحمدوا ربنا أن

سيد بيه السيد فكر فيكم وعمل الجمعيه دى مخصص عاشانكم ؟ دا

احنا مش مقصرين معاكم فى حاجه . سكن وأوينكم ، شغل وملتزمين

نشتغلهم ، فلوس وينديكم وينأكلكم ونلبسكم أحسن أكل وأحسن لبس .

دا احنا بندوخ عشان نجيب لكم دعم من المحافظه ، ونجمع لكم

تبرعات م الأغنيا . بنتلطم ونشحت عليكم من الأمم المتحدة  
وجمعيات المكفوفين فى العالم عشان يدركم هبات ومنح لاترد . احنا  
بتخدمكم لوجه الله والإنسانية .

**مخلص :** بس احنا عندنا شوية مشاكل ومش لاقيين حد نكلمه .  
**السبعاوى :** عندكم الأنسه نظيره الأخصائيه الاجتماعيه .. وهى كفيله بحل أى  
مشكله .

**نظيره :** (داخله) شوف لك حل فى المشكله دى ياأستاذ سبعاوى ماعدتش  
قادره أتصرف .

**السبعاوى :** مالك يا نظيره (هامسا) كويس كده تضحكهم عليكى ؟  
**نظيره :** ومين السبب ، يعنى أنكم وأقول الحقيقه ؟  
**السبعاوى :** طبعاً نتكلمى وبصراحه مطلقه ( يسد فمها بيده ) احنا ماعدناش  
حاجه نخبيها . الله . يعنى سكتى ؟

**نظيره :** ( تغغم محاولة النطق )  
**السبعاوى :** عيب تشاروبلى قدام الأولاد ، احترمى مشاعرهم ، مكسوفه  
وشوشينى .

**انصاف :** لازم نفسها تتجوز .  
**نظيره :** ( وهى تكظم غيظها ) حاضر يا أستاذ سبعاوى .  
**السبعاوى :** عن اننكم يا اولاد . أحل مشكله نظيره الأول ( ويغمز بعينه لها )  
**عشماوى :** بقى بتشكونى للمدير ؟ لعلمكم . أنا لا يهمنى منكم ولا من المدير  
بتاعكم ( ويغمز للسبعاوى ) اتفضلوا على العنبر بتاعكم . بسرعه  
ياخويا أنت وهو بلاش لكاعه .

( يخرجون بانكسار وعشماوى خلفهم )  
**نظيره :** ( منفجره ) دى مش طريقه لما كل شويه تهزأنى قدامهم .

السبعاءى : وانتى يهيك ايه من دول ؟ كفايه انتى عارفه أنا بحترمك قد ايه  
( ويحاول احتضانها ) .

نظيره : سبعاوى . أنت اتجنتت ؟ حد يشوفنا .

السبعاءى : وهو حد فيهم بيشوف ؟

نظيره : الموظفين بشوفوا ويتكلموا علينا .

السبعاءى : عمرك شفتى موظف بينطق ؟ ثم دول كلهم بتوعى . تعالى نتكلم  
فى المكتب وقوليلى ايه مشكلتك .

عشماوى : ( يظهر ثم يدارى وجهه فى الحال ) لامؤاخذه أنا متأسف . أصل البت  
عايزة تكلمك ، أقولها فى ايده شغل ؟

نظيره : لأ هاتها طبعاً .

عشماوى : تعالى ( تظهر سنيه ممسكه بدوسيه )

سنيه : من فضلك سيب ايدي ، أنا مش عاجزه ، أنا نظرى ثلاثه على  
ستين ، وأقدر أمشى لوحدى من غير مساعده .

عشماوى : خلاص .. بلاش ( ويخرج )

سنيه : من فضلك يا أستاذ سبعاوى .. ( وتصطدم بمقعد وتقع )

نظيره : على مهلك يا سنيه ( تحاول رفعها لكنه يسبقها ويمسكها )

سنيه : متشكره يا نظيره . انتى معلش تمسكى ايدي ، لكن جنس راجل لأ .  
ما تتضايقش من كلامى يا أستاذ سبعاوى .

السبعاءى : واتضايق ليه ؟ خدى راحتك .

سنيه : اصله شعور فظيع لما الواحده تبقى ( تسكت فجاء مستدركه )  
يانصيتى .. يانصيتى دى ايد راجل .

السبعاءى : لاء دا أنا . ماتفهميها يا نظيره ..

نظيره : فعلاً ، الأستاذ سبعاوى مش راجل . دا يعتبر قد والدك .

- السبعاعوى :** (يشير لنظيره بوعيد) خير يابنتى أمرينى .
- سنينه :** الموضوع بتاعى . حضرتك نسيتہ ؟
- السبعاعوى :** أنساه ؟ ياسلام ؟ أنساه دا كلام ؟ ( ويشير لنظيره مستفهما )
- نظيره :** ( تكتب بسرعه فى مفكره بيدها وتعرضها عليه )
- السبعاعوى :** بالامارة (يقرأ) موضوع العملية اللى عايزه تعملها وسيادتك مطنشا .
- سنينه :** ايه ؟
- السبعاعوى :** قصدى وسيادتك فاكركه انى مطنشا .
- سنينه :** طب وحضرتك عملت لى ايه ؟
- السبعاعوى :** ( يقرأ ) معرضك على دكتور المؤسسه عشان .. ايه ؟ اه . عشان يقرر إن كان يفتح لك عينكى ...
- سنينه :** ( بفزع ) يفتح لى عندي ؟
- السبعاعوى :** قصدى يرفع لك قرنية عينيكى .
- نظيره :** (لنظيره) ما تحسلى خطك (لسنيه) ولكى عليا أول ما الدكتور ييجى أخليه يكشف عليكى ..
- سنينه :** أنا بقالتى خمس شهر تقولولى الدكتور مش موجود . والنهارده بقى أنا اتأكدت أنه موجود .
- السبعاعوى :** عيب تكذبينى ، يعنى انتى كنتى شوفتيه ؟
- سنينه :** لا .. الأنسه نظيره اللى قالت لى .
- السبعاعوى :** وتعيين فى القرف ده ؟
- سنينه :** ( موشكة على البكاء ) وحضرتك بتشتمنى ليه دلوقتى ؟
- السبعاعوى :** مش انتى يا سنينه .
- نظيره :** ( محتجة ) امال أنا ؟ (ورغم غمزته) لأ بقى أنا مش كل حاجه ..



السبعاءوى : ( مقاطعا ) ولا انتى يا نظيره .

سنييه : امال مين ؟

السبعاءوى : دى القطة . القطة اللى دخلت . بس امشى ، جتك القرف ( ينادى )  
يا ملاك ..

عشماوى : ( يظهر ) افندم سيادتك .

السبعاءوى : شوف لى الدكتور موجود كده ( ويشير له بالنفى )

عشماوى : لا دا عيان وواخذ أجازة مرضى يافندم ( ويختفى )

السبعاءوى : جالك كلامى ؟

سنييه : وليه حضرتك تكذبى على واحده عاجزه مسكينه زى ؟

نظيره : أنا ما بكذبش ، جازى ماشفتش كويس .

سنييه : ( لنظيره ) وليه ما بتبصيش كويس ؟ يافتحى ياتلبسى نصاره .

نظيره : يوه .. حاضر يا سنيه ، متأسفه .

السبعاءوى : ماتزعلش يابنتى ، أنا هعين دكتور جديد للمؤسسه ( يربت عليها ) .

سنييه : متشكره . بس أفكر حضرتك أنى ما بحبش حد يحط أيده عليا .

السبعاءوى : شيلى ايدك من عليها يا نظيره .

نظيره : ( بغيط ) حاضر .

سنييه : متأسفه . أنا ظنيت غلط أنه حضرتك ، أصل أنا ظفانه .

السبعاءوى : ( العفو ) لنظيره ) اتفضللى خايبها تغور من وشى .

نظيره : ياللا يا سنيه ( تقودها خطوات لكن سنيه تتوقف )

سنييه : ( عائدته ) لما حضرتك قلت خايبها تغور . كنت تقصد القطة مش

كده ؟

السبعاءوى : طبعاً يا سنيه ، أعوذ بالله .

سنييه : أنا برضك فهمت كده بس حبيت أناكد ، أصلى شكاكه

( تتحرك خطوه ثم تقف ) أنفوه عليكم وعلى أشكالكم .

السبعاوى : بتقولى أيه ؟

سنيه : يقول ع الدبان ( وتتحرك )

نظيسره : استلى أوصاك .

سنيه : لا من فضلك . أنا بشوف طقشاش برضه . وعاييزه أعتمد على نفسى

( تخرج ونسمع صوت ارتطام بالخارج )

نظيسره : ( خارجه بلهفه ) سنيه ..

عشماوى : ( عند الممر ) البت عينيها باظت ( ويختفى )

النسبعاوى : لا حول الله ، بس ريحتنا من دوشة العمليه ( يصعد لمكتبه )

المعلم : ( يظهر حاملا سله ) تعال يا عرفه . خش .. ياسلام حتى النور زاد على وشك .

عرفه : ( داخلا بجاكته فوق جلاباب ونظاره سوداء ويضم إلى صدره كتابا

ممسكا بعضا ) بسم الله الرحمن الرحيم ( ينقطع النور )

المعلم : ( فى الظلام ) ياه .. النور انقطع .

عرفه : لاحول ولا قوة إلا بالله .

المعلم : بس ولا يهملك هو النور دايمًا يلعب كده ( النور يعود ) أهو شفت ؟

الله .. أنت رحمت فين ؟ تعال .

عرفه : ( يظهر بتردد ) بلاش ، أصلى اتشاءمت ( ينقطع النور ثانية )

المعلم : والله مسيره يرجع دلوقت حالا .

عرفه : هو انقطع تانى ؟

المعلم : أظمن أنت بس وما تتحركش من مكانك ( يعود النور فينظر للباب )

عرفه ماتيجى يا جددع .

عرفه : ( عند حافة خشبة المسرح ) مانا جايلك أهو .

المعلم : ( يجرى لسحبه ) لاء .. كنت هتخش فى الحيط .

عرفه : احنا فين دلوقتى ؟

المعلم : أنت خلاص ، وصلت . دخلت الجنة برجليك يا عرفه .

عرفه : لأ ماتقوليش . طب استناني كده ( يرفع النظاره لحظه ) أه والله بسم

الله ماشاء الله بس أنا برضه قلبي كان حاسس اننا هتلاقى الجنة

فاضيه ، وتلاقى جهنم دلوقتى زحمه كده .

المعلم : كلهم موجودين جوه ، بس تعال .

عرفه : لاء لاء مايصحش نخش الجنة من غير استئذان .

( يصفق ) يا أهل الله ياللى هنا ، ياسى رضوان .

الفراش : ( يظهر ) أيوه .. مين اللى بينده ؟

المعلم : ( بدهشة ) غريبه وعرفت اسمه ازاي ؟

عرفه : مسأله بالنظر كده . أهلا وسهلا ( يمد يده مصافحا )

الفراش : لحظه يامعلم ادى خبر للبيه . ( يخرج )

عرفه : رضوان مارضيش يسلم عليا . الظاهر سيئاتى كتيره .

المعلم : صدقنى المؤسسه دى البيت اللى هتلاقى فيه الراحة .

عرفه : بيت الراحة ، أتايرينى من ساعة مادخلت شامم ريحة فتانه .

المعلم : ازاي . دا احنا فى منطقه تعتبر واحه وسط الصحرا .

عرفه : أيوه ، والواحه فواحه .

المعلم : مش أحسن م الحته اللى جيت منها ؟ ماتخيلنى ساكت .

عرفه : ( مرتبكا ) انت هتذلى يامعلم ؟ دا أنت حلفت لى مش هتفتش سرى

لأى مخلوق .

المعلم : ما انت اللى نازل تريقه . ادعى بس انهم يقبلوك .

عرفه : انما يعنى محدث م الزملا المكفوفين جه يستقبلانى ، هما  
ماعدنهمش نظر ولا آيه ؟

المعلم : ( يظهر هابط السلام ) يا أهلا وسهلا .. يامرحبا .

عرفه : أهلا بيبك يازميل .

المعلم : اتأدب . حضرته يبقى السباعوى بيه مدير المؤسسة الإنسانية .

عرفه : أنا راخر بقول المكان نور ليه .

السباعوى : ظريف قوى . هينور بوجودك إن شاء الله .

عرفه : ( بضيق مفاجىء ) انت بتتريق عليا اكمنى معوق ؟ ياللابينا يامعلم

السباعوى : ( مرتبكا ) لاء لاسمح الله ، حضرتك فهمتنى غلط .

عرفه : أبدا .. تسخر منى ؟ خدنى يامعلم

السباعوى : دا سيادتك اللى بتقول المكان نور بقولك ..

عرفه : أنا بس اللى أقول واتريق على روحى لكن أنا لا أسمح لك . ياللا بينا

يامعلم

السباعوى : متأسف والله ما أقصد ، وادى رأسك أهه .

عرفه : ( ضاحكا ) انت صدقت ؟ دانا بهزر معاك ياراجل ياطيب .

السباعوى : ( متظاهرا بالضحك ) مقبوله منك . نشرف باسم الكريم .

عرفه : الشواف !

السباعوى : كويسه .. دمه شربان .

عرفه : ايه اللى بيضحك ؟ أنا ما بنكتش معاك . اسمى كده .

المعلم : أيوه ، عرفه الشواف . والشواف أسم شهره .

السباعوى : نشرفنا يا أخ عرفه ، واعتبر المؤسسة بيتك ومطرحك .

المعلم : استبيننا ( مشيرا بعلامة النقود ) هيه مش تدينا المعلوم بقى ؟

**عرفه :** يدينا المعلوم ؟ قصدك ايه ؟ احنا جايين نطلب منه صدقه ؟ باللا  
بيننا يامعلم

**السبعاولى :** لأ قصده اديكم المعلوم ات .. عن المؤسسه ..

**عرفه :** وجهة نظر برضه .

**السبعاولى :** بس خلى بالك يامعلم، دى مش لوكانده ويتدور على زياين، احنا  
مؤسسه خيريه لمساعدة العجزه والمساكين.

**المعلم :** ما احنا مساكين برضه يا سبعاولى بيه، وانتو كل مازاد عدد العجزه،  
الحكومہ يتزود لكم الاعانه.

**السبعاولى :** وايه رأيك أن المؤسسه مفلسه ومديونه لشوشتها ؟

**المعلم :** لأ مدام حيقف عليكم بخساره يبقى بلاش .

**السبعاولى :** ما قلتش بلاش .. حاضر (يضع يده فى جيبه)

**المعلم :** مبروك يا أبو العرف، خلاص المؤسسه وافقت عليك.

**عرفه :** بس أنا لسه ما وافقتش عليها !

**السبعاولى :** ( يسحب النقود التى أخرجها ) نعم ؟

**عرفه :** أنا لسه ماخدتش المعلوم . لازم أعرف كل حاجة من طقطع لسلامو  
عليكم.

**السبعاولى :** حاضر، بقى ياسيدى القصر دا كان استراحه لأمير من العيله  
المالكة، والثوره صادرت له لصانح الشعب .

**عرفه :** كلام جميل. الشعب اللى هو احنا.

**السبعاولى :** وسيد بيه السيد كون الجمعيه الإنسانيه وأجره من الحكومه بايجار  
رمزى وباختصار المؤسسه فيها كل وسائل الراحة والترفيه  
للمكفرين.

**عرفه :** ( مقاطعا ) محلش ، ولو فيها رزاله ، ممكن أشوف بنفسى ؟

**المعلم :** يعنى ايه ؟ مش مصدقنا ؟  
**عرفه :** على رأى الشاعر الشعبى المجهول الذى هو أنا .  
قولوا القمر طلع . قولوا يا محلاً سناه .  
أنا عمرى لم معنى شعاعه أو ارتويت بضياه .  
من حقى أشك فى وجوده ..  
ولو حلف لى أعز الناس بأنه رآه !  
وعجبنى .

**السبعأوى :** ( غامزا بعينه ) من حقه يامعلم .. تحت أمرك .  
**عرفسه :** ( يتحرك ) أول حاجه أعرف ريحة النكتانه دى جايه منين ؟  
**السبعأوى :** دى ريحة السباخ بتاعة الجنينه اللى تحت .  
**المعلم :** ( يدهشه ) هو فيه جنينه تحت ؟  
**السبعأوى :** ( غامزا بعينه ) ما هى باينه أهه يامعلم .  
**المعلم :** اه والله دى ريحة الجنينه .  
**عرفه :** ما تفتح يامعلم : انت بتشوف الريحه ولا تشمههاش ؟ عجبنى !  
**السبعأوى :** ( مشيراً له بأن يخرج بالأكفاس ) سيبنى أنا أفريجه يامعلم .  
**عرفه :** غريبه، الريحه راحت .  
**السبعأوى :** مانا قفلت الشباك .

**عرفه :** طب انتفضل اوصف لى كل حاجه هنا  
**السبعأوى :** حضرتك دلوقتى فى البهو الرئيسى . ودا يحتوى على انتريه شيك  
ومريح . فيه تليفون . فيه تكييف ، فيه راديو ، فيه تلفزيون ٥٦  
بوصه .. وفيه هنا سلم بيودى لمكتب الإدارة ، وقدامك حيطه فيها  
شبابيك وعليها ..  
**عرفه :** صورته طبعاً .

- السبعاءوى : تمام، بس طبعا مش هتخرف صورة مين .
- عرفه : (مقاطعا) ليه ما هى باينه ؟ مش برضه صورة الرئيس ؟
- السبعاءوى : (بدهشه ) عرفت ازاي ؟
- عرفه : مسأله بالنظر كده . لازم هتخطوا صورة رئيس الجمعية !
- السبعاءوى : اتفضل من هنا، الممر دا يؤدي لـ ..
- عرفه : (مقاطعا) ايوه شايف، شايف للمطعم واضح. ريحة الكوسة فايحه.
- السبعاءوى : طب اتفضل ندوفاك طبيخنا.
- عرفه : لا شكرا، مابحش القرع ( يستدير ) كلمنى عن غذاء الروح.
- السبعاءوى : غذاء الروح ؟
- عرفه : الموزيكا . ماتعرفش الموزيكا ؟
- السبعاءوى : اه اطمئن . عندنا مجموعة آلات موسيقية جت لنا منحه م الأمم المتحدة .
- عرفه : شحاته ؟؟ طيب ( يقوده الليانو فيدق عليه )
- السبعاءوى : (يتحرك للمدخل ويهمس) رضوان ابعت لى نظيره وقولها تجيب استثماره لواحد زيون جديد، ياللا .. اتحرك قوام .
- عرفه : حاضر ( يتحرك فيصطدم بمقعد )
- السبعاءوى : لا مش أنت ، على مهالك .
- عرفه : الظاهر تعبت من اللف ( يتحسس كرسيا محطما)
- السبعاءوى : لا اتفضل هنا أريج .
- عرفه : (واضعا ساق فوق ساق) نيجى بقى للشغل، بتشغلونا أعمال كويسه ؟
- السبعاءوى : طبعا . عندنا أشغال خرزان وأكلمه وحصير . عندنا مصنوعات جلديه ، جزم وشباشب وغيره .
- عرفه : خاينا فى الجلد، المهم بتدروا على كده مرتبات مجزيه ؟

- السبعاءى :** احنا بددى بالحته ، يعنى مثلا نديك اتنين جنيه ع الجزمه .
- عرفه :** ومش عيب لما تدونا حقنا ع الجزمه ؟
- السبعاءى :** لا العفو مش قصدى .
- عرفه :** ولا يهكم . أنا راخر أقدر أديكم أربع جزم على شبشين محترمين
- فى اليوم ! ( يدخل المعلم )** دى الريحه رجعت ، أنت جيت يامعلم ؟
- المعلم :** أيوه مش خلاص يا عرفه ؟
- عرفه :** لسه . طمنى عندكم مطبوعات بطريقة برايل ؟
- السبعاءى :** ( بتوجس ) فيه مكتبه . لكن هو أنت متعلم القراية ؟
- عرفه :** للأسف لاء .
- السبعاءى :** ( بشك ) امال الكتاب دا بتعمل بيه ايه ؟
- عرفه :** لاء بتفرج ع الصور بس ! هيكون ليه ؟ جاييه عشان لما تعلمونى
- القرايه أبقي أقرأه .**
- السبعاءى :** اه . تفضل عناير النوم ودى معموله على أحدث النظم الفلديقيه . فيه
- عنبر للرجال ، وعنبر للبنات ..**
- عرفه :** بمناسبة البنات ، طمنى ..مستوى الجمال معقول ولا أى كلام ؟
- السبعاءى :** لا اطمئن مرتفع جدا .
- المعلم :** ايه يا هو تحقيق ؟ ماتخلصنى .
- عرفه :** الحقيقه بعد اللى شفته .. مافيش مانع .
- السبعاءى :** وأنا أشكرك على هديتك ليلى يامعلم .
- المعلم :** ( مشيرا يطلب النقود ) لاشكر على واجب . مش برضه واجب بقى ؟
- السبعاءى :** اتفضل ( يسلمه نقودا )
- المعلم :** مبروك يا عرفه . عايزك تطول رقبتي ( هامسا ) وخلي بالك لو عرفوا
- سرك هيطردوكويمكن ترجع السجن تانى .**



عرفه : هس واكتم. انت مش خدت المعلوم ات؟ (يحتضنه وينشل منه النقود)

ابقى خلىنا نشوفك يامعلم مع السلامه \_.

(بعد خروجه يناول النقود للسبعوى) مش شايف المعلوم .. ات دى

كثيره ياسبعوى بيه ؟؟

نظيره : ( داخله ) رضوان بيقولى أن فيه زيون جديد.

عرفه : زيون ؟

السبعوى : قصدك نزيل . ماهو قدامك أهو مش شايفاه ؟

عرفه : معلش، العتب ع النظر .

نظيره : متأسفه (تصافحه) أصلى لما شفتك ماسك الكتاب افكرتك مفتح.

عرفه : مانا برضه مش مقفل قوى .

السبعوى : اتفضللى يا نظيره امنى له بيانات استمارة الألتحاق .

نظيره : حاضر. الأسم ، والسن ..

عرفه : عرفه الشواف، ٣٢ سنه .

نظيره : نوع حضرتك ، ذكر أم انثى؟

عرفه : حضرتك شايفه ايه ؟

نظيره : الحالة الإجتماعية.

عرفه : عازب .. و حضرتك ؟

نظيره : افلدم ؟

عرفه : مش غريبه واحده فى جمالك ماتتجوزشى أحد دلوقتى؟

نظيره : (بدهشة) وعرفت منين انى ماتجوزنش ؟

عرفه : لما سلمت عليكى لقيت ايدك طريه، أصل المتجوزه ايدها بتبقى

مقشفه م الغسيل والمسح وتخريط البصل.

- نظيره** : ما يمكن مخطويه ( وتنظر للسبعاءى )
- عرفه** : لاء , أيدك اليمين ما فيهاش دبله .
- السبعاءى** : طب وعرفت متين أنها جميله ؟
- عرفه** : لا دى مجرد مجامله لاطلعت ولا نزلت ، انت صدقت ؟
- السبعاءى** : كملى يا نظيره .
- نظيره** : سبب عجز البصر ، ورائى ؟ خلقى ، مرضى ؟
- عرفه** : والله أنا فتحت عنيا ع الدنيا لقيتلى مابشوفش .
- نظيره** : نسبة عجز البصر كام فى الميه ؟
- عرفه** : تسعه وتسعين وتسعه من عشرة فى الميه ، مانا ريس العميان .
- السبعاءى** : يعنى بتشوف بنسبه واحد من عشره فى الميه ؟
- عرفه** : لاء , كده وكده ذرا للرماد فى العيون عشان تبقى محبوبكه .
- نظيره** : مقدار التعليم .
- عرفه** : لاشيء .. أمى .
- نظيره** : المهنة أو الخبرات السابقة .
- عرفه** : ( بعد تردد ) لا داعى لذكرها .
- نظيره** : ممكن تدينى أيدك عشان ابصمك ع الاستثمار .
- عرفه** : ايه دا عايزين تمضونى عميانى ؟
- السبعاءى** : ايه الفوضى دى ؟ أقرىء له الاستثمار الأول ، دا حقه .
- نظيره** : حضرتك اللى دايما تقولى خليفهم بيصموا من سكات .
- السبعاءى** : انتى اللى بتفهمنى غلط . قصدى تبصمهم وانتى ساكتة .
- نظيره** : حاضر ( تقرأ ) أقرأنا الموقع أدناه بأن التزم بنص لائحة المؤسسة ..
- عرفه** : نصها بس ؟ قصدك نص اللائحه . حضرتك خريجه جامعه ؟
- نظيره** : طبعا .

- عرفه :** عشان كده .
- السبعأوى :** والله عندك حق يا شواف . كفك على كده . ( يأخذ كفه ويصمه )
- مبروك يا بنى . ألف مبروك .
- عرفه :** أيوه ، بس أنا لسه ...
- السبعأوى :** ( مقاطعا بصوت عال ) أيوه يارضوان فيه حاجه ؟
- الفراش :** ( يظهر ) تليفون يا فندم ( ثم يثق جرس يمسك به فى يده )
- السبعأوى :** مين ؟ سيد بيه السيد ؟ عن اذنك . نظيره هتعمل اللازم ( يخرج )
- عرفه :** أيوه يا أنسه نظيره ..
- نظيره :** لحظه واحده ، الظاهر بيبندهوا عليا ( تخرج مسرعه )
- عرفه :** غريبه ( يسلك اذنه )
- سنبيه :** ( تظهر تحمل ملفا ) استاذة نظيره .
- عرفه :** ( ينهض ويسوى ملابسه وشعره ) جايه حالا ، أهلا وسهلا .
- سنبيه :** ( تلتفت مرتبكه لمصدر الصوت ويقع منها الملف )
- ( الأثنان ينحنيان بحثا عنه ، تتلامس أيديهما فيبتعدان )
- عرفه :** لامؤاخذه .
- سنبيه :** أنا اللي أسفه .. أصلى عمشه .
- عرفه :** بعد الشر ، عنك انتى ( يلتقط الملف ويمده لها ) اتفضلى .
- سنبيه :** متشكره ( وتمد يدها )
- عرفه :** مالك ؟ بتبصلى كده ليه ؟ فيه حاجه ؟
- سنبيه :** أنا مقصدش ..
- عرفه :** أصالك وقتى وسكتى . بتشبهى عليا ؟ أنا لسه جديد هنا ودا أول يوم ليا .
- سنبيه :** هو حضرتك اللي أتعينت جديد ؟ قالولى كده ماصدقتهمش . الحمد لله أنى لقينك ، أرجوك تبدأ بيا أنا . أعمل معروف .

- عرفه :** ماعنديش مانع بس افهم الأول ..
- سنيه :** انا حاله مستعجله، اسمي سنيه أمام عبد المتجلى وقالولى ممكن أعمل عمليه ترفيع للقرنيه وأرجع أشوف تانى.
- عرفه :** هو حضرتك ... ؟ غريبه مايبانش عليكى.
- سنيه :** دا بس من كتر ذوقك .
- عرفه :** لأ دا من قلة نظرى .
- سنيه :** أنا كنت بشوف لحد عشر سنين وبعدين طلعت لى صحابه على عنيا. فضلات تزيد ومرات أبويا منها لله، بدل ماتعاجنى، رمتنى هنا، الملف اللى معاك فيه كل حاجه.
- عرفه :** أيوه فعلا. دى صورة الأشعة. ودى ايه ؟
- سنيه :** صورتى، بس وأنا أصغر شويه.
- عرفه :** ياه. كان شكلك مختلف خالص ماعرفتكىش ( يضع الصورة فى جيبه)
- سنيه :** قولى يادكتور فيه أمل ؟
- عرفه :** نعم .. ؟ لأ. أنا ..
- سنيه :** ( بفزع ) لأ ؟ يعنى مافيش أمل خالص ؟
- عرفه :** ما أقصدش، الأمل موجود طبعا ، لكن ..
- سنيه :** لأ ارجوك. ماتقولش لكن. دا أنا ماصدقت لقيتك. دا الدكتور القديم قعدت شهور عايزه أقابله بيتهرب منى.
- عرفه :** ودا يبقى دكتور؟ أمال هو شغلته هنا أيه ؟ مش بياخذ مرتب علشان يراعيكم ؟
- سنيه :** معاش، بقى ربنا يسامحه .. زميلك برضه.
- عرفه :** لا دا لازم يلى ولا أعرفه. دا أنا لازم اشتكىه فى النقابه.

- سنیہ : بدل ماتشتکیہ ساعدنی أنا .
- عرفہ : والله .. فی الحقیقہ مش عارف أقولك ایه ..
- سنیہ : تكشف علیا دلوقت حالا .
- عرفہ : مقدرش .. أنا ..
- سنیہ : حرام علیك . دا أنا اترجیتك، وعمری ما اتذلت لحد . أنت اللى بأیدك ترجع لى اللور لعنیا، دا أنا یتیمہ ومالیش حد أبوس . ایدك .
- عرفہ : استغفر الله .. حاضر . أوعدك أن الكشف ھیحصل فی أقرب فرصه ، وإذا كان فیہ أمل ھتعملی العملیہ . عایزہ حاجہ تانیہ ؟
- سنیہ : لا . كتر ألف خیرك . رینا یحافظ لك علی نظرك .
- عرفہ : طب ممكن تبطلی عیاط بقى ؟
- سنیہ : اعذرنی دى دموع الفرح . ماتشرفتش باسم حضرتك یادكتور .
- عرفہ : عرفه الشواف .
- سنیہ : ایوہ طبعا بسمع عنك ، كل العیانیین بیتشكروا فیک والله .
- عرفہ : بس الأحسن تخلى الدوسیه معاكى . فین ایدك ؟
- سنیہ : مانا ماداها لك . هو حضرتك أنت کمان ؟
- عرفہ : ایوہ ، تبقى بصره ، هاها .
- سنیہ : یعنی أنت دكتور ولا لا ؟
- عرفہ : لا . تیجى ازای ؟ بس تأکدى أن كل كلمه وعدتك بیها ھتتفد .
- سنیہ : غور من وشى . مش عایزہ اشوقك تانى (تخرج باکیه )
- ( یقف مطرقا ، تظهر مجموعہ المكفوفین )
- مخلص : هو فین الزمیل الجدید دا ؟
- عبد الباری : هناك أهو یاأخى .
- خیشه : آل یاقاعدین یکفیکوا شر الجایین .

- محاسن :** كانوا يجيئونا بنت ، احنا ناقصين رجاله ؟
- أنصاف :** هما فين، احنا شايفين ريحتهم ؟
- مسعود :** نزيد واحد، نقص واحد ، مافيش فايده .
- عرفه :** اسمحولى أقدم لكم نفسى ، أنا الشواف زميلكم الجديد .
- الجميع :** ( يقتربون منه خطوه ثم يتوقفون )
- عرفه :** ( متلفتا ) أيه ، هتفضلوا واقفين تبخلقوا فيا كده ؟
- محاسن :** أيوه صحيح يا أنصاف ، واقفه تتفرجى على ايه ؟ ياللا ..
- أنصاف :** كنت خلىنا شويه ، مالحتش أشوفه كريس ( تخرجان )
- مخلص :** ( يلمس كتفه ) أهلا بيك يا أخ عرفه ، أنا أمين .
- عرفه :** وأنا أضمن منين ؟ ما أنا اسمى الشواف . ومع ذلك عاشت الأسامى .
- خيشه :** ( يلمسه ) الهى يجعلك وش السعد علينا يارب ..
- مخلص :** دا خيشه .. كان شحات قبل ما يخش هنا .
- خيشه :** وكنت بكسب بره أكثر والله ..
- عرفه :** معلى ، ربنا يسهلك .
- عبد البارى :** ( يتحسس وجهه ) مش الأخ مؤمن برضه ؟
- عرفه :** ونعم بالله . امال دخلت الجنة هنا ازاي ؟
- مخلص :** عبد البارى ، كان بيقرا فى التراب ع الميتين .
- عرفه :** بيقرا عليهم ولا بيحاسبهم ؟
- مسعود :** ( بحزن ) وأنا مسعود .
- عرفه :** طب وحزين ليه يامسعود ؟
- مسعود :** أنا كنت طالب فى حقوق ، بس خلاص ، مافيش فايده .
- عرفه :** أهلا ببيكم ، سعيد انى شفتكم جميعا ، تسمحولى أقعد ؟
- ( الجميع يتسابقون نحو الكرسي السليم ، بينما يظهر مسعود )

عرفه : الله . بتجروا ليه ؟

عبد الباري : بيتخانقوا ع الكرسي ياسيدى ( ويجرى ليجلس )

عرفه : م الكراسى كتير (يجلس على مقعد فيقع به ويضحكون)

مسعود : مافيش هنا غير كرسي واحد سليم .

عرفه : غريبه . طب بدل ماتتخانقوا، بلغوا الإدارة يصلحوا الباقي .

عبد الباري : (وقد فاز بالكرسي) الشكوى لغير الله مذله يا أخ شواف .

عرفه : لأ طب سيبوا الموضوع دا بقى عليا أنا .

عشماوى : (من أعلى) أنت اللي اسمك شواف ؟

عرفه : ( يرفع رأسه ) مين ؟ عدو ولا حبيب .

عشماوى : أنا ملاك .

عرفه : طب ما تنزل ع الأرض وتكلمنى ..

عشماوى : انت باينك لمض . بتحب تشوف نفسك من أولها ؟

عرفه : ياريت . . .

عشماوى : ايه ؟ دا بيتحدانى .

مخلص : مايقصدش . وحد مننا يكره يشوف ؟

عشماوى : أه ، أنا بحسب ، كنت هوريله شغله .

عرفه : لو تقدر ..

عشماوى : لأ .. داهيستغزنى .

عبد الباري : ماغلطش ، وحضرتك تقدر توريه أى حاجه ازاي ؟

عشماوى : أه ، انا بحسب .

عرفه : ليه ماتيلى تورينى شغلى ( ويقترّب منه )

عشماوى ( يضع العصا فى صدره ) خليك عندك

عرفه : ( يتحسس العصا ) كل دا صباع ؟

عشماوى : مخلص، أبقي وريثه شغلته فى الورشه . انا ماشى (يتظاهر بالخروج  
ثم يعود بخطوات متسلله )

خيشة : انت اتجننت تهلضم مع المشرف بتاعنا ؟

عرفه : يعنى هيشنقنى ؟ والله لما يكون باش سجان حتى (مستدركا)  
نهايته .. (يجلس على الأرض ويفتح السله ) اتفضلوا شوية قرص  
على شوية جبيله قديمة ..

عبد البارى : وحشتنى القرص . فين أيام القرافه .

عرفه : ايه روحك فيها ؟

(الجميع يتكالبون على السله عشماوى يمد يده خاسه ويأخذ  
محتوياتها ويخرج)

عرفه : لا حول الله، هما مش بياكلوكوا هنا؟ بالراحه الخير كثير، قولولى  
المكتبه هنا بتفتح امتى ؟

عبد البارى : أمين المكتبه مابنشوفهوش، بيشتغل فى بلد عربى، أصله المدير  
يبقى خاله .

خيشه : وافرض فتحت , محدش فينا بيقراً غير مسعود :

عرفه : وانتوا ما اتعلمتوش ليه ؟

مخلص : محدش طلب منا نتعلم وقولنا لاء .

عرفه : وانتو هتستقوهم يسقوكم العلام بالمعلقه ؟ انتوا اللى تطلبوا .

مسعود : ياعم مفيش فايده .. يعنى هى دى اللى هتصلح عيشتنا ؟

خيشه : مالها عيشتنا ؟ انت اللى ما يملاش عينيك غير القراب .

عبد البارى : بس بصراحه الإدارة ممكن تخلى حالتنا أحسن من كده .

مسعود : احنا كل حاجة نلزعها فى الاداره ؟ احنا اللى وحشين فى قلب  
بعض .



عرفه : ولما أنت مش عاجبك عيشتك ولا زمايلك قاعد فيها ليه ؟  
مسعود : ال إيه اللي رماك ع المر؟ أمشى وأسيب لهم عرقى اللي فى  
الصندوق.

عرفه : عرق إيه ؟  
مخلص : أصلهم بيخصموا نص أجرنا وبيشيلوه فى صندوق زماله للطوارئ .  
عرفه : كلام جميل .. كلام معقول .  
خيشه : أيوه .. بس عشان تقبضه لازم تكون قضيت ثلاث ارباع المده .  
عرفه : النظام دا هنا برضه ؟

عبد البارى : انت ماقريتش الاقرار اللي بصمت عليه ؟  
عرفه : لاء .

عبد البارى : خلاص ، نقرأ لك احنا الفاتحه .  
عرفه : بس أنا شايف المدير كله ذوق وانسانيه .  
مسعود : ها .. كويس ، على رأى المثل ، أعمى ويقول شفت بعينى .  
مخلص : واشمعنى المدير، هو فيه حد مفتح بيحس بينا ؟  
عبد البارى : (بعد لحظه صمت) وحدوه .

الجميع : لا إله إلا الله .  
عرفه : طب اندهو لنا البنات يطروا القعدة شويه .  
عبد البارى : خستت، الاختلاط هنا ممنوع فى غير أوقات العمل الرسميه .  
عرفه : طب عن أذنكم اتصل بالمعلم فتوح فى الدكان .  
خيشه : ياه ، دا انت شاطر قوى .  
عرفه : إعلمكم أنا أقدر أطلب أكبر نمرة وأنا مغمض ؟  
خيشه : ها دا افتكره تليفون بجد . دا ديكور يامفتح .

عبد الباری : ما هو لسه مستجد، تلاقیه فاهم أن فيه عنابر مریحه . وشغل سهل  
ومرتبات كویسه ؟

عرفه : كمان ؟ یعنی دخولنی جهنم وفهمونی انها الجنة ؟ لكن انتوا ساكتين  
على حالكم دا لیه ؟

عبد الباری : احنا عجزه ولا يكلف الله نفسا إلا وسعها .  
عرفه : انتو ففدتوا النظر بس، لكن لسه ما انشلقوش، لسه ماتخرستوش، دا أنا  
لما كنت فی السجن ..

الجميع : السجن ؟  
عرفه : (مرتبكا) قصدی لو كنت فی سجن .. كاں حالى بقى أرحم بكتير،  
أنا ما أقبلش أعیش مع ناس بيستمعونى . ما أقبلش أشحت حقى  
وكرامتى .

مسعود : كان غيرك أشطر .  
عرفه : لا أنا ماشى وأبقى عيل لو رجعت فى كلامى .  
مخلص : طب على مهلك، هات ايدك .  
عرفه : متشكر .. أنا عارف طريقى كويس (لكنه يتخبط فيهم وفى الأثاث)  
مسعود : (يضحك بهيستريا)

عبد الباری : لاحول ولا قوة إلا بالله .  
عرفه : (متحسسا الحوائط) فين باب السكه ؟ حد يقول الباب منين .  
سنييه : (تظهر ويخيبه أمل) ليه توعدونى وتكدبوا عليا ؟ ليه تدونى الأمل  
وتخلوا بيا ؟ امال فين الانسانية ؟ فين الانسانيه ؟  
عرفه : فين الباب ؟ باب أوضتى منين ؟

(اضلام)

## المشهد الثاني

نفس المنظر . ( المكفوفون جالسون فى صمت )

عرفه : ( وهو يتحسس الحائط ) قولولى . محدش فيكم طلع الدور التانى ؟

مسعود : لاء ولا نعرف بابيه متين .

عبد البارى : أنا سمعت أنه مسكون بالعقاريت .

عرفه : أنا عمرى فى حياتى ما شفت عقاريت .

مسعود : بس المفتحين بيقلوا أنهم شافوهم .

عرفه : واشمعنى يعنى بتطلع لهم فى الضلمه ؟

خيشه : اللهم احفظنا، غيروا السيره دى .

عبد البارى : ( بعد لحظة صمت ) وحدوه .

الجميع : لا اله إلا الله .

عرفه : ما تدندن لنا شويه ياسى وحيد .

مخلص : حاضر ( يتنحنح ) ياليلى، ياعينى، ياليلى..

الجميع : آه .

عرفه : أه فى عنيكيم، بلاش الحزاينى ده وحياة والدك . غنى لنا حاجه

فرايحى . حاجة كده فيها سهلة .

مخلص : حاضر ( يتنحنح ويغنى ) عينييا بتضحك وقلبي بيبكى، وايه بس

أخزة بكايا وضحكى .. عليا بتضحك !

عرفه : ضحكت عليك روحك . دا الفرايحى بقا عك ؟ ما تعرفش تقول حاجه

فيها حب ؟

**مخلص** : أه، طب ما تقول كده م الأول. بس تردوا عليا . ( يغنى ) ظلموه،  
ظلموه، القلب الخالى ظلموه ..

**الجميع** : ظلموه .. ظلموه ..

**عرفه** : بس. حتى الحب بقاعكم منيل .

**مخلص** : قولى بصراحة .. انت حاطط عنيك هنا على واحدة معينة ؟

**عرفه** : لا ابدا والله .

**عبد البارى** : بلا حب بلا مسخرة وكلام فارغ.

(من الباب يدخل رجل بحقيبة ويتحدث بسرعة )

**الرجل** : السلام عليكم ( ويختفى فى الممر )

**الجميع** : وعليكم السلام ورحمة الله وبركاته، اتفضل .

**عرفه** : مين ده يا اخوانا ؟

**مسعود** : واحنا ايش عرفنا ؟

**عبد البارى** : أنا سمعت صوته قبل كده .

**خيشه** : أيوه، فات من قيمة شهر وقالى سلاموا عليكم برضه .

**عرفه** : والنهارده أول الشهر ..

**مسعود** : يعنى ايه ؟

**عرفه** : لا ولا حاجة .. وحدوه .

**الجميع** : لا اله إلا الله .

**عرفه** : مسعود .. أنا مش طلبت منك تعلمنا القراية بطريقة برايل ؟

**مسعود** : وأنا قلت لأه ؟

**خيشه** : طيب ما تباللا .

**مسعود** : طريقة برايل سهلة خالص وأنا شخصيا اتعلمتها بسرعة . بس مافيش

فايده !

- عبد البارى :** علمنا انت بس ومالكش دعوه .
- مسعود :** باختصار عشان مافيش فايده ، بدل الحروف بتكتب نقط وتتطبع بارزه ع الورق.
- عرفه :** ادى كتاب ، ادينا مثال .. نقرأ ازاي ؟
- مسعود :** طب قريوا ، ومدوا ايديكم ، حسسوا .. مش عليا . دا حرف الألف !
- ( يظهر السبعماوى وعشماوى من غرفة المكتب )
- السبعماوى :** ( يشهق ) ايه دا ؟ بيقرأوا كتب فى المؤسسة بتاعتي ؟ أنا مش قايلك تفتح عينك .
- عشماوى :** ما شوفتهمش .
- السبعماوى :** ( يهبط ) كريس يا ولاد . القرايه مسليه ، بس الكتب دى لازم تفوت ع الإدارة الأول عشان تتأكد أنها مش كتب مملوعه .
- مسعود :** دا كتاب حقوق الانسان .
- السبعماوى :** كمان ؟ وأنا أيش عرفنى أتأكد ازاي ؟
- عشماوى :** ايوه مايمكن كتاب جنسى .
- عرفه :** ليه ، اكمننا بنحس عليه ؟
- السبعماوى :** هات ، لما ييجى أمين المكتبة ويراقبه انبقى أدهولكم .
- مسعود :** مش قلت لكم مافيش فايده .
- السبعماوى :** ( هامسا لعشماوى ) حاول تشغلهم وتلهيهم فى أى حاجة ( يخرج )
- عشماوى :** ماتزعلوش ، تحب أفتح لكم التليفزيون شويه ؟
- مخلص :** هنعمل بيه ايه ؟
- عرفه :** افحه ، ع الأقل نعرف أخبار الدنيا .. نفهم اللي بيدور حوالينا .
- ( نسمع صوت مسلسل أمريكى ولا تظهر أى صوره )
- خيشه :** هيه ، فهمت حاجة من أمور الدنيا يا شواف ؟

مخلص : يمكن بيعرف انجليزى .

عبد البارى : لا وانت الصادق بيقراً الترجمة!

عشماوى : بسيطه، أنا أشرح لكم . البطل بيص للبطله . البطله بصت له . النظر

داخل عليها . بي فكر بيوسها .. غمضت عينيها . لسه داخل عليها .

قرب منها ، حضنها .. هيووسها . ياسها فعلا . ياسلام !

عرفه : يعنى النتيجة كام كام دلوقتى ؟

عبد البارى : كفاية . هذه المسلسلات كلها عرى وأباحيه . نحمد الله اننا لانراها ،

اقلب لنا المحطه .

عشماوى : حاضر ( يغير المحطه فنسمع موسيقى ) ياسلام ، حته رقاصه .

عرفه : ( يقترب من التليفزيون ) هى قين الصوره دى ؟ ماتنظبط المحطه كويس .

عشماوى : ( ينظر له بدهشة ) الصوره واضحه .

عرفه : امال أنا مش شايف حاجه ليه ؟

عشماوى : ( يقترب منه بشك ويمرر يده أمام عينيه )

عرفه : ( يضحك مقهقه )

عشماوى : ( يرتد للخلف مرتبكا ) بتضحك على ايه ؟

عرفه : طول المده دى كانوا بيفرجوكم على تليفزيون بايظ من غير صور .

عشماوى : طيب . محرومين من الفرجه على التليفزيون ( يغلقه ويخرج )

مخلص : وانت شفت ازاي ؟

عرفه : حظيت ايدى قدام الشاشه . لو كان فيها صوره كنت حسيت بالشعاع

اللى طالع منها .

عبد البارى : لا . وعشماوى قعد يشرح لنا الصوره ( الجميع يضحكون )

مسعود : بتضحكوا على ايه ؟ على خيبتكوا ؟

( يطرقون بأسى ، يظهر الرجل ، يتوقف لحظه ليعد نفودا )

عرفه : ( يقترب منه ويصطدم بحقيقته ويتحسها ) لا مؤاخذه . مع السلامة  
بادكتور

الدكتور : الله يسلّمك .

عرفه : ( ينقض فجأة عليه ) تبقى انت الدكتور . امسكوا معايا ياخوانا  
الجميع : ( يتكالبون عليه ويمسكون به )

الدكتور : فيه ايه ، بتعملوا كده ليه ؟

عرفه : لازم تكشف على سنيه ( ينادى ) ياسنيه ..

الدكتور : وأنا قلت لا .؟ سنيه مين ؟

سنينه : ( تدخل ومعها انصاف ومحاسن ) أنا أهو .. حصل ايه ؟

عرفه : قبضت لك ع الدكتور . تعالى استلمى . .

سنينه : أشوفه ( تمسك به ) هوده ؟ لقيته ازاي ؟

عرفه : بالعقل كده . قلت لازم هيجي أول الشهر ع الأقل عشان يقبض .

الدكتور : حاضر . بس سيونى .

سنينه : مش سايباك ، قدامى ع العيادة .

( تخرج به ومعها انصاف ومحاسن ، بينما يظهر عشاوى )

عشاوى : ايه اللي حصل ، واخدين الدكتور على فين ؟

خيشه : أبو العرف شافه ، وخلاه يكشف على سنيه .

عشاوى : شافه ؟

عرفه : المهم يكون فيه أمل يرجع لها نظرها .

مخلص : هى فعلا بنت حلال وتستاهل كل خير .

عرفه : محدش فيكم يعرف شكلها ايه ؟

عشاوى : أنا أقولكم .

عبد النبary : احذر ، الكلام عن النساء حرام يا أخ عرفه .

**عرفه :** أنا عايز اعرف شكلها . حرام أشوفها يا عبد الباري ؟  
**عشماوى :** لا . شوفها ياخويا ، شوفها .  
**مخلص :** اتكلم يا استاذ ملاك شكلها ايه ؟  
**عشماوى :** استغفر الله العظيم ، شعرها زى لوفة السلك .  
**عرفه :** الشعر مش مشكلة ، ممكن يتكوى ، المهم عينيها لونها ايه ؟  
**مسعود :** وانت تعرف يعنى ايه ألوان ؟  
**عرفه :** لا . من باب الفضول يعلى .  
**عشماوى :** عندها مقولتين .  
**عرفه :** مش مشكلة تلبس بضاره سودا . طب ومناخيرها ؟  
**عشماوى :** معرجه على جنب .  
**عرفه :** اخص . هتحتاج عمالية تجميل ، بس دى مش مشكلة برضه .  
**مخلص :** طب وجسمها .. متقسم يعنى ولا ؟  
**عرفه :** وانت مالك ومال جسمها يا مخلص ؟ اختشى عيب .  
**مخلص :** الله وانت كتبتها على اسمك ؟  
**خيشه :** طب ماهى مكشوفه ع المفتحين وبيشوفوها .  
**عشماوى :** ربحوا نفسكم . مفشوله وجسمها العرض عرضين .  
**عرفه :** أهو برضه حاجة تملأ العين . ومع ذلك مش مشكلة تعمل رجيم .  
**مخلص :** طب كلمنا شويه عن شفايفها .  
**عشماوى :** شفايفها مدلدله وضبها شبرين ولها ناب كبير .  
**عرفه :** بس كفايه ، شوهت الصورة اللي كانت فى خيالى .  
**مسعود :** وانت اللي زيك يعرف الصور مدين ؟  
**عرفه :** صورته مجازيه ياأخى .  
**عبد الباري :** صدقونى إذا انطفأ الدور تساوت كل نساء الدنيا ، ومن نعم الله أنه



أطفأ نور عيوننا حتى لا نفتتا النساء .

( يسمع جرس ) الجرس موعِد الطعام افسحوا الطريق ( يخرجون )

( حائط الصدارة ينفّث ويظهر منه السبعواوى )

السبعواوى : ملائكة . المدام بتقولك اطعم لم الغسيل من ع السطوح .

عشماوى : حاضر يا فندم ( ويتحرك نحو فتحة الحائط )

السبعواوى : قلت لك محدش يفوت من هنا . لف من الباب الورانى .

عشماوى : حاضر .

( يخرج عشماوى ، السبعواوى يغلق فتحة الحائط ، تدخل نظيره )

نظيره : شفت الى حصل ، الدكتور كشف على وقالها تقدر تعمل العملية .

السبعواوى : ايه ؟ طب وطى صوتك .

نظيره : ليه ؟

السبعواوى : تكاليف عملية زى دى ماتقلش عن ألفين جنيه ، أجيب لها فلوس

مينين ؟ دا احنا علينا ديون متلته .

نظيره : لكن دى مسأله انسانيه ياسبعواوى .

السبعواوى : ولو .. عندنا أولويات . احنا قادرين نوكلهم عيش ، لما نعملهم

عمليات ، اعملى معروف ماتفتحيش عليا فتحه .

نظيره : وايه الفايده ؟ ما الدكتور قالها خلاص .

السبعواوى : الواد الدكتور دا هوريه . مش هو ابن اختى ؟ انما هفصله أن شاء

الله . وانتى اتصرفى مع سنيه .

نظيره : أنا ؟ وأنا مالى . هو كل البلاوى على دماغى ؟

السبعواوى : انتى الاختائيه ، وشغلناك تخليها تمتص الصدمه وتتكيف مع

الوضع اللى هى فيه .

سنيسه : ( تدخل سنيه ومعها أنصاف ومحاسن )

**سنیه :** بابا سبعاوی .. عرفت الخبر . مش الدكتور قالی هشوف ؟

**السبعاوی :** والله ؟ مبروك يابنتی . ( مخاطبا الفراغ ) فيه حاجه يارضوان ؟

اه التليفون .. عن اذنك نظيره هتقوم باللازم ( يخرج )

**نظيره :** سنیه ، أنا كنت عايزه أقولك ...

**سنیه :** الله يبارك فيكى . أنا فرحانه قوی . نفسى أعمل العمليه النهارده قبل بكره . بالحق هو أنا هعملها امتی ؟

**نظيره :** فى الواقع ، قصدی فى الحقیقه .. ( وتسكت بتردد )

**انصاف :** اخص عليكى قوام عايزه تسيبينا ؟

**سنیه :** أبدا والله .. دا أنا ابتديت أحب المؤسسه .

**انصاف :** طبعاً ، فيها ناس وشهم حلو عليكى .

**سنیه :** طب بالحق يا انصاف ( وتهمس لها بشيء )

**انصاف :** لأ ياختی وأنا مالى ؟

**سنیه :** والنبي والنبي عشان خاطرى .

**انصاف :** حاضر ( تقترب من نظيره ) مس نظيره ..

**نظيره :** نعم ؟

**انصاف :** هو .. هئ هئ ( وتعود لسنیه ) لا ياختی انكسف . اى ، بس

مانقرصيش . جاكى قرصه ( تعود لنظيره ) مس نظيره ..

**نظيره :** أفندم . ايه ؟

**انصاف :** هو . هئ هئ ..

**نظيره :** هو ايه أصله الدلع دا ؟ ماتتكلمی عدل يابنت .

**انصاف :** الشاب الجديد دا ... شكله ايه يعنى ؟

**نظيره :** ليه .. حبيبته من أول نظره ؟

**انصاف :** والله مانا . دى سنیه اللى وزتنى أسالك .

- سنیہ** : انا ؟ (نکتہ فہما) طب بس .. بس .
- نظیرہ** : انتی یا سہنہ یا مسہوئکہ اللی بتسألی ؟
- سنیہ** : ایہ ، هو السؤال حرم ؟
- انصاف** : یارب یسعدک تقولی . أن شالله تلحقی تجوزی قبل ماتعنسی .
- نظیرہ** : معرفش ، انا ماباخذش بالی من الحاجات دی .
- محاسن** : ولا انا . انا ما أطیقش أبص لجنس راجل .
- انصاف** : علی رأى المثل تبقى العین فیہ وتقول اخیه .
- نظیرہ** : کفایہ یا بنات ، انتو مش جابین هنا عشان کده .. وبعدین انا کنت عایزہ أقولک یاسینہ ..
- سنیہ** : ایوہ .
- محاسن** : ماتقولیلهاش . مستعجلہ لیہ ؟ تستنی لما تبقى تفتح ، أل یعنى هتشوف الأملہ .
- انصاف** : ایوہ هتفتح . متغاضہ لیہ ؟ یامعقدہ یاشیش بیش .
- نظیرہ** : ( تبدو متأزمہ . تنسحب بهدؤ )
- سنیہ** : ایوہ یا ، نظیرہ . عایزہ تقولی ایہ .. الله .. هی مشیت ؟ یبقى لازم شکله مش ولا بد .
- انصاف** : ماتحطیش فی دماغک . تلاقبها غیرانہ زى ناس .
- سنیہ** : انا مایهمنیش یبقى مسمم قوی . کفایہ یبقى شبہ حسین فہمی .
- انصاف** : هیطلع جمیل بالعند فی العزال (ترقص وھی تغنی) جمیل جمال .
- مالوش مثال الله ، ماتغنی معايا (سنیہ تغنی معاها ، یظهر عرفہ)
- عرفہ** : (بعد لحظه یقتحیح ) یاساتر .
- انصاف** : یافضیحتی ، راجل .
- محاسن** : مش عیب تدخل علینا کده ؟

عرفه : مانا قلت احم.

محاسن : اتفضل من غير مطرود، الوقت دا للبنات بس.

عرفه : ولما هو للبنات بس. ايه اللي مقعدك معاهم ؟

محاسن : (لأنصاف وسنيه) بتضحكوا بدل ماتكسفوا على دمكم ؟

عرفه : إذا كنتى مكسوفه غطى وشك .

محاسن : أنت هتمشى ولا أنده لك المشرف ؟

عرفه : انا جاي أضرب تليفون (يتحرك للتليفون) ألو .. مساء الخير

ازيكم وحشتونا ..

سنبيه : (تضحك) مانا كنت لسه معاكى يا أنصاف.

انصاف : كده ؟؟ طيب.

عرفه : احدا بنطمن على عيونك، سكتى ليه ، فيه حد جبديك ؟

محاسن : لا. دى قله حيا، بطل معاكسه .

عرفه : الظاهر حد غلس دخل فى الخط ، هقفل واجى لك .

سنبيه : حاسب وأنت جاي ، السكة زحمة وفيه كرسي فى سكتك .

عرفه : (يتحرك بتلصص، خطوه أثر خطوه فى اتجاه سنبيه )

محاسن : (بعصبيه ) انكلموا عشان أعرف بنعملوا ايه ؟ ( تتحرك)

تعالوا جنبى، وإياك واحده تتحرك (لكنها تصطدم بعرفه فتقف).

(يتحسس وجهها. تنهار فى صدره)

عرفه : لا. دا يابنى غلطت فى النمره ( ويبعدها عنه)

محاسن : (وهى تصفعه) أه ياقليل الأدب.

عرفه : أنا برضه ؟ أقول ؟

انصاف : أخرس، أنا رايحه أبلغ الاداره (وتتخطب وهى خارجه)

عرفه : والله ماكلمتها، دى هى اللي .. ولا مافيش داعى.

- سنيسه : ياللا بينا احنا كمان يا أنصاف . بلاش فضايح .
- انصاف : يوه ، وانا اللي حياشاكى ؟
- عرفه : ( يهم بالكلام ويتنهد )
- سنيسه : ( تضحك بخجل )
- انصاف : ما تعملوش حسابى . كانى مش شايفاكم ولا أقولكم دا أنا عندى ميعاد .
- عرفه : لحظه يا انصاف ( يتحرك ويهمس لها بشئ )
- انصاف : ( ضاحكه ) بس كده .. حاضر .
- سنيسه : ( تكح بضيق )
- انصاف : ما تخافيش خارجه ( وتخرج )
- عرفه : مبروك يا سيته .
- سنيسه : البركة فيك انت يا . يادكتور . أنا لو أطول كنت قسمت العمليه واديتك عين من عنيا .
- عرفه : لا . أنا دخلتها كفيف وخرج منها كفيف .
- سنيسه : امال انا ليه متهيألى أن محدش بيشف غيرك .
- عرفه : الأيام لما لطمتنى ، فتحتنى . كنت لوحدى . لقطونى جماعة وأنا صغير ، حاولوا يستغلوا عاهتى ويعلمونى الشحاته ، رفضت . قلت لهم أموت م الجوع بس بكرامتى .
- سنيسه : جدع .
- عرفه : علمونى النشل .
- سنيسه : انت ؟
- عرفه : آه تصورى . كانوا يلغموا الزبون وأنا الطشه ، وطبعاً محدش كان يشك فىا

سنييه : ويعدين ؟

عرفه : حظي كان كويس. دخلت السجن. ما تستغريش. للسجن مدرسه كبيره. ناس تخشه بجنح. تتعلم جوه الجبايات. أنا دخلت أعمى طلعت مفتح. اتصاحبت على أفندي من المتعلمين بجد، مش علام الجامعه ، والاكاديميات. نورني، بقى يقرالى كتب وأشعار. علمني يبقى لى وجهة نظر. خرجت وجيت هنا عشان ابتدي من جديد، لقيت هنا النشل على أصوله وعلى عينك ياتاجر. اعزيني أن كبت دوشتك بنفسى. انما يمكن مانتقابلش تانى.

سنييه : ماتقولشى كده. أنا الود ودى، مامبش المؤسسه خالص.

عرفه : ياريت. وتكلم نظيره تشوف لك شغلانه معاها بعد ماتعملى العمليه، ع الأقل هتبقى حاسه بيها.

سنييه : أنا حاسه بيبكم من دلوقتى.

نظيره : ( داخله ) استاذ عرفه .

عرفه : كويس، اهى ابله نظيره جت.

نظيره : انا جت لى شكوى انك بتقف وسط البنات.

سنييه : دا كان بيبارك لى على العمليه .

نظيره : طيب ودلوقتى مستنى ايه ؟

عرفه : مستنى بقية الزملا، بيعت أنصاف تجيبهم، عشان هنعمل لسنيه : حفله بمناسبة العمليه .

سنييه : ( مبتسمه ) آه .. عشان كده كنت بتروشوشها ؟

نظيره : حفله ؟ لأ استنى العمليه مش سهله زى ما انتو فاهمين.

عرفه : يعنى ايه ؟

نظيره : فى الواقع .. فى الواقع ما فيش ميزانيه للعمليات فى الوقت الحاضر.

سنيه : والوقت الحاضر دا يطلع قد ايه ؟

نظيره : مش السنه دى طبعاً ولا السنه الجايه . لأن الاعتمادات مخصصه لترميم الدور التانى و..

عرفه : سيبك م القرع دا. غصب عنهم يوجدوا ميزانيه ، مايبصرفوا يمين وشمال فى كلام فارغ. وانتى عارفه كويس.

نظيره : أنا . أنا معرفش حاجه .

عرفه : ايه، حضرتك مالتيش عيدين ؟

نظيره : والله الميزانيه مش اختصاصى .

عرفه : اختصاصك تبحتى مشاكلنا وتحليها لنا.

نظيره : ابحت مشاكلكم بس. لكن ماليش دعوه بالحل. انا مش مسئوله .

عرفه : انتى بتغالطى نفسك، وبتغالطى ضميرك. مش عايزه تشوفى الواقع اللي بتتكلمى عليه. زى مانتى مديانى ضهرك دلوقتى.

نظيره : أنا .. أنا ماسلكش نكلمنى بالطريقة دى (تنسحب خارجه ..)

سنيه : عرفه ..

عرفه : سببى أواجهها .. انتى مش عايزه تسمحى لحد يقولك الحقيقه .

سنيه : عرفه، أرجوك .

عرفه : قالت لك ما بحبش حد يدينى ضهره. كلمينى زى ما بكلمك !

سنيه : كفايه ، هى مالهش ذنب. أنا عارفه حظى. مش مكتوب لى أشوف الدنيا تانى ولا أفرح بحاجه .

عرفه : أرجوكى مانعيطيش. خدى امسحى دموعك (يعطيها طرف المنديل ويمسح دموعه بطرف الآخر) لازم هنشوف حل. بس

هنشوفه ازای؟

المجموعة : (يدخلون وعلى رأسهم أنصاف تزغرد و يعزف مخلص ويغنى)

مبروك .. مبروك .. يا سنيه . مبروك عليكى العمليه .

(الظلام)



### المشهد الثالث

- ( مخلص يندندن . عبد الباري يقرأ القرآن في سره وهو يتماويل )  
( مسعود يخطب على فخذة برتابه . خيشه ينفخ ، عشاوى يراقبهم )  
عرفه : ( يدخل ويتجه لعشاوى ) هيه يا جماعه . فكونوا فى حل الموضوع  
اللى كلمتكم فيه ؟  
مسعود : ( همسا ) هس الحين علينا .  
عرفه : أنا مافكرتش ، ومش ناوى أفكر ، أنا هنام ( يجلس ويتتاب )  
عشاوى : ( يتتاب بدوره وينظر فى ساعته ، ثم يتحرك بخطوات متسلا .  
ويخرج )  
عرفه : ( يتحرك نحو مكان عشاوى ويحرك العصا ) دلوقتى نتكلم براحتنا .  
عبد الباري : ( همسا ) هس .. الرقابة موجوده .  
عرفه : لا . عشاوى مشى . خدوا راحتكم . ايه مش مصدقنى ؟ عشاوى  
ياجبان ، عشاوى يا جزمه .  
عبد الباري : ( همسا ) انت اتجننت ؟  
خيشه : ما تأخذ هوش يا أستاذ ملاك ، دا بيهزر مع سيادتك .  
عبد الباري : دا بيدو أنه مشى بالفعل .  
عرفه : طب ويتوطى صوتك ليه ؟ بطلوا خوف ..  
مخلص : وانت عرفت ازاي يا عرفه ؟  
عرفه : لاحظت أنه كل مرة بعد ما يتاوب ينخرس خالص .  
مسعود : حد يراقب الباب عشان لما يشوفه راجع يقولنا .  
عرفه : لسه بدرى . أسألونى أنا . السجان بيزهق أكثر من المسجون .

(تظهر البنات ) ماتشافوش نول البنات .

**مخلص :** أهلا وسهلا، اتفضلوا .. تشرىوا حاجه ؟

**عبد البارى :** دا اجتماع، مش قعده فى كازينو يا أخ . اتكلم يا عرفه .

**عرفه :** اجتماعنا النهارده بخصوص مشكلة الأنسه سنيه، وكلكوا عرفتوا أن الإدارة اتحجبت بالميزانيه .

**خيشه :** واحدا ايش عرفنا . مش ممكن الإدارة ماعندهاش فلوس فعلا .

**عرفه :** خلاص ، يورونا الميزانيه ونناقشهم فيها .

**مسعود :** انت ناوى تعمل ثوره بقى ؟

**انصاف :** امان نسكت ع الظلم ؟

**عبد البارى :** ياسلام، ما المظالم كثيره . اشمعنى الأنسه سنيه اللى نتحقق علشان خاطر عيوننا ؟

**سنينه :** خلاص بلاش ، أنا مش مهمه ياشواف .

**عرفه :** لا . مهمه . علشان خاطر عيونك وعيوننا كلنا . العمليه دى تحدى إذا نجحنا فيه هنحقق كل مطالبنا بعد كده .

**مخلص :** فكره . سنيه انتى مش متحوش لك مبلغ فى صندوق الزماله ؟

**سنينه :** أيوه بس مايقتضيش تكاليف العمليه والمستشفى والدوا .

**عرفه :** لقيتها . اللى متحوش لك على اللى متحوش لبقية الزملا .. يكفى ويزيد .

**سنينه :** لا . ارجوك ماتخرجش حد .

**عرفه :** بالعكس، دول كلهم يتمنوا يساعدوكى، مش كده يارجاله ؟

يعنى سكتم ؟

**خيشه :** مش بنفكر ؟

**عبد البارى :** أيوه ياخى فى التانى السلامه وفى العجله الخساره .

- عرفه :** طب نص اللي متحوش لكم ، سلف طبعا وهيترد لكم .
- سنيه :** خلاص، مش عايزه عمليات (تيكى) أن شالله على ماشفت .
- اللى ماشفت يوم عدل فى حياتى ، هتتصف دلوقتى ؟
- انصاف :** ماتقوليش كده يا حبيبتى . انتى تستاهلى كل خير، أنا موافقه .
- عرفه :** اخص عليكم رجاله ، كده تسيبوا الشهامه تيجي م البنات ؟
- محاسن :** وافرض العمليه مانجحتش ، تضيع فلوسنا يعنى ؟
- عرفه :** بوظتى قضية المرأه .
- مخلص :** أنا موافق يا سنيه .
- سنيه :** متشكره ، مانحتاجلكش فى حاجه وحشة يااستاذ خيشه .
- مخلص :** .. مخلص، أصلك ماتعرفيش معزتك عندى قد ايه . أنا ..
- عرفه :** خلاص عرفنا . خيشه .. ماتقول حاجه .
- خيشه :** حاضر . ربنا يسهالك طريقك وينورلك سككك بحق جاه المصطفى ..
- دا اللي أقدر عليه !
- عرفه :** وهى بتشحت منك ؟ عيد البارى ..
- عيد البارى :** بسم الله الرحمن الرحيم . وتعاونوا على البر والتقوى .
- عرفه :** عظيم .
- عيد البارى :** لكن مش شايف ٥٠ بالمائة كتيره ؟ أنا أطلع لها ٢,٥ فى المائة .
- عرفه :** دا مش زكا يا حاج ، دى زميلتكم والموقف دا هيعود علينا جميعا لأنه هيحط مبدأ .
- خيشه :** ولما نديها نص اللي متحوش لنا، هنعمل احنا ايه ... نشحت ؟
- عرفه :** وانتوا كنتوا عمركو شفتوا قرش من فلوس الصندوق دا ؟
- انصاف :** ايو صحيح ، افرض الإداره موافقتش تدينا نصيبنا ؟
- عرفه :** ساعتها يبقى لنا تصرف تانى .

**مسعود :** اسمعوا. أنا متبرع لها بكل نصيبي في الصندوق .  
**سنييه :** بس دا كثير، انا ما استاهلش .  
**مسعود :** مالكيش دعوه . دول تبرع ماترديش منهم حاجه .  
**عبد الباري :** (هامسا) كل نصيبنا، يامتهور ؟  
**مسعود :** ايوه ، وابقوا قابلووني لو اددونا ماين منه .  
**عبد الباري :** حيث كده . كلنا موافقين . على بركة الله .  
**سنييه :** وخدوا وصل عليا ولنا تنجح انعمليه واشتغل أردلكم القلوس .  
**عبد الباري :** اطلاقا .. أنا حلفت .  
**عرفه :** مبروك يا سنيه .  
**سنييه :** البركه فيك انت يا شواف .  
**مخلص :** البركه فيه هو لوحده ؟ ماكلنا دفعنا ..  
**سنييه :** فيكم كلكم يا أستاذ عبد الباري !  
**مخلص :** مخلص .. مخلص .. أمين .  
**مسعود :** أنا دفعت أكثر واحد فيكم، محدش ضحى زىي .  
**( يدخل عشاوى بخطوات متلصصه من خلف عرفه ويقف )**  
**عشرقه :** اخوانى . تسمحولى بكلمه ؟ ( يضع يده على كتف عشاوى ) دى  
خطوه أولى . لازم نتحدد دايمًا ونحدد مطالبنا . واديكم شفتم ازاي  
الإدارة بتستعففانا . يكفى انهم خلقو لنا شيخ اسمه عشاوى جوه كل  
واحد فينا عشان نحس اننا تحت الرقابہ والحقيقه أنه مش موجود  
واحد اللى بنراقب روحنا بنفسنا !  
**عشاوى :** لا مفتح ياسى شواف .  
**الجميع :** ( بارتباك ) عشاوى ؟  
**عشاوى :** ايوه ، فاكرنى مشيت ؟

عرفه : ايوه ، انت خرجت، ولسه راجع .

عشماوى : لا يانور. أنا عملت روحى خزجت عشان أعرف ايه اللى جواكم .

عرفه : مستحيل ، ابقى أنا اتعميت !

عشماوى : وانت لسه ؟

مسعود : قلت لك مافيش فايده ( يخرج الجميع ماعدا عرفه )

عرفه : بقى بدمتك ماخرجتش ؟

عشماوى : قلت لأ .

عرفه : طب عيني فى عينك كده .

عشماوى : وله . أطلع النضاره دى .

عرفه : انكسف ... اطلع انت الأول .

عشماوى : أنا لازم اعرف انت باصص فين .

عرفه : لو عينك فيها اقلعها لك .

عشماوى : ( يخطف النظاره منه . لكنه يجد عرفه ينظر له ) انت بتبص لى كده ليه ؟

عرفه : معجب . مش قادر امنع نفسى من النظر لسحر عينيك .

عشماوى : ماتبصليش اليصه دى . بص فى الأرض .

عرفه : لا مواخذة بقى ، أنا اعمى صحيح ، لكن محدش كاسر عيني . هات النضاره ( ويمد يده نحو الذى يخل توازنه ويهبط من فوق الكرسى . عرفه تصطدم يده بالكرسى ويتحسسه بأكتشاف )

( اظلام )

## المشهد الرابع

المنظر: مكتب الإدارة

مكتب وأريكة صغيره . مكتبة فى الحائط . باب دخول، وأرشف مغطى  
بستار يؤدى للحمام .

(السبعاءى جالس إلى المكتب وأمامه عشاءى)

السبعاءى : ويعدين يا عشاءى الموازنه كده مش مطبوعه .  
عشاءى : نظبط أبوها يافندم .

نظيره : (تدخل) افندم، حضرتك طلبتنى ؟

السبعاءى : ايوه، اقعدى لحظه عقبال ما أقفل الميزانيه .

نظيره : الميزانيه ؟ ( تنهض ) يستحسن اجى بعد شويه .

السبعاءى : لا، اقعدى (لعشاءى) وصلنا لحد فين ؟

عشاءى : بند المصروفات . أكل النزلاء ٣ آلاف جنيه .

نظيره : ازاي . الأكل اللي بياكلوه ده بتلات تلاف جنيه ؟

السبعاءى : ايه واسعه ؟

نظيره : انا أسفه مايصحش أتدخل .

السبعاءى : لأ معاكى حق . خليههم ألفين ونص بس .

(التليفون يدق )

السبعاءى : ( لنظيره ) ردى . وأى حد أنا مش هنا .

نظيره : ألو.. مين عايزه ؟ المدام ؟ لأ هو مش هنا .

السبعاءى : ( يخطف السماعه ) هاتى . ألو.. أيوه يا رمانه وحشتينى ياروحى (ثم

يغمز لنظيره) أنا صحتى كويسة اطمنى. امال بتتكلمنى علشان ايه؟  
(هامسا) فلوس تانى؟ أجيب مئين، أيوه عيالى بس مصاريقهم  
زادت، ما أقصدش، أنا أسف حاضِر. لأ ماهو..(ينظر فى السماء  
ثم يضعها) وقفنا عند ايه؟

عشماوى : مصاريق العيال، قصدى الوجبات. ألفين ونص.

السبعماوى : لا خليهـم خمسة بقى ( لنظيره ) بتبصيلي كده ليه ؟

نظيره : لا أبدا وأنا مالى ؟

السبعماوى : مافيش حاجة كتيره ع المكفوفين دول غلابه . خليهـم يشبعوا. ثم  
هندخل تحسين ع الوجبات. اكتب م الشهر دا الوجه نص كيلو لحم  
نص كيلو خضار. الرز هيبقى بالخاطه. الفاكهة تفاح وأناناس. ما  
عددناش مصاريق تانيه ؟

عشماوى : لا، بس ممكن. مثلا نعمل لهم رحلات لزيارة المعالم السياحية  
الأهرام وأبو الهول والمسلات.

نظيره : وهما هيشوفوا الأهرامات وأبو الهول ازاي ؟

عشماوى : حضرتك توصفى لهم وهما يحسوسوا يعرفوا شكل الآثار.

نظيره : يحسوسوا ع الهرم ؟ يبقى عايزين شهر بالراحه .

السبعماوى : المهم الرحلات دى تعمل مبلغ كويس ؟

عشماوى : طبعا ديزل مكيف للقاهره . اقامة فى الشيراتون، غير مكافئات  
المشرفين. أنا والآنسة نظيره .

السبعماوى : نخط لك مكافأه كام ؟

نظيره : أنا ماليش دعوه ، اللي تقولو.

السبعماوى : طيب روح أنت اعملى ميزانيه مفصله للرحلات دى.

عشماوى : أمرك ياخندم ( يخرج )

السبعاءوى : وأنت امسكى ورقه وقلم واكتبى جواب للهيئات والجمعيات اللى ممكن تساعدنا ( يملئ عليها ) السيد المحترم، بعد التحية، ارجوا أن تمدوا إلينا يد المساعدة من أجل صالح الإنسانية المعذبه ( يضع يده على كتفها) ايه رأيك فى المعذبة دى ؟

نظيره : لو سمحت يافندم ( وتزيح يده )

السبعاءوى : ايه نقل الدم دا ؟ ما احنا بقينا لوحدهنا . قوليلى ياسبيع .

نظيره : سبعاوى، احنا لازم نتكلم فى موضوعنا، هنتجوز امتى ؟

السبعاءوى : ودا وقته ؟ احنا دلوقتى فى شغل .

نظيره : انت بتتهرب منى بقالك خمس سنين .

السبعاءوى : مانا لازم أطلق رمانه الأول . وقلت لك أنها صاحبة عيا . مش عايز أبقى السبب فى موتها .

نظيره : يبقى نبعد عم بعض لحد ما تطلقها .

السبعاءوى : خلاص، قدمى استقالتك .

نظيره : أنت بتدلى بالشغل ؟

السبعاءوى : لأ ياروحى بس مقدرش تبقى قدام عنيا ويعيده عليا .

نظيره : ومافكرتش فىا ولا فى ظروفى، اصرف منين على أمى وأخواتى الصغيرين ؟

السبعاءوى : ازاي . انا حتى عاملك الشهر ده مكافأه متين جنينه . وادى الشيك أهو .

نظيره : انا حاسة انك أشرتتنى .

السبعاءوى : اخص عليكى، انتى عارفه أنتى بحبك ( يضع يده عليها )

نظيره : أرجوك ( تبعد )

السبعاءوى : بتزقينى يا نظيره ؟ نسيتى أنى المدير بتاعك ؟ عيب ( ويحضنها )



- ( الباب يفتح فجأة ، ترتبك نظيره وتبتعد بسرعة )
- عرفه : لا مواخذه ، الباب انفتح وأنا بخبط .
- السبعأوى : مايمكش ، أنا لوحدى ..
- عرفه : برضه جايز بتقلع ولا حاجة . ممكن أكلم حضرتك ؟
- السبعأوى : دقيقتين بس . عشان فى ايدى شغل ( ويحتضن نظيره )
- عرفه : واخذ بالى .
- نظيره : (تنظر بدهشة وتتخلص من السبعأوى وتتجه للباب على اطراف اصابعها )
- عرفه : ( يخلق الباب ) بعد اذنك علشان محدش يزعجنا .
- السبعأوى : احسن برضه ( يشير لها أن تجلس على الأريكة ) خير ؟
- عرفه : خير ( ويجلس فجأة على ركبتى نظيره ثم ينهض )
- السبعأوى : فيه ايه ؟
- عرفه : مش عارف ( يتحسس الأريكة ) حسيت أنها سخنة ، هو سيادتك كنت قاعد عليها قبل ما اخش ؟
- السبعأوى : ايوه ، كنت بريح شويه .
- عرفه : وارتحت ولا أنا جيت قطعت عليك القعدة ؟
- السبعأوى : ( يحاول تقبيل نظيره وتقاومه )
- عرفه : ( يتلحح ) حضرتك معايا ؟
- السبعأوى : معاك ، اتكلم . عايز تقول ايه ؟
- عرفه : عايز اقول العملية طولت قوى يا سبعأوى بيه ، واطن كفايه كده .
- السبعأوى : ( ملتفتا له ) عملية ايه ؟
- عرفه : انت فاهم وأنا فاهم . ومتهياالى الأحسن تلم الموضوع بقى .
- السبعأوى : انت بتتكلم عن ايه بالضبط ؟ ( يتحرك خلف نظيره التى هربت للحمام )

عرفه : عن موضوع الآتسه .. سنيه . أظن الإدارة مالهش حجه بعد  
الزملاء ماوافقوا يساهموا بنص التكاليف .

السبعاءى : ( يعود له ويصوت لاهث ) ايوه بس ..

عرفه : ( بنفس الصوت ) بس ايه ؟

السبعاءى : أنا وصلنى كلام أن فيه حاجه بينك وبين سنيه ، وانت عارف انا  
تهمنى الأخلاق فى المقام الأول .

عرفه : واضح . بس أنا غرضنى شريف ومستعد أتجوزها . الدور والباقي  
عليكم انتم

السبعاءى : احنا مين ؟

عرفه : الاداره . تدوها حقها من صندوق الزمالة ( يسمع صوت قبله )  
سيادتك بتطقطق ليه ؟ سبعاوى بيه ، رحت فين ؟

السبعاءى : ( من الداخلى ) فى الحمام .. أصلى ...

عرفه : مفهوم ( يعبث بالأوراق الموجودة فوق المكتب ويمسك بمظروف )

السبعاءى : ( يدخل ) سيب الورق ده وروح دلوقتى وأنا هنظر فى الأمر .

( يقوده للباب )

نظيره : ( تظهر ) انت ازاي تسمح لنفسك تستغل الفرصه بالحقاره دى ؟

السبعاءى : بنت اعقل ، بلاش فضايح .

نظيره : ما اتفضحت ، أنا متهيألى أنه حس باللى بتعمله .

عشماوى : تهيئات انتى أعصابك تعبانه .

نظيره : انت اللى مش قادر تمسك اعصابك . حبكت ؟

عشماوى : ( يدخل فجأة ) سبعاوى بيه .

نظيره : ( تشهق ثم تستدرك ) افكرتك الشواف .

عشماوى : مانا جاى عشان كده .

- السبعاءوى : ماله زفت ؟
- عشماوى : مفتح ياسبعاءوى بيه وعامل نفسه كفيف . .
- نظيره : يافضىحنى ( تلطم ) جالك كلامى ؟ يبقى شاف كل حاجه .
- السبعاءوى : اهدى يا نظيره .
- نظيره : أنت مستعميه وهو شايقنا ويضحك فى سره .
- السبعاءوى : كلمنى أنا . عرفت ازاي أنه مفتح ؟
- عشماوى : بيشوف كل حاجه بتحصل فى المؤسسه . . تصور سيادتك انه . .
- السبعاءوى : أتكلم ، نظيره مش غريبه .
- نظيره : لأ ماتتكلمش أنا مش عايزه أسمع حاجه ( تخرج )
- عشماوى : يابيه . دا مافيش حاجة بتستخبى عليه . دا غير انى لقيتنه دلوقتى
- بيحسس ع الباب السحرى اللى مودى للدور الثانى .
- السبعاءوى : دا مش معناه أنه بيشوف . هو بس ذكى شويه وانت ما اتعورتش على كده .
- عشماوى : وأنا هشوف أذكيا فين ؟ أنا مع سيادتك على طول .
- السبعاءوى : حسن ملافظك . بس دى غلطتى فعلا . كان لازم أول مادخل وشفت فى ايده كتاب أعرف أنه خطر وأصرفه بالمعروف .
- عشماوى : طب ما احنا فيها ، اطرده حضرتك وبناقص واحد .
- السبعاءوى : بس دا دخل وسطينا وشاف . قصدى عرف أسرارنا .
- عشماوى : عرف القليل . لو خريناه هيعرف الأهم .
- السبعاءوى : ما تنساش أنه ممكن يشنع علينا بره .
- عشماوى : طب حضرتك شاي ف ايه ؟
- السبعاءوى : يخرج ، بس ما يخرجش سليم ( يخرجان )
- ( نقله موسيقى واضاءه )

( سنيه تلمع أرضية المكتب، يدخل عشاوى معه عرفه )

عرفه : مش تفهمنى جاينى هنا ليه ؟

عشاوى : هيكون ليه ؟ عشان تلمع القزاز.

عرفه : متأسف، أنصف العنبر اللى بنام فيه معلى، لكن مالمعش قزاز المدير.

عشاوى : وأنا بقولك هتلمع القزاز.

عرفه : وأنا بقولك مش هلمع القزاز (يسمع كحه لسنيه)

أنا أطوق الشيش الأول ويعدين ألمع القزاز.

عشاوى : مش عايز شغل كروته . عشر دقائق ارجع ألقى القزاز ببيرق.

عرفه : مانلحقش خاليهم ساعه

(ويتحرك خلفه ليتأكد من خروجه وإغلاق الباب) حد هنا غيرك؟

سنيه : لأ. غريبه انهم سابونا مع بعض .

عرفه : أنا فهمت، عايزين يذلونى، يخلوكى تشوفينى وأنا بلمع القزاز.

سنيه : أنا شايفاك كبير قوى مهما عملوا..

عرفه : وأنا شايفك جميله ورقيقه قوى..

(يدخل عشاوى بخطوات متسلله ويراقبهما)

سنيه : ( بخجل ) شواف .

عرفه : يا عيون شواف، لا مؤاخذه قصدى.. سنيه ترضى تتجوزينى ؟

سنيه : وانت ذنبك ايه تربط نفسك بواحد عمشه ؟

عرفه : لأ كويسه .

سنيه : انت ذكى ومخك كبير، وتلاقى ألف واحد مفتحه ترضى بيبك.

عرفه : ياستى أنا عايزها مقفله .

سنيه : لأ أنا يدوب اتجوز واحد زيبى ونعكز على بعض . انما انت بتشوف

ياشواف.

عرفه : ولو قلت لك أنى زنقت السباعوى ووافق يعمالك العمليه ؟

سنيه : صحيح ؟

عرفه : عيب أنا وعدتك .. هيه ، تقبلى تتجوزينى ؟

سنيه : أقبل يادكتور. بس وطى حسك. ليكون حد بيصنت علينا.

عرفه : دا يبقى قليل الأدب وما عندكوش دم.

عشماوى : ظبطكم ياقلالات الأدب.

عرفه : عشماوى ؟

عشماوى : بنستغفلونا ياسافل منك لها ؟ دا أنا هفصحك، ياسبعأوى بيه.

سنيه : انت فهمت غلط ورينا.

عرفه : دى تمثيلية حقيره .. اجرى يا سنيه.

سنيه : بس أنا ماعملتش حاجه .

عشماوى : عندك خليكى زى ما انتى ( يمسكها )

سنيه : ( تقاومه ) الحقتى يا عرفه .

عرفه : سيدها ياكلب ( يتحرك نحوه فيمسك بسنيه )

السبعأوى : ( داخلا ) ايه اللى حصل يا عشماوى ؟

عشماوى : زى ما سيادتك شايف، ظبطتهم مع بعض.

السبعأوى : وفى مكتبى ؟ أنا مش مصدق عنيا.

سنيه : كذاب ( وتحاول الانفلات لكن يدخل مجموعة المكفوفين )

عشماوى : تعالوا اتفرجوا على زميلكم، والأخت المحترمه . ماتزرش القميص.

شفتم ؟ شفتم بنفسكم ؟

عبد البارى : استغفر الله العظيم . مش قادر أبص .

خيشه : اخص، اتقوه عليكم ( البصقه تصيب عشماوى )

- عرفه :** وانتو شافين حاجه ؟ دا بدل ما تدافعوا عتنا .
- مخلص :** بتستعمونا كل الوقت ده ؟
- السبعاموي :** أنا مقدرش أسكت، المؤسسه دى سمعتها نضيفه . تيجوا ع الآخر وتدنسوا مكتبى ؟
- نظيره :** (تنظر للسبعاموي بتعجب واستنكار)
- السبعاموي :** ايوه ، ماتبصليش . إلا الأخلاق .
- عبد الباري :** بس شاطر عايزة تاخد فلوسنا عشانها ؟ أرجموهم .
- سنيه :** حرام عليكم ماتظلمونيش ( تبكى )
- محاسن :** دى بتمثل القادره ، دى مش أول مره .
- عرفه :** ماتعيطيش يا سنيه .
- عشماوى :** شيل ايدك من عليها يافاجر .
- مسعود :** ولسه لك عين ؟
- عرفه :** ماتعيطيش يا سنيه ، غصب عنهم الحق هيبان .
- سنيه :** انت فين يا عرفه ؟
- عرفه :** أنا هنا ( رياخذ يدها )
- سنيه :** (تندفع إلى صدره باكيه) خبيلى من عنيتهم .

## ستار الفصل الأول

---

## الفصل الثانى

---





## المشهد الخامس

عرفه يخطو عدة خطوات يحسب المسافة بين قطع الأثاث  
والجدران، وكذلك يقيس بعضها بعضها)

عرفه : واحد.. اثنين ، ثلاثة ونص.. واحد اثنين..

نظيره : ( تهيّط من أعلى وفي يدها ملف، تتوقف لحظة وراقبه بدهشه )

عرفه : ( يلتفت لها ) حضرتك عايزانى ؟

نظيره : ( تتحرك ) أيوه . لو سمحت تقعد .

عرفه : خير.. تحقيق ؟

نظيره : عمل دراسة حالة .

عرفه : وضحي .

نظيره : مكلفه بكتابه تقرير .

عرفه : والفرض ؟

نظيره : الوصول للنتيجه ، إذا كنت منكيف ولا لأ .

عرفه : وأنتى ؟

نظيره : أنا ايه ؟

- عرفه : متكيفه ؟
- نظيره : مش شغلك .
- عرفه : ماجالكيش الجراء تقولى اه .
- نظيره : أنا ماقلتش ..
- عرفه : ( مقاطعا ) ولاهتقولى لاء . مفهوم . بس بدمتك اللى يتكيف مع الأوضاع اللى احنا فيها يبقى انسان طبيعى ؟
- نظيره : أوضاع ايه ؟
- عرفه : اللى حواليكى .
- نظيره : أنا مش شايفه حاجه .
- عرفه : تبقى كفيفه .
- نظيره : قصدى أقول مش عارفه .
- عرفه : تبقى جاهله .
- نظيره : ها اسمحكش ...
- عرفه : ( بسرعه ) اثبتى العكس .
- نظيره : لو سمحت ماتخرجش عن الموضوع .
- عرفه : أبله نظيره .. الدور مش لايق عليكى .
- نظيره : دور ايه ؟ احنا بنمثل ؟
- عرفه : ماتاخدوهاش جد قوى . ممكن تبترسمى ؟
- نظيره : ابترسم بتاع ايه ؟ أنا دلوقتى فى شغل .
- عرفه : دا سبب ادعى انك تبترسمى .
- نظيره : وانت شايفنى مكشوره ؟
- عرفه : ومكاضمه كمان .
- نظيره : بيتهاألك ( وتخرج مرآه صغيره من حقيبتها وتلظر فيها )

عرفه : شوفى قورتك كرمشت ازای ؟ فکیها .. فکیها ..

( يتحرك ثانیة ) واحد اثنين ثلاثة ونص ..

نظيره : استاذ عرفه ..

عرفه : أفندم ؟

نظيره : ادینی فرصه اساعدك , لأنه لو ثبت انك غير متكيف هيطردوك .

عرفه : ( متوقفا عن الحركة ) من الجنة ؟

نظيره : و جایز انت و سنيه .

عرفه : سنيه هتخرج قريب عشان تعمل العمليه . أنا وعدتها .

نظيره : انت واثق من نفسك قوى .

عرفه : وجهة نظر .

نظيره : اذن انت معترف أن فيه بينكم ... ( وتسكت )

عرفه : الحب عيب فى رأيك ؟

نظيره : والله معرفش .

عرفه : ليه ؟ عمرك ما حبيتى ؟ جاوبى .

نظيره : ما اجاوبش .

عرفه : بتهربى .

نظيره : أنا اللى بسألك .

عرفه : أسألى نفسك واعرفى الأجابه قبل ما تحقنى مع غيرك .

نظيره : ما أسألش .

عرفه : طبعا حبيتى . انتى سلك مش صغير .

نظيره : متشكره .

عرفه : العفو . مرضتش أقول عنستى .

نظيره : استاذ عرفه

عرفه : دى الحقيقه ،عايزه تغمضى عينيكى وماتشوفيهاش ،أنتى حره . بس  
لو كنتى وصلتى للسن دا ولسه ماحبتيش ولا اتحييتى ، اسمحيلي ،  
تيقى خيبه بالويه .

نظيره : أنت وقح .

عرفه : وأنتى جميله . أنا متأكد . ومش معقول كل الرجاله اتعمت . ضرورى  
فيه كتير حبوكى . يا ابن خالك يا ابن الجيران يازمىلك فى السعود .  
وانتى حبتيه ، وكان بياخدك فى كازينو هادى ، جنبه متطرفه .  
بتتمشوا فى شوارع صلمه . ويپوسك .

نظيره : ( وقد شردت بضيق ) لاء انت زودتها .

عرفه : بيتقى كلامى جه ع الجرح .

نظيره : أنا مش هقدر أكمل البحث . أنت حاله مستعصيه ( تعلق الملف )

عرفه : ( يمسك يدها ) واهون عليكى انطرد واروح النار ؟

نظيره : ( تجلس ) بيتقى تجاوب على قد السؤال .

عرفه : كنت متأكد أنك ماتتدريش ترتكبى الشر ، بس للأسف ماعدكيش  
الشجاعه برضه أنك ترتكبى الخير .

نظيره : لوسمحت . سين . ايه اللى حصل بينك وبين سنيه ؟

عرفه : زى الناس . الفرق أن أنتم محدش بيشوقكم .

نظيره : عشماوى بيقول أنه شافك .

عرفه : ( مقاطعا ) أى حد يقول . مانا مثلا ممكن أقول شفتك .

نظيره : محصلش .

عرفه : وأنا ما اتكلمتش .

نظيره : انت ماشفتش . السبعارى هو اللى كان .. ( وتسكت مستدركه )

عرفه : ( مبتسما ) وقعتى ؟

نظيره : ( تنتظر له بدهشة )

عرفه : أصلى بحب ريحة الكولونيا اللى بتحطيتها .

نظيره : انا ماكنتش أقصد ..

عرفه : فاهم . وقعدتى تفلفصى منه ، ماعتفكيش .

نظيره : ( باكية ) انت السبب ، انا كنت خارجه لولا انت قفلت الباب .

عرفه : انتى اللى قفلت الباب على نفسك ، كان ممكن م الأول تثبتى انك

موجوده . لكن ماقدرتيش .

نظيره : ما اتصورتش أنه هيستغل الفرصه .

عرفه : ماتجوزتيش احمد ليه ؟

نظيره : ( بعدم فهم ) احمد مين ؟

عرفه : اللى بيحبك ، ما هو اسمه لازم يكون يا احمد ، يامحسن .. عشان فقير

مش كده ؟ محتاج ماهيتك وماهيتك محتاجاها عيلتك . وانتى نفسك

تجهزى أربع أوض . بس أنا راضى نمتك ، امك لما اتجوزت ، كان

عندها اوضة نوم ؟ ماتتكتسفيش ، ماهواش سر . كلنا اصلنا كده .

الباقى تراكوه .

نظيره : أنا ماغلطش عشان عايزه اخواتى يعيشوا كويس واخلف عيال

أعرف أرييهم .

عرفه : والسبعارى ممكن يجيب لك خمس وست أوض . لأنه بيتاجر فى

عاهة ناس غلابه . يستغل عماهم عشان يسرق عرفهم . ودى

فرصتك تبقى شريكته .

نظيره : أنا مايسرقش حد .

عرفه : اه ، لكن بتقفلى ع الحرامى ، بتلخمي الزبون عقبال ما هو يقشطه .

ولما يوصل العسكرى ويسألك تقولى بمنتهى البراءه ماشفتش حاجه .

نظيره : كفايه أرجوك ( تبكى بحرقة )  
 عرفه : غريبه . ربنا اداكى نعمة النظر وانتي بترفضنها . بس المشكله انا  
 مهما غمضتى عينيكى . بتشرفى غصب عنك . ع الاقل بيست فى  
 النور جاى متين . عشان كده مش هتقدرى تكفينى ادا .  
 عشماوى : ( يهبط ) لسه ماخلصتيش التقرير بتاعك ؟  
 نظيره : ( تمزق الأوراق ) أنا مش هكتب تقارير .  
 عشماوى : ( ببرود ) مش مهم . تبقى تمضى معايا ع التقرير بتاعى .  
 نظيره : أنا مش همضى على أى حاجه .  
 عشماوى : مش مهم . السعاوى بيه يعنى لك . ايه هتطعن بالترزوير ؟  
 عرفه : كده عيني عينك ؟  
 الفراش : ( يظهر حاملا سلة عرفه )  
 عشماوى : ايوه ياسى شراف ، عيني عينك .  
 عرفه : ( لنظيره ) مش قلت لك ما تاخديهاش جد قوى ؟  
 عشماوى : ودلوقتى اتفضل بقى من غير مطرود .  
 عرفه : طب أروح ألم حاجتى م العبير .  
 الفراش : ( يضع له السله فى يده ) خدمه ثانيه ؟  
 عرفه : : تشكر . طب أخش أودع زمايلى .  
 عشماوى : محدش فيهم عايز يسلم عليك ( يسحب للباب )  
 نظيره : مع السلامه يا عرفه .  
 عرفه : الله يسلمك يا بله نظيره . خدى بالك من نفسك ، واتجوزى أحمد .  
 عشماوى : ( يعلق الباب خلفه ) فى داهيه . كان كابوس .  
 السبعماوى : ( من أعلى ) عشماوى .. نظيره .. رضوان . محدش فيكم شاف ظرف  
 أصفر فيه ورق ؟

- عشماوى : لأ. ورق بتاع ايه ؟
- السبعماوى : الحساب الحقيقى بتاع المؤسسة. دوروا يمكن حد فيكم خده غلط .
- نظيره : أنا ماليزش دعوه بالحاجات دى. ثم أنا مستقيله.
- السبعماوى : أفهمى، أغلب المكافئات اللي خدتها بره الميزانية الرسميه. يعنى لوحد شاف الورق ده هتضيعي معانا.
- نظيره : ( وهى تفنن حقيقتها وأوراقها ) أنا ماشفتش حاجه.
- عشماوى : رضوان. ياللا نفش فى المتابر...
- رضوان : حاصر ( يخرج )
- نظيره : استنى وشما مالهم ؟ هما بيقرأوا عشان يعرفوا ايه اللي جوه الورق ؟
- لوحد خده بيبقى لازم مفتح .
- عشماوى : مفتح ؟ ببقى عرفه.
- السبعماوى : وهو فين ؟
- عشماوى : أنا طردته زى ما أمرت.
- السبعماوى : ومستعجل قوى يافالح ؟ أجرى هاته بسرعه ، ماترجعش من غيره.
- عشماوى : ( وهو يجرى خارجا ) حاضر.
- ( السبعماوى يدخل مكتبه وخلقه نظيره ، بينما يظهر المكفوفين )
- خينشه : ياترى الأوراق دى فيها ايه ؟
- عبد البارى : مدام مرعوبين كده ، ببقى لازم فيها بلاوى.
- مسعود : ببقى ينصر دينه .
- انصاف : عشان تعرفوا مين اللي بيستعماكم ، بس ظلمتوه هو.
- خينشه : ايوه بس احنا شغناه .
- سنينه : ( باكيه ) شفتوا ايه ؟ شفتوا بردانكم . وصدقوهم وكذبونا احنا.
- مخلص : وانتي ايه اللي يدخلك معاه المكتب ؟

**انصاف :** ماتخلىش الغيره تعمى قلبك انت كمان .  
**مخلص :** ( مرتبكا ) الغيره ؟  
**عبد البارى :** والله ييدو اننا ظلمناهم . وبعض الظن اثم .  
**مسعود :** احنا متأسفين يا آنسه سنيه .  
**انصاف :** بعد ايه ؟ بس يا حبيبتى بس . ياريقتى كنت أنا بدالك .  
**سنينه :** ربنا يسامحكم ، واللى يكون ظن فى الشئ البطل يتفضح فضيحه  
 بجلجل  
**مسعود :** هيرحشنا عرفه والله .  
**سنينه :** عرفه مش هينساكم . دا قالى أنه هياخذ الورق ويروح يسلمه لسيد  
 بيه رئيس الجمعيه ويفهمه كل حاجه .  
**انصاف :** ادعى له يا عبد البارى . انت دعوتك مستجابه .  
**عبد البارى :** الهى يوققه ويبعد عنه ولاد الحرام .  
**عشماوى :** ( يدخل ومعه عرفه ) فوت قدامى .. قبضت عليه ياسبعارى بيه .  
**سنينه :** عرفه .. حمدلله ع السلامه .  
**عرفه :** والله لكم وحشه . اتأخرت عليكم ؟ ( يتاولها شئ خفيه )  
 أزيك يامسعود . ازيك يا عبد البارى .  
**السبعماوى :** ( يظهر ) مش عايز لمه ، اتفضلوا ع العنبر بتاعكم ( يخرجون )  
 فتش السبت يا عشماوى .  
**عشماوى :** السبت مافيهوش حاجه .  
**السبعماوى :** فتش هدمه .  
**عرفه :** بشويش لحسن بغير .  
**عشماوى :** مافيش . مافيش غير صورته لسنيه .  
**السبعماوى :** نبقى ظلمناه .. سييه يروح .



سنيّه : ( تظهر من أعلى ) اوعى تقولهم على مكان الورق يا عرفه .  
عرفه أخ . منك لله .

(اظملام)

### المشهد السادس

(مخلص جالس إلى البيانو في بقعة ضوء ويبدأ العزف)  
(يظهر عرفه بالعصا يتحرك أولاً وكأنه يعد الخطوات ثم يبدأ  
الرقص في المكان وهو يصعد السلم ويهبطه قفزا. بينما مجموعة  
المكوفين جالسون يصفقون على إيقاع الموسيقى. عرفه ينهى  
الرقصة وينحنى، فيصفقون له)

محاسن : بتسقفوا على إيه ، أنتو شايقين حاجه ؟

الجميع : ( وبعضهم يصفر ويزغرد ) أعد ..

(عرفه يبدأ الاعداد . عشاوى يدخل ويبدو عليه الذهول يضطر

للتراجع أمامه وعرفه يتدفع في الرقص )

عشاوى : وايه يعنى مانا أقدر اعملها ( ويحاول تقليده في الرقص وينشل)

عرفه : ( يضحك ) أهو دا تقليد أعمى .

(لكنه يتحرك فيصطدم بأحد الأعمدة ويصرخ ويقع)

الجميع : ( يحملونه ويخرجون به مسرعين )

السبعاءوى : (وكان يراقب من أعلى يهبط )

عشاوى : شفت ياسبعاءوى بيه ؟

- السبعاءى : شفت .
- عشماوى : حضرتك مش عايز تسيبنى فى النار ؟
- السبعاءى : عشان عندى فكره أخر .
- الفسراش : ( يدخل حاملا فى يده سقفة ) العفان يا عديم .
- السبعاءى : كويس ، أجرى هات لى عرفة ( التناش ) يا حى .
- عشماوى : ايه دى ؟
- السبعاءى : حقنة سبرتو . هاديهاله هنا ( يشير فوق جنبته )
- عشماوى : ودى تعمل ايه ؟
- السبعاءى : دى طريقة كنا بتعملها زمان مع اللى بتسايط ويدعى السمى . نقوله  
علاجك عشرين حقنة . ياخذ أول واحد . يروح . ريدول فتحت .
- عشماوى : طب وافرض أنه كفيف بجد . هتوجعه برضه ؟
- السبعاءى : طبعا . المهم إن الألم هيخليه يعترف خيى الورق فين ويبقى اسما  
لاعذبناه ولاجينا جنبه .
- عشماوى : طب وحياة عنيك تسيبنى أنا أضربه الحقنة دى .
- السبعاءى : بس انت ايدك ثقيله يا عشماوى . هس نظيره جت .
- نظيره : ( تدخل ) ممكن اعرف أنت ناوى لعرفه على ايه ؟
- السبعاءى : كل خير . عايزه نحضى افضلى . بس هاتندخلش .
- نظيره : أنا مش هتكلم خالص كأنى متزى مرجو .
- عرفه : ( يظهر ) هيه ، مش هتطردوني بقى ؟
- السبعاءى : تعالى يا عرفه أقعد .
- عرفه : بس مايصحش أقعد والأنسه نظيره واقفه .
- نظيره : ( بدمشة ) انت شايفنى ؟
- عرفه : وهل يخفى القمر ؟

السبعـاوى : قولى يا عرفه دول كام ( ويفرد اصابعه الخمس )  
 نظيره : خمسة وخميسه فى عين اللى مايصلى ع النبى .  
 عشـماوى : اهو، السبعـاوى بيه رقعـه .  
 نظيره : صدقه . جت معاه صدقه .  
 عشـماوى : ( مشيرا باصبعين امام عينيه ) طب دول ؟  
 عرفـه : اتلين ، بس جاسب تخزقهملى .  
 نظيره : طب بصللى أنا . دا كام ؟ ( وتشير بأصبع واحد )  
 عرفـه : ( ضاحكا ) دا كام ؟ واحد طبعا .  
 نظيره : ( ردا على نظرة السبعـاوى ) قولهم يا عرفه ، انت عرفت ازاي  
 عرفـه : حسبت أن السبعـاوى بيه لما هينقى لى رقم هيكبب فى وشى .  
 بالنسبه للأخ عشـماوى اللى فى القلب لازم يطلع وهو نفسه يخزق  
 لى عينيا ، أما حضرتك فجيتى تكليها عميتيها . سهلها لى وقتيلى  
 دا كام .  
 نظيره : لكن انت مابتشوفش . كده هيفتكروك مفتح .  
 عرفـه : هى تهمة ؟ والله ماكنت أعرف . أنا أسف .  
 السبعـاوى : ماتخافش لو اعترفت بالحقيقه مش هعملك حاجه .  
 عشـماوى : قول والله العظيم . أنا مش مفتح .  
 عرفـه : متأسف . مقدرش أقول على نفسى كده .  
 عشـماوى : شفت ، اعترف أنه مفتح .  
 عرفـه : مفتح اه ، لأنى مش كروديا ولا مواخذه . لكن انطس فى نظرى لو  
 كنت بشوف .  
 السبعـاوى : اسمع ، عندك مانع نديك حقنة سبرتو عشان نتأكد انت صادق ولا  
 لا ؟

- عرفه : ودى تعمل ايه ؟
- السبعماوى : لو عصب العين عندك حى، هتتجيك شويه، لو كنت كفيف والعصب ميت مش هتحس بحاجة.
- عشماوى : بس لو ما وافقتش تبقى بتشوف وخايف نتكشف.
- عرفه : أنا مش خايف من حاجة .
- السبعماوى : أنا بشكرك على تعاونك معانا، كتفه ياعشماوى.
- عشماوى : ( يمسك ببديه من الخلف بسرعه )
- عرفه : ( يصرخ ) أى.
- نظيره : بتصرخ ليه ، هوانت لسه خدتها ؟
- عرفه : احتياطى . مش شايفه كتفونى أزاى ؟
- السبعماوى : دا لمصاحتك لحسن تهز دماغك، الأبره تخش فى عينيك.
- عرفه : هو انتو هتدروهانى فين ؟ أى..
- السبعماوى : أثبت خليك راجل. ( يعطيه الحقنه ) بالشفاء.
- هيه ، حاسس بحاجة ؟
- عرفه : ( بهز راسه واكتافه ولا ينطق )
- السبعماوى : غريبه. انت مابتتألمش ليه ؟ مفروض انك تتألم.
- عشماوى : اتألم يا عرفه .
- عرفه : ( متحاملا على نفسه ) بعينك.
- عشماوى : بقولك اتألم. طيب اتكلم وديت الورق فين ؟
- عرفه : اعدام عنيا ماشفته .
- السبعماوى : سيبه، بس بشرفى كل يوم حقته من دى لحد مايتكلم .
- ( يخرج وخلفه عشماوى )
- نظيره : انت صحيح مش حاسس بحاجة ؟

عرفه : (متوجعا) آه .

نظيره : آه ايه ؟

عرفه : آه . آه .

نظيره : مش فاهمه . تعبان ولا لا ؟

عرفه : آه . آه . آه . انتى طرشه ؟ حريقه . دماغى فيها حريقه طفونى .

نظيره : جاوينى بصراحه وأوعدك بيتى سر بينا .

عرفه : مفروض أصدقك ؟

نظيره : انت حر .

عرفه : مصدقك .

نظيره : انت بتشرف فعلا ؟

عرفه : ( بعد لحظه ) ساعات .

نظيره : مش فاهمه .

عرفه : ساعات أشوف كل شئ بوضوح . العطش والجوع .. والحر والسقمه ..

والعدل والظلم . القسوة والرحمة . وأشوف الشمس لما يلسعنى

شعاعها ، ويعرف أنها غابت لما غروبها يرمى الكآبه فى صدرى .

وساعات عطفى يلهمنى . وأعرف الشئ اللئى قدامى واللئى وراءى واللئى

جنبى . أشوف صاحبى من عدوى .. وألاقيهم يقولوا دا مفتح

وشايف ، وأحس بالزهر يملانى ، لكن جوابا عارف حقيقتى . بضيق

بأيدى وأعد الخطاوى برجليا . واتجنن لما أحس ببيكم بتحركوا

بأنطلاق من غير ما حاجة تحوشكم . لما اسمع سكانكم واقهم انكم

قادرين تتكلموا بعيونكم . بتجنن من يقينكم ويقول ايش عرفنى انكم

ما بتكذبوش عليا أو تكون الحقيقه فانتكم ، وأقول يمكن لو فتحت

أشوف غير اللئى انتو شايفينه ومتأكدين منه .

أقولك على سر وما تضحكيش منى ؟

نظيره : قول .

عرفه : انا بخاف من الضلمه . ايوه . مع اتى عايشها . ساعات احس كأن الضلمه دى حد عاملها بالعند فيا . ببيان حديد مصديه ومترسينها فى وشى . جب مالوش قرار ورمونى فى قعره . احس أن انتو اللي منزلين الستاير ومقفلين الشبابيك ، ومطفئين النور عليا ، وابقى عايز اصرخ فيكم ، افتحوا الشبابيك زيحرو الستاير ، ولعوا النور . قيدوا شمعهم .

نظيره : كفايه يا عرفه ، انا فهمت .

عرفه : كنت رانا صغير يتهالى اتى يوم ما تولدت جابوا شمع سايج وطفوه فى عنيا . ختموا عليها بالشمع الأحمر . وكنت أواسى نفسى بالأمل أن ده إجراء غلط مؤقت ، ويكره التحقيق يبين براءتى ويفكوا الشمع عنى وتلزال الغشاوه من عينيهم ومن عيني . لكن كل ما أكبر .. بحس بتقل الشمع أكثر ( ثم ين ) دماغى .. الألم عاودنى . رأسى مش طايقها .

نظيره : انت اللي خليتهم يشكو فيك . لو تبطل تشغل دماغك .

عرفه : لا . أنا فقدت عنيا . لكن مش هفقد دماغى .. دماغى هى اللي بشرف بيها ، دماغى هى اللي فاضله لى .

## السلام

## المشهد السابع

(المكفوفون جالسون ، يظهر الفراش من جهة المكتب )

مخلص : (يستوقفه ) ايه الأخبار يا عسل ؟

الفراش : ما فيش أخبار.

مخلص : طب امسك.. عفر ( يناوله سيجاره )

الفراش : فيه واحد صحفى طب على غفله ، والإداره مقلوبه ( يخرج )

السبعماوى : ( يظهر مع عشماوى ونظيره ) روح اجهز بسرعه يا عشماوى .

وانتى حضرى اللى قلت لك عليه . بس الأول تتصلنى بالدكتور

بيجى يكشف على عرفه . ( يخرج الاثنان )

الفراش : ( يظهر ) اتفضل يا حضرة ..

شريف : ( داخلا ) صباح الخير . شريف يحيى ، صحفى بمجلة الصراحه .

السبعماوى : أهلا وسهلا . طب كنت ادينا خبر نفرش الأرض رمل .

شريف : أنا جاي أعمل تحقيق صحفى عن المؤسسه ، وعائز أتكلم مع بعض

المكفوفين .

السبعماوى : للأسف . أصلهم حساسين جدا وما بيرضوش يتكلموا مع حد غريب ،

اتفضل فى مكتبى نشرب القهوة .



شریف : انا مش جاى من مصر عشان أشرب قهوة .  
 السبعاروى : اشرب شاي وبعدين نتفاهم ( يخرجان )  
 عرفه : ( يظهر ) يا اخوانا يا بتوع الاداره ..  
 مخلص : مالك .. بتزقق ليه ؟  
 عرفه : عايز حد يديلى الحقنه ، بقالى يومين ما خدتهاش . دماغى هتوج .  
 مسعود : خلاص ياسوا منك . ويعتوا يجيبولك الدكتور .  
 عرفه : الحمد لله . دلوقتى بقى نطلع الورق . قريوا .  
 الجميع : ( يلتفون حوله )  
 عبد البارى : ورينا ...  
 عرفه : مش معايا . مع سنيه .  
 سنيه : ( تخرج ظرفا من ملابسها ) اهو . كنت مرعوبه وأنا شايله .  
 خليه : لكن انت علقته ازاي ؟  
 عرفه : لابقى ولا مؤاخذه دا سر المهنة .  
 انصاف : المهم مكتوب فيه ايه ؟  
 عرفه : وأنا ايش عرفنى ، هو أنا بشوف ؟  
 عبد البارى : اطلع من دول يا شواف .  
 مسعود : عايز نصيحتى ، غمض عينيك واعمل نفسك ما بتشوفش .  
 عرفه : حتى أنتو مش عايزين تصدقونى ؟  
 انصاف : امال عرفت ازاي أنه ورق مهم ؟  
 عرفه : ايدى جت فيه غلط ، لقيت السبعاروى قلق وشاله فى جيبه .  
 مسعود : ( يضحك بهيستريا ) طب واحنا هنعمل بالورق ايه مدام مش  
 عارفين اللى فيه ؟  
 خسيشه : نبعته لسيد بيه السيد رئيس الجمعيه . أكيد ماعندوش فكره عن اللى



عرفه : فهمت ، وجايز اشترطت الجهل . تبقى انت أعمى زينا يارضوان .  
هات العشره جنيه .

مخلص : سييها له ، بس تعرف تقول انك شفت الورق ده .

الفراش : أشوفه فين . أنا لا مؤخذة كيف ( يخرج )

عرفه : مسعود عنده حق ، مافيش فايده .

سنييه : ومغلبين روحكم ليه ؟ ماتجيبوا أنا أقراهم لكم .

عرفه : وانتى بتعرفى تقرى ؟

سنييه : ايوه ، أنا سبت المدرسه من أولى ثانوى .

عرفه : قصدى بتشوفى الكلام ؟

سنييه : طبعاً . لومسكت العدسه المكبرة أشوف . وكويس أنها معايا فى

الشنطه . الله العدسة كانت هنا . راحت فين ؟

عرفه : ( يضع يده فى الحقيبه ) وريلى . ما أهه قدامك .

سنييه : اه . والله . افكرتها علبة البودره .

مسعود : دى مش شايغه العدسه ، هتشوف الحروف ؟

سنييه : والله بشوف .

خيشه : طب ياللا بسرعة قبل ما حد يطب علينا .

سنييه : لا . أنا بقرأ على مهلى . استحملونى زما حدش يستعجلانى .

عبد البارى : ريتا معاكى . سمى الأول ..

الجميع : هيه ؟

سنييه : شايغه .. شايغه . السطور تحت بغضبيها .

عبد البارى : طب ماتقولى مكتوب ايه ؟

سنييه : حاضر . بالراحه . أول حرف واضح . به .

عرفه : برافو ياسديه .

- سنييه : او.. ته . حاجه زى كده .
- خيشه : غيره .
- سنييه : الحرف التانى شين ، لآ سين .. انا هقول من غير النقط .
- مسعود : به وشين تبقى بش . أوته وسين ، تبقى تنس
- عرفه : اللى بعده ياسنيه .
- سنييه : مانا بقرأ أهو . امال أنا بعمل ايه ؟ الحرف الثالث ده ياسيدى ، يااما ميم يا أما جيم .. والله أعلم .
- عرفه : ترجم يامسعود .
- مسعود : اترجم ايه ؟ دى على كده محتاجه سنتين عشان تقرأ ورقه ، لو فرضنا الأول به والتانى سه .. والثالث ميم .. تبقى ...
- عبد البارى : تبقى بسم الله الرحمن الرحيم .
- مسعود : اجنا لسه فى بسم الله الرحمن الرحيم ؟
- عرفه : معلى ، رحلة الألف . ميل تبدأ بظوره . كتر خيرها ( لسنيه ) سيبى السطر دا . واقرى اللى بعده .
- سنييه : حاضر . أول حرف ( وتسكت )
- عرفه : مكتى ليه ؟
- سنييه : لحظه واحده . أصلى شاكه فى حاجه .
- الجميع : ايه ؟
- سنييه : متيألى الورقه دى مكتوبه بالانجليزى .
- عرفه : انجليزى ؟
- سنييه : أو فرنساوى .. الله أعلم .
- عرفه : هاتى . دا أنا لو حسست عليها يمكن أقرأها .
- سنييه : والله كنت بشوف كويس لحد قبل ما أجي المؤسسه ، معرفش جرى

لى ايه . يمكن اتحدثت .

مسعود : قلت لكم مافيش فايده .

السبعأوى : ( يظهر ) اتفضلوا دلوقت على جوه .. بسرعه شويه .

عرفه : ( يتكأ ) دا بيوزعنا عشان مانقابلش الصحفى ( يخرجون )

شريف : ( يظهر ) استاذ سباعوى ، أنا مصر أقابل حد منهم .

السبعوى : وأنا بعث أجيب لك واحد .. أهو .

عشماوى : ( يظهر بنظاره سوداء ممسكا بعصا ورضوان يسحبه ) ياهلا بالصحافه .

شريف : ( يكتب ) أهلا بيك اتعرف باسم حضرتك ؟

عشماوى : عرفه الشواف .

شريف : ممكن تقولى بالنيابه عن زمايك ايه رأيكم فى المؤسسه ؟

عشماوى : شوف يابيه . الصراحة احنا مابيطمرش فينا . مع أن السبعأوى بيه شاف كل مطالبنا .

السبعأوى : الله يحفظك . دا انتو أولادى .

شريف : ممكن تسيبنا لوحدنا عشان يتكلم بدون حرج أو ضغط .

السبعأوى : بس كده ؟ عن اذنكم ( يخرج )

شريف : المدير مشى . اتكلم بقى بصراحه .

عشماوى : بصراحه المدير مش قوى . انما فيه هنا مشرف اسمه الأستاذ ملاك ، يستحق نشان .

شريف : يعنى بيعاملوكوا كويس رلافيه مشاكل ؟ قولى شعورك بالضبط .

عشماوى : بصراحه ، أنا لو لم أكن كفيفا لوددت أن أكون كفيفا ، عشان أعيش فى المؤسسه دى .

شريف : غريبه .

عشماوى : هيه . مش هتصورنى وتلشر لى صوره بقى ؟  
 شـرـيـف : ( بشك ) انت بتحب التصوير ؟  
 عشماوى : جدا أنا غاوى صور. عندى حقة ألجوم ( ويستدرك فيسكت )  
 شـرـيـف : طب أقف عشان اصورك .  
 عشماوى : خلاص ؟  
 شـرـيـف : لسه ..  
 ( عرفه يظهر ويمد يده ويضعها على فم الصحفى ويأخذه للداخل )  
 عشماوى : خلاص ؟  
 السبعماوى : ( يظهر ) لسه . هرب منك يا فالح . تعال ندور عليه ( يخرجان )  
 شـرـيـف : ( يظهر ويسحب عرفه ) مافيش حد هنا تعال .  
 عرفه : طب كملى قراية الورق بسرعه .  
 شـرـيـف : خلاص ، الباقى بيان بالمتح اللى جيت للمؤسسه .  
 ويعدين أرقام مقاولات تشطيب رخام وباركيه وتمن أجهزة تكييف  
 وأثاث وستائر ، فازات ، سجاجيد ، نجف .  
 عرفه : كل ده فين ؟ ماقدامك المكان أهو .  
 شـرـيـف : يمكن متخزنه فى حته .  
 عرفه : الدور التانى مافيش غيره .  
 المهم تنشر المستندات دى على الرأى العام عشان تنوره .  
 شـرـيـف : اطمئن ، دى مهمه الصحافه الشريفه .  
 عرفه : احنا أملنا فيكم كبير .  
 السبعماوى : ( يظهر ) كنت فين يا استاذ شريف ؟  
 شـرـيـف : ( يضع الورق فى جيبه ) كنت بعمل جولته حره . وخذت اللى أنا  
 عايزه .

- السبعاعوى : طب مش أعرف رأى حضرتك فى المؤسسه ؟
- شريف : هتقراه مكتوب فى المجله .
- السبعاعوى : طب لحظه واحده ( ينادى ) بسرعه يا نظيره .
- نظيره : ( تدخل وفى يدها علبة قטיפه ) بأسم المكفوفين يسعدنى ان ... ..
- ( لكنها تنظر لشريف بدهشه وتبكت )
- السبعاعوى : كملى يا نظيره . بأسم المكفوفين يسعدنى أقدم لك الهديه الرمزيه دى . طبق فضه مطعم بالصدق .
- شريف : ايه دا يا حضرة ؟ ( وهو ينظر لنظيره ) عايز تشتترينى بهديه تمها
- متين تلميت جنيه ؟ عن اذنك ( يخرج )
- السبعاعوى : ( خارج خلفه ) طب بكام ؟
- عرفه : تفكرى بكام يا أبله نظيره ؟
- نظيره : معرفش .
- عرفه : انتى سكتى ساعه ما دخلتى ع الأستاذ شريف ليه ؟ يكونش هو
- دأحمد اللى مش عايزه تتجوزيه ؟
- نظيره : ( مذهوله ) عرفت ازاي ؟
- عرفه : وجهه نظر .
- السبعاعوى : ( يعود ) اتفضل يا دكتور، جيت فى وقتك .
- الدكتور : ( داخلا ) هوفين الشواف ده ؟ انت ؟
- عرفه : وأنا ايش عرفنى بتشارر على مين ؟
- الدكتور : قدامى، دقيقه واحده وأقولكم النتيجة ( يخرجان ومعهما نظيره )
- السبعاعوى : ( يتمشى بقلق جيده وذهابا مع جملة موسيقية )
- نظيره : ( تدخل وتنظر للسبعاعوى )
- السبعاعوى : الدكتور خالص كشف ولا لسه ؟

نظيره : خلص .

السبعاءى : ( بلهفه ) وايه النتيجة ؟ يبشوف مش كده ؟ انطقى .

نظيره : ( ببطء ) اطمئن ياسبعاءى بيه . الشواف كفيف . ارتحت ؟

السبعاءى : مستحيل ( ويجلس بانهايار ) طب ويعدين ؟

نظيره : مالك . انا افكرتك هترتاح لما تعرف .

السبعاءى : مش هترتاح غير لما اخلص منه .

نظيره : حتى بعد الدكتور ما أكد إنه عاجز ؟

السبعاءى : الدكتور يقول اللى هو عايزه . لكن أنا شايفه مفتح .

مفتح أكثر منى ومنك ولو سكت عليه هيفتح عيلين الباقيين .

نظيره : مش ده هدف المؤسسه ؟ مش المفروض تساعداهم يعيشوا حياه

طبيعيه زى المبصرين ؟

السبعاءى : مش لدرجة أنهم يفتحوا فيا . أنا ماكتش السبب فى عاهتهم .

نظيره : ما تبقاش انت السبب فى زيادتها ..

السبعاءى : ايه اللى بتقوليه دا ؟

نظيره : والله دى وجهه نظرى .

السبعاءى : دا مش كلامك . دا كلامه هو . شفتى . شفتى ياختى وانكى اللى

كنت جايه قطه مغمضه .

صوت : عرفتوا الخبر ؟

أصوات : ايه .. ايه ؟

خيشه : الشواف مايبشوفش .

سنيه : ( بعدم تصديق ) مايبشوفش ؟؟

مخلص : ( باكتشاف ) يعنى زينا .

عبد البارى : لا حول ولا قوة إلا بالله .



**مسعود :** ( ضاحكا وياكيا فى أن واحد بهيستريا ) الشواف مابيشوفش . الشواف زينا . حتى الشواف مابيشوفش . الشواف .. طلع زينا . مابيشوفش ، مابيشوفشن مابيشوفش ( يقع على الأرض ويتشجج جسده وهو يغطى عينيه بيديه )

**مخلص :** ( يدق على البيانو بحزن )

**عرقه :** ( الذى ظهر منذ لحظه وبصوت مختلف ) مسكين مسعود كان مفهنا أنه يائس . اتاريه كان لسه عنده أمل فيا .. سامحنى يامسعود . مش بيأيدى .

إظلام

### المشهد الثامن

( البهو مظلم إلا من ضوء شحيح )

( يظهر عرفه وخيشه وعبد الباري يتحركون بخطوات متسللة نحو

الدور الثاني )

سنبيه : ( تظهر هامسه ) شواف .

عرفه : إيه اللي جابك ؟

سنبيه : عايزه أشوف الدور الثاني معاك .

عرفه : طلب هاتى إيدك .

عبد الباري : ودا وقته ؟

سنبيه : ( ترتطم بكرسى وتشهق بخوف )

عرفه : هس .

عبد الباري : كويس كده ؟ ادى اللي بناخده من الحریم .

خيشه : محدش خد بآله، ياللا .

( يتحركون فى طاير ويصعدون السلم . نسمع صوت فرقعه )

خيشه : إيه الصوت دا ؟

عبد الباري : مش قلت لكم الدور دا مسكون ؟

خيشه : ( بخوف ) يعنى دول عفاريت ؟

عرفه : ماعفريت إلا بنى ادم .

سنيه : أنا ركبى بتترعش ، بلاش سيرة العفاريت .

عرفه : تحبى ترجعى أنتى ؟

خيشه : لأ .. نرجع كلنا أحسن .

عرفه : ماتخافوش ، تعالوا ورايا .

( خيشه يتوقف وينسل عائدا بمفرده ويختفى )

عرفه : ( يتحسس الحائط ، ثم يدفعه ، الحائط يتفتح ويدور ليكشف عن

فئحتين ) زى ماكنت متوقع فيه فتحه فى الحيطه . كل واحد يمسك

ايد الثانى عشان مانترهش من بعض .

( الثلاثة يدخلون من الفتحة الأولى ، وبعد لحظه يظهر من الفتحة

الثانية وعلى رأسهم عشاوى يمسك بيد عرفه )

عرفه : ايه دا .. سلم تانى ؟

عبد البارى : دى حاجه عامله زى بيت جحا .

سنيه : يعنى احنا فين دلوقتى ؟

عرفه : الله أعلم بس على مهلكم لحسن نخبط فى حاجه . حاسبوا فيه

سلمه .. واحد اتلين تلاته ونص . ياه ، دا يشبه البهو بتاعنا الخالق

الناطق .

عبد البارى : بس هنا براح أكثر .

سنيه : والأرض باينها رخام ( تتحسس الأرض )

عرفه : اخ لوعشاوى عرف اننا طلعنا الدور الثانى ، هيموت من الغيظ .

سنيه : ( هامسه ) احنا موطين صوتنا ليه ؟

عرفه : ( هامسا ) مش عارف ( ويصوت عال ) اه صحيح . دا المكان مهجور

ما فيهوش حد .

عبد الباري : إلا العفريت .

عرفه : ياجدع بطل تخوفنا .

عشماوى : ( يترصه من أذنه )

عرفه : بلاش الهزار دا ماباكلش منه . عايز تخوفنى يا عبد الباري ؟

عبد الباري : وأنا قادر أتلّم على جنتى عشان اخوفك ؟

عرفه : تبقى أنت ياخيشه . اتخست ايه ؟

عبد الباري : خيشه مش معانا ، انسحب من أولها .

عرفه : آمال مين اللي كان ماسك ايدى واحنا دالخين ؟

سنيه : ( تمسك به ) أنت متلبشنى ليه ؟

عرفه : ( وهو يرتعش ) ماتخافيش ، أثبتى .

عشماوى : ( يفتعل صوتا )

عبد الباري : ما هذا الحس ؟

عرفه : دا تلاقية جاى من بلاعه .

سنيه : لاء متبهيألى صوت صفدعه .

عبد الباري : بقولكم الدور ده مسكون . أنا غلطان انى جيت معاكم .

سنيه : ( تتحسس كرسيه ) الحق ايدى عثرت فى حاجه .

عرفه : رزىلى .

سنيه : مد ايدك .

عشماوى : ( يرفع الكرسي بعيدا )

عرفه : ربعدين فيكى ياسليه ، بطلى تهيووات .

سنيه : رزينا ايدى لمست حاجه .

عشماوى : ( يقترب من عرفه ويلهث فى أذنه )

عرفه : ابعد نفسك شويه عن ودنى .  
 عبد البارى : أنا بعيد عنك .  
 عرفه : يبقى فيه نفس غريب .  
 عبد البارى : بسم الله الرحمن الرحيم . انصرفوا .. انصرفوا .  
 السبعواى : ( يظهر من الفتحة ويفلقها خلفه ويشعل النور )  
 عبد البارى : ( يصطدم بعرفه فيصرخ ) عفريت . الحقونى .  
 عرفه : مسكتك ( مستدركا ) هو انت ؟ سيبت ركبى .  
 سنيه : ( تستدير فتصطدم بعشماوى ) عرفه ؟  
 عشماوى : ( يجمد كالتمثال )  
 سنيه : ( تتحسس وجهه ) عرفه . لقيت تمثال .  
 عبد البارى : اصنام ؟  
 عرفه : ورنى ( يتحسس وجهه ويجفل )  
 سنيه : حس معايا شوف تمثال راجل ولا ست .  
 عرفه : أوعى تحسسى أنتى . استنى ( يصفعه ) تمثال فعلا . بس برضه نتأكد  
 ( يهم بصفعه ثانية . عشماوى يتحرك الصفعه تصيب عبد البارى )  
 عبد البارى : أى دا أنا .  
 سنيه : أما التمثال راح فين ؟  
 عرفه : نسأله . رحى فين يا عشماوى ؟  
 سنيه : عشماوى ؟  
 عشماوى : ايوه عشماوى .  
 عبد البارى : ليه ، هو اختلفا فين ؟  
 عشماوى : انتو فى البهوزى ما انتم وأنا مستنيكم من ساعة ما خرجتوا من  
 العنبر وحضرتك بتتجرأ وتمد ايديك عليا ؟

عرفه : ايش عرفنى... انت اللى رقت زى الصنم.  
 عشاوى : اتأدب ( وينغزه بالعصا )  
 عرفه : بتستغل اتنى عاجز يا جيان ؟  
 عشاوى : ولما أنت عاجز، عامل فيها مفتح ليه ؟  
 السبعواوى : ( يشير له أن يضربه ) ( عشاوى ينغزه ثانيه )  
 عرفه : أى.. طب أقف فى حته واحده وأنا اوريك .  
 عشاوى : ( عشاوى يضع فى طريقه كرسيا فيصطدم عرفه به ويقع )  
 سنيه : ( تصرخ ) الحقونا ياناس .  
 عبد البارى : انجدونا يا اخوان .. بنتضرب .  
 السبعواوى : ( يشير لعشاوى بالتوقف ) ايه الزعيق دا ؟ صحتونى م النوم .  
 عشاوى : ضربونى يابيه .  
 سنيه : ياعينك يا جبابرك .  
 عبد البارى : هو اللى أعتدى على عرفه بالضرب .  
 عشاوى : انا كنت بدافع عن نفسى .  
 عرفه : انا عاجز مضربه ازاي ؟  
 عشاوى : ماى دى حجه . بيتبلى عليا يا فندم .  
 السبعواوى : وانا أصدق مين فيكم ؟ طيب عشان اريح ضميرى مخصص منكم  
 انتو الآتلين .  
 عرفه : بتستغفلونا ؟ واحنا هنشوف الخصم بتاعه ازاي ؟  
 السبعواوى : ماتعلش صوتك يا عرفه .  
 عرفه : لأ أعلى صوتى . وهصحى الناييم، اصحوا ياناس، كله يصحى كله  
 يفوق  
 ( يتجمع المكفوفون )

عشماوى : دى مؤامره يافندم .

السبعماوى : عشماوى ، خلى بالك، تعال عندى .

عشناوى : ماتخافش عليا يافندم ( ويهم بالتحرك من بينهم لكن النور ينقطع فجأة ) مش شايف حاجه . الحقنى يايبه .

السبعماوى : ماتتكلمش ياغبى هيعرفوا مكانك .

مسعود : ( يدخل ) شلت أكباس النور . خلتها ضلمه .

عرفه : حاسروا الباب بسرعه .

( البعض يغلق على عشماوى طريق الباب فيقف )

عرفه : انتشروا .

(الجميع ينتشرون لكنهم يمسون ببعضهم البعض)

سنيه : ( تعثر عليه وسط القتيات ) بتحامى فى النسوان ياندل ؟

عشماوى : اه ياعضاضه .

انصاف : امسكه يامحاسن .

محاسن : أنا ما امسكش رجاله .

عرفه : مجموعه . تشكيل . امسكوا فى ايدين بعض ، تقدم ببطء .

( يحاصره الجميع فى حلقه واسعه ) جزما سلاح .

(الجميع يخلعون احذيتهم ويشهروها ) هجوم .

عبد البارى : الله أكبر (الجميع ينهالون عليه بالأحذية )

عشماوى : اه ياعينى .

(النور يعود)

السبعماوى : كفايه . أنا لا أسمح بالفوضى أو التمرد .

عرفه : يبقى النور رجع . مجموعه انسحاب .

الجميع : ( يجرون ويتخبطون ببعضهم البعض )

الفسراش : ( يظهر ) تليفون ياسبعاروى بيه ، سيد بيه السيد .  
السبعاروى : غريبه وبيتصل ليه فى وقت متأخر كده ؟  
الفسراش : بيتقولك هو بلغه العك اللى حاصل فى المؤسسه وجاى فى زياره  
مفاجئه بكره الساعة واحده .  
الجميع : الله أكبر .. يحيا العدل .  
مسعود : مافيش فايده . صدقونى مافيش فايده .  
إسلام



### المشهد التاسع

الجميع جالسون أو واقفون يتحدثون في أن واحد

خيشه : يا جماعة.. لما يوصل سيد بيه تكلموه بالراحه يمكن الراجل يعملنا مفاجأه كويس زى كل مره .

عرفه : واحنا هنشحت منه ؟ احنا هنطالب بحقوقنا.

عبد الباري : نظموا الصفوف واختاروا واحد يمثلنا.

سنيه : اتكلم انت يا عرفه .

مخلص : واشمعى هو يعنى ؟؟

انصاف : تنتخبوا مين ؟

الجميع : الشواف.

سنيه : وحببيكم مين ؟

الجميع : الشواف.. الشواف.

مسعود : (هامسا) ماتفرحش قري. أوعى تتصدر لوحدك. كلهم بيحجرو ساعة الجد ويخلصوا..

عرفه : يا جدد ماتياسئيش.

اخواني.. أشكركم على الثقه دى. لكن أنا مش هنكلم لوحدى. لازم

كل واحد فيكم يعبر عن رأيه بشأن نفهم سيد بيه السيد أن فيه

إجماع . موافقين ؟

الجميع : موافقين .

عرفه : هيه ارتحت يامسعود ؟

مسعود : برضه مافيش فايده .

(تسمع صوت سيارة تقترب)

خيشه : دى عربية سيد بيه السيد .

عشماوى : ( يظهر ) سكوت ، احفظ النظام وسع الطريق . اللي ع السلم يزل .

أول سيادة رئيس الجمعية مايدخل ، الكل يقف ، أول ما أشار لكم

بالمنديل كدا تسقفوا .

عبد البارى : دا اتفاق رخيص ولا نقبله .

خيشه : مش هيجرى حاجه لو سقنا ، المهم نكسبه لصفنا .

عرفه : أقترح محدش يسقف غير لما نسمعه الأول ويعجبنا كلامه موافقين ؟

الجميع : موافقين .

عرفه : إجماع ياخيشه .

عشماوى : ( يعلن ) السيد رئيس الجمعية .

السبعماوى : ( عند الباب ) اتفضل يافندم .

سيد : ( يدخل سيد بيدو أنيقا يضع ورده فى عروة الجاكته ومنديل فى

الكم )

نظيره : ( تقدم له باقة ورد )

سيد : شكرا ...

عشماوى : ( يقف وسط المكفوفين ويصفق ، فيتبعه خيشه ثم الجميع )

عرفه : هو من أولها ؟

- مسعود : بتوآك مافيش فايدة..
- سيد : أشكركم.. وأرجوكم مافيش داع تقفوا.. ( الجميع ينهضون )
- السبعاءى : انتفضلوا ارتاحوا.
- سيد : اخوانى واخوانى أبناء الدايـره الكرام.
- السبعاءى : ( هامسا ) المؤسسه يافندم.
- سيد : أبناء المؤسسه . طاب مسائكم.
- نظيره : احنا الصبح يافندم .
- سيد : أقصد طاب صباحكم.
- عرفه : سيادتك ماغلطنش كثير.
- عشماوى : ( يزغده فى ظهره لكى يسكت )
- سيد : وحشتونى ( وهو يصافح خيشه )..أزيك يا..
- نظيره : ( هامسا ) خيشه .
- سيد : ياخيشه ، عامل ايه ؟
- خيشه : ربنا يخليك لنا يافندم ، الهى مايحرمنا منك .
- نظيره : ( هامسه ) دا مسعود.
- سيد : أهلا يامسعود اهلا.
- مسعود : ( بدهشه ) حضرتك فاكراسمى ؟
- سيد : امال . فاكركم واحد واحد بالأسم (ويضع يده على عرفه )
- وأنت مين ؟ أنا ماشفتكش قبل كده .
- عرفه : ولا أنا يافندم .
- نظيره : دا عرفه الشواف ، اخر فزىل التحق بالمؤسسه .
- سيد : اسمح لى اهنيك من كل قلبى ( يصافحه )
- عرفه : على ايه يافندم ؟ احنا اللى كان نفسنا نشوفك من زمان ، أنت فين ؟

- سید : أنا تحت النظر.
- عرفه : يبقى العتب على النظر.
- سید : ویاتری فيه كام واحد جدید دخلوا الشهر ده ؟
- السبعاءى : هو دا یافندم .
- سید : واحد بس ؟ غریبه . ایه اللى حصل ؟
- عرفه : يمكن البلاد كلها فتحت یافندم .
- سید : كلها ؟ مش ممكن دا احنا حتى ماعندناش أكثر من الـ الـ .
- السبعاءى : ( بسرعه ) عرفه یقصد ینکت . أصل دمه خفیف ( یزغده )
- سید : وعامل ایه یاعرفه مش الحمد لله ؟
- عرفه : الواحد لازم یقول الحمد لله انما ..
- سید : (مقاطعا) الحمد لله .. وبعد الحمد لله ماتتقالش حاجه وإلا نفسدها ..
- نظيره : اتفضل حضرتك شوف الإنتاج بتاعهم .
- السبعاءى : حد یشرح لسید بیه .
- سنیه : دا حزام یافندم .. تصور ؟
- سید : والله کویس .
- سنیه : فیه ترکه من هنا ، وفیه خروم .
- سید : مش ممكن تزودوا الخروم شویه ؟ حاولوا .
- السبعاءى : ودول الجزم یافندم .
- سید : کویس ( ینظر فی ساعته ) بس ممكن شغلکم یبقى أحسن من کده
- وفی وقت أقل .
- عرفه : یافندم احنا نفسا ندیکم میت جزمه بس بیدونا قلیل .
- السبعاءى : على الله بس نلاقى حد یشتريهم .
- عرفه : فیه کثیر .

**سید :** قولنا علیهم .  
**عرفه :** المؤسسه ملیانه ناس ماشیه حافیه .  
**سید :** دا کلام ؟ لازم یمشوا کلهم بالجزمه یاسبعای .  
**السبعای :** مابیرضوش یشترؤا انتاجهم یافندم .  
**مسعود :** الإنتاج وحش یافندم . احنا اللى عاملينه وعارفین .  
**سنيه :** وبيدونا جنيه ع الجزمه ، ازای نشتریها بخمسه ؟  
**سید :** لازم تشجعوا انتاجکم عشان بيقى فيه مكسب . والمكسب هيرجع لكم  
تانى ويتشال لكم فى الصندوق . اهتم بالموضوع دا یاسبعای .  
**السبعای :** انا مهتم بالصندوق جدا یافندم .  
**عبد الباری :** (هامسا) قوله ع الأكل .  
**عرفه :** یافندم . دا الأكل...  
**السبعای :** أقعد یاعرفه ماترجش دماغ البیه .  
**سید :** سيبه یتکلم یاسبعای . ماله الأكل ؟  
**عرفه :** خذ دوق بنفسك ادی عینه .  
**سید :** دوقی ( یتظاهر بأنه يأكله ) فعلا . عنده حق ، الملح کثیر ، ودا  
یضر صحتهم ، قللوا الملح .  
**عبد الباری :** (همسا) دا عایز یوفر لهم .  
**عرفه :** سید بیه احنا عندنا کلام کثیر عایزین نقولھولک .  
**السبعای :** وبعدين یاعرفه .  
**سید :** أرجوڪ سيبه . ماعندیش مانع اسمعهم کلهم ولو قعدت لثانی یوم .  
وإذا ثبت أن فيه تقصير من الإدارة ، هغیر الإدارة ( للسبعای ) مش  
انت جوز اختی رمانه ؟ ومع ذلك ممکن أفصاك .  
**انصاف :** ( تزرعد ) یحیا العدل ..

- خيشه : يعيش سيد بيه .
- الجميع : ( يتحدثون فى أن واحد )
- سيد : لا . هسمع الجميع ، بس من غير فوضى ، بنظام . اللى متضايق من عيشته أو له أى شكوى يطلب الكلمة برفع ايده .
- الجميع : ( يرفعون ايديهم )
- سيد : ( ينظر للسبعاءى بضيق )
- السبعاءى : ( ينظر فى الأرض خجلا )
- سيد : ( للجميع ) غريبه . واحد بس اللى طالب الكلمة ؟
- السبعاءى : الحمد لله أن سيادتك تأكدت أنهم أقلية .
- سيد : طيب اللى عنده اقتراحات بناءه يرفع ايده .
- الجميع : ( الجميع يرفعون يدهم )
- سيد : ايه دا . انت لوحدهك برضه ؟ انت دايما كده خارج عن إجماع الأغلبية ؟ طيب هسعدعك فى المكتب واسمع منك على انفراد عشان نتكلم بدون خوف .
- السبعاءى : اسألهم بقى أن كان حد له شكوى من أى زميل ؟
- المجموعة : ( لا أحد يرفع يده )
- سيد : مستحيل ، ايه اللى أنا شايفه ده . أغلبكم متضايق من بعض ؟
- نزلوا ايديكم ، أنا مصدوم فيكم .
- السبعاءى : كويس كده كسفتونى .
- سيد : لا يا إبنائى حاولوا تحبوا بعضكم ، ماتخلوش الحقد يفسد حياتكم . واعلموا أن ربنا لما حرمكم من نعمة البصر ضرورى له حكمه فى كده . ع الأقل عشان تبتقوا عبره وعظه لغيركم ، ومع ذلك أنا أروعدكم بتغيير كل ظروفكم . والانتهاى من ترميم الدور التانى ، وأن

تأخذوا مكانكم تحت الشمس، اصرف لهم مكافأه عشر نيام.

**خيشه :** يعيش سيد بيه . يا حبيبتنا .

**السبعاروى :** بس دول مخصوم لهم نص شهر يافندم .

**سيد :** خلاص يا اولاد نبقى اكيت، والسلام عليكم ورحمة الله .

( سيد يتحرك ويتجه إلى الممر مع السبعاروى ونظيره والفراش )

( يسود الصمت لحظة )

**مسعود :** جتكم القرف . جتكم القرف . جتكم القرف ( يخرج مثشجا )

**انصاف :** رجاله ورق ..

**عبد البارى :** حسبى الله ونعم الوكيل .

( الجميع يخرجون وهم يبصقون لا أحد يتحدث مع الآخر )

**سنييه :** شفت ياعرفه ؟

**عرفه :** ماشفتش حاجه . أنا أعمى ، مايشرفش . أفهميها بقى .

**سنييه :** أرحم نفسك يا شواف .

**عرفه :** كلهم خذلونى . مسعود كان عنده حق ، ما فيش فايده . جتكم ستين

نيله ، جتكم ستين نيله .

**عشماوى :** ( يضع يده على كل من عرفه وسنييه ) سيد بيه عايزكم .

( يدخل سيد ويشير لعشماوى بالخروج )

**سيد :** ايوه ياعرفه ايه مطالبك ؟

**سنييه :** مطالبنا كتيره يافندم . قوله ياعرفه اتكلم .

**سيد :** يتكلم عن نفسه ويس . مالوش دعوه بغيره .

**سنييه :** أصلك مش شايف اللى بيحصل من ررا ضهرك .

**سيد :** أنا ما انكرش أن فيه حاجات كتيره فى المؤسسة غلط .

**سنييه :** عارف وساكت ؟

- سيد :** العين بصيره والايد قصيره . واحنا مؤسسة فقيره  
عايشه ع الملح والاعانات البسيطه
- سنييه :** دا موال .. سيادتك هتغنى علينا ؟
- سيد :** عارف اللي هتقولوه . اختلاسات ؟ روتين ؟ شويه ظلومات ؟
- سنييه :** شويه ؟ دى شويه وشويات .
- سيد :** موجوده فى كل المؤسسات . ولو دررتوا فى كل الدنيا هتلاقوا حالنا  
أحسن من غيرنا .
- سنييه :** يعنى برضه مافيش فايده .
- سيد :** فرجه قريب . منظمة الأمم المتحده . هتبع متدريه اسمها مسز  
بوكس عشان تتفقد أحوال المكفوفين فى البلاد الناميه . وهتزورنا  
طبعاً فى السكه .
- سنييه :** ودى ممكن تعملنا ايه ؟
- سيد :** هووه . لو عجبها الحال عندنا ، ممكن تدينا مليون دولار ع الأقل .  
وساعتها أبشيشكرا . هدى سرير لكل واحد منكم وكيلو لحمه . هنبنى  
لكم ورش جديده وجنيته وملعب . وكل اللي نفسكوا فيه .
- سنييه :** أنا عايزه أعمل العمليه . اعمل معروف يابيه .
- سيد :** مستعد . بس بشرط . عرفه يعقل زمايله ويخليهم يهدوا عشان نظهر  
قدام الست بمظهر كويس .
- سنييه :** وافق يا عرفه . مستنى ايه ؟
- عرفه :** أنا كمان ليا شرط . سنيه تخش المستشفى من بكره .
- سيد :** اتفقنا وشيك هانده ( يصافحه ثم يخرج )
- عرفه :** مبروك ياسنيه .
- سنييه :** انت طلعت بصحيح دكتور .



عسرفه : ع لله بس بعدالعمليه ماترجعيش فى كلامك.  
سنپه : دا أنا مستنيه اللحظه دى عشان أشوفك.  
عسرفه : ماتشوفيش وحش. وادبنى حذرتك من أولها..

إفلام

### المشهد العاشر

(المكفوفون جالسون يحمل كل منهم طبقا، ولا أحد يكلم الآخر)

نظيره : ( تدخل ) امال فين عرفه ؟

عبد الباري : ماشوفتهوش ومش عايز أشوفه .

نظيره : دى سنيه جايه تزوركم النهارده .

مخلص : مش ممكن ، ماهى خرجت من المستشفى بقالها أسبوع .

مسعود : وهى بعد ماتفتح هتسأل فينا ؟ تشوف نفسها .

عرفه : ( يظهر داخلا ) سنيه مننا وهتفضل مننا .

نظيره : انت سمعت الخبر ؟

عرفه : ايوه ، عشاوى بلغنى .

الفراس : ( يدخل ) مجلة الصراخه .. معايا المجله .

نظيره : ( تخطف المجله ) متشكره يارضوان .

الفراس : العفو ( يخرج )

انصاف : ( تقترب منها ) كاتبين حاجه عننا ؟

نظيره : ادبلى بشوف أهو .

عشاوى : ( يدخل ) أنت قمت وسبت طبقك يا أبو العرف ؟

عرفه : ماليش نفس .  
عشماوى : امسك ياراجل دا . انت بقيت مننا وعلينا ( يريت عليه )  
نظيره : الموضوع اتشراهو ..  
انصافا : طب أقرى وسمعينا .  
نظيره : (تقرأ) تحقيق صحفى مثير من داخل المؤسسة الانسانية للمكفوفين  
خيشه : يا حلاوة طلعا فى الجرائين يا ولاد .  
عشماوى : كل ياعرفه .. بر نفسك .  
نظيره : (تقرأ) دخلت المؤسسة تساورنى الشكوك وخرجت منها وقد تأكدت  
أنها .. ( ثم تسكت )  
محاسن : سكتى ليه ؟ ماتكلى .  
نظيره : (تقرأ مصدومة ) انها جنة حقيقية للمكفوفين .  
مسعود : ايه ؟  
مسعود : ابقوا صدقونى لما أقولكم مافيش .. (ويسكت)  
نظيره : وفى حوار مع أحد المكفوفين قال لى أنه لو لم يكن كفيفا لود أن  
يكون كفيفا  
خيشه : ويبقى مين دا ؟  
عشماوى : مش شايف انك بالغت شويه ياعرفه ؟  
عرفه : أنا ؟  
مخلص : ايوه ، هو إللى اتكلم مع الصحفى .  
عبد البارى : لعنه الله عليك .  
عرفه : أنا ماقلتش كده . دا كلام جرايد . دا تزوير .  
عشماوى : يعنى المجله هتكذب ؟ ورينى كده مافيش صوره ايا ؟ (يأخذها  
ويخرج)

**عرفه :** ابقي اسأليه بكلام يا أبله نظيره، لو كان وقع واقف مش هزعل. المهم  
يجهزلك الأربع أوض .

**نظيره :** ( باكيه ) غشاش. قعد يكلمني أربع سنين عن المبادئ .

**عرفه :** ويتلوميه هو ؟ ما أنتى السبب. بقى زيك. عين فى الجنه وعين فى  
النار.

**انصاف :** ياخويا سيبها فى حالها. ماتزعلش يا مس، بس يا حبيبتى بس .

**محاسن :** الرجاله كلهم كده. امال أنا مقطعا هم ليه ؟

(انصاف ومحاسن تخرجان مع نظيره)

**عرفه :** صدقونى يا جماعه. دا كلام جرايد. أنا مظلوم مابتزدوش عليا ليه ؟

**عبد البارى :** ماتفتح وانت ماشى تضبش ( يده تصطدم بطبق عرفه ) كل دى  
هبر لحمه ؟

**خيشه :** ايه ؟ فين. فين ؟

**عبد البارى :** فى طبق سى عرفه.

**مخلص :** اشمعنى هو ؟

**مسعود :** الأمر واضح الإدارة اشترته .

**عرفه :** انا ماقلكلهمش يدونى لحمه زياده . عايزين اللحمه خدوها .

**خيشه :** اتاريه اتخرس وماعدش بيتكلم .

**عرفه :** ولكرا عين تتكلموا بعد ما خنتونى قدام سيد بيه ؟

**مخلص :** مين اللى خان ؟ أنا الوحيد فيكم اللى رفعت ايدي .

**مسعود :** كداب، ماحدش رفع ايده غيرى... مع أن مافيش فابده .

**عبد البارى :** انتو كمان بتستعمونى ؟ خستم جميعا .

**عرفه :** استنر، ليه مايكونش سيد بيه كذب عليا ؟

**مخلص :** حتى سيد بيه ؟ مش ممكن .

- عبد الباري : ليه لأ ؟ الناس كلها كفرت .
- خيشه : بس دا عمل الجمعيه الانسانيه عشاننا .
- عرفه : مايمكن عملها عشان يقبضها الأول .
- مخلص : دى تبقى مصيبه . يعنى مافيش أى حد معنا ؟
- مسعود : قلت لكم م الأول مافيش ...
- عرفه : أسكت انت اللى يأستى وخلتنى انا كمان إياس . لكن لأ لسه فاضل  
لنا سنياه .
- خيشه : احنا مافضلناش حد غير الخواجايه . بركاتك ياست .
- عرفه : لواديتكم ، جمعيه المنتفعين هياخدوا كل حاجه لروحهم .
- مخلص : ولو ، برضه هينورتا من الحب جانب .
- عرفه : هيرمونا الفتافيت . هناكل زياتهم .
- خيشه : احنا راضين ، الطشاش ولا العمى .
- عرفه : بس احنا نستحق عيشه احسن من كده .
- عبد الباري : انتم لاتستحقون أى شىء .. هورينا عماكم من شويه ؟
- ماهو من ضلالكم وسواد قلوبكم قبل عنيتكم .
- عرفه : وأنت مش معنا برضه يا حاج ؟
- عبد الباري : لا . أنا مؤمن والمؤمن مصاب . وأنا رينا عمانى عشان بيتلبنى  
ويمتحنى بيكم .
- انصاف : (تظهر) عرفه .. بيقولوا سنياه جت ..
- (الجميع يسكتون بترقب ، تظهر سنياه من الباب السرى تقف  
وتتأملهم )
- عرفه : ( يبدو عليه الارتباك ويحاول أن يدارى وجهه )
- سنياه : يسعد مساكم ..

انصاف : سنیہ ..

سنیہ : ( تختہنہا ) انصاف ( ثم محاسن ) تبقی انتی محاسن .

محاسن : ( ہاکیہ ) مضبوط . ناس لها بخت اشمعی أنا ؟

سنیہ : ( ہامسہ ) امال فین ... ؟

انصاف : ( ہامسہ ) عرفہ ؟ غریبہ . ازای ماعرفتهوش .

سنیہ : ( ہامسہ ) ماتقولیش . معرفہ لوحدی .

( تغمض عینیہا وتتحرك نحوہم ثم تضع یدہا علی کتف عرفہ )

سنیہ : أنت عرفہ ..

عرفہ : ( بیکی فجأہ )

سنیہ : انت بتعبط ؟

مخلص : وأنا مخلص .. مخلص أمين .

عبد الباری : وانا ماشی . حمد لله علی سلامتك .

انصاف : یصح نسیبہم کلنا یمكن عایزین یقولوا حاجة ( یخرجون )

( لسنیہ ) طمینی طلع جمیل جمال مالوش مثال ؟

سنیہ : أكثر شویہ .

عرفہ : لیه العملیہ باظلت ؟ ( انصاف تخرج )

سنیہ : دكتور . فاکر وعدك لیا ؟

عرفہ : لسه نفشك جاییاکی تتجوزینی ؟

سنیہ : أكثرم الأول یاعرفہ .

عرفہ : ذنبك علی جديك . تعالی الأول نکلم نظیره فی الموضوع بتاعك .

سنیہ : موضوع ایہ ؟

عرفہ : الی وعدتی بیہ . انتی نسیتی ؟ بعد العملیہ تشتغلی هنا ...

سنیہ : آیوہ بس ..

عرفه : بس إيه ؟  
سنيه : أنا ماكنتش فتحت.  
عرفه : ودلوقتي ؟  
سنيه : أصلى ماعدكش فكره المكان هنا مقرف وكثيب قد إيه . أصلك مش شافف . وبعدين السبعارى بيه قابلى مقابله كويسه ووعد يشوف لى شغلانه بره .  
عرفه : وأنتى شوقتى السبعارى بيه أمتى ؟  
سنيه : من شويه أول ماوصلت .  
عرفه : سنيه .. أنتى دخلتى منين ؟  
سنيه : بتسأل ليه ؟  
عرفه : انتى جيتى من الباب اللى مودى ع الدور الفوقانى ؟  
سنيه : ( تهم بالكلام يظهر السبعارى من أعلى )  
عرفه : شوقتى إيه ؟ احكىلى هموت عشان أعرفه .  
سنيه : بعدين باعرفه نبقى نتكلم .  
عرفه : حد واقف معانا ؟  
سنيه : ( بعد لحظة تردد ) لاء . بس أنا وعدت السبعارى بيه ، مااتكلمش .  
عرفه : يبقوا عموكى .  
سنيه : عرفه ..  
عرفه : رجوعك نظرك وقطعوا لك لسانك . عملوا منك نظيره .  
سنيه : أفهمنى ، احنا مش عابزين مشاكل عشان جوازنا ..  
عرفه : ( مقاطعاً ) دا مش صوتك . مش كلامك . أنتى مش سنيه . أنتى واحده بتقلدى صوتها . الكلاب بيستغلونى أكملى أعمى .  
سنيه : لأ أنا سنيه ( تنظر للسبعارى ) أرجوك .

السبعارى : ( يختفى )

عرفه : السبعارى قاعد فى الدور الفوقانى . مش كده ؟ كنت متأكد أنه مسكون بس مش بالعفاريت . سكتي ليه ؟

سنبيه : أفولك ايه ؟

عرفه : فيه ايه فوق ؟ أرض رخام بتبرق وسجاجيد عجمي . وحيطان كلها بالمرآيات ، نجف فى السقف وتحف فى كل حته وعفش قصور . وتراس واسع مزروع بيخشه شمس ونور ؟

سنبيه : (بذهول) ... يانصيبتي انت طلعت فوق ؟

عرفه : يعنى اللى بقوله مطبوط ؟ أنا تخيلت الصورة دى كثير ، احنا فى السلامك . وهما فى جناح الأمير ، انما كدبت نفسى ومرضتش افتح بقى ..

سنبيه : اسمعى ..

عرفه : ما اسمعش ، أنا ساومت عقلى عشان أقبل شروة سيد بيه . لكن ضميرى مارحمتيش . حسيت أنى خلت زمايلى ، ماكنتش قادر اتحمل نظراتهم ليا . اللى كان بيواسينى أن واحده فينا يوم ماتفتح هتاخذ بأيدينا ، فتحتى عشان تحطى إيدك فى إيد السبعارى وتسبينا احنا نتخبط فى الضلمه .

سنبيه : دا أنا عايزه ارد جميعاك ، السبعارى ممكن يعملك عمليه انت كمان . عدسه تلسكوب تزرع فى القرنيه ، مابتتعملش فى حته غير فى أمريكا .. وهيسفروك على حساب المؤسسة ...

عرفه : (مقاطعا) أنا بحلك من وعدك ياسنيه .

سنبيه : لكن أنا لسه بحبك يا عرفه وعازيك .



**عرفه :** وأنا مش محتاجك . مقدرش أعيش معاكى وأشوف الدنيا بعينى . أنا  
أفضل أشوفها بعينى أنا .. احنا مش محتاجين عمليات . الشوف مش  
نظر ، الشوف الحقيقى ... وجهة نظر .

(إظلام)

### المشهد الحادى عشر

( يافطه معلقة كتب عليها نرحب بالسيدة العظيمة مسز بوكس )  
العمال ومعهم الفراش يضعون اصص زهور، ويرقعون الكراسى  
ويضعون بدلا منها مقعدا كبيرا ويفرشون بساطا أحمر)

عشماوى : ( يشرف عليهم ) شهل أنت وهو.

السبعماوى : ( يظهر ) استعد. مسز بوكس فى الدور الفوقانى وجايه حالا.

عشماوى : جاهز يافندم .

السبعماوى : طب انده لى عرفه.

الفراش : حاضر يافندم ( يخرج )

السبعماوى : وزعتوا عليهم الهدوم الجديده اللى جاتنا معونه ؟

نظيره : ولبسوها. اطمئن ، ولو أن المقاسات مش مطبوظه عليهم .

السبعماوى : ريتا يستر أنا مش خايف غير من لسانهم . لوكانوا يخرسوا مدة  
الربيع ساعة دى .

نظيره : كمان ؟؟

السبعماوى : استعدى . انتى اللى هترجمى كلام مسز بوكس .

عرفه : ( يدخل مرتديا ملابس واسعه ونظاره سوداء ) افندم .

السبعاعوى : الله .. شوف بقيت آخر شياكه ازاي .  
عرفه : أنا مش شايف نفسى .  
السبعاعوى : احنا مرابتك رينوصف لك اللى شايفينه .  
عرفه : بعيونكم انتو .  
السبعاعوى : (يريت عليه) عرفه . احنا نفدنا وعدنا وعملنا لسلبيه العمليه ،  
ودلوقنى بفكرك بوعدك .  
عرفه : أظمن . أنا لا أرى ، لا أسمع ، لا أتكلم .  
السبعاعوى : ربنا يكملك بعقلك ( يخرج )  
شريف : ( داخلا ) صباح الخير .  
عرفه : أهلا ، أهلا بالصحافة الحره ..  
شريف : ( لنظيره ) أنا مش ممثلول عن اللى اتلشرفى المجله . سيد بيه كلم  
رئيس التحرير وخلاه يغير كلامى .  
عرفه : وأنا مالى ؟ روح قول الكلام دا لنظيره .  
شريف : نظيره سمعانى . المهم تصدقتى .  
عرفه : هى هنا ؟ امال ليه مش حاسس بوجودك ؟  
نظيره : وأنت ازاي توافق يغيروا كلامك ؟  
شريف : أنا مجرد صحفى تحت التمرين . مقدش أتكلم .  
عرفه : هودا التمرين . ماتفتحوش بكم ؟ دى مؤسسه صحفيه ولا مؤسسه  
للخرس ؟  
نظيره : لو عندك مبدأ كنت اعترضت أن شالله يرفنوك .  
عرفه : وشوف مين اللى بتلصحك  
شريف : هما رفودونى فعلا ، ارتحتى ؟ بس اظمن يا استاذ عرفه ، الأوراق لسه  
فى جيبى .

عرفه : بلها واشرب ميتها، الورق مالوش قيعه مدام مافيش حد يبقرا.

شريف : أستاذ عرفه... أنت بقيت يانس كده ليه ؟

عرفه : أصلى شفت اللى محدش شافه . نظيره ، اتجوزى أحمد، أحمد مش بئال.

شريف : أحمد مين ؟ انتى تعرفى حد غيرى ؟ أنا أرتكب جناية.

( يدخل المكفوفون فى ثياب جديدة غير متناسقه ونظارات سوداء )

نظيره : بعدين اقمك، أنا دلوقتى عندى شغل ( تتحرك خارجه )

شريف : خدى هذا كلمينى ( يخرج خلفها )

مخلص : قولى .. هو عرفه لابس قميص لونه ايه ؟

عبد البارى : مرتديا قميصا أحمر والعياذ بالله.

مخلص : واشمعلى هو بقى.. وأنا يلبسونى كحلى؟

مسعود : اللى طلع مقاسك .

خيشه : تحب تبديل معايا ؟ أنا برضه لابس أحمر.

عرفه : الظاهر الإدارة خلطنا كلنا أحمر من بعض.

خيشه : المهم اننا اتكسينا وخلص . ربنا يخليكى لينا ياست بؤس.

السباعوى : ( يظهر ) سكوت .. كله فى مكانه .

سيد : ( يظهر ) اتفضلنى ياهانم.

مسز بوكس : ( تظهر ) «ثانك يو»

نظيره : ( تقدم لها الورد )

مسز بوكس : «ثانك يو أم هابى .. فرى هابى» ( وتكمل حديثها بالانجليزيه )

نظيره : مسز بوكس بتقول أنها سعيدة جدا باللى شافته هنا . لأنه مايقلش عن اللى موجود فى أرقى بلاد العالم.

عرفه : ياخبر اسود هى رخره طلعت عاميه ؟

مسز بوكس : ( تتحدث بالإنجليزية )  
تظيـره : ( تترجم ) ويقول أن الأمم المتحدة مساعده منها للإنسانيه المعذبه  
هتعمد للمؤسسة منحة فى حدود مية ألف دولار .

مسعود : بس ؟

خيشه : واحنا لاقيين اللضاء تعيش الست بؤس .

الجميع : تعيش الست بؤس .

مسز بوكس : «ثانك يو .. ثانك يو ،

سيد : ابدأ البرنامج ياسبعوى .

السبعوى : الأولاد هيسمعوها أغنية خاصه بالزياره دى .

تظيـره : ( هامسه ) احنا مااستعدناش بحاجه .

سيد : اتصرفوا .. هي مابتعرفش عربى ..مشى حالك . ( عرفه يهمس لهم  
بشئ )

الجميع : ياخارجه من باب الحمام وكل خد عليه خوخه .

سيد : ( منزعجا ) بس كفايه .

مسز بوكس : «ثانك يو ..

السبعوى : والآن ، الكلمه لواحد من أبناء المؤسسه ، دخلت هذا المكان كفيفه

وهى الآن مبصره . الأنسه سنيه أمام عبد المنجلى .

سنـيه : ( سنيه تدخل مرتديه نظارة طبيه وتقرأ من ورقه )

الضيفه العزيزه الغاليه ، السيد المحترم رئيس الجمعيه . الأب الحنون

بابا سبعوى .

عرفه : بابا سبعوى ؟ ياخسارتك ياسنيه .

سنـيه : أعترف أن هذه المؤسسه صاحبة الفضل عليا ، واننى شهدت فيها

اجمل أيام عمرى واننى ( ثم تتوقف عن القراءة )

محاسن : می سکت لیه ؟  
انصاف : الظاهر رجعت مانشوفش .  
سنیه : وانلی .. ( بصوت مختلق ) لاء مش قادره . أنا بكذب . أنا ماكنتش  
عايزه أقول كده . دی خطبه كنبوهالی عشان أقولها .  
السبعاری : ايه الكلام الفارغ دا ؟  
عرفه : سييها تتكلم . قولى ياسنيه .  
مسز بوكس : «ثانك يو.. ثانك يو»  
سيد : اطمئن ياسبعاری ، الخواجايه مش فاهمه .  
سنیه : إذا كان حد له فضل عليا .. يبقی زمایلی کلهم اللي ساعدونی روقفوا  
جنبی عشان أخذ أبسط حقوقی .  
عبد الباری : طمر فيها ، ونعم النساء والله .  
مسعود : مش معقول .  
مخلص : احنا نديكي علينا ياسنيه .  
عرفه : سييوها تكمل . قولى كل اللي شوفتيه .  
سنیه : باست هانم ، الدور الفوقانی اللي فرجوكی عليه . دا كله مش بتاعنا .  
دا بتاع جميعة المنتفعين بعمانا وجهلنا وقرنا .  
مسز بوكس : «ثانك يو.. ثانك يو»  
خيشه : تبقی الحاجة بتاعتنا وسايينا نشحت ؟  
عبد الباری : اه ياكفره .  
سيد : اسكتی ياسنيه .  
عرفه : كملی ياسنيه .  
سنیه : مش قادره . اتكلم انت .  
عرفه : ايتها المدام المحترمه بتاعة الأمم المتحدة . احنا مش محتاجين

مساعدته ولا شفقه ولا عايزين تدروا عكاز نمشی بیه، یکنی تدلونا ع الطريق وتسیبونا نختار بمزاجنا المكان اللى نحب تكون فيه .  
 لیست المشكله ایتهما الست المبجله ، أن عیوننا مغلقه ، المشكله فیکم انتم أصحاب العیون المفتوحه علی وسعها، ومع کده لاتری إلا نفسها . انتو عايزنا نفضل نتخبط فی الصلحه . عشان تفضلوا آسیادنا وتتحکموا فینا . المشكله انکم یامفتحین ، فاقدین البصیره ، وعشان کده مافیش قدامنا غیر أن اعتمادنا یكون علی نفسنا .

مسز بوکس : ورات . ورات هی سائی ؟

نظیره : (تھم بالترجمه )

السبعاءى : لأ ماترجمیش . اخذنى الفقره دى .

نظیره : ماتدخلش فی شغلى یا استاذ سبعاوى .

سید : بلاش فضایح قدام الأجانب، ماترجمیش حاجه .

مسز بوکس : دى موش أوزه ترجمه .

الجميع : ایه ؟

مسز بوکس : ایوه ، أنا آأرف شویه أریى ، وفخمتوا ، انا موش خماره .

سید : حضرتك فهمتى غلط .

مسز بوکس : لأ . انتو أندکم بزرمیط کثیر کثیر .

الجميع : بیس ،

سید : سبینی افهمك ، الجمعیه دى عملتها علشانهم ، أدینتها وقى وجهدى وعرقى وكل حاجه فیها بتاعتهم .

عرفه : کده ؟ مستلین ایه . مدام بتاعتنا ، اطلعوا الدور الثانى أقعدوا فيه . كله بتاعکم .

(الجميع یندفعون نحو الباب الموصل للدور الثانى)

- عبد البارى : ظهر الحق . والله أكبر .
- نظيره : وأنا معاكم .
- مسعود : يعنى فيه فايده ؟ مش ممكن .
- سيد : أفهمينى يامدام .
- مسز بوكس : «نو.. نو» انتو موش يستهق ولا «سنت» ( تخرج )
- سيد : خريت بيتى ياسبعارى . انت مرفود . ( يخرج )
- السبعارى : يعنى انت مخد فيها ؟ ( يخرج )
- شريف : ( يدخل ) الأوراق كلها ابيه يا عرفه .
- عرفه : اتجوز نظيره يا أحمد .
- شريف : ( باكتشاف ) هو أنا أحمد ؟ ( يخرج مناديا على نظيره )
- سنيه : عرفه .. انت طالع وسايينى ؟
- عرفه : سلامة الشرف مالتى عارفه السكه .
- سنيه : عايزه أشوقها بعينيك انت .
- عرفه : ( يمد لها يده فتعلق بها ويسحبها صاعدا إلى أعلى ) .

ستار النهاية



# بالعربي الفصيح..

١٩٩١-١٩٧٠



## عش الزنابير

يرى البعض اننى تهورت وانتقدت العرب، وبذلك جلبت على نفسى غضب العرب من كل الجنسيات... شعوباً أو حكومات!  
ويرى البعض الآخر أن الغضب سينصب على من المصريين، بدعوى اننى تحاملت على شخصية المصرى بأن ساويته ببقية العرب!  
وقال غيرهم اننى لن اسلم ايضاً من ضيق الحكومة والسلطات المصرية وهذا هو الاخطر.

وفى حين خشى البعض من اتهام المسرحية بانها سقطت فى هوة الدعائية، لمصالح القضية الفلسطينية فى وقت انتهت فيه القضية، يؤكد البعض الاخر اننى على العكس وضعت نفسى موضع الاتهام والشك لاننى انحزت فيها للجانب الاوربى الغربى ضد الشرق العربى الذى انتمى اليه .  
وابتسم بعضهم (لا اعرف باشفاق ام بتشقى) وقالوا اننى دخلت عش الزنابير لأن المسرحية ستغضب الجميع بلا استثناء! لكنى لا انكر ايضاً أنني وجدت من يهدأنى لأننى - على حد قوله استطعت بمهارة أن اكتب مسرحية متوازنة ترضى كل الاطراف (باستثناء جملة هنا أو اشارة هناك ونصحونى بحذفها) .

أما الحقيقة فإن مشكلتي أثناء الشهور الطويلة التي تعذبت خلالها بكتابة هذه المسرحية لم تكن هي الحرص على تجنب اغصاب أحد، وإنما كانت المشكلة مع نفسي! وفي ظني أن المشكلة الأساسية أمام الكاتب هي أن تدله نفسه على حقيقة ما يود أن يقوله بالفعل، من اعماقه وليس من طرف لسانه، فكل مناله آراء واتجاهات ومبادئ معينة، لكن عندما يجلس المرء للكتابة - ويفرض أنه كان أميناً مع نفسه - فسوف يكتشف أن الآراء والاتجاهات والمبادئ التي يعتنقها قد تصلح لكتابة المقالات أو الأدلاء. بالاحاديث الإذاعية أو التليفزيونية أو الثرثرة على المقاهي، ولكنها لا تكفي أبداً لكتابة مسرحية. فالقلم يتوقف عند كل تفصيلة مهما صغرت، جملة حوار، تسمية شخصية أو مكان وصف حركة تصور للملظر، قطعة اكسسوار، زى معين، لحظة صمت، طريقة دخول شخصية أو خروجها... الخ، ويسأل نفسه كل مرة عشرات الاسئلة التي تبدأ بهل لهذا أو ذاك معنى ما؟ وما هو على وجه الدقة؟

ولا تتم الإجابة على هذه الاسئلة في حينها بالضرورة، فقد يستغرق الوصول للإجابة أياماً أو شهوراً. وهناك من الاسئلة ما لا يجد الكاتب إجابتها إلا بعد الانتهاء من كتابة المسرحية كلها بل وأحياناً بعد عرضها بالفعل! عندئذ يكون الكاتب قد اكتشف بعض ما يريد... ان يقوله! ويؤجل اكتشاف الباقي لعمل آخر!.

وقد عاب البعض على المسرحية أنها متشائمة وبها قسوة تصل إلى حد جلد الذات... وأتمنى ان أكون مخطئاً وأن يكون الواقع العربي أفضل من صورته الملعكسة في هذه المسرحية...

وأخيراً

قال أحد الكتاب «الاجانب» يوماً: أن الكتابة وسيلة خرافية لاحتواء الرعب وأنا ارجو القارئ أو المتفرج أن يشفق على رعبى!

---

## الفصل الأول

---



## دخول

تطفأ بعض انوار الصالة، تبدأ جملة موسيقية  
إذا كان هناك شاشة عرض خلفه فسرى عليها عنوان «بالعربي  
الفصيح» على جانب المسرح نرى مخرج تليفزيونى امام وحدة تحكم  
ومعه مصور. بينما يظهر مذيع ومذيعه فى بقعتى أضواءه متقاربتين .

المذيعه : سيداتى انساتى سادتى...

المذيع : اهلا بكم فى برنامجكم الصريح..

المذيعه : بالعربي الفصيح...!

المذيع : يعده ويقدمه لكم ..

المذيعه : صادقه صالح...

المذيع : و... امين فالح ..

المذيعه : ننقله اليكم بالقمر الصناعى العربى عريسات..

المذيع : عبر القناة الفضائية..

المذيعه : الى جميع الدول العربية..

(جملة موسيقى سريعة كأنها اللحن المميز للبرنامج)

- المذيعه : عزيزى المشاهد....
- المذيع : عفوا...كلمه لابد منها.
- المذيعه : البرنامج الذى نقدمه الليله..
- المذيع : له قصه .
- المذيعه : فقد توخينا فيه الصدق والحق والدقه..
- المذيع : لكن وبعد ان مضينا فى تصويره فتره...
- المذيعه : اكتشفنا ان الصوره المسجله .لا تعرض الحقيقه كامله.
- المذيع : لذا فقد قررنا.. ان نعرض لكم ولاول مره ..
- المذيعه : ما يحدث ايضا خلف الكاميرا !
- المذيع : بما فيه نحن ومخرج هذه اللقطات ومصورها.
- المذيعه : العرض ليس للكبار فقط..
- المذيع : ولاخطر منه على اصحاب القلوب الضعيفه.
- المذيعه : لكننا ننصحك قبل مشاهدته..
- المذيع : ان تسأل نفسك اولاً.. هل حقاً تريد ان نقدم لك الحقيقه كلها ؟
- المذيعه : ام تكفى.....بريعها؟!
- المذيع : هل تريدها لوجه الله خالصه ؟
- المذيعه : ام تفضل ان تراها مزوقه ..؟
- المذيع : هل تود الحق ولاشئ غيره ؟
- المذيعه : ام تفضل.....اين عمه !؟
- المذيع : هل نستأذنكم ان نقولها فى وجوهكم ؟ دون ان نخضبكم ؟
- المذيعه : ايا ما كنتم...
- المذيع : او كانت اوطانكم او معتقداتكم ؟
- المذيعه : بالطبع سيجيب كلكم بنعم نعم !



المذيعه : فليكن.. لكن تذكروا جيدا انه ....

الاثنان : نبيكم على جنبكم !!

(اظلام)

(نسمع صوت عبر السماعات)

الصوت : سكوت يا جماعة... «ستاندى باى. ثرى ثرون، أكشن»

(ثم يظهر المنظر فى اضاءه تدريجية)

المنظر : حديقة هايد بارك بمدينة لندن .

(بمجرد الاضاءه سيتقدم مجموعه من الطلبة الغرب نحو الجمهور) .

الجميع : نحن الطلبة العرب المقيمين فى لندن...

احدهم : لاء لاء غلط.. المقيمون.

الجميع : (وهم يتقدمون للجمهور اكثر)

نحن الطلبة العرب...

المقيمون فى لندن .

نبعث الى اهائنا الكرام..

فى كل مكان...

من انحاء الوطن الاكبر.

مصطفى وحكمت: فى مصر المحروسه المحميه...

ادهم : فى وادى الاردن .

صخر : وقلب العروبه النابض... سوريه .

لقسمان : وفى باريس الشرق.... لبنان .

سؤدد : والسودان كمان .

عنتر : والعراق حارس البوابه الشرقيه.

ليث: وبلد الصمود الجماهيريه العربيه الليبيه الشعبيه الاشتراكيه العظمى .

تمام : وتونس الخضراء....

مغوار : والمغرب البضاء...

حزاعه ورابعه : وبلاد الخليج الفتيه .

سيف : والارض الطاهره الحجازيه .

جساسم : والجزائر... بلد المليون شهيد...

يزيد : واليمن السعيد...

فايز : وفلسطين... فلسطين.. الانتفاضه العربيه .

(موسيقى نشيد وطنى حبيبى بينما المجموعه تقوم بعمل تشكيلات)

الجميع : اهلينا الكرام...

بعد السلام والتحيه .

اطمننوا جميعنا علينا .

كل شىء على مايرام .

ولا ينقصنا الا رؤياكم .

مصطفى : كلنا هنا اخوة اشقاء..

صخر : مجتمعون فى السراء ..

عنتر : متحدون فى الضراء ..

لقمان : نقاوم انحلال الغرب بعزم واياه .

ادهم : نتعاطى العلم... كأنه دواء!

الجميع : كى نرجع ونسقيه لبلادنا

فنعيد لها امجادها

ونفوق الذين تعلمنا منهم

نهزمهم بسلاحهم

والبادئ اظلم

راجعون بالعلم والتكنولوجيا

راجعون بالخبره

راجعون...راجعون

رابعه : والله اعلم !

(اضاءه جانبيه لنرى المخرج والمصور و يتابعان مايجرى على المسرح)

المخرج : حلو.. ثبت الصورة .

المصور : حاضر.

(الحركه تثبت لحظه كما يحدث فى شرائط الفيديو)

المخرج : ابقى فكرنى نركب ع المشهد شويه تسقيف....شغل.

المصور : (يشغل بعض ازرار الوحده) حاضر.

(تعود الحركه للمجموعه)

الجميع : وهذه صورتنا.. نبيثا اليكم مع ارق تحيه.

(يكونون تشكيلا متماسكا يدل على الاتحاد والقوه)

الجميع : تحيا الروده العربيه.

(يظهر المذيع والمذيعه فى الصوره وكل منهما يمسك بميكروفون)

المذيع : ايها الاخوة المواطنين .

المذيعه : هاهى صوره رائعه تؤكد ان الروده العربيه حقيقه خالده .

المذيع : صوره لا تكذب..بلا غش ..بلا خداع بلا تزويق.

المذيعه : صوره تنطق بأن النهضه العربيه الكبرى توشك ان تتحقق.

المذيع : بل تنطق بأن النهضه قد بدأت وتحققت بالفعل !

(يظهرعسكرى بوليس انجليزى ويتوقف لحظه خلفهم)

المذيع : صوره نضعها امام الغرب المتغطرس الذى يرفض ان يصدق.

- المذيعه :** الغرب الذى يرسم للعرب صورة خادعه ومشوهه ..
- المذيع :** انظروا الى صورتنا وتمعنوا فيها جيدا .
- المخرج :** (بعصبيه مفاجئه) ستوب ...وقف الشريط .
- المصور :** (ببرود) حاضر... ماتزعش نفسك .
- (ويضغط زرا تتوقف الحركة على المسرح) فيه ايه؟؟
- المخرج :** فيه مصيبه.. رجع اخر كادرين وانت تعرف .
- المصور :** (بنفس البرود) حاضر... بس ماتزعش نفسك !
- (ويضغط زرا فتعود حركة الممثلين للوراء خطوه)
- المخرج :** بص كويس ... شفت الكارثة فين ؟
- المصور :** لاء.....فين؟
- المخرج :** (بغضب) حضرتك مطلع العسكرى الانجليزى معاهم فى الصوره ؟
- المصور :** هو اللى ظهر فجأه وأنا بصور ومع ذلك ماتزعش نفسك نشيله بالمونتاج .
- المخرج :** ماينفعش .. لان هيتشال معاه اهم جزء فى صورة العرب .
- المصور :** خلاص ...يبقى خليه .
- المخرج :** ماينفعش .. لأن البرنامج عن صراع الامه العربيه مع الحضاره العربيه ووجود العسكرى بالشكل دا رمز زى الزفت !
- المصور :** (بضيق) وأنا اعملك ايه . مالحننا فى انجلترا .. مش عايز العسكرى الانجليزى يطلع ازاي ؟
- المخرج :** يطلع .. بس مش فوق دماغ اربعتاشر شاب من اربعتاشر بلد عربى .
- انت عايز النقاد والصحفيين يبهدلونى ويقولوا عليا عميل للغرب ولا مخرج حمار؟
- المصور :** محدش يستجرا يقول عليك عميل... !

المخرج : ايه؟؟

المصور : ماتزعلش نفسك .. اجمع لى الشبان العرب وانا اصورهملك تانى.

المخرج : (وهو يلطم خديه) تانى؟ اجمعهم تانى؟؟ دا انا قعدت شهرين اجمع فيهم !

## اظلام

(المصور على الكاميرا والمخرج أمام وحده التحكم)

المذيعه : عزيزى المشاهد...

المذيعه : لا تفعل...

المذيع : لا تغضب...

المذيعه : لا تشمتز...

المذيع : فنحن مضطرون ان نعرض عليك صورتنا فى اعين الغرب المنحاز ضدنا.

المذيعه : فبينما كنا فى الاستوديو بلندن .. نعد هذه الحلقة التى تصور سفالة وانهلال الغرب...

المذيع : فوجدنا بأنهم يصورون فى الاستديو المجاور لنا فيلما عن جهالة وانهطاط العرب!

المذيعه : اليكم جزءا من هذا الفيلم ..

المذيع : نعرضه عملا بحرية الرأى التى لانخاف منها..

(على المسرح نرى الان بداية الفيلم)

المنظر : (بانوه مرسوم يصور شارعا فى لندن وتظهر ساعة برج بن الشهيرة .

يظهر شخص عربى فى عباءه واسعه وله كرش ضخم على وجهه

قناع بأنف كبير وشارب اكبر وخلفه اربعة نساء يمشين وارادفنهن

السمينه تهتز خلفهن! من ناحية أخرى يدخل عربى اخر بنفس  
الشكل ويلتقيان فى المنتصف).

(موسيقى شرقيه قديمه فى الخفيه)

المخرج : (وهو يخلع السماعات بعصبية) ستوب..وقف الفيلم.

(فى الحال تتوقف الحركة على المسرح)

المخرج : لاء... قلبى مش طاوعنى اعرض على الناس فيلم قذرى ده ..

المذيعه : احنا اتفقنا نعرض منه دقيقتين بس.

المخرج : ولو... دا بيسخر من العرب ومصورهم كأنهم متوحشين وجهله  
مايفهموش.

المذيع : سيب الناس تشوفه عشان يعرفوا ان الغرب بيزيف حقيقتهم.

المخرج : بالعكس الناس هيتأثروا بالفيلم لأن أغلبهم جهله مايفهموش !

المذيعه : طب والحل ايه يأسأذ عكاشه ؟

المخرج : اعرض الفيلم بس بشرط.. يبقى معاه تعليق ينبه الناس ويوعيههم.

المذيع : اوكى.. احنا جاهزين .

المخرج : (للمصور)... انزل بالفيلم.

(بينما تستأنف الحركة على المسرح)

المذيعه : انتبهوا الى خداع هذا الفيلم القذر!

المذيع : اياكم ان تصدقوه او تتأثروا به..!

المذيعه : انقلعوا واغضبوا عليه!

المذيع : اشمئزوا وتقرزوا منه!

المذيعه : ويستحسن الا يشاهده اطفالكم ..!

المذيع : والأضمن الا تنفجروا انتم عليه !

المخرج : حلو. انا كده فى السليم .. افتح الصوت!

(نسمع حوارهما ويصاحبه ترجمه فى الخلفيه بصوت منخفض نوعاً)

(كما نسمع احياناً صوت ضحكك مركب على المشهد)

الاول : اخى فى العروبه...!

الثانى : اخى فى العروبه...!

(ويتعانقان)

الاول : اهلا وسهلا فيك مرحبتين.

الثانى : اهلا وسهلا فيك مرحبتين.

(يقبلان بعضهما فى الخد)

الاول : مشتاقين والله.

الثانى : مشتاقين والله.

(يقبلان بعضهما فى الاكتاف)

الاول :. كيفك؟

الثانى : كيفك انت؟

(يتصافحان بقوة)

الاول : الحمد لله

الثانى : الحمد لله

الاول : ايش بتسوى هون بلندن؟

الثانى : ايش بتسوى انت؟

الثانى : والله لجيت ساعتى فامضبوطه جلت اجى اشترى ساعة بج بن!

الاول : وانا لجيت روحى زهجان جلت اجى اشترى برج لندن!

الاول : الله معك.

الثانى : الله معك.

الاول : (لنفسه) هيسبجنى ويشترى البرج لنفسه.

الثانى : (لنفسه) هيسبجنى ويشترى الساعة لحاله .

الاول : حياك الله .

الثانى : حياك الله . (يقبلان بعضهما)

الاول : السلام عليكم ..

الثانى : وعليكم السلام ..

(يستل كل منهما خنجرًا طويلًا من تحت العباءة ويطعن به الآخر في ظهره)

الاثنان : اه .. معلش .. عفى الله عما سلف!

(يسقطان معاً. النساء يطمئن ويصرخن)

يمر عسكرى البوليس ويتحسس دماء كل منهما

العسكرى : (بدهشه) this is not blood .

صوت : (هو صوت الترجمة) هذا ليس بدم . هذا بترول!

النساء : (يزغردن فى الحال) اللهم لا اعتراض...!

(اظلام)

المذيع : انتبهوا ايها العرب .

المذيعه : نشرت صحيفة الجارديان البريطانية اليوم خبرا يهم كل عربى ..

المذيع : ألا وهو... نبأ افتتاح كباريه فى أوروبا واسمه قصر المذاذات!

المذيعه : عفوا... النبأ الذى يهمنا ليس هو افتتاح ذلك الماخور بالطبع .

المذيع : انما المقال الذى نشرته الصحيفة وقالت ان الكباريه سيكون بمثابة

مستعمرة جديده للعرب وطالبت بحرماننا جميعا من الدخول!

المذيعه : عفوا.. المقصود بالطبع منعنا جميعا من دخول البلاد!

المذيع : ومع المقال وفى صدر صفحتها الثالثه نشرت صورته كبيره لشخص عربى ..



**المذيعه :** وهو يركع تحت قدمى احدى الغانيات فى حالة سكر بين .  
**المذيع :** حول هذا الموضوع اليكم التقرير التالى . اعده ويقدمه لكم ..  
**المذيعه :** صادقه صالح ...  
**المذيع :** و.... امين فالح .

(الموسيقى المميزه للبرنامج وتغير الاضاءه)

(كل من المذيع والمذيعه يقف فى ركن)

**المخرج :** ستاند باى . ثرى .. تو .. ون .. اكشن !

(يدخل بعض الطلبة ثم يخرجون بمجرد تسجيل فقره كل منهم )

**المذيع :** الاخ مغوار بن جبار .. عايز رأيك بكل امانه . هل يوجد فى الامه العربيه كلها ، عربى واحد يرتكب هذه الحماقه ؟

**مغوار :** بالطبع .. لا . العربى يقظ ومستحيل يكون وافق ان يثلق له صوره مثل هذه والاغلب انها اتلقطت له بطريق الغدر فى لحظه ماكان فى وعيه ! كان مخمور طينه ياخوى !

**المذيعه :** الاخ عنتر ابو خنجر .. مش برضه رأيك هو ..

**عنتر :** (مقاطعا) لا . الاعتراف بالحق فضيله والصوره المنشوره حجيبيه وهى لشخص نعرفه جيداً ومن بلد شجيح عزيز علينا جميعا وهذا البلد هو ..

**المخرج :** ستوب .... بلاش تقول اسم البلد .

**عنتر :** اذا بتريدوا الصراحه يبجى اتركونا نتكلم ... ماكو داعى للحساسه .

**المذيعه :** احنا بتعمل برنامج يقرب بين العرب ولا يوقع بينهم ؟

**المخرج :** خلاص ... سيبه يتكلم براحتة يااستاذة صادقه ..

(يهمس فى سماعة الهاتفون) لطفى سامعنى ؟

**المصور :** ايوه ..

**المخرج :** صوره ولما ييجى يقول الاسم هقفل مفتاح الصوت!

**المذيعه :** اتفضل يا اخ عنتر ..

**عنتر :** هذا البلد بالتحديد هو (ويحرك شفثيه لكننا لانسمع صوته)

**المذيع :** الاخ ابن خزاعه مارأيك فى كلام الاخ عنتر؟

**خزاعه** مايهم من اى بلد.. كلنا فى الهم شرق...انماالى بيريد يفضح اهله وناسه، رينا ان شاء الله بيفضحه وبيفضح عيلته كلها...

**المخرج :** اقطع.

**المذيعه :** الاخت رابعه، اسمحيلي اسألك.. اذا اتقدم لك شاب زى اللى

منشوره صورته فى الجرنال توافقى تتجوزيه حتى لو كان هو اخر  
راجل ممكن يتقدملك ؟

**رابعه :** ابدا وامثال هولاء الشباب اللى ابتلت بيهم امتنا واللى بيترمون تحت  
اجدام الحريم الاجانب ويتركون حريم بلادهم لما اكثريتهم عنسوا  
هم فى الحجيجه جله جليله جدا !

**المخرج :** اقطع.

**المذيع :** الاخ ادهم بن الاشرم، هل توافق على الذهاب إلى مكان مشبوه زى  
قصر الملذات؟ بالطبع لاء... اشكرك على هذه الاجابه الصريحة!

**ادهم :** العفو. (ويخرج)

**المخرج :** ستوب اندهله بسرعه.

**المذيع :** يأخ ادهم (ثم للمخرج) فيه ايه؟

**المخرج :** الراجل لسه ما جاوئش ..

**المذيع :** والله؟ سورى مااختش بالى.

**المخرج :** اسفين يا اخ ادهم.. اول مانصور..سعادتك تجاوب وتقول بالطبع

لاء!

ادهم : بالطبع لاء.

المخرج : (شاخطا) لسه يا بنى ادم.. استنى لما اقول بنصور... بنصور.

ادهم : بالطبع لاء.

المذيعه : الاخوان لقمان وسمعان اولاد سليمان... هل تنصحان اخوانكم

الاشقاء يروحوا مكان قذر مويوء مثل قصر الملذات ويصرفوا فيه

قلوسهم الى محتجاها بلادهم؟

الاثنان : يادلى....بالطبع لاه.

لقمان : لان قصر الملذات هادا موكباريه عادى.

سمعان : هادا سوير ماركت كباريه!

لقمان : بداخله اربعين غرفه...ايشى للرقص..

سمعان : وايشى للهجص..

لقمان : وهيدى للخمر وهيدى للهيروين...

سمعان : وهيدى للنسوان وهيدى للغلمان....

لقمان : هذا غير عشر صالات للقمار.. وعروض الافلام الاباحيه..

والعروض الحيه كالاستريتيش وباختصار بيضم كافة شىء من

وسائل اللهو والترفيه والمتعه والتسلية والبهجه والفرشه والنعشه

اللى ترضى كل الاذواق (مستدركا) بس طبعاً تغضب الله! ومن

شان هيك احذر كل الاخوه الاشقاء من ارتياد هذه الاماكن...

الاثنان : خاصة ان الدخول فيها بالمجان بدون اى تذكره اورسم!

المخرج : يانهار اسود..ذا اعلان!

المصور : (يترك الكاميرا ويجرى خلف لقمان).

ياأخ.. ياأخ انت متأكد ان الدخول مجاناً!؟

لقمان : ايه طبعاً خيى (ويخرج)

- المصور :** اخص عليكم . يبقى الدخول بلوشى وتخبوا عليا المده دى كليها ؟
- المخرج :** طب ماتزعلش نفسك .
- المصور :** لاء ازعل وعليانعمه مانا مصور ..هه !
- المخرج :** اما انت عيل صحيح ..هو استخسار ويس ...؟؟
- المصور :** اقطع دراعى ان ماكننوا روحنوا من ورا ضهرى !
- المذيع :** واحنا مغقلين ؟ صحيح الدخول مجاني لكن جوه الاغراء ينسبك اهلك ويخليك تدفع دم قلبك .
- المصور :** آل على رأى المثل اللى مايشتري يتفرج . امال يعنى ارجع بلدنا يقولولى شفت ايه فى لندن , اقول ماشفتش؟؟
- المذيعه :** (ساخره وهى تصوره خلسه) برافو بالطفى هو ذا الرأى الشجاع !
- المذيع :** الاخ لطفى ابن فهمى ..انت ايه رأيك فى واقع الامه العربيه .؟
- المصور :** واقع الامه العربيه مطين بطين!
- المذيع :** (وهو يقرب منه الميكروفون ) الا ترى معى ان الوحده العربيه ممكن ...
- المصور :** (متفعلا) وحده مين يابا . بلا وحده عربيه بلا وحده علاجيه . انت بتصدق كلام الجرايد والتليفزيون ؟ ماتخلونى ساكت ..
- المصور :** (ينظر للشاشه) انتو كلنوا بتسجلولى؟
- المذيع :** ايه رأيك يااستاذ عكاشه لو نذيع الفقره دى فى البرنامج؟
- المخرج :** انتوا اتجننتوا ؟
- المذيع :** فيها ايه ياخى؟ ..مره نعرض رأى مخالف .
- المذيعه :** تصور الناس لما تسمع واحد بيقول الكلام اللى قاله لطفى
- المصور :** بس الكلام ده مايتقالش .
- المذيعه :** اذا كنا محددين من ايه اللى يتقال وايه اللى مايتقالش يبقى بنسأل الناس ليه ؟
- اذا كنا هنذيع شويه وهنخبى شويه يبقى عايزين الناس تتفرج علينا ليه ؟

المخرج : يأنهار اسود. عايزين تخربوا بيوتنا؟ حد فى الزمان دا يقول الحقيقه للناس فى وشهم ؟

المذيع : طب وحياة راس امى اللى عمرى ماحلفت بيها كذب انى ماهشترك فى اعداد البرنامج ده ولا تقديمه الا اذا كنت مقتنع بكل كلمه فيه .

المذيعه : وانا معاك يا امين و يغضب اللى يغضب ويشتم اللى عايز يشتم .

المخرج : طبعاً مانتوا لسه مخطوبين وع البر. لكن انا عندى عيال. حرام عليكم .

المذيع : ماتحاولش (ثم يلتفت للكاميرا بابتسامه) عزيزى المشاهد..

المذيعه : برنامجكم بالعربى الفصيح..

المذيع : يتقدم لكم بأعتذار صريح

المذيعه : عن كل ما قدمناه حتى الان

المذيع : ونعاهدكم منذ اللحظة ...

المذيعه : ان نتوخى..الصدق والحق والدقه! وبما ان الحقيقه مسأله نسبیه .

المذيع : فليكن برنامجنا مجرد وجهه نظر مصريه.

المذيعه : عفوا.. ليست وجهه نظر واحده.. بل اربع وجهات نظر مصريه ..

المذيع : فى عموم المسأله العربيه..وصراعنا مع الحضاره الغربيه .

انظلام

## المشهد الأول

**المنظر :** بهو الاستقبال فى بنسيون صغير ببلدن

نرى باب البنسيون ونضد الاستقبال وبه فتحة تؤدى للاداره .  
ممر جانبى يؤدى الى غرف الطابق الارضى ونلمح بعض ابوابها .  
فى الجانب الاخر سلم واصل للطابق العلوى له درابزين وتظهر منه  
ابواب . اثاث بسيط عبارة عن اريكة وعدة بوفات وطاوله صغيره ..  
باب كتب عليه (bar) بعض المصقات السياحيه على الحوائط .  
**الوقت :** مساء ليلة خريفيه .

(عدد من الطلبة جالسون على المقاعد او على شلت . البعض يدخن  
النارجيله . واحد يعزف على العود . وفتاه تغنى ويردون خلفها)  
(يجرى كل ذلك بصوت منخفض وكأن المخرج يتحكم فى مفتاح  
الصوت)

(بينما نسمع تعليق المذيعان)

**المذيع :** هل صحيح ان العرب لا يجمع شملهم الا الاحزان ؟  
**المذيعه :** انتهزنا فرصة عيد الفطر المبارك للضع اجابه على هذا السؤال .

**المذيع :** وذهبت كاميرا البرنامج الى احد البنسونات التى يقيم بها لطلبة العرب

**المذيعه :** كان الزملاء قد اقاموا بهذه المناسبه عيد الفطر ليله عربيه .

**المذيع :** وفى غفله من العيون ... سجلت الكاميرا الخفيه هذه اللقطات .

**المذيعه :** لكننا لم تكن نعرف اننا امام قصه مثيره .

(جورج يظهر من خلف النضد ليضع لهم بعض الطلبات)

**المذيع :** كل سنه وانتوا طيب . يلزمثوا اى هدمه تانى ؟؟

**خزاعه :** thank you جورج .

(البعض يتوالى حضورهم)

**صخر :** كل عام وانتم طيبين .

**يزيد :** وانت بالصحه والسلامه .

**خزاعه :** عساكم من عواده .

**مفوار :** كل سنه وانتم بخير ياخوان .

**سيف :** الله بالخير . .حياك الله

**چورج :** (ينظر لعناقهم بدشه)

**صخر :** ماتندش ياخواجه جورج . احنا يارواد العرب نحب بعض لأننا اخره اشقاء .

**عنتر :** ايه يا صخر ... بتجدم له مذكره تفسيريه ؟

**صخر :** لا ، بس الاجانب مايعرفوا مشاعرنا القياضه ويظنوا السوء بالرجال

ياللى يتعانقوا ويوسوا بعض !

**يزيد :** متخلفين والله ياأخى .

**جاسر :** السلام عليكم ياخوان (ولادهم) لأن ماخلصت تعليق الزينات ؟

**ادهم :** الاخ خزاعه كان مسئول يشتريهم وأتأخر .

**خزاعه :** لو نزلت السوج بالعجال والدشداشه يرفعوا الاثمان على ، ارسلت

لقمان بدالى . شاطر فى المساومه وشكله كأنه من الفرنجه الكفار !

**لقمان :** نحنا من بيوتات كلاتها تجار. رحت لابعد سوق واشتريت بأرخص الاسعار.

**خزاعه :** زين .. يعنى فضل معاك باجى من المصارى؟

**لقمان :** طبعا خيى... طبعا.

**خزاعه :** وين هو امال؟

**لقمان :** تكرم عيى .. راح فى الموصلات!

**جاسم :** لكن هاذى زينات افرنكيه غريبه، مو عربيه شرقيه.

**لقمان :** شو بتحكى يازلمه؟ نحنا هون بلندن. من وين التقى زينات عربيه بحياة اختك؟

(تدخل حكمت ورابعه)

**حكمت :** ايه .. مالكم ياشباب؟ انتو كل شويه تتخانقوا زى الديوك؟

**خزاعه :** جيتوا فى وجتكم .. ياللا جهزوا المكان . خدموا علينا.

**رابعه :** شنهو؟ هو انتو يارجاله مابتظرو وجوهنا الا وتشغلونا؟

**خزاعه :** (متراجعا) انا مالجصدك انتى ياأختى !

(يظهر مصطفى بالبيجاما وفى يده مبخره)

**مصطفى :** بسم الله ماشاء الله .. الله اكبر. متجمعين عند النبى بأذن واحد

احد.. وحصوه فى عين الى مايصلى ع النبى .! (ويخرج لحظه)

**مفوار :** نقطة نظام قبل مانبدأ ليلتنا أذكركم بالخوان بأتفاقنا الدائم ... لا

نقاش فى الدين .. لانقاش فى العرق ... لانقاش فى السياسه معنا

لأى حساسه.

**حكمت :** واحنا طالبين زياده فى بند الممنوعات.

**سيف :** ايش يكون ياست حكمت ؟

**حكمت :** (لرابعه) قولى انتى ..



- رابحه** : لا يا اختى جولى انتى!
- جاسر** : مفهوم.. لانقاش فى امور السكس نظرا لوجود الحريم!
- البعض** : (وهم يضحكون ) موافقون والامر لله !
- سيف** : الحمد لله.. طالما ما ينتعرض لها المواضيع الحساسه ييجى ما يخالف , وايدا ما يختلف فى اى شىء .
- تمام** : (الذى لصق اذنه بالراديو يصيح) الله اكبر ..احمدك يارب (ويرقص فرحا) انتصرنا انتصرنا..
- مصطفى** : الف الف مبروك يا تمام..انتصرتوا فى ايه؟
- تمام** : حققنا الهدف المنشود. وصلنا للعالميه. دخلنا..
- عنتسر** : اسرائيل ؟
- تمام** : كأس العالم !
- مصطفى** : ولوانى مافهمش فى الكوره لكن الف مبروك(يعانقه) وغلبتوا مين؟
- تمام** : غلبناكم انتم.. الجون فيكم وفى بلدكم!
- مصطفى** : اتنبيل بقى . هو انتوا بتعرفوا تلعبوها. دا احنا اللى معلمينهاكم!
- (تثبت الحركة دون صوت بينما نسمع المذيعان)
- المذيعه** : كان بعضهم قد دعى بهذه المناسبه احد اساتذتهم بالجامعه..
- المذيع** : وهو البروفسير ريتشارد ويزدم المستشرق الذى يجيد اللغة العربيه .
- (يدخل ريتشارد دون ان يلاحظوا لاستمرارهم فى الشجار)
- سؤدد** : وايه يعنى ما احنا غلبناكم سنة واهد وهمسين!
- وبالاماره كانت النتيجة واهد واهد.
- رابحه** : خلاص يا شباب امنعوا التحدث فى الكوره ايضا.
- عنتسر** : عيب عليكم والله، الرجل الاجنبى جاى لو شافكم يجول ايش؟.
- الجميع** : (يلتبهون لوجود ريتشارد فيسكتون).

**عنتـر :** يعنى لازم اشخط فيكم عشان تتلموا؟! وما هو لولا القوضى كنا بجينا  
أفضل من ريتشارد وامثاله .

**ريتشارد :** السلاموا عليكم .

**عنتـر :** (مخرجاً) بروفيسر ريتشارد؟ اتفضل . انت نورت

**ريتشارد :** شكرا... شكرا... ممنون كثير (يجلس فوق شلته على الارض) .

**رابحه :** ايش بتحب تشرب يا بروفيسر؟

**ريتشارد :** فنجان من الشاى .. لو تكرمتى .

**رابحه :** حنا عندنا جهوه عربيه حلوه كثير .

**ريتشارد :** فنجان من الشاى لو تكرمتم .

**حكمت :** فيه كمان قرفه وجنزيل وكركيديه وكراويه وتمر هندي وخروب

**ريتشارد :** شكرا .. فنجان من الشاى .. لو تكرمتم

**سـؤدد :** كنا بودنا نغدم لك مشروبات روحيه . بس تغاليدنا تمنعنا .

**ادهم :** ممكن . لكن بنخلى چورچ هو اللى يخدمها لك .

**رابحه :** زين .. زين الجهوه حضرت!

**لقمان :** والتارجيله كمان .

**حكمت :** والنبي لندوق الكحك بتاعى .

**وابحه :** ضرورى نعرف رأيك فى الأكل العربى .

**ريتشارد :** (بفرع) لكن انتم من واحد وعشرين بلد واكلا تكم مختلفه .

**مصطفى :** كل سته وانت طيب ،الصيام خلص والليله عيد .

**ريتشارد :** اعرف .. من الليله ترجعون للأكل المعتاد .

**مصطفى :** تمام ..

**ريتشارد :** اى لاتأكلون كثيرا مثل رمضان ا

**الجميع :** ايش...؟؟

(اصوات زعيق تأتى من اعلى)

زيتشارد : (بفرع) ماهذا ، هجوم ارهابى ؟  
 حكمت : لا دا صوت علتر وصخر .  
 جاسر : انا لأقبل حد يزق ويفضحنا قدام الاجانب . «سترو ، سى  
 سيمبوسيل»  
 مصطفى : طب وانا مالى ؟  
 لىث : طب وطى حساك انت !  
 لقمان : (يدخل وهويصفر)  
 زيتشارد : ماهذا العراك ياسيد لقمان ؟  
 لقمان : مابيتعاركوا ومابيتصارعوا.. بيتناقشوا سيدى !  
 مصطفى : اه.... مافيهاش حاجة... مناقشه حره !  
 لقمان : تمام خيى تمام.. مناقشه حره .  
 (صوت اشياء تتحطم)  
 مصطفى : وياترى بيتناقشوا فى انهى جوله دلوقت ؟؟  
 زيتشارد : الا يستطيع احد ان يصلح بينهما ؟  
 مصطفى : ماينوب المخلص غير تقطيع الهدومه . اسألنى انا..  
 جاسر : ليش تقطيع الهدوم ؟؟ بيرافقوا يصطلحوا.. بنصلحهم . بيريدوا  
 يتخانقوا.. بنتخانق.. وياهم .  
 يزيد : وانا معه .  
 جاسر : بينا يارجال..  
 يزيد : انا مابدى اتخانق الان . روح انت !  
 (صوت صرخه طويله ثم صمت)  
 مصطفى : يظهر والله اعلم واحد منهم اقنع التاتى..  
 لقمان : مابظن حدا فيهم يقتنع !

مصطفى : لا ممكن .. بالحجه القاضيه !

(يظهر عنتر وصخر وهما يضحكان)

ريتشارد : هل استطيع ان اعلم فيما كنما تتناقشان بالضبط ؟؟

عنتر : هه ؟؟ كنا بنتحاور في ايه يا صخر ؟

صخر : والله مانا فاكرا يعنتر !

عنتر : ايه افكرت . كنا بتبادل الرأي وتطابجت وجهات نظرنا والحمد لله

ريتشارد : لكنى سمعتكما تصرخان .

عنتر : لا هذه كانت نبطه شكليه , اصل حين ماجينا خارجين م الباب

جالت له اتفضل ..

صخر : قلت له ايدا ... انت الأول وانا من بعدك .

عنتر : حافت بالطلاق ثلاثه ما اخرج جبلة .

صخر : قلت له تقبرنى ان ماكانت خارجتك تكون قبل منى !

مصطفى : على النعمه كل واحد مش عايز يخرج عشان خايف يدى الثانى

ضهره .

ادهم : (فجأة) لكن مين فيكم اللى مشى كلمته فى الآخر ؟؟

صخر وعنتر : (فى نفس واحد) انا طبعا !!

(ينظران لبعضهما ثم يطقان معا)

صخر وعنتر : كيف انت تمشى كلمتك على ؟؟

ادهم : أياكم حد فيكم يأذى اخوه .

صخر : انا ماحدا يقدر بأذينى ، سيني عليه .

عنتر : انا ماحدا يجدر يمسنى ، اتركنى له .

مصطفى : لا اله الا الله ... صلوا ع النبى .

الجميع : اللهم صلى عليك يا نبى ...

**مصطفى :** يالا سمعونا حاجة احتفالاً بأستاذنا

**تمام :** ( يغنى ) الارض بتتكلم عربى الارض .. الارض! الارض بتتكلم ايه؟

**ريتشارد :** عربى. لكن كيف تكون ليله عربيه بدون ال .... ( ويرسم شكل امرأه فى الهواء ) .

**البعض :** ( بتوجس واستنكار ) ايش؟؟

**ريتشارد :** ( ويكرر الاشاره ) الرقص الشرقى!

**مصطفى :** اه .. انا بحسب .

**ريتشارد :** اذن فرجونا يابنات .

**حكمت :** هو فاكرونا ايه بنشتغل فى كياريه ؟

**خزاعه :** بيتكلم صح . والله مافى حد يجوم بالرجص غيركم !

**حكمت :** ومافيش حد اهل يروح الكباريه يتفرج عليه غيركم !

( ثم لرابحه ) واننى ياخنى ماتعرفيش تترقصى؟

**رابحه :** حد الله بينى وبين الرجص الشرجى . انا ما ارجص الا غريبى ( وترقص غريبى ) .

**حكمت :** بالذمه دا عيب ودا مش عيب؟

**سيف :** ( لرابحه بلهجه امره ) اجعدى يامره . اجعدى .

( ثم لريتشارد ) احنا نساءنا مايرقصوا .

**ريتشارد :** لكنى رأيت فتيات عربيات يرقصن رقصا مثيرا

**سيف :** هؤلاء لسن فتيات , بل راجصات . احنا ماعندنا احد يرجص غير الرجال ومايرقصوا مع الحريم مثلكم ولكن الرجل يرجص مع رجل مثله!

**ريتشارد :** هكذا الحال دائما . كل شعب يظن انه افضل من بقية شعوب الارض .

**ليست :** حتى انت يااستاذنا فكرتك عنا غير صحيحه مثل بجية الغربيين .  
**ريتشارد :** لا انتم تعلمون اننى متعاطف مع اغلب قضاياكم ثم اننى أقدر تراث الشرق واحترمه .  
**ليث :** ولهذا نلجأ اليك فلقد كتبنا بحثا عن صورة العرب المشوه فى الاعلام الاوربى ونريد ان ننشره فى الصحف الانجليزيه .  
**ريتشارد :** الصحف لن تنشره الا اذا كان اعلانا مدفوع الثمن .  
**ادهم :** (بحماس) بن دفع ..مهما كان الثمن .مستعدين ندفع لآخر فلس معنا .  
**سيف :** (بضيق) لاتأخذنى ياخى .. انت معك كام فلس فى جيبيك ؟  
**ادهم :** مامعى . لكن الاخوان معا هم وما فى فرج بينا !!  
**خزاعه :** ماتبص لى .. بكفايه غرامة الاسبوع الماضى . حكمتم على اشترى كل نسخ الكتاب اللى بيتهجم على العرب لاجل مايجراه احد .  
**ريتشارد :** (يضحك) مددهش ..  
**خزاعه :** وايش كانت النتيجة؟ ظنوا الكتاب نجح ..عملوا منه طبعات جديده!  
**صخر :** لا هى المكتبه اللى فى شارع بيكاديللى دايمما بتصدر كتب ضدنا .  
**ريتشارد :** لا اعتقد .لانها ايضا تصدر كتبها لها مختلف الاتجاهات .  
**مصطفى :** عشان كده .قررنا نرد على الصوره المشوهه اللى بيرسمها الغرب لينا  
**صخر :** لقينا ان العمل اللى يظهر وحدتنا كأخوه عرب يبقى تمثيليه كبيره !  
**ريتشارد :** تمثيليه؟؟  
**صخر :** آيه نعم . تمثيليه من تأليف اسمها واعربنااه ومنيحه كتيرا  
**مصطفى :** وانا اللى بتولى اخراجها وتوزيع ادوارها .  
**صخر :** ماعلينا . المهم انها بتفضح مزاعم الاجانب .وتعزى كل عيوبكم !  
**واملنا فيك** استاذنا تساعدنا من شان نعرضها فى الجامعه !  
**ريتشارد :** لكنى لم اقرأ التمثيليه .

**صخر :** بحكيها لك.. بطل القصة شاب من قبيلة عربية ويخطفه مستعمر انجليزى من شان مايفرض شروطه على القبيلة كلها.

**مصطفى :** وطبعا الشاب المخطوف ده رمز لقضية فلسطين! واخذ لى بالك؟

**ريتشارد :** وماهى نهاية هذه التمثيلية ياترى ؟؟

**صخر :** مافكرت فى النهايه بعد، لكن ضرورى تكون نهايه سعيده بالطبع ويتم انقاذه على يد حدا من اخوانه.

**ريتشارد :** ومن يقوم بدور ذلك الشاب المخطوف؟

**مصطفى :** الاخ فايز. لكن مش موجود دلوقتى .

**ريتشارد :** ومن سيقوم بدور المنقذ ؟

**الجميع :** انا....!!! (ثم ينظرون لبعضهم)

**حكمت :** (تظهر من المدخل) الحقوا زميلنا فايز جاى منصاب ومجروح .

(يدخل فايز على وجهه اثار جرح ودماء يهرعون نحوه بلهفه)

**الجميع :** فايز أيش حصلك؟؟

(تثبت الصورة ونسمع المذيعات)

**المذيع :** عزيزى المشاهد.

**المذيعه :** عفوا.

**المذيع :** هنا كانت بداية القصة .

**المذيعه :** التى قررنا ان نتابعها للنهايه .

**حكمت :** (تحاول ابعادهم) مش كده ماتت زاحموش عليه خلوه ياخذ نفسه.

**رابحة :** من ايش ها الجرح؟ اتعاركت مع احد؟؟

**فايز :** (وهو يتأوه) نعم اخذونى بالغدر اكملنى وحدى .

**ليث :** انت وسط اخوانك لايمكن تكون بروحك .

**مصطفى :** احنا اللى يرشك بالميه نرشه بالدم .

**عنتر** : احكيلى مين كلمك وانا اسحله وبعدها أقطع لك رجبته .

**صخر** : تقصف رقبته وحدك ؟ مافى قبضايات غيرك ؟؟

**لقمان** : أنا بقوصهولك خيى والشمس طالعه (ويخرج مسدسا)

**يزيد** : من يكون التعيس ؟ (ويشهر خنجرا)

**سودد** : سكر يازول .. فايز .. شنو حصل ليك ؟ (ويخرج)

**فسايز** : وانا جاى التجيت فى سكتى «جروب» من الانجليز الصيع عند

المكتبه اللي ف ميدان بيكاديللى .. جالولى تعال نتناجش

وياك ... رفضت .

**جاسر** : فى شنو يتناقشوا وياك ؟؟

**فايز** : مابعرف . انا مابدى اتناجش من اصله . جيت امشى راح واحد

منهم سبنى .

**مصطفى** : ابن الكلب ! شتمك قالك ايه ؟؟

**فايز** : ياريت شتملى وحدى .. دا سبكم جميعا .

**الجميع** : كيف ؟؟

**فايز** : جالى يا ... يا ... (يكاد يبكى) . ياعربى !

**الجميع** : (بلهجة احتجاج) قالك ياعربى ؟؟؟

**فايز** : اى والله .. وكررها بعلو حسه بدل المره ثلاثا !

**مصطفى** : وسكت له ؟؟

**فايز** : لا ... اندفعت ناحيته والدم بيغلى فى عروجى ....

**حكمت** : وبعدين ؟

**فايز** : ماحسيت الا والدم سايح بره عروجى وانا مرمى ع الارض .

**ريثشارد** : اسمحو لى ايها الاصدقاء ان كلمة عربى لاتعنى الاهانه بل هى

مجرد صفة وتقرير حال لا اكثر .



**ادهم** : (باكتشاف) ای والله معاك الحج . حنا عرب بالفعل !  
**سیف** : (فایز) بیجی لیش غضبت ؟ بتتکر من عربتک ویتعبرها اهانه ؟  
**الجميع** : (یستکرون موقف فایز بکلمات مختلفه)  
**فایز** : أسمعونی (وكانه یکتشف الان فقط سر غضبه) هو جالها كأنها سبه  
 او لعنه او یمكن دعوه بیدعیها علی ! رماها بكل احتقار من بین  
 شفایفه كأنه بیبصقها فی وجهی . کأن معناها یامترحش یامتخلف  
 یاہمجی یا عیدیم التحضر والمدنیہ ! والدلیل ان کل اللی کانوا  
 حاضرن ضحکوا مسهترأین !  
**سیف** : جولی .. کان فیهم حریمات ؟!  
**فایز** : ایہ طبعاً .  
**سیف** : بیجی التار ولا العار یاأخوان !  
**ادهم** : هما الاجانب کلهم جنس واطی !  
**حکمت** : (هامسه) احنا نسینا الاستاذ .  
**لقمان** : (وهو یسحبہ للباب) اتفضل استاذنا أشرب حاجه ... تقبرنی لانت  
 شارب !  
**ریتشارد** : شکرا . جود بای (یخرج)  
**حکمت** : تعال یا فایز نداوی لك جرحک .  
 (تخرج حکمت وراحه مع فایز لحجرتہ)  
**البعض** : (بعضیہ) التار .. التار یاأخوان .  
**مصطفی** : التار .. بس اهدوا بالله یا جماعه ونفکر بعقل .  
**لقمان** : ایہ ، نحنا نشوف هالشاب و نتناقش و یاه .  
**صخر** : (مقاطعا) لا مابنتناقش مع هالاشکال . مابنتناقش .  
**تمام** : " بورکوا ؟ .. " بنقیم علیه الحجه وناخذ منه حق عرب !

**خزاعه :** كيف... وافرض غلبنا فى المناقشه ولجينا الحج معاه .. ييجى مليح؟!

**لقمان :** ساعتها بنصريه حتى الممات ويبقى خد جزاؤه!

**مصطفى :** ياجدعان المسأله مش عافيه . احنا فى بلادهم وهما كتره . ردنا عليهم لازم يكون رد حضارى .

**ادهم :** مثل ايش؟

**مصطفى :** معرفش، لكن نفكر .

**عنتر :** ان كنت هايب من المعركه اتخلف انت . احنا جددها .

**مصطفى :** انا اخاف؟؟ طب عليا النعمه من نعمه ربي ان ما حد هياخد بتار فايز وجيب له حقه غيرى انا لوحدى ..

**جاسر :** من حقه .. اعطوه الفرصه يرد كرامة سى فايز وحده!

**لقمان :** والله يعيدك .

**مصطفى :** ايه ده . هو انتوا كل مره تشعلوها وتخلعوا؟!

**خزاعه :** بذك تعاركهم بالكلمات؟

**مصطفى :** ما حدش يزايد عليا، انا اربع مرات تتفقوا معايا نتخانق واروح

الاقى نفسى مدبس لوحدى ، ومع ذلك انا جدع قوى ومستعد ادبس

لخامس مره!

**صخر :** لا والله ما نتركك تنول ها الشرف لحالك !

**تمسسام :** أى نعم .. رجلنا على رجلك ويدنا قبل يدك !

**مصطفى :** ببقى عاهدونى كلكم نكون يد واحده...واللى فشلت فيه الحكومات نحققه احنا .

**صخر وعنتر :** (معا) اللى فشلت فيه حكوماتكم!

**عنتر :** احنا حكوماتنا ماتفشل ابدًا .

**جاسر :** اتفقنا .. سلفو بلييه، فيت .. فيت، ايدكم جميعا يارجال نقرأ الفاتحه

الجميع : (يضعون يدهم اليمنى فوق يده عدا لقمان)  
سيف : انت ليش واقف وحدك مابتقرا معنا؟؟  
لقمان : انا لقمان خيى.  
سيف : ايش لقمان يعنى...على راسك ريشه ؟  
لقمان : لقمان يالبن عمى .. ابن سليمان المارونى.... فهمان على ؟  
سيف : ومن ايش هذا؟  
لقمان : حكمة الله!  
الجمع : امين.  
صخر : بيئا يارجال نجيب لفايز حقه وناخذ بتاره م اللى اهانه وضربه ...  
(يدخل جورج وفى يده اقنعه)  
جورج : الليله كصر الملائات انده هفله كبيره . هو اتكلمتوا ويبسألتوا هد يهب يروه؟  
الجميع : (يشيحون عنه بأستنكار)  
جورج : دى هفله هصوصى بالملابس التكرية والماسكات اللى تهفى  
الشخصيه! دا غير لوتاريه وجوايز غاليه وهدايا مجانيه .(يخرج).  
سيف : اعوذ بالله من الافكار الشيطانيه .  
سودد : (يسود الصمت لفته) انا بغول الافضل تأجل موضوع فايز لباكر!  
ادهم : والله معاك الحج .. بناخذ الليله راحتنا وياكر نكون بعافيتنا!  
عنتر : خلاص نتجمع غدا الساعة حداشر ونطلع ميدان بيكاديللى ونهاجم  
العدو واحنا كثره .  
مصطفى : ع البركه .. واهوكل تأخيريه وفيها خيره !  
(يخرج الجميع بسرعه)  
صوت راديو : هنا لندن . القسم العربى يهنىء مستمعيها الكرام بعيد الفطر المبارك .  
(يظهر فايز ويقف فى بقعة اضاءه ويتلفت حوله بحيره)

فـسـاـيـز : هما تركونى وراحو وين؟؟

صوت راديو : ياليلة العيد انستينا... وجددتى الامال فينا !!..

(موسيقى غريبه صاحبه تبدأ خافته وتعلو حتى تطفى على  
الأغنيه)

اظلام بطيء

## المشهد الثانى

- المنظر : الاستديو
- المذيع : وفى اليوم التالى نشرت جرائد الصباح خبراً هز بريطانيا كلها.
- المذيعه : الخبر يقول...
- المذيع : (يقرأ من صحيفه) تسال شخص مجهول ليلة امس الى داخل مكتبه بشارع بيكاديللى والقى بشحنه ناسفه مما ادى الى احتراق كل ما بها كتب.
- المذيعه : واتهمت اغلب المقالات العرب ,وطالبت بسرعة القبض على الفاعل ومحاكمته.
- المذيع : وفى الطبعات المسائيه نشرخبر بحجم صغير عن اقتحام بعض اللصوص لقصرالمذات وسرقوا مجموعه من الزبائن يعتقد انهم من العرب.
- المذيعه : الغريب فى الخبر ان الشرطه افرجت عن اللصوص بعد ساعه واحده من القبض عليهم.
- (موسيقى اللحن المميز للبرنامج)

**المخرج :** دى فضيحه لليوليس الانجليزى . عشان نعرفوا ان الغرب متعصب  
ضدنا .

**المصور :** على فكره , انا كنت امبارح فى قصر الملذات  
الثلاثة : ايه ؟

**المذيع :** طب ماتحكى لنا اللى حصل -

**المصور :** اللصوص طلبوا من الموجودين يقلعوا الاقنعه التنكريه اللى لابسينها ،  
بعض الزباين طلعوا لابسين قناعين . تحت القناع الاولانى قناع  
تانى مالوش ملامح , اللصوص فهموا ان دول عرب .

**المذيعه :** وبعدين ؟

**المصور :** اللصوص هددوهم ، وقالولهم , فلوسكم او قناعكم . كلهم عيطوا  
ومرضوش يقلعوا الاقنعه  
**المخرج :** انا مش قاهم حاجه ..

اظلام

## المشهد الثالث

### البنسيون

(جورج يقرأ صحيفه والراديو يذيع موسيقى هادئه)

(مصطفى يظهر من حجرته مسرعا وهو بالبيجاما)

مصطفى : جورج .. الساعة كام معاك ؟

جورج : It is five past two .

مصطفى : وازاي تسييني نايم لحد اتنين وخمسه ؟ اودى وشى فين من زمايلى .

أكيد مشيوا ... ميعادنا كان حداثر ماهيصدقوا يمسكوها لى ذله

ويطلعونى استسلامى وانهازامى .

انت ماشوفتنش امبارح لما خرجت ورجعت وش الفجر . اوكى ؟

جورج : مستر موسستا . I am واهد راجل شريف . موش ممكن اكذب .

موش ممكن افتن . موش ممكن امسك رشوه .

(مصطفى يناوله نقودا) موش شفت اى حاجه بالمره .

مصطفى : لازم البس قوام والحقهم زمانهم بيتعاركوا ومحتاجنى .

(تدخل مرجريت)

مرجريت : مستفا..هيبى .

مصطفى : مرجريت ايه اللى جابك دلوقتى؟

مرجريت : انت هيبى مدينى واهد ميعاد.

مصطفى : اه.. بس جد ظرف طارىء. زمائلى بيتخانقوا مع شويه عيال

انجليز صيع ولازم ارواح اضرب معايم.

مرجريت : اجى اضرب مآكى هيبى؟

مصطفى : بس دول من اهل بلدك وحتتك مرجريت !

مرجريت : انت دلوقتى اهلى مستفا. ومادام هما ضايقتى اصهابك انا

ضرورى اضايق ابوهم.(وتصرخ وهى تؤدى حركة كاراتيه) ياهوه!

باللا بينا.

مصطفى : (يتحرك لباب الخروج ثم يقف مستدركا) دا انا لسه بالبيجاما , لما

اروح اقلع !

مرجريت : اجى معاكى هيبى.

(يخرجان بينما يظهر عنتر من ناحيه اخرى)

عنتر : جورج.. (يتلفت حوله ثم يهمس له بشيء).

جورج : مستر انتر.., I am واهد راجل شريف. موش ممكن اكذب. موش

ممكن افتن.(يناوله نقودا) مش ممكن اشوف هاجه بالمره .

(يظهر صخر داخلا)

صخر : صح النوم يا اخ عنتر.

عنتر : (مرتبكا) انا صحيت من فتره .

صخر : غريبه . مع انك كنت معاى الامس لحد الفجر.

عنتر : انا؟ كنت وياك وين؟

صخر : فى المنام خى! صحيح وجهك كان غير الوجه. لكن الصوت صوتك تمام.



عنتر : نصيحه أخ .. يستحسن مجرد ماتفيج تنسى الحلم بالكامل .  
( ادهم يدخل وهو يغنى )  
ادهم : وبدنا نتجوز ع العيد وبدنا نعر بيت .... ( يراهم فيسكت لحظه ثم يغنى ) وطنى حبيبي .. يوم ورا يوم امجاده بتكتر!  
جاسر : ( يمد يده لسيف ) السلام عليكم  
سيف : ( يظهر ذراعه المكسور ) مكسوره يا أخى .  
( يدخل البعض تباعا يبدو عليهم الارهاق ثم اللثيات ) .  
خزاعه : ( مستنكرا ) حتى انتو يا بنات ٢٢... حتى انتو ٢٢  
رابحه : ( مهاجمه ) حتى احنا مالنا ٢٢  
خزاعه : ( برقه ) تحضروا متأخرين .  
وابحه : احنا مالنا نفس مثلكوا ؟ .. حتى النوم بتحاسبنوا عليه ٢٢  
حكمت : انا جالى كابوس . حلمت انى اتسرقت . صحيت مالفيتش سلسلى الذهب اللى حيلتى !  
سيف : ريك بيعوض .. اصبرى صبرا جميلا .  
جورج : ( يضحك فجأه وهو يقرأ الصحيفة )  
جاسر : ( بغضب ) انا شكلى يضحك , بتسخر منى ؟ .  
سيف : هو ما بيجصدك يا أخى . هو جصده يسخر منى انا !  
جورج : انا اضحك بسبب الهادث المنشور فى الجورنال .  
هصلت بالامس واهد سرقه كبير فى كسر الملائات .  
عنتر : ( بدهشه ) ياه .. لحجوا ينشروها ؟ ( ثم يستدرك فيقطع الكلام ) .  
جورج : اللصوص سرقوا زباين كثير . مسكوا «المونى» بتاعهم والساعات والذهب والالمظات كله .. كله .  
ادهم : ( بقلق ) وياترى البوليس عرف مين ال ..... ( ويسكت بتردد ) .

- چسورج** : اللصوص؟؟
- الجميع** : (بلهفه) لاء.. الزباين !
- چسورج** : No , that the problem ولا واهد قدمتموا شكوى للبوليس! اشان كده بوليس اضطر سبتوا لصوص!
- لقمان** : قفلوا على هالسيره و خلونا فى الاهم . كان بينا اليوم موعد .
- ادهم** : نعم اتفقنا نقوم بالتمثيليه .. اقصد البروفه .
- صخر** : (يخرج ورقا) اقعدوا اقرا لكم المشهد ياللى كتبتة ها الصباح (مصطفى يطل برأسه متلصصا)
- مصطفى** : (لنفسه) دول رجعوا مضروبين علقه جامده! (يتسلل لباب الخروج)
- صخر** : (يقرأ) مهما حدث سنبذل الدماء والموت للجبناء
- الجميع** : (يصفقون)
- مصطفى** : (لنفسه بتأثر) اخص، بيتكلموا عليا فى غيبتى !
- (ثم يستدير كأنه وصل توا) كنتوا فين حضراتكوا؟ رحتوا لكم ميدان بيكاديللى مالمقتش ولا واحد فيكم (ينظرون له فيرتبك) بتبصولى كده ليه؟ ايوه رحت.. بس متأخر شويه!
- عنتر** : احنا حصات لنا ظروف منعنا م الذهاب .
- مصطفى** : (بذهول) انتو بتقولوا ايه..كلكوا؟؟
- لقمان** : ايه ياأخى بلحكى عربى..كلنا معرضين يحصل لنا ظروف.. مابتعذر؟
- جاسر** : والعركه بتأجل لتوقيت انسب .
- مصطفى** : (يضحك بشده ويكاد يترنح)
- صخر** : بيضحك ليش ها الزلمه؟؟
- مصطفى** : (يتجهم) بس كفايه . لكو عين تتكلموا بعد ماسيبتونى اواجه اربعين واحد فى معركة غير متكافئه!؟

**رابحه :** وانت.. ايش سويت؟؟  
**مصطفى :** ناضلت على قد ما قدرت. ضربت سبعة بأيدي اليمين  
**رابحه :** تهيل.. تخيل  
**مصطفى :** وتسعه بأيدي الشمال...  
**حكمت :** ينصر دينك.  
**مصطفى :** وفقت اثنين تلاته بالروسية !  
**جاسر :** والله سى مصطفى قام بمقامنا كلنا , وماكنا هنقدر نقوم هكه  
 بأكثر مما قام به وحده  
**حكمت :** رفعت راسنا يا مصطفى , بس يا حرام... اتاريك منصاب (تشير  
 لبقعه فى وجهه)  
**مصطفى :** ايوه . دا غير انهم سرقونى . خدوا كل اللى حيلتى .الساعة والمحفظه  
 وحتى الحجاب اللى مدياهونى امى!  
**الجميع :** (بنغمه واحده تعالى التشكك) غريبه..  
**مصطفى :** ماعلينا.. خلونا فى التمثيليه الثانيه (ويصيح) بروفه!  
**مرجريت :** (تظهر) موسفا.. انت سبتنى ورهت فىن هيببى ؟  
**حكمت :** ودى كانت عندك فى الاوضه بتعمل ايه ؟  
**مصطفى :** ايه يا حكمت...كنت بمرنها عشان تشترك معنا ف التمثيليه!  
**مرجريت :** لا.. انا كنت هستهما.  
**عنتر :** (ساخرا) ضربت سبعة بأيدي اليمين وتسعه بأيدي الشمال . الله  
 يعطيك العافيه .  
**حكمت :** تمثيليه منحطه (وتلتبه للبقعه فى وجهه) روج؟ وانا اللى افكرتك  
 تعبان من العركه!  
**مرجريت :** لا مانا هروه مآكم اضرب.

**حكمت :** ضربه ف قلبك مذك له!

**مصطفى :** مرجريت .. مالكيش دعوه بيها، دى شرشوحه روحى دلوقتى .

**مرجريت :** see you .. oky (تقبله وتخرج)

**سيف :** كيف بتدعى انك ضد الاجانب وانت بدك تناسبهم ؟

**مصطفى :** بقولك ايه ماتصطدش ف الميه العكره ثم انا .. مابحبهاش .. انا

بتسلى بيها بس .

**ادهم :** والله معاه الحج .. هو راجل ايش بيخسر؟ وتتحرك لغرفتها ومعها

رابحه

**صخر :** القضية قضيه مبادئ لاتتجزأ اذا كان الغش حرام مع العربيات

يبقى ..

**سيف :** (مقاطعا) لا والله ياخى . مع نسوانهم الفاسقات ,الفاجرات ,

الشقراوات مافى شى حرام . واى مره من ها الصنف تصنع عليها

يدك تبجى حلالك .. حلالك .

**مصطفى :** الله يفتح عليك ياشيخ سيف .

**سيف :** اى نعم، لوكان كل عربى اتمكن من امرأه اجنبيه كان زمانا ياعرب

استولينا ع الغرب كله!

**مصطفى :** والله انا ماشى ع الخطه دى لوحدى من اول مانزلت انجلترا!

**صخر :** (مستكرا) لوحك شو؟؟ ديك البرارى حضرتك؟ نحنا لينا غزوات وصولات!

**يزيد :** وانا معه !

**الجميع :** (يضحكون).

**لينث :** لاتضحكوا ياخوان . هذه جضيه خطيره . علينا ان نغزو الغرب

اجتماعيا ونخترقه عن طريق نسائه وهو مجال لايمكن للصهيونيه

والاستعمار ان يكسبنا فيه، الشرط ان نتحد جميعا ونكون يد واحده!

**يزيد :** لا، الوحدة في كل شيء. الا هذا , كيف بالضبط نبجي يد واحده فيه؟

**سؤدد :** يعنى يبغى فيه بينا تعاون وتكامل يااخى.وعلى كل عربى البغاء مع اخيه ف السراء والضراء .

**مصطفى :** خلونا فى التمثيليه .النهارده هنمثل مشهد اختطاف البطل .

**لقمان :** لكن وين الاخ فايز؟ التمثيليه ماتنفش من غيره .  
**سؤدد :** يجوز نايم .

**صخر :** (يتحرك لغرفة فايز) فايز. اصحى خيو..الاخوه كلهم ناظرينك .

**لقمان :** نعطيه دور البطولة ونميزه عنا وهو يتأخر ومايعبرنا ؟

**صخر :** الحقوا يااخوان . فايز اتخطف !

**الجميع :** ايش؟؟

**تمام :** كيف عرفت انه اتخطف؟

**صخر :** فرشته مطبقة..يعنى مابات هون بالأمس !

**مصطفى :** بس؟؟ ودا دليل انه اتخطف؟

**صخر :** الدليل ان مسرحيتى تنبأت بأختطافه!

**مغوار :** احنا تاركينه امس فى غرفته . حد شافه بعدها ؟

(صمت من الجميع)

**سيف :** المهم الان..كيف نتأكد انه بخير ؟

**يزيد :** عندى فكره .

**الجميع :** قول .

**يزيد :** ننظر.لو فايز ظهر باكر او بعد باكر.او بعد شهر، يبقى ماحصله مكروه!

**ادهم :** معقول والله !

لَيْث : وافرض انه مظهر؟  
 سيف : فال الله ولا فالك ياشيخ ! افكر خير ياخى ! هتبشر ع الراجل  
 بالسوء؟  
 لقمان : الزلمه بيحكى سليم . بيقول افرضوا .. افرضوا .  
 تمام : ولىش مايفرض الطيب؟  
 مغوار : عشان كل الاحتمالات ممكنه . ساعتها ايش يكون العمل ؟  
 سوّدد : ياناس , ياناس .. وغتها يهلها الهلال .  
 مصطفى : صلوا ع النبى!  
 الجميع : اللهم صلى عليك يا نبى .  
 مصطفى : الغايب حجه معا . اه !  
 ادهم : اى والله معا .  
 لَيْث : ممكن ...  
 تمام : بيجوز ..  
 يزيد : مين يعرف ؟  
 مغوار : لعل وعسى ... ربما ..  
 صخر : احتمال والله ..  
 مصطفى : وباخير بفلوس ...  
 ادهم : اى والله ..  
 مصطفى : بكره يبقى بلاش ..  
 سيف : خير ان شاء الله .. خير بأذن الله ..  
 تمام : والله قلبى يحدثنى يقولى خير ..

اظلام

## المشهد الرابع

المجموعة فى حالة قلق وتفكير. البعض جالس او يمشى بعصبية)

حكمت : ايه العمل..الايام فاتت وفايز لاحس ولا خبر.هنفضل ساكتين؟

سـؤدد: انا غلبى مغبوض .

رابحه : الله يكون فى عون اهله وبيته.

حكمت : اهله مادريانين يا حبة قلبى.

مصطفى : انا شديت تلغراف لاهله من ثانى يوم.

جـورج : Gentelmen , I have to call the police

الجميع : no ... no

صـخر : ماتكبر الموضوع يا جورج !

جـورج : هبيى.. انتى بالذات اولتى انه اتكطف.

مصطفى : هو قصده يمكن ... يمكن .

جـورج : no هو مش قال يمكن.

مصطفى : احنا كل كلامنا فيه يمكن من غير ماننطقها، بس انت اللى ماتعرفش

عربى !

جورج : But ....

ليث : (مقاطعا) فايز اخونا ويهمنا امره اكثر منك .

صخر : هذه قضيه داخليه بيننا ولا شأن لك بها .

جورج : oky , as you like

(جورج يخرج)

لقمان : والشرطه ان جت هتسألنا وين كنا ليلتها، واخرتها تطلع الحج علينا احنا .

يزيد : وشرطه اسكوتلانديارد بالذات مشهور عنها الغباء!

عنتر : احنا مانهاب شرطه الاجانب . احنا مانخاف الا من شرطه بلادنا .!

صخر : نعم لأن شرطه بلادنا وطنيه لايمكن تخطيء!

سؤؤد : يبغى نتمهل لحد مانستكشف المسأله ونحلى الامر سر بينا .

(البعض يخرج والبعض ينشغل بالحديث يتعالى صوتهم)

(ادهم يدخل مندفعا من الباب)

ادهم : أخوانى عرفتوا الخبر (يسكتون) خطيبه فايز وصلت ..

(تخرج حكمت مسرعه)

الجميع : ايش؟؟

ادهم : ايه .. ويتحاسب التاكسى بره .

مصطفى : وسبتها هى اللى تدفع؟ (ثم يضع يده فى جيبه بخيبه امل) حد معاه

فكه ياخوانا؟

(تدخل امل بحقيقه وخلفها حكمت)

حكمت : الاخوه كلهم زمايل فايز .. الاخت امل .

سيف : شرفتى ونورتى .

لقمان : آهلين فيكى ومرحبتن .



خزاعه : يا هلا .. يا هلا.

(البعض يظهر من اماكن مختلفه ويرحبون بها)

امل : (دون ان تتحرك) وين فايز...؟؟

(لحظة صمت)

رابحه : طب اتفضلى ارتاحى ف غرفة فايز وبعدين (ثم تسكت امام

نظرات امل)

امل : (بعد لحظه وهى تحقق فيهم) وين فايز ؟؟

مصطفى : مانا بعت لك التلغراف وقلت فيه ان...

امل : (مقاطعه) انت ماقلت شى.

حكمت : فايز... مش موجود دلوقتى.

امل : وين راح ؟؟

يزيد : ما بتعرف.

امل : كيف ما بتعرفوا... انتم مواخوانه ؟؟

الجميع : اى نعم اخوانه ..

سؤدد : لكنه هو اللي اختفى فجأه بدون ما يترك خبر. اها؟؟

امل : كيف اختفى؟؟ لبس طاقيه الاخفا؟؟ خطفه الصقر وطار؟؟ اكله

الغول؟؟ سحره الجن؟؟ ناه فى الغابه؟؟ نادى عليه النداهه؟؟

كيف راح وهو كان وسطكم؟؟

(لحظة صمت)

جاسر : ثلان ما قادر اصدق.

ليث : غير ممكن.

ادهم : محال... مستحيل.

صخر : بعيد عن التصور والله.

لقسمان : شى ما مفهوم.. ما مفهوم. حلم ولا علم ؟  
 عنتر: ماكو حس .. ماكو دليل.. ماكو اثر.  
 حكمت : لو كان... او كنا...  
 رابحه : ياريت .. ياريت!  
 مصطفى : صلوا ع النبى .  
 الجميع : اللهم صلى عليك يابنى .  
 مصطفى : اللى تخاف منه .. مايجيش احسن منه!  
 حكمت : واللى راح مسيره يعود .  
 سيف : إن شاء الله . وخير بأذن الله .  
 تمام : والله قلبى يحدثنى يقولى خير ..  
 اميل : مايريد اسمع شى .. برید اعرف وين فايز..  
 (صمت والجميع يخفضون رؤوسهم)  
 اميل : (فجأه بهيستريا ) وين فايز..؟ وين فايز...وين فايز.. وين فايز؟؟  
 الجميع : (يخفضون رؤوسهم للارض)

اظلام

## المشهد الخامس

### البنسيون

جورج يرد على التليفون .

جورج : Yes .. yes, any one of them? ok (يترك السماعه وينادى)

واهد مكالمه ليكم بهصوص فايز. هد يرد ع التليفون .

(يدخل بعض الطلبة تباعا)

تمام : خير..ماقال ايش الخبر ؟

جورج : No

سفوار : ولا مين يكون هو ؟

جورج : NO قالى ادينى هد من الآرب اللى اندك .

(يخرج)

حزاعه : ياستار يارحمن يارحيم .

الجميع : (ينظرون لبعضهم كل ينتظر الاخر ان يرد على التليفون) .

مصطفى : (يرد) الو... انا مصطفى ابو الغيط .

الجميع : (يلتفون حوله بسرعه بينما يدخل الباكون) حصل ايش ؟

**مصطفى :** وأنا لسه سمعت ؟! الو.. على صوتك لو سمحت ..

**الجميع :** بيجولك ايش ؟؟

**مصطفى :** بيقولى خلى العجر اللى جنبك يسكتوا وانت تسمع ! (يسكتون بينما يدخل الباقي)

**مصطفى :** (بأهتمام) مش ممكن ..فايز عندك ويخير؟

**الجميع :** الحمد لله .

**رابحه :** اما اروح ابغ امل وابشرها .

(تخرج رابحه)

**سيف :** مبروك يارجال .

**تمسام :** والله قلبى قالى انه عائد .

**ادهم :** الحمد لله اننا تروينا ومابلغنا الشرطه .

**لقمان :** (لمصطفى) اسأله كيف صحته ..شو مزاجه ؟

**عنتر :** (يحاول اخذ السماعه) خليه يعطينى اياه اسلم عليه .

**مصطفى :** صبركو بالله . بيقول ان فايز ممكن يرجع فى ظرف اسبوع .

**سؤدد :** لا غوله يرجعوهلنا اليوم . غوله ..غوله .

**عنتر :** هذا والا ..

**جاسر :** نعم اليوم . بل الساعه ف التروف اللحظه .

**مصطفى :** بيقول اوكى ..بشرط ندفع له مية الف دولار .

**الجميع :** أيش ؟

**ليث :** هذا اختطاف وابتزاز .

**صخر :** الله اكبر ..قلت لكم تمثيليتى اتنبأت بأختطافه !

**عنتر :** (لمصطفى) جوله اننا لانخضع للأبتزاز او التهديد .

**جاسر :** قوله اننا سننتقم منه شر انتقام .

**مصطفى** : قفل السكه .  
**ليث** : الوغد الزنيم .  
**سيف** : الندل اللثيم . اللص الحقيير .  
**لقمام** : الجبان الرعديد .  
**يزيد** : ثكلته امه .  
**مغوار** : نقطة نظام . تسمية ماحدث لايهم . المهم الان تفكر ايش نسوى .  
**ادهم** : الله معاك الحج . اجعدوا يارجال تفكر .  
**مغوار** : اعذرونى يا اخوان انا مالى خلق للتفكير الان . ابقوا اتفقوا وقولولى !  
 ( يخرج فى الحال )  
**ادهم** : فايز اخونا من لحمنا ودمنا . بئدفع مهما كان الثمن . بنلم من بعضنا !  
**خزاعه** : تانى ؟ من وين ها المبلغ كله ؟  
**مصطفى** : اللى اتكلم قالى قدامنا مهله اسبوع نحضر المبلغ فى شنطه وتبقى  
 جاهزه فى البنسيون .  
**يزيد** : عتدى فكره .. نغير البنسيون !  
**سؤدد** : ولىش مانبلغ الشرطه تنقذه ؟؟  
**صخر** : وافرض العصابه قتله قبل الشرطه ماتنقذه ؟  
**سؤدد** : اهو نجرب !  
**عنتر** : انا لن ادفع فلس واحد لانى لاخضع للتهديد . لكنى مستعد ادفع  
 حياتيكلها فداء له .  
**يزيد** : وانا معه .  
**الجميع** : واحنا معك  
**خزاعه** : والله معنا  
**ادهم** : خطيبته جايه والافضل نخبى الامر عنها . جلبها ضعيف ومايتحمل الصدمه .

**سيف :** (وهو يتحرك) خارجا انا اللي جلبى ضعيف وما جدر اشوفها بتتعذب .

**ادهم :** والله معاك الحج .

**يزيد :** وانا معهم .

(يخرجون و تدخل امل بصحبة رابعه)

**امل :** (بفرحه) فيه عندكوا اخبار ؟ لجيتوا فايز صحيح .

**رابعه :** أمال .. (ثم وقد لاحظت صمتهم) ليش ساكتين ؟ أحكوا لها الخبر .

**سؤدد :** خبر ايش ؟!

**رابعه :** شنهو ؟؟ مش فيه واحد اتكلم الحين وقال ان فايز عنده ؟

**خزاعه :** لا والله ما حصل .. ما حصل !

**رابعه :** شنهو .. ؟ انتو تبغوا تجندوني ؟

**مصطفى :** اه .. لا انتى اللي فهمتى غلط . هو قال ان فايز عنده .. اخبار عنه !

**امل :** ايش تكون ؟

**مصطفى :** هه ؟ احكوا انتو بقى .

**صخر :** ناس اخبرونا انه الان ف محنه .. (مستدركا) رحله .

**امل :** وين ؟ ومع مين ؟ وامتى يعود ؟

**لقمان :** غير معروف على وجه الدقه .

(حكمت تدخل من الباب)

**حكمت :** اخت امل ..... امل .. ابشرى .. نصره عظيمه .

**امل :** (بلهقه) لقيتى فايز ؟ .. عترتى عليه ؟

**حكمت :** لاء .. بس عترت على حاجه من اتره .

**امل :** (بفزع) هو خلاص ما عاد له اثر ؟؟

**حكمت :** لاء اسمعيني . انا جايه دلوقتى من عند واحد هندى بيفتح المندل !

**امل :** مندل ؟؟ .

**حکمت :** ایوہ .. بس کلامہ ایہ .. ماینزلش الارض ! قالی فایز راجع بعد سبع خطوات .

**لیٹ :** (بحماس) تمام واللہ . سبع خطوات , ای سبع تیام . اسبوع یعنی .  
**حکمت :** تمام . انت زی الہندی . قال بعد سبع تیام .. او سبع شہور او سبع سنین !

**امل :** (بخیبہ امل) وایش بیفید ہذا ؟؟  
**سودد :** اہا ؟؟ بیفید انا الحمد للہ لا اتخطف ولا یحزنون !  
**امل :** (بفرع) ہو فیہ شک انا اتخطف ؟؟  
**راجحہ :** لا . دی اشاعات والحق اطمنا . انتی ماشایفانا فرحانین کیف ؟ (وتبکی) .

**مصطفی :** اخت امل شیلی الحزن من قلبک واضحکی ... فرفش یاشیخہ !  
طب سمعتی اخر نکتہ ؟ بیقولک کان مرہ فیہ واحد ... اتنین تلاتہ  
ہاؤاؤاؤو.....!! ایہ وحشہ ؟ مع انا جدیدہ لنج .  
**راجحہ :** (رایحہ) بایخہ .. حرام .. حرام .

**مصطفی :** خلاص بلاش . خدی دی .. بیقولک مرہ فیہ واحد جہ یعد علی  
قہوہ .. قعد علی جنزیل .. طبعا دہ غیر الی قعد علی شای .. ہیء  
ہیء ہیء ! ولا بیقولک کان مرہ فیہ واحدہ ..... (وتہدج  
صوتہ) ہتعیط زیک کدہ , قام واحد تانی لقی نفسہ ہتعیط ہوراخر .  
عن اذنک .

**تمام :** (بیڈ الغناء والعزف علی العود)  
**لقمان :** (وہو یشرع فی الرسم) بتسمحیلی اخت امل ارسم الک لوحہ فنیہ .  
**راجحہ :** اترکھا لحالہا وجہا شاحب وھزیل الان . اترکھا لماتصلح ماکیا جہا  
وتصیر تہبل وبعدها ارسم لها صورہ تخبیل .

**لقمان :** بريدھا مثل ماھى .بريد اسجل ھا اللحظة وعيونھا اسيانہ واسمى اللوحة امل تنتظر العائد .

**سؤدد :** تسمى تغبلى منى ھذه الورده النديه ؟

**عنتر :** ابيات متواضعه كتبتها من وحيك يا اخت امل .بتسمى لشاعر رجيح غلبان يسمعك بعضها؟؟ (لكن فجأہ نسمع صوت سارینة سيارة شرطه تقرب) .

**الجميع :** بوليس...شرطه....مكافحه...!

(ويتحركون بأرتباك فيصطدمون ببعضهم ويهرب بعضهم للداخل)

**اظلام**



## المشهد السادس

### البنسيون

المحقق واقف مع جورج

**جورج:** (يدق جرسا) السيد مفتش البوليس وصل.

(يدخل الطلبة تباعا يجرون اقدامهم جرا)

**جورج:** زمائل فايز (لهم) انا بلغتو من يومين . انما الظاهر المفتش كان بيعملتوا تهريات .

**عنتر:** (وهو يربت على المفتش) زين.. زين ان جورج بلغكم !

**جاسر:** سيدى المفتش نحن نشجب حادث اختفاء فايز ونحملكم المسئوليه التامه!

**ليث:** نحن نطالب بتحقيق عادل وسريع .

**مصطفى:** ايوه . مش عشان هو ابن عرب تقوموا تطنشوه!

**عنتر:** نطالب بالبحث عن فايز واعادته الينا فورا .

**صخر:** أعطيههم فرصه معقوله .. (للمفتش) امامكم ٢٤ ساعه لاغير .

**عنتر:** هذا والا .. فأننا سوف نمتنع عن التعليم فى جامعاتكم!

**جسورج :** السيد المفتش مايقدر يتكلمتو مع كله فى وقت واحد وينده يسألنوا كل واحد لوهدده .

**صفر :** لا والله .. هذا مابيصير .. مابيصير .

**ليث :** يريدوا يفرقونا عن بعضنا لاجل مايعملوا وقيعه ودسيهه بينا !  
لا .. الكلام بيكون قدامنا . نحن جميعا اخوه اشقاء .

**المحقق :** What .. Are you all brothers?

**الجميع :** Yes.. !

**المحقق :** Oh , fantastic, but who is the oldest ??

**يزيد :** ماحد فينا اكبر من اخوه . كلنا قد بعض تمام !

**المحقق :** Oh my God..., how

**مصطفى :** ايه اللهى هار .. ٢٢ .. زى الناس !

**ليث :** هذا غبى .. افكر اننا من اب واحد وام واحده !

**(للمحقق)** No . we are not real brothers

**مصطفى :** بس خلى بالك ... مع اننا مش اخوات .. لكن احنا اكتر من الاخوات . اه !

**المحقق :** انتو طهقتونى انتو طلعتوا عيني !

**لقمان :** انت بتحكى عربى ؟؟

**المحقق :** نعم . ولهذا السبب اختارونى لهذه القضية . والان اود معرفة بعض المعلومات . من منكم رأى فاييز لآخر مره ؟ ( تتقارب رؤوسهم وينتهامسون مثل برامج اوائل الطلبة ! )

**ليث :** كلنا رأيناه مساء السبت الماضى وتركناه فى غرفته .

**المحقق :** Then ?

**ليث :** وبعدها كل حى راح ل ..... ل ..... ل .....

ادھم : (ھامسا) لحال سبیلہ !

لیٹ : حال سبیلہ .

المحقق : اللیلہ دی کانت اید اندکم ؟

الجميع : نعم .

المحقق : کل سنہ وانتوا طیب . ومع کده کل واهد فيکم راه بعید عن

اخوه ؟

لیٹ : (بغیظ) انت بتحجج معنا ؟

المحقق : Yes

لیٹ : اوکی .

المحقق : Oky then , tell me about his realistion with women

کلمونی عن علاقته بالستات .

الجميع : (بأسنتکار) نسوان ..؟؟

سيف : حاشا لله .. فايز عمره ماکان له علاجه بصف الحريم !

المحقق : کان یشرّب ویسکی کونیاک بیرہ ؟؟

الجميع : بأسنتکار خمرہ ؟؟ اعوذ بالله الا هذا ..

المحقق : هشیش ..؟؟

الجميع : لا لا .. لا سمح الله .

المحقق : کان یلعب کارت ؟؟

الجميع : قمار ؟ استغفر الله .... بالطبع لا !

المحقق : کان بینہ وبين هذ منکم خلاف ؟

الجميع : خلاف بینا ؟؟ هذا محال .

المحقق : هل کان یغضب احیاناً ؟ .. هل کان یشتم ؟ هل کان یحزن ؟ هل کان

یسىء الفهم ؟ هل کان ...

- الجميع :** (يردون على التوالى وهم يهزون رؤوسهم بآليه) no..no..no.
- المحقق :** سؤال اخير لو تفضلتم .
- مصطفى :** انت تؤمر يا باشا !
- المحقق :** هل كان يأكل ويشرب ويمشى فى الاسواق مثلنا ؟ هل كان ينام ويصحو ويشعر احيانا بالتعب لا سمح الله مثلنا ؟!
- يزيد :** ايش يعنى بدك تقول ؟
- المحقق :** ايها الساده الكرام.. الان فقط عرفت اين ذهب زميلكم .
- الجميع :** (بلهفه) اين .. وين .. فين ...؟؟؟
- المحقق :** (مشيرا الى اعلى) لقد صعد الى السماء ! اغلب الظن انه فرد جناحيه وطار . يمكنكم ان ترسلوه على عنوانه فى الجنه .. فمثله لابد وان يكون ملاكا وليس بشرا !
- جاسر :** نحن لا نقبل السخريه من اخينا.
- المحقق :** أنتبهوا جيدا، ليلة السبت هصلت سرقه فى كصر الملاذات. بنقول تهربات ان اكثر زباين كانوا ارب. وربما كان فايز منهم.
- الجميع :** (بسرعه) لا.
- خزاعه :** فايز لا يذهب الى المواخير.
- المحقق :** هد منكم كان ليلتها هناك ؟
- الجميع :** لا
- المحقق :** اذن كيف تعرفون ان فايز لم يكن هناك ؟
- عنتر :** لأننا نعرف فايز كما نعرف روحنا.
- ليث :** وكيف عرفت شرطتكم ان الزباين عرب، مع ان العرب اللى كانوا هناك، كانوا لابسين اجنعه ؟!
- المحقق :** ربما لا يأرف الأرب بأضهم . لكننا نعرفهم بوسائلنا مهما تنكروا.

**يزيد :** ولأيش بدك توصل من تشويه صورة فايز؟  
**المحقق :** بالعكس. انا اقصد مصلحته. فربما يكون وكع عليه اعتداء فى عملية السرکه.

**الجميع :** (يسکتون ويتبادلون النظر بحيره)  
(حکمت تعود ومعها امل ورابحه)  
**المحقق :** تکلّموا. تکلّموا کى تساعدونى فى انقاذه . قولوا الحقائق حتى لو کشفّت بأض أیویه.

**يزيد :** (بعد ان ينظر لامل) احنا ماننتکم عن اخ لنا فى غيبته !  
**المحقق :** اذن انتم لاترغبون جدیا فى عودته اليکم . انتم فقط تريدون ان تتحتفظوا له بسيره جيده .

**مصطفى :** والبنى ادم منّا ایه ولا مؤاخذه غير سمعه وکلمه طيبه ؟ دى بالدنيا کلها ياباشا!

**المحقق :** اذن فقد انتهت مهمتى هنا .. (يهم بالحركة)  
**امل :** انتظر.. انتم الشرطه وانتم مسئولين عن قضيته .  
**المحقق :** انتم مهتاجون لساهر او منجم لحل لغز اختفاءه .  
**امل :** جضية فايز واضحه . ليلتها , اتحرش بيه بعض الاجانب فى الطريق واعتدوا عليه .

**المحقق :** من هم هؤلاء الاجانب؟؟ من اى جنسيه هم .. عرب .. هنود .. افارقة؟؟

**رابحه :** لا اجانب .. يعنى انجليز ؟!  
**المحقق :** معذرة ياآنسى ولكن انتم الاجانب !  
**رابحه :** لا انى مو اجنييه .. انى عربيه . كيف اكون اجنييه ؟!  
**المحقق :** لانك الان هنا فى انجلترا .. اذن تكونين غريبه .

**حكمت :** والله ماغريب الا تصرفاتكم انتم . بذمتك تبقى شهامة لما واحد

ضيف فى بلدكم تهينوه وتسبوه وتضربوه عشان ماهو ابن عرب ؟

**المحقق :** فهمت ..اذن يكون فايز هرب ؟

**جاسر :** وعليش يهرب ؟؟

**المحقق :** شعر بالخجل لما كرامته اهينت.وعجز عن الرد .

**اميل :** لا فايز ماهو ضعيف و ماهو جبان .

**تمام :** ولا فيه عربى يسكت عن اهانه او يسبب تاره .

**المحقق :** (مبتسما ببرود) words .. Words

**صخر :** لا ماهو كلام لكن حقيقة .

**ادهم :** أنتم فى الغرب لاتعرفون العربى ولاتجدرون شجاعته .

**ليث :** نعم اللوى الصهيونى رسم لكم صوره مزيفه للعربى وانتم صدجتها .

**المحقق :** اين هذه الصوره .. فى الكتب مثلا ؟

**رابحه :** فى الكتب والصحف والـ T.V كمان .

**مصطفى :** لعلمك ... احنا العرب اللى يرشنا بالميه نرشه بالدم ..

**المحقق :** (يدون فى مفكره صغيره) نرشه بالدم .

**عنتر :** احنا مانسب تارنا وياويل مين يعاديننا .

**المحقق :** مانسب تارنا (ثم لهم ) الان اصبحت الجريمه واضحه .

**لقمان :** هلا اقتلعت بأن فى الامر جريمه ؟

**المحقق :** نعم ففى ليلة السبت لماضيه انفجرت قنبله فى احدى المكتبات .

وبناء على اقوالكم فأنى اتهم زميلكم فايز ابو الفضل بحرق تلك

المكتبة اخذا بالثار، خاصة أنها تعرض كتباً تهاجم العرب !

**اميل :** هيدا كذب واقتراء . فايز لا يفعل هذا . فايزشاب مسالم بيكره العلف .

- سـيـف : لا هذه سفسطه .
- لـيـث : بل هذا هو الواقع .
- مـصـطـفـى : تصوروا لو كان هو فعلا اللى حرق المكتبة ؟
- عـنـتـر : من غير مايخبرنا اويأخذ رأينا ؟ يبجى يلبس الجضيه وحده .
- جـاـسـر : او على النقيض .. قضى الليله فى قصر الملذات .
- سـيـف : والله لو كان حصل له مكروه هناك .. يبجى يستاهل ماجرى له !
- اـدـهـم : اى والله معاك الحج . الا الاخلاص .
- (ثم يبدأ الجميع فى الانصراف فى اتجاهات مختلفه تدخل ايفا) .
- المـرأه : Hallo
- الجميع : يتوقفون ويتطلعون اليها hallo
- المـرأه : How are you ? .
- الجميع : Fine . thank you
- المـرأه : I am EVE
- الجميع : I am ADAM
- ايفـا : ضاحكه Oh, lovley lovley lovley
- الجميع : اهوانتى !!
- ايفـا : انتوناس لذاذ !!
- الجميع : انتى بتتكلمى عربى ؟؟
- ايفـا : طبعا ياروح قلبى !!
- الجميع : يا اهلا وسهلا .. ياألف مرحب .
- ايفـا : وحشتونى .. وحشتونى .. وحشتونى !!
- الجميع : انتى اكثر .
- لقـمـان : لكن انتى تعرفينا ؟؟

ايثُـا : واحد..واحد يادلى !!  
لـقـمـان : دلى ؟؟ انتى تبقى قريبتى !!  
ايثُـا : واعرف اسراركم.. فضايحكم بالملى ! (الجميع يرتبكون) حد  
يولعلى..!  
الجميع : اولع لك صوابى !  
تمـسـام : حنا شوفناكى فين قبل اليوم.. عزيزتى؟  
ايثُـا : فى قصرالملذات يا عيونى.  
خـزاعه : ما بدك نجولى مين انتى ؟  
ايثُـا : انا صاحبة فايز. الجيرل فريند تبعه!

انـظـلام



## المشهد السابع

**المذيع :** وانصرف زملاء فايز عن الاهتمام بأمره . بسبب شكهم فى اخلاقه  
وحيرتهم فى اتهام السلطات له .  
**المذيعه :** بل بسبب انتظارهم مايسفر عنه التحقيق .  
**المذيع :** اياما كان السبب .. فقد انشغل كل بحياته .

## البنسيون

( فوتومونتاچ لبعض اللقطات فى ازمته مختلفه )  
حكمت جالسه يظهر مصطفى متجها للباب ليخرج فتسعل ثم  
تتظاهر بالقراءه )

**مصطفى :** ازيك يا حكمت .  
**حكمت :** ايه ده ايه ده ؟ بتكلمنى ليه دلوقتى ؟  
**مصطفى :** الله . مش بنت بلدى ؟  
**حكمت :** طب تقدر تقولى ايه اخره كلامنا ده ؟  
**مصطفى :** انا الحق عليا انى بقولك ازيك !

**حكمت :** ما هو بعد ازيك هتقولى ننفسح سوا على نهر التايمز . ماهى بتبدأ كده .

**مصطفى :** تمام ..وايه الغلط فى كده ؟

**حكمت :** وايه اخرة الفسحه دى ؟؟

**مصطفى :** كل ده عشان قلت لك ازيك ؟ الحمد لله انى ماقولتكيش سلامات .. كنتى قولتلى صلح غلطتك ولا حاجه !

**حكمت :** طب اتفضل روح . روح دورك على خوجايه تضحك على عقلها . ماتروح .

**مصطفى :** وماروحش ليه . هو انتى لا منك ولا كفاية شرك ؟

(يخرج مصطفى)

**حكمت :** بأذن الله هترجع م البعثة متجوز واحده اجنبية ويطلع عندها الايدز .

(يدخل سيف)

**حكمت :** فى الحال ايه يااخ سيف ..واقف عمال تبخلق فى م الصبح . تقدر تقولى ايه اخرة البخلقه دى ؟

**سيف :** لا لاشى .

**حكمت :** لا شى ؟؟ هو مش كل بخلقه ولها اخر . طب تقدر تقولى فين عقد العمل اللى وعدتنى بيه ؟

**سيف :** جاهز . ليش الاستعجال ؟ بعد الفخرج اعطيكى اياه .

**حكمت :** ادينى لبست حشمه وبطلت اتكلم مع اى راجل فى البعثة . فيه شروط تانيه ؟

**سيف :** أستغفر الله . هذه كانت نصيحة اخ لاخته لا اكثر . بس ياريتك بجى تنطجى عربى مثلاً .

**حكمت :** (متصنعه الخجل) امال انا بحكى ايش؟!  
**سيف :** الله..العربى خارج من خاشمك بينجط سكر. الآن جمعنى فوج  
 الاخلاص فضيلة العلم.  
**حكمت :** طب وايه اخرة الكلام دا؟  
**سيف :** هيا على غرفتى بدون مايشعر احد! هيا.  
**حكمت :** اه.. ياخسيس... ياندل!  
**سيف :** والله ماجصرتى! انا كنت أختبر اخلاصك ! من اليوم لاتحملى هم  
 المعايص ولاهم عيالك ولا هم الشغل ولاهم الدكتوراه... زين ؟  
**حكمت :** ماحمل هم المصاريف ماخالف. ماشغل ماخالف لكن اترك  
 الدكتوراه وافضل عليها شهور..ابجى حمارة !!  
**سيف :** طب مانا جدامى امريكانيات ويترموا تحت رجليا. تجومى انتى بتريدى تسوى  
 راسك براسى؟ بكفايه عليكى الماجستير واتركى لى الدكتوراه. هوانا جادر اخذه؟!  
**حكمت :** (متصنعه الرقه) انت بتتشرط عليا وتذللى لاجل ماتوافج تنزولجى؟  
**سيف :** أستغفر الله العظيم.. ومين جاب سيرة الزواج اصلا؟!  
**حكمت :** أمال عمال تتشرط عليا وعاييز تحبسنى فى البيت وتغطينى من فرق  
 لتحت بتاع ايه؟ فاكرنى جاريه هتشترينى بفلوسك؟؟  
**سيف :** افهمى عليا.. لاجل اتزوجك، يلزمنى اسوى تصريحالاول من بلدى  
**حكمت :** وايش لزمته التصريح هادا ؟  
**سيف :** لأنك اجنبية!  
**حكمت :** نعم..نعم؟ وانت تطول تتجوزنى يا عمر؟  
**سيف :** وجعتى بلسانك. مين يكون عمر هذا؟ انطجى. اخرسى ,ولاكلمه.  
 زين انى عرفتك من اولها.  
 (يخرج مسرعا فتخرج حكمت ويظهر مصطفى ومرجريت)

- مرجريت : حلوه حلوه وجديده . ياللا افقيني واحده ثانيه
- مصطفى : انتي بتضحكي على ايه ؟ هوانا قلت نكته ؟ دى فزوره .
- مرجريت : كله منك يضحك مصطفى . انتي مسهره .
- مصطفى : بتحبيني يامرجريت ؟
- مرجريت : Very Very much
- مصطفى : (بدهشه) ايه ؟ لاء . عايز اسمعك بتقوليلها بالعربى . الانجليزى بقاعى تعبان شويه .
- مرجريت : اوكى انت سيدى وتاج راسى .
- مصطفى : دا انتي اللى ستى . اطلبى منى اى حاجه ياروحى .
- مرجريت : تقدرى تقوليلى ايه اهره هبنا ده ؟!
- مصطفى : ياريتنى ماقلتلهما تتكلم عربى ! ايه يامرجريت . انتو برضه عندكوا الحاجات البلدى دى ؟ عيب انتو ناس متحضرين !
- مرجريت : ضرورى افكر فى المستقبل موسقا .
- مصطفى : (بأفعال) بس انا مقدرش اسيب وطنى ولا بكنوز الدنيا .
- مرجريت : No problem .. اسافر مآكى بلدك .
- مصطفى : بتحبينى للدرجة ؟ دا احنا عندنا اعلى نسبة تلوث بيئه وضجيج وزحمه . غير ازمات التمويل والاسكان وبلاوى مثقله .
- مرجريت : انا أأيش مآكى واكلها بدؤه !
- مصطفى : وبعدين بقى ؟ بصراحه يامرجريت ، اهلى هيقولولى عيب وحرام وما يصحش وهيرفضوا .
- مرجريت : يرفودوا ايه ؟
- مصطفى : جوازنا طبعا .
- مرجريت : ومين جاب سيرة الجواز ؟

مصطفى : ايه؟

مرجريت : كفايه توأدنى نستلى اسهاب طول الأؤمر!

مصطفى : بجد ؟ وماترجعش تندمى انك مااتجوزتيش ؟؟

مرجريت : مدام الجواز اندكم أيب وهرام ومايصهش!! ياللا بينا

(ثم تتوقف) بس ضرورى نهلف مستقفا.. خمسة.

(يتجه مصطفى ومرجريت للدخل)

(يظهر خزاعه من الخارج ومعه فتاه اجدييه تمسك بمظله)

خزاعه : you are very beautiful

الفتاه : Thank you

خزاعه : and you are a rocte

الفتاه : what ....?

خزاعه : yes انتى صاروخ and you are a bomba

الفتاه : Oh . no you are a fool

خزاعه : سبحان الله فى طبعكم يا حريمات الفرنجه .. بغازلك .بقولك انتى

صاروخ انتى جنبله . مايتعرفى لغة بلدك ؟. اوكى بكلمك باللغه

العالميه .هاتى واحده (ويمط شفثيه ليقبلها . تظهر رابحه)

الفتاه : can you ?

خزاعه : ياسلام..الا اجدر..وايش يمتعنى .دى بوسه؟ (يهم بتقبيلها)

الفتاه : I am ready

رابحه : (تهجم عليه وتصيح) يا فضيحتك يا خزاعه يا مصيبتك يا خزاعه.

خزاعه : انتى فهمتى خطأ.. انا فى مهمه جوميه !

رابحه : لا يا شيخ..!؟

الفتاة : what the matter ??

خزاعه : امشى انتى . امشى

( تخرج الفتاه )

خزاعه : افهمينى ياربچه .. الزملا خدوا جرار بأنا نفصح نساء الاجانب .

ويكده ننتجم من الغرب كله ! وهذا تكليف . لو جصرت اجيب العار

لاهل بلدى . يرضيكى يجولوا ماعندنا رجال ؟!

رابحه : ومالجوا غيرك يختاروه لها المهمه الوسخه ؟

خزاعه : انا مو لوحدى . كلنا بنفذ هاالمخطط .

رابحه : طيب بالأذن دجيجه (وتتحرك خارجه)

خزاعه : (بقلق) وين رايحه ؟؟

رابحه : (تقف) رايحه انفذ ها المخطط تبع العرب! ياجون I am ready

خزاعه : آه .. يا جليلة الادب !

(يخرج ويظهر الطلبة وايضا من الداخل)

الجميع : (يحيطون بها ويضحكون معها)

سـسـيـف : (وهو يقدم لها علبه صغيره) اجبلى منى هديه بسيطه

ايـثـمـا : (باستخفاف) خاتم سوليتير؟؟

سـسـيـف : بفص الماظ حر .

ايـثـمـا : وايه يعنى؟

سـسـيـف : تسمحي اعزملك نشرب فنجان شاي فى اى محل؟

ايـثـمـا : بعدين بعدين .

سـسـيـف : (هامسا وهريضع يده فى حبيبه) جبت لك شى .

ايـثـمـا : (بفضول) ايش ؟

سـسـيـف : (يخرج ورده) امسكى . (هامسا) انا فى غرفتى الليله . (ويحسم)

اياكى تتأخرى !

لقمان : خبطت عليك كثير بالليل من شان اعطيكى هديه . المره الجايه ان  
مافتحتى بكسر الباب .

ايثسا : ياشقى !

مصطفى : ده كلام ياايفا؟ .. تلطعيني امبارح ساعتين ع الكوريش ؟ دا نهر  
التايمز بيطلع تلج .

ايثسا : Sorry كنت مشغوله .

مصطفى : انتى الخسرانه كنت هسقيكى قزاتين بيره م اللى هما .

ليث : اسمحيلي اهديكى اعز مالماتك ! كتاب الوحده الثوريه بين الاصله  
والمعاصره !

ايثسا : موش فاهمه

ليث : مانا بدى اختلى بيكى لاجل اشرحلك معناه !

تمام : (يغنى لها اغنيه اجنبيه والكل يلتف حولها ضاحكين وراقصين)  
(تظهر امل فيسكت الجميع)

ايثسا : اوكى . اسمحولى استأذن خمسه وراجعه لكم تانى .  
(تخرج ايفا)

لقمان : (بعد لحظه صمت) اهلين امل .. اتفضلى . عن اذنك . (يهم بالخروج)

امل : انتظر .. ليش بتهربوا منى ؟ ليش بتسكتوا من حين ما تنصروا  
وجهى ؟ ماعدتم طابجين تسمعونى او تحكوا معى او تحكوا عنه .

خزاعه : معاذ الله .. انما هى سنه الحياه . وكل حى وهمه وراه .

امل : وكيف يرجع فايز لما الكل يسعى لحاله وحده ؟

ادهم : لو نعرف مكان اختفائه نقدر نساوده .

امسسل : الحين بتسموا الجريمه اللى وجعت بحجه اختفاء ؟

رابحه : اعذرينا .. اصبحتا وامسينا فى حيره .

املل : تبجى هزيمه .

صخر : احنا مالتأخرنا وماجبنا ومانسينا . احنا بنفكر وبنبحث عن وسيله .

املل : تبجى هزيمه .

عنتسر : كيف واحنا مادخلنا معارك بعد ؟

املل : الهزيمه بتحصل هون فى العجل . بعدها بتخور الاراده وتنحل

العزيمه . تتجيش الجيوش وتصدح الابواق بالموسيقى وينساق الجند  
لساحة الوغى .. فحط لاجل اعلان النتيجة .

مصطفى : (بضيق) يا اخوانا دا كثير .. حد يقولها الحقيقه .

(لحظة صمت يتبادلون فيها النظرات)

حكمت : اخت امل .. فايز له حبيبته غيرك .

املل : (تنظر لها لحظه بلا تعبير واضح)

حكمت : عارفه انها صدمه . لكن كل الحقايق مره .

املل : شو معنى ها الالفاظ ؟

حكمت : معناها انك لا بد تنسيه . اللي باعك واشترى اجنبيه ما يستاهل حتى  
البكى عليه .

املل : لاه .. لاه .. لاه .. هيدا كذب ..

رابحه : وكيف تتأكدى انه كذب ؟

املل : وكيف بيعرف الوليد امه ؟ وكيف بتحس الطيور هزات الزلازل جبل

وجوعها ؟ بعرف لأن الصدج بيستنى جنوه الجلب والكذب بيفضل

براه . كلكوا ما عرفتوا فايز ما انتوا اخواته ولا كنتوا رفاجه .

تمام : عجبكوا الحال .. ؟

املل : بتسألونى كيف اعرف ؟ آدى جوابه .. اخر مراسيله الى (تقرأ من

ورقه) حبيبتي وصديجتى ومنبع افضالى . اجبل الايادى واظراف



رداءك واصلى كى يحفظك الله ويرعاكى . اما بعد .. اعود اليكم فى  
التجريب العاجل . انتظرينى فى النافذة البحرية بالثوب الوردى ... لا  
تنسى . عائد لن اتأخر .. اوحشنى الشمس التى تجطن سطحنا .  
والدجاج فى فناء الدار . اوحشنى البيار .. والنخل الطوال .. اوحشنى  
العمه والخاله والصغار . والاكل بالبهار .. تسأليننى عن شغل  
المفارش ؟ اشغلها باللون الاخضر . ذلك فى رأى افضل .. او فليكن  
بكل الالوان . عائد لن اتأخر .. وسلاما يا املى الغالى .. يا حلمى ..  
وسلاما للأهل وللصحبه ولكل من فى الدار .

ملحوظه لاتنسى ان تسجى الازهار . المخلص للأبد . فايز عمار .  
(لحظة صمت الجميع يخفضون رؤوسهم) .

**ادهم :** والله معاكى الحج ..الى كتب ها الخطاب محال يكون خوان .

**جاسر :** الوقت سرقنا .. والاسبوع المهله قرب ينتهى .

**خزاعه :** احنا ماجصرنا .. الايام هى اللى بتجرى بسرعه ا

**مصطفى :** اطمنى . فرجه قريب .

**سيف :** اصبرى صبرا جميلا .

**عنتر :** اوعدك ان فايز هيرجع لك , اتكلى على الله .

**حكمت :** تعالى يا امل ..م النهارده مش هنسيبك لوحداك ابدا .

(امل تهم بالخروج مع حكمت ورابعه فيدخل جورج)

**جورج :** سورى عزيزتى , لازم تتركى غرفة فايز مدام مافيش فلوسى تدفعى .

**خزاعه :** لاحول ولاجوة الا بالله .

**جورج :** سورى دى موش مشكلتى انا .

(يعطيها حقيبتها ويتحرك لباب الخروج) .

**مصطفى :** لا ، لايمكن نسمح ان اختلنا تنطرد من وسطنا .

جاسر : نعم فى غياب فايز , كلنا رجالها .

جورج : فى هذه الحالة انا مضطر لاخلأ الغرفة بقوة القانون .

(جورج يخرج)

ادهم : انا مستعد استضيفها فى غرفتى .

صخر : لا والله , انا ياللى اخدها لغرفتى .

الجميع : لا انا .

امل : اسكن مع حدا فيكم ف غرفة واحده ؟

ليث : امال نترك لك غرفتنا ونبات فى الطريق ؟

الجميع : ماتخافى ..

حكمت : انتى مكسوفه منهم ليه ؟ دول مش رجاله .

رابحه : ايه نعم . دول اخواتك خايتى .

تمام : وانتوا مواخواتها ؟ واحده تاخذها عندها ؟

حكمت : انتى تنورىنى , بس ماتأخذنيش , الامتحانات قريب و ..

رابحه : ايه وانتى بتجعدى طول الليل تنوحى . كيف نذاكر احنا ؟

(جورج يظهر ومعه جندى انجيزى)

الجندى : (لامل) Please come with me

جاسر : لا لن نسمح بهذا العار . سى جورج . لو امل انطردت م البلسيون ,

كلنا بنترك البلسيون .

الجميع : نعم , كلنا بنترك البلسيون (ويجلسون)

مصطفى : واحسبها بقى ياخواجه , شوف هتخسر كام زبون .

جورج : اوكى اصدكائى .. سلمونى المفاتيح وهساب ١٣ يوم

عنتر : فليكن , بكره يعض بنان الندم .

الجندى : (يشير لامل فتتحرك خارجة)

**مصطفى :** استنننى يا امل , كلنا محصلينك فى الحال .  
**سيف :** (لچورچ) امهلا ساعه نرتب فيها اغراضنا ونسوى حاجتنا  
**چورچ :** الساعه الان اتناش يبقى محسوب عليكم يوم اخر  
**خزاعه :** انتظروا , طالما اليوم محسوب علينا يبقى نجعد لباكر  
**جاسر :** اى نعم ونكون لقينا بنسيون رخيص وقريب يلما .  
**ادهم :** ياالخوان بدل مانتشرد كلنا , نتبرع لامل بحج الغرفه ووجت  
 مايرجع فايز يرد لنا قلو سنا .  
**خزاعه :** وانت هتدفع معنا ؟  
**ادهم :** انا اولكم , بس حد يسلفنى لحين ميسره .  
**ليث :** موافقين . ابعثوا لامل ترجع .  
 (مغوار يخرج)  
**چورچ :** لكن افرضوا فايز مارجعش ؟ انا مضطر اطلب ايجار شهر مقدم .  
**مصطفى :** الخواجه ده يهودى ؟  
**صخر :** نسأله , لو طلع يهودى بنترك المكان فى الحال .  
**تمام :** تانى ؟  
 (يدخل مغوار)  
**يزيد :** أجولكم ، الافضل مانسأله . طلع يهودى او ماطلع مابتفرج .  
**ادهم :** والله معاك الحج , طالما بنجهل الامر . ماعلينا شى .  
**مغوار :** نقطة نظام ياالخوان . الاخت امل رحلت .  
**عنتر :** ماكان لها حج تيسر بها السره .  
**ليث :** بينا ندور عليها ونعرف مكانها .  
**جاسر :** مش لما نلاقى سى فايز .  
 (تظهر ايفا)

**ايثسا :** الحل عندى .  
**الجميع :** كيف ؟  
**ايثسا :** عندى اللى ينقذ فايزم اللى خطفوه ويرجعهمولنا سليم .  
**جاسر :** دلينا عليه .  
**ايثسا :** واهد معرفتى .. الشرط تدوه اتعابه .  
**ادهم :** بندفع مهما كان الثمن ..  
**خزاعه :** (مقاطعا) بندفع .  
**ايثسا :** ميه وعشرين الف دولاريس .  
**خزاعه :** بس ؟  
**سيف :** هذا اكثر من الفديه اللى طلبوها .  
**ايثسا :** آه . بس فايز هيرجع بكرامته ويبقى اسمكم انتوا اللى انقذتوه . قلتوا  
 ايه ؟  
**الجميع :** قولنا لاء .  
**ايثسا :** بيقى افتكروا . لو فايز اتقتل بكره ولا بعده تبقوا انتوا اللى قتلوه .

(ستار الجزء الأول)







## المشهد الثامن

- المنظر : الاستديو
- المذيع : مازلنا نتابع تطورات قضية فايز ابوالفضل،التي فرضت نفسها علي الرأي العام .
- المذيع : فقد ادعت الصحف البريطانية انه الارهابي المسئول عن حرق المكتبة
- المذيع : وكالعادة ..انهالت المقالات التي تهاجم العرب جميعا .
- المذيع : ولهذا قرر الاخوه الزملاء عقد اجتماع طارئ لبحث هذه القضية .
- المذيع : وسنوافيكم عنه بتقرير مفصل.
- المذيع : يعده ويقدمه ..
- المذيع : صادقه صالح
- المذيع : وامين قالح .
- المخرج : ستوب .. كويس بس كان لازم تتكلموا عن فايز بحماس اكتر . دا بطل .. رفض الالهانه . واثبت ان عنده كرامه .
- المذيع : انت صدقت كلام الانجليز عنه ؟ دول يقصدوا يطلعوه مجرم وارهابي .



**المخرج :** امال اصدق انه كان في الماخور ونجيب العار لينا كلنا ؟  
**المذيع :** ابدا دا اللي يدينهم ويأكد ان فايز كان ضحيتهم .  
**المخرج :** يعني حرام بيبقي عندنا بطل نفتخريه قدام ولادنا . \_ ؟  
**المذيع :** بطل في حرق الكتب ؟  
**المخرج :** دي كتب كلها اكاذيب ويتحرض علي قتلنا ..  
**المذيع :** الرد ع الرصاص يكون بالرصاص . انما الرد ع الكتب يكون  
 بالكتب . انتي ساكتة ليه ياصادقه ؟ ماتقولي رأيك .  
**المذيعه :** اقول ايه ؟ هو عايز يطلع فايز حرقها لأنه بكده بيبقي بطل في نظره .  
 وانت عايزه يطلع راح الماخور لأنه بكده بيبقي ضحيه في نظرك  
 ... دي اراء ياخوانا . لكن محدش سأل الحقيقه ايه ؟  
**المخرج :** واحنا هنعرف ازاي ؟ الحقيقه مايعلم بيها الا رينا .  
**المصور :** انا صحيح ماليش طقطان ع الكتب . لكن ماخشش عقلي ان حد  
 مهمن كان مظلوم يحرق مكتبه . ده لازم يكون واحد جاهل قوي  
 وكمان حد دافع له قرشين جامدين . انا نازل شارع اكسفورد ابضع  
 شويه هدم ... حد يحب ييجي معايا ؟

اظلام

## المشهد التاسع

- المنظر : بار البنسيون .
- المذيع : عزيزي المشاهد
- المذيع : قرر الاخوه زملاء فايز عقد اجتماعا طارئا لبحث قضيته. وبعد قليل تبدأ وقائع الاجتماع المصيري.
- المذيع : ونظرا لعدم وجود قاعه مناسبه بالبنسيون ..
- المذيع : فقد اختاروا المكان الوحيد الذي يمكن ان يسعهم جميعا . بار البنسيون.
- المذيع : ومنذ لحظات بدأ توافد الجميع تباعا .. (يظهر الطلبة تباعا وكل يحمل ملفا بعنوان قضية فايز ويسرع بجديده ليجلس)
- المذيع : (الصخر) نعرف انطباعك عن ...
- صخر : (مقاطعا) كفانا كلام .. انه وقت العمل الايدولوجي المصيري التعبوى
- المذيع : تعليقك حول...
- سيف : No coment . لا تعليق!
- المذيع : توقعاتك بالنسبه ل..

**عنتر** : (يشير بعلامة النصر) هذا والا ..  
**المديعة** : رأيك في ..  
**خزاعه** : الله الموفق .  
**المذيع** : الاطار اللي ..  
**ليث** : لا تراجع .. لامهادنه .. لاستسلام!  
**المديعة** : ماذا عن التبرعات التي تصلكم ؟  
**ادهم** : (يحمل صندوقاً صغيراً) تبرعوا لافتداء اخوكم المخطوف .  
**المذيع** : لو سمحت لي .. لماذا لا ..  
**ادهم** : نحن نرفض ان يشاركنا احد الدفاع عن جضية فايزلاننا اولي بها  
من غيرنا .  
**المديعة** : كلمه بخصوص ال ..  
**سؤدد** : سلامي الي الاهل والاغارب . وهرسل لهم الدواء في اغرب وغت !  
**جاسر** : ارجوكم دعونا نعمل في هدوء .  
(ينسحب المذيعان)  
(لحظة صمت ثم فجأه يبدأ الجميع الحديث في نفس الوقت)  
**مقوار** : نقطة نظام في البدايه ياخوان .  
**الجميع** : اتفضل .. اتفضل ..  
**مقوار** : اذكركم باتفاقنا الدائم . لا كلام في السياسه لا كلام في الدين لا كلام  
في العرق او في الجنس او في الكره .. الخ الخ !  
**عنتر** : ارجو اثبات هذا في محضر الجلسة .  
**صقر** : لا ارجو عدم ذكر هذا في محضر الجلسة .  
**تمام** : لا يوجد محضر للجلسه . !  
**يزيد** : اذن انا بكتب محضر للجلسه .

مصطفى : (ينقر علي المائدة ) لو سمحتم سكوت ياخوان عشان نبدأ الاجتماع .

(يسود الصمت تدريجيا) بسم الله الرحمن الرحيم .. اخواني ..

جاسر : انت كنت بستكتنا لاجل مانتكلم وحدك ؟

مفوار : (يرفع يده) نقطة نظام .

مصطفى : وانتو بدكوا تتكلمو اجميعا في نفس واحد ؟

تمام : من حق الجميع يتكلمو .

مفوار : نقطة نظام ..

سؤدد : دي تبغي فوضي .

مصطفى : كلكوا هنتكلمو لكن بالدور .

صخر : شو الحكمه من انك ياللي ترأس الاجتماع ... حاطط طرطور علي

راسك ؟

جاسر : ليكن في معلوماتكم اني لن اسمح لأي حدا مهما كان ان يتراأسني .

مفوار : من فضلكم نقطة نظام ..

مصطفى : انا مش عامل ريس .. بس لازم حد يدير الاجتماع .

سيف : زين .. انا مستعد ادير الجلسة . اجعد .. بسم الله الرحمن الرحيم .

اخواني ...

عنتر : انا ايضا مستعد اديرها . هي شغلانه ؟ بسم الله الرحمن الرحيم ..

ايها الاخوان !

مفوار : نقطة نظام ياناس !

مصطفى : استنوا نشوفه عايز يقول ايه . اتكلم ياخ مفوار .

مفوار : يا جماعة المفروض اننا ..

سيف : (لمصطفى) انت بأي حج تعطيه الاذن بالكلام ؟

خزاعه : بالفعل .. هذا معناه انك انت اللي بتدير الجلسة

مصطفى : دا طالب نقطة نظام .

سسييف : قليكن .. انا ايضا اطالب بنقطة نظام !

مصطفى : وانت تعرف يعني ايه نقطة نظام اصلا ؟

جاسر : لا... بهذا الشكل لن ننتهي .

خزاعه : لا تنفعل يا أخي ... لا تنفعل .

جاسر : خزاعه ، لا تحجر عليّ حريري . من حقي انفعل واحتج واشجب وانسحب ايضاً !

خزاعه : (منفعلًا) انسحب يا أخي . لا تهددنا .. ما بتتهدد .

جاسم : اذن انا منسحب بالفعل . (ينهض)

يزيد : وانا معه ! (وينهض)

مصطفى : صلوا ع النبي ...

الجميع : اللهم صلي عليك يا نبي .

(يدخل جورج ويصب لكل من زجاجة مياه معدنيه في كويه ثم يخرج)

صخر : بسم الله الرحمن الرحيم .. نبدأ الجلسة .

عنتر : علي جيتي !

مصطفى : انتو عاملينها مشكله ليه ؟ نتصرف زي الاجانب . نلجأ للديموقراطيه .

سسييف : أيش جلت ؟؟

مصطفى : احدا مضطرين ناخذ منها ولو جرعه بسيطه !

سسييف : والله يا أخي اللي كثيره منكر جليله منكر ايضاً !

مصطفى : حد عنده حل ثاني ؟

مغسوار : انا .... عندي نقطة نظام .

مصطفى : بعدين .. مش وقته ! نفتح باب الترشيح .. اللي يري انه جدير  
برئاسة الجلسه يتفضل يرفع ايده .

الجميع : (يرفعون اياديهم)

مصطفى : مايفعش .. لازم البعض يتنازل عشان يبقي عندنا ناخبين  
سيف : انت مستعد تتنازل؟؟ .

مصطفى : لا طبعا !

سيف : يبجي تجعد ساكت !.

جاسر : اعترض .. هذه مهزله . وانا ابرأ بنفسى ان اشارك في صغائر  
الامور .

يزيد : وانا معه !.

لقمان : يعني متنازل خيى ؟؟

جاسر : لا .. ولكنى منسحب .

يزيد : وانا معه .

مصطفى : استلى بس ماتبقاش متهور . الطيب احسن .

عنتر : اتركه . بناجص واحد .. بناجص عشره . نحن لانخضع للتهديد ولا  
الوعيد .

جاسر : انا منسحب لكنى لن اخرج . (ويجلس معطيا ظهره للجميع)

سيف : يبجي تجعد ساكت .

جاسر : يلتفت برأسه ولن اسكت (ثم يعطيهم ظهره ثانية!)

يزيد : ولا انا . (ويجلس مثله) .

صخر : ياخي .. بدل ماتنسحب او تعطينا ظهرك اتنازل عن الترشيح  
وانتخبني .

جاسر : ولن اتنازل !

صخر : طب أقعد عدل .

جاسر : ولا يمكن اتعدل!

يزيد : ولا انا.

مصطفى : ياخوانا .. ياخوانا .. صلوا ع النبي ..

الجميع : اللهم صلي عليك يا نبي .

لقمان : أخواني .. اذا كان هادا يحل المشكل .. انا متنازل .

مصطفى : ارجوان تحبوا معي الزميل لقمان . (تصفيق من الجميع)

صخر : الان طالما لدينا ناخب .. يبقى الانتخاب استوفي الشكل القانوني

مفوار : نقطة نظام .

مصطفى : اصبر .. الكلمه الان لسيادة الناخب وعلينا جميعا ان نرتضي

حكمه ..

لقمان : اخواني ..

مفوار : نقطة نظام من فضلك .

لقمان : لانا لا استطيع ان اعطيك الكلمه . فما انا الا ناخب . لكن الرئيس

اللي أختاره هو وحده اللي يملك هادا الحق .

الجميع : (يصفقون بحماس) الله اكبر .

مصطفى : والان ايها البطل .. ايها القدوة .. قول كلمتك ، تنتخب مين فينا؟؟

لقمان : ارجوان تتقدمولي ببرامجكون حتي استطيع ان اختار افضلكم ان

وجد، ولن يوجد!

الجميع : (يتحدثون في وقت واحد)

لقمان : لا . هادي فوضي وانا لا اسمح بالفوضي بأي حال من الاحوال .

ما احد فيكم مسموح له ينطق بحرف بدون اذني . فهمانين علي؟

جاسر : اعترض . من الناحيه العمليه انت اللي بتدير الجلسه .

- لقمان** : انت بالاخص لن انتخبك ابدا .
- جاسر** : اعترض. الناخب هنا في وضع الاقليه ولايمكن السماح للأقليه بأن تتحكم في الاغلبيه !
- صخر** : انت ضده يا جاسر , لأنه لن ينتخبك .
- لقمان** : انا ما طلبت منك تدافع عني . سكر تمك وله .
- صخر** : انا ايضا ؟؟
- لقمان** : نعم انا صاحب الاصوات كلها.. انا وحدي الشعب وليس من حق اي زلمه غيري انه يفتح تمه !
- سؤدد** : هذه اسمها دكتاتورية الأغلبية .
- سسييف** : بل هذا يقبت فساد الديموجراطيه . !
- ليث** : اخواني .. من اجل الحفاظ علي وحدة الصف اعلن تنازلي عن ترشيح نفسي .
- مصطفى** : وانا احبي موفقك الشجاع !
- سسييف** : طبعاً يدك كلنا نتنازل لاجل ماتكسب بالتركيه .
- لقمان** : سبق وطلبت السكوت، لاتضطروني ان انذركم بالطرد من الجلسة .
- ليث** : لاحظ انك الان ماعدت الناخب الوحيد وانا اتمتع بنفس حقوقك .. يعني ماتقدر تطرد احد بدون امري ! بطرد واحد .. بطرد ثلاثه .
- مصطفى** : بالشكل دا الاصوات هتتعادل وما حدش هينجح .
- مفوار** : نقطة نظام .. !
- ادهسم** : بناء عليه نتوقف في السير في الانتخابات وبعاد بحث الامر .
- خزاعه** : نقترح الغاء الاختراع الغريبي الاجنبي المسمي بالديموجراطيه .
- سسييف** : نقترح العوده الي التجاليد والاعراف العربيه الاصيله .
- مصطفى** : أريدك بشده . ومن تقاليدنا ان الكبير يقولي الرئاسة وبما اني اكبركم ..



**البعض** : أقعد .. اسكت .. ديماجوجي .. شعوبي .تصفاوي  
**سيف** : لا والله يااخي .. انما الكبير يكون كبير بعجله لايسنه او وضعه .  
**ادهسم** : والله معاك الحج .. (تصفيق من الجميع)  
**سسيف** : وبما اني ارجحكم عقلا وابعدكم فكرا واكثركم ديننا ..... !  
**الجميع** : أقعد.. اسكت .. كفايه ..  
**مفوار** : ارجوكم .. بقالي ساعه طالب نقطة نظام .  
**مصطفى** : مافيش ريس عشان يدبك الكلمة .. اتكلم طوالي .  
**مفوار** : يااخواني ....  
**مصطفى** : فجأه بس .اسكت ثم لهم لقيتها ...!  
**البعض** : ايش ؟  
**مصطفى** : عندي حل وسط . نعمل قرعه ! بكده تتساوي روس الكل ونسيب  
الحظ يختار لنا مين اللي يقودنا !  
**سيف** : لاتقل الحظ ..  
**سيف وخزاعه** : بل قل ان الله شاء .  
**مصطفى** : اللي موافق علي اقتراحي يرفع ايده . (ويسرعه قبل ان يرفع احد  
يده) موافقون؟؟ اجماع!!  
**صخر** : ننقل الان الي السؤال الاهم وهو من يقوم بعملية القرعه ؟؟  
**عنتر** : اي فرد ..هل هذه مشكله ؟  
**جاسر** : لاتخلق مشكله من لا شيء ..  
**ليث** هذه شكليات ..  
**صخر**: اذن انا اعمل القرعه .  
**عنتر** : لا . كله الا انت .. الا انت !.  
**صخر** : ياالله ...!

**جاسر** : انا زهقت وقلقت وقرفت . انا منسحب نهائيا .  
**صخر** : اقعد .  
**جاسر** : ماني قاعد  
**تمام** : اعقل .  
**جاسر** : ماني عاقل  
**ليث** : هذه خيانه وتآمر علي وحدة الصف!  
**عنتر** : بل هذه عماله .  
**ادهم** : هذه شعوبه شوفينيه .  
**سيف** : بل هذا كفر والحاد .  
**خزاعه** : رده وارتناد .  
**عنتر** : رجعي .. تصفاوي مهادن  
**سيف** : شيوعي .  
**يزيد** : امبريالي .  
**عنتر** : اخرس ياعربي (ويلقي بمحتويات الكأس في وجه خزاعه)  
**خزاعه** : شاهدين ياخوان؟؟  
**عنتر** : اوعوا من طريقي .. اتركوني عليه .  
**صخر** : لو تركتوهم يضربوا بعض هضريكم جميعا !  
(جورج يظهر يصب لهم من زجاجة الماء في كؤوسهم)  
**خزاعه** : (يضع يده فوق فتحة الكأس) بكفايه .  
**سيف** : اعوذ بالله من الشيطان الرجيم .  
**خزاعه** : اي نعم كله من الجن . الجن هو اللي بينمكن منا ويغير نفوسنا .  
**عنتر** : لا والله انا اجدر علي خمسين جن . (ويصبيه فواق الجميع ييدو  
الان عليهم اثار السكر ويصبيهم الفواق)

- مغوار :** (كأنه يتسول) يا اخواني ..ها ارجوكم نقطة نظام . !
- مصطفى :** خوتنا .. ها .. عايز ايه ؟
- مغوار :** نقطة نظام .. لا بد اولاً من تحديد المشكلة التي من اجلها اجتمعنا !
- صخر :** اي والله من المهم ها تحديد المشكلة .
- مصطفى :** فكره وجيهه ..ها وايه المشكلة التي تقترح حضرتك اننا تناقشها ؟!
- مغوار :** انا ؟؟
- مصطفى :** طبعا .
- مغوار :** انا ماعندي مشكله البتة !
- مصطفى :** امال مين اللي ..ها عنده مشكله ؟
- عنتر :** ليش بتتظر لي ؟ انا ماكو مشاكل عندي ها دور علي نفسك !
- خزاعه :** ريتا مايجييب مشاكل ياشيخ .. !
- سؤدد :** (يصحو فجأه وهو يتأب) اللهم اجعله خير .
- يزيد :** اذا كان مافي مشاكل، ليش خلوتونا نجتمع اصلا ؟
- سؤدد :** يكون الامر متعلق بموضوع الاخ فايز ؟
- صخر :** نعم هي قضية فايز .. عار عليكم هل نسيتم ؟
- ليث :** التبرعات اللي وصلتنا تقضي مبلغ الفديه . لكن لو دفعنا، العالم كله يسخر منا .
- تمام :** ولورفضنا، يقتلوا فايز ونبقي فشلنا في انقاذه .
- لقمان :** يبقي احنا مضطرين نقبل العرض اللي عرضته علينا ايها .
- جاسر :** نستسلم وندفع الفديه ؟
- عنتر :** لا مجرد عربون . مش كل المبلغ . نسلمه لأيفا وهي توصله للعصابه عن طريق صاحبها ويطلب منهم يمدوا المهله شويه .
- ادهم :** والله معاك الحج . وبهذا نأخذ وقتنا في التفكير وتظل الجضيه حيه .

**مصطفى :** موافقون؟ (لا احد يرد) اغلبه صامته!

**صخر وعنتر:** لا. اعترض علي هذه القرارات..الا اذا كانت سرية .

**جاسر :** اعترض. هذا لا يكفي . لا بد من اصدار قرارات اخري علنيه .

**سـؤدد :** (بقرف) غول ليـنا يـازول شـنو نـعمل وخلصـنا .

**جاسر :** اصدار البيان رقم واحد. بيان شديد اللهجه ... من الطلبة المتحدين العرب .. الي عموم اوربا الحره .

**الجميع :** نشجب ونندد بكل فسوه ماحداث لغايز زميلنا . نرجو اعادته اليـنا في اقرب فرصه .. واذا تكرر ذلك منكم .. عضبنا جدا عليكم! ودعونا الله ان يسخطكم!

**المخرج :** وقف .

**المصور :** حاضر. (تثبت الحركه علي المسرح)

**المخرج :** رجع لي البيان ده وانزل بشوية موسيقي في الخلفيه .

**المصور :** طيب .. طيب مانزعش نفسك .

(تعاد الجمل السابقه علي موسيقي راقصه)

**المخرج :** (بغيط) ستوب ..ايه اللي هببته ده ؟

**المصور :** مش عايز مزيكه فرايحي تغطي ع الهم ده ؟!

**المخرج :** حاجه وطنيه يابني ادم , نشيد ... غنوه حماسيه .

**المصور:** اه زي اللي بنذيعها لما نكسب في الكوره اعنيا بس مانزعش نفسك! (اعاده للفرقه السابقه علي موسيقي مارش) .

(اظلام بينما يستمر الصوت مسموعا لنهاية الفرقه) .

## المشهد العاشر

اثناء الاظلام نسمع هتافات تقترب ثم تضاء صالة  
المسرح لنري الطلبة وعلي صدورهم لافتات تؤيد  
فايزويوزعون علي المتفرجين منشورات بصورته .

جاسر : تؤيد...ونساند...وندعم .. ويقوه !

سيف : ونعاهد ونبايع ونهلي ونبارك ويشده !

لقمان : نموت نموت ويحيا فايز.

مصطفى : بالروح بالدم .. نفديك يا فايز.

ليث : يسقط الاجانب، يسقط الغرب الاوربي . يسقط العلم الامريكي .

مفسوار : نقطة نظام يااخران، مالنا علاقه بالسياسه، خلونا في قضية فايز.

الجميع : خلونا في قضية فايز

المنظر : (حديقة هايد بارك وبها خيمه الي جانب) (تظهر امل من الخيمه)

ادهسنم : تبرعوا لايواء اختكم المشرده .

ادهسم : دول حاجه بسيطه مني، تمشي بيها حالك ، الباقي شايلينه للجصبيه .

امل : لا مايريد حسنه من احد.

**مصطفى :** (يرفع يده باسطة كف يده) نقسم ياأخوان .

**الجميع :** نقسم امامك ياأختاه ... نقسم بالله . يحرم علينا الفرح .. يحرم علينا الغنا

واللعب .. يحرم علينا الحب . لحين مايرجع اخونا فايز .. والمستخبي بيان .

نقسم نكون يد واحده ... ننبذ جميع خلافتنا . مانعتمد علي حكوماتنا

وسفارتنا . لانعتمد الا علي الله ... وعلي سواعدنا وعقولنا ... نقسم امامك

ياأختاه .. تحرم علينا الحياه .. لحين مايرجع لك فايز ... مرفوع الجباه .

**امل :** الله معكم يارجال .

**ادهم :** معتصمون حتي يرجع فايز .

**الجميع :** (وهم يجلسون علي الارض) معتصمون حتي يرجع فايز .

**عنتر :** مضربون عن الطعام حتي يرجع فايز

**سؤدد :** نجوع .. نجوع ويأكل فايز . (يرقد الجميع بأعياء) .

(تدخل حكمت ورابعه) .

**حكمت :** (تقدم لها عامود طعام) خذي ياخوتي رمي عضمك بلقمه

**امل :** لا .

**رابعه :** (تقدم لها زمزمية ماء) طب اشربي شوية ماء خايتي

**امل :** لا .

**حكمت :** كلي حاجه عشان ناكل احنا كمان .

**امل :** لا .

**حكمت :** طب تعالي ارتاحي ، وريحينا معاكي .

**رابعه :** فوتي جدامي .

(يدخلن الخيمة بينما يدخل ريتشارد)

**ريتشارد :** اصدقائي . انا متعاطف معكم لكني جئت لكي اقول لكم , لاتضرخوا

عن طلب العلم .

**يزيد :** اليوم حرام فيه العلم .

**الجميع :** اليوم حرام فيه العلم .

**مصطفى :** وفروا صوتكم محدش عايز يسمعا .

**جاسر :** لا والله لن نهذا ولن نسكت ولن نأكل حتي تأتي الينا «السي ان ان»

**ريتشارد :** الاعلام الاوربي لن يأتي لانه لا يفهم لغتكم . فالشعارات والهتافات بالعريه .

**خزاعه :** وكيف تثبت لجميع الاخوه العرب اننا ننضال من اجل اخونا فايز؟

**ريتشارد :** انا اقترح بدلا من الهتاف ان يكون هناك نقاش . مناظره بينكم وبين طلبه اوريين تشرحون فيها وجهة نظركم .

**صخر وعنتر :** لا مابتناقش .. مابتناقش .

**مصطفى :** سبحان الله .. مانتوا طول النهار بتتناقشوا .

**عنتر :** مناقشه الاخوات مع بعض شيء ثاني . لكن دول اغراب .

**سيف :** الفرنجه حرين يتناقشوا لأن ماعلدهم كبير!

**المذيع :** وهكذا تردد الطلبة العرب في الموافقه علي فكرة المناظره وطلبوا مهله للتفكير

(يخرج ريتشارد)

**المذيعه :** وتوجه اليهم البرنامج بسؤال .

**المذيع :** ماذا فعلتم من اجل فايز غير الهتاف؟

**المذيعه :** واليكم الاجابه .

**المذيع :** لندن، صاذه صالح وامين فالح . بعثة التلفزيون المصري .

**مصطفى :** (يعطي اشارات للبعض فيتخذون اماكن معينه والبعض يتحرك جيله وذهابا بقلق)

(يدخل ليث)

**لقمان :** (بلهفه) شو الاخبار؟

**ادهم :** اترکه يلقط انفاسه . ما الاخبار؟

**ليث :** ذهبت لوكر الاعداء . وتسالت من مكان لمكان حتي توقفت امام  
حجرة معينه ، حدثني قلبي ان انظر بداخلها وبالفعل تلصصت من  
من ثقب الباب فهل تعرفون من رأيت؟

**ادهم :** من .. اخونا المخطوف؟

**ليث :** نعم . بدمه ولحمه .

**لقمان :** حمدا لله اذن هو مازال حيا .

**يزيد :** البطل لا يموت .

**ليث :** لكني وجدته مقيدا بالاغلال و السلاسل وعلي ظهره اثار تعذيب  
بالسياط .

**عنتر :** لن نخضع للتهديد ولن ندفع الفدية .

**يزيد :** اذا كانوا مساو شعره منه فرالله لاقتلن عشره . احصدهم بسيقي

**تمسام :** عشره من القتلي لن يشفوا غليلي . سأرمي عليهم قنبله تحرقهم .  
جميعا .

**ليث :** لنذهب غدا جميعا وننقذه .

**عنتر :** هذه هي خطتنا (يفرد امامه خريطه) انظروا الي الخريطه . هنا يقع  
معسكر الأعداء ...

**مصطفى :** (ينهض) ستوب .. كنتوا هايلين .. مافيش بعد كده!

(يظهر المذيعان فجأه من جانب ثم تظهر الكاميرا خلفهما)

**المذيع :** ممكن تاخذ من وقتكم دقيقتين ؟

**مصطفى :** (متظاهرا بالمفاجأه) ياخير التلفزيون بيصور؟ طب كنتوا قولوا!

**الجميع :** (يرحبون بالمذيعين)



**المذيعه :** تشرحوا للساده المشاهدين اللي شفتاه من شويه .

**مصطفى :** ده مشهد من مسرحية واعربناه اللي بنعتزم تقديمها قريب لكل الجاليه العربيه في انجلترا واوريا .

**المذيعه :** وياتري المسرحيه دي بتقول ايه ؟

**مصطفى :** معرفش . زميلي صخر بن صعب مؤلف التمثيليه يرد ع السؤال ده .  
**صخر :** والله التمثيليه جاده وهادفه وبتحكي بشكل رمزي محنة خيول فايز وده اقل شي نقدمه اله .

**المذيع :** لو سمحتولي مش شايفين ان فيه بعض المبالغه في عرض الموضوع ؟

**مصطفى :** معرفش الاستاذ جاسر ابو الكباير الناقد بتاعنا هو اللي يرد !

**جاسر :** علي العكس انا اري ان التمثيليه ينقصها الحماس الثوري .

**المذيعه :** مش تعتقد ان عنصر الصديق مهم عشان التمثيليه تأثر في الناس ؟

**جاسر :** لا والله التمثيل فرصه ان الواحد بباليغ ويأخذ راحته لاجل مانعطي الجمهور دروس ونفهمه لأن جمهورنا بعكس جمهور الاجانب مابيفهم!

**المذيع :** ممكن نسجل جزء من البروفه ؟

**مصطفى :** بكل سرور . اجهزوا ياجماعه . هنعيد المشهد اللي فات .

**جاسر :** عايزين تمثيل فيه حراره . فيه صدق . ليث حط ماكياج دم .

**ليث :** ماعندي دم .

**جاسر :** حط كاتشب . دير لغويصة كاتشب .

(الجميع يتخذون اماكنهم ليبدأ التمثيل)

(تدخل امل بذهول ثم يدخل ليث)

**ليث :** ذهبت لوكر الاعداء . وتسللت من مكان لمكان حتي توقفت امام

حجرة معينه ، حدثني قلبي ان انظر بداخلها وبالفعل تلصصت من .. من ..

صخر : (هامسا) من ثقب الباب..

ليث : من ثقب الباب. فهل تعرفون من رأيت ؟؟

ادهم : من ..اخونا المخطوف ؟

امل : (بصوت هامس) فايز .

ليث : نعم .. لكنني وجدته مقيدا بالاغلال والسلاسل وعلي ظهره اثار تعذيب بالسياط .

امل : (تصيح فجأة) الاوغاد . (ثم لليث) وهل حاولت انقاذه ؟؟

ليث : لا .. خفت ان يكشف الاعداء امري .

امل : جبان ..

حكمت : اختي ..دا تمثيل .

ليث : سنذهب جميعا غدا وننقذه .

امل : كذب .. لن تجربوا ... خذوني اليه . خذوني الي فايز .

صخر : ماهو فايز يا اختي . هذه شخصيه وهميه تبع التمثيليه

امل : التمثيليه انكو بتكدبوا على , مابتريدوا تخبروني بمكانه . (تمسك

بليث) وين رأيتة ؟ انطق . وين رأيتة ؟

وايحه : يا اختي مايعرفوا مكانه .

امل : لا . يعرفوا كل شيء لكنهم جبنا , ماعندهم الشجاعه . (بتصميم وهي

تتحرك خارجة) لكن انا ماتركه وحده .. وهعرف طريقني اله .

حكمت : علي فين يا امل ؟

امل : هتبع اتجاه الطير وهو يدلن ..هتبع هزيم الرعد في جلب السما .. هتبع

عواء الريح في القضا ..بتبع لهيب النار في غابات الشجر . بتبع خيوط

الدم وريحة الغدر وائين البشر في اي مكان .. لا بد موصليني اليه .

اظلام

## المشهد الحادي عشر

المنظر: (الحديقة جزء اخر لا توجد به الخيمة ولكن اريكه علي اليمين)

المذيع: والتقي البرنامج بالدكتور ريتشارد وكان معه هذا الحوار

المذيعه : عومت مساء يا بروفير !

ريتشارد : معذرة . صحيح الكلمه عمت مساء !

المذيعه : عفوا .. مساء الخير . تقولنا ماهو الغرض من هذه المناظره ؟

ريتشارد : كل الشئ تنبع من الجهل . والحوار وسيلة مهمه للتعرف علي رأي الطرف ، الاخر وبذلك نتغلب علي الشك وسوء الظن المتبادل .

المذيعه : لكن نحب نعرف موقفك الشخصي من قضية فايز ؟.

ريتشارد : ما اعرفه انه بريء من حرق المكتبه . لأن المتهم يظل بريئا حتي تثبت ادانته .

المذيع : ومارأيك في وجهة النظر العربيه التي تري انه الضحيه وخطف بواسطة بعض الاوربيين المتعصبين ؟

ريتشارد : ممكن . فالتعصب والعنصريه موجودان في العالم كله وخاصه في العالم العربي !

- المخرج :** (من مكانه) ستوب .. هو ذا اللي قتلولي عليه انه محايد ؟
- ريتشارد :** وهل يجب ان انحاز لوجهة نظركم فقط حتي تقتنعوا اني محايد ؟!
- المذيعه :** بالحق .. نسينا نسألك . هل انت مؤيد للصهيونيه ؟
- ريتشارد :** لا . انا غير متعاطف مع الصهيونيه بالمره .
- المذيع :** الحمد لله .
- ريتشارد :** بنفس القدر الذي لا اتعاطف به مع القوميه العربيه . فلا يجب ان يتعصب الانسان لأي شيء غير الحق والعدل والسلام .
- المذيع :** نعود لفكرة المناظره ..
- ريتشارد :** الطرف الاوربي وافق لكن يبدو ان الطلبة العرب مترددون . بهذه المناسبه لماذا يخاف العرب من الحوار ؟
- المذيع :** المشكله انكم بتحاولوا تفرضوا علينا الحوار بالقوه ودا مثلا اللي حصل مع فايز .
- ريتشارد :** لكن لاحظ ان رفضك الحوا مع شخص يعني انك تضمر له العدا . والخصام لا بد وان ينتهي بأستخدام العنف .
- المذيع :** الغرب هو اللي بيستخدم العنف ضدنا واحنا عمرنا مااعتدينا عليه .
- ريتشارد :** (مبتسما) هذا صحيح . لكنه لايعني بالضروره انكم ملائكه . فربما كان السبب انكم لا تملكون القوه التي تجعلكم تتجراؤون علي الغرب !.
- المخرج :** (متحدثا في السماعه) عليا النعمه الراجل دا متعصب ويكرهنا عمي !
- المذيعه :** بروفير ريتشارد .. هل تسمح لنا بسؤال شخصي ؟
- ريتشارد :** تفصل .
- المذيع :** اذا كنت انت نفسك لاتحمل بذرة التعصب فهل توافق ان بنذك تتجوز شاب عربي ؟

- ريتشارد : ابنتي حره ان تفعل كل ماتريد في حياتها .
- المذيعه : مفهوم . لكن سؤالنا عن مشاعرك . يعني تفرح لها من قلبك ؟
- ريتشارد : (بتفكير) حسنا .. العربي شخص مثلنا و..
- المذيع : (مقاطعا بسخرية) شكرا علي هذه الشهاده القيمه .
- ريتشارد : I did not mean that . انا لا قصد مافهمته ..
- المذيعه : (مقاطعه) ماعلينا . ايه رأيك ان بنتك ناويه تتجوز شاب عربي بالفعل ؟
- ريتشارد : (بضحكة مصطنعه) انت تهزر ولاشك .
- المذيعه : عزيزي المشاهد..معنا الان مس مرجريت ويزدم فلتتفضل .
- (تدخل مرجريت)
- مرجريت : هاي دادي .
- المذيعه : مس مرجريت تقول : عمت مساء ياأبي!
- ريتشارد : (بذهول) my God .. Oh
- المذيع : بروفسيير ريتشارد يجيبها قائلا : اوه ..ياألهي!
- ريتشارد : Is it truth what I heard?
- المذيع : هل حقا ماسمعته يا مرجريت ؟
- مرجريت : Yes dady ..
- المذيعه : نعم ياأبتاه !
- مرجريت : I fall in love with an Arabin youth
- المذيعه : لقد وقعت في حب شاب عربي ..
- مرجريت : By the way
- المذيعه : بالمناسبه ...
- مرجريت : .... هو اللي ألمني أتكلمتو أربي

المذيعه : بتقول هو اللي علمها تتكلم عربي !  
ريتشارد : Sure بالتأكيد .لأنك لاتحسنين التحدث بالعربيه مثل غالبية العرب!  
المذيع : والان بروفسير ريتشارد ماهو رأيك ؟  
ريتشارد : هل يوافق هذا الشاب علي الاشتراك في المناظره ؟؟  
مرجريت : Of course dady . دي راجل ميت فل واشره !!  
ريتشارد : حسنا . ستكون هذه فرصه جيده للحكم علي شخصيته .  
المذيع : احنا واثقين ان الطلبة العرب قد التحدي ده .  
ريتشارد : ياعزيزي انا لاتحدث عن تحدي وانما عن حوار . .مجرد حوار بين الطرفين .. هل هذا صعب؟؟

## اظلام

## المشهد الثاني عشر

المنظر: حديقه هايد بارك

المخرج: جاهزين ؟ اكشن .

المذيع: مع الطلبة العرب عشية اجراء المناظره المرتقبه .

المذيعه : نتعرف علي مشاعرهم واستعدادهم .

خزاعه : والله هي فرصه طيبه لتغير صورتتنا في اعين الغرب اللي مازال

فاكرنا بدركب الجمال في شوارعنا .

لقمان : الالهه انها فرصه لتغيير رأيهم في قضية فايز فيهتموا بها .

(يدخل مصطفى ومع مرجريت)

مصطفى : سلامو عليكم . جايب لكم اخبار جديده «النج» .

المخرج : «ستوب»

مصطفى : سوري اصل مرجريت كانت في معسكر الطلبة الاوربيين وجايه

لنا اسرارهم .

حكمت : معسكر ؟ هو احنا داخلين حرب ؟

مصطفى : ايوه . عاملين معسكر ويستعدوا لنا . احكي لهم ياما جي .

- مرجريت :** اولاهما بيهضروا بيانات عن تكدم الغرب .
- حکمت :** بسيطه . نحضر احنا كمان بيانات عن تقدم العرب .
- يزيد :** سفاراتنا مافيه بيانات بالمره !
- لقمان :** احنا عندنا .. لكن الله وحده يعلم صحيحه ولا لا !
- مصطفى :** احنا جاهزين .. بس الموظفين مش موجودين ، يابيتفسحوا يابيشتروا يابغيخروا عمله .
- مرجريت :** كل اللي تهبوا تأرفوه عن اي بلد اربي موجود في مكتبة الجامه !
- صخر :** انا احذركم . لو نقلنا سطر واحد من الكتب هيدا نبقي بنفسه اسرارنا القومي !
- مرجريت :** How ? .. دي منشوره واي هد ممكن يعرفها .
- لقمان :** وهما لو كان المسئولين تبعنا بيقرو ، كان بيقى عندنا مشكله اصلا ؟
- صخر :** (بخوف) شو بتقول ؟
- المصور :** (وهو يغمز بعينه) بيقول يعني المسئولين ماعندهم مش وقت يقرأوا . كان الله في عونهم !
- المخرج :** ماتخافوش . احنا لسه مابنسجلش .
- المذيع :** كملي يامر جريت بيعملوا ايه كمان ؟
- مرجريت :** traning تدريب اشان الهوار .
- خزاعه :** تدريب ع الكلام . كيف يعني ؟ بيسنوا لسانهم ؟
- مرجريت :** لا . بيهتاروا شويه منهم يمثلوا انهم ارب ويتكلمتوا بالمنطأ بتاع انتو !!
- يزيد :** وايش يستفيدوا ؟
- المديعه :** يحضروا اذهانهم للي هنقله ، بدل مايتفاجئوا بيه . ويكده يجهزوا الرد المناسب .



**تمام :** واللي مثلوا دور العرب عرفوا يقتلدونا ؟  
**مرجريت :** ايوه .كانوا شاطرين جدا وضحكنا وسقفتنا لهم اشان قالوا هج  
كوبسه كثير.

**خداعه :** طب ماتعششنا الحجاج دي وتخلصينا ، بدل التفكير ورجع الراس !  
**مرجريت :** انتواكيد بأرف يدافاً عن نفسه اهن !  
**ادهم :** طب انتي اجنبيه وعارفه عيوبكم ، قولينا بعض امور تفضح اهلك!  
**مرجريت :** اسدكافي ..اناموش ضد بلدي .انا اهبكم لأنني اهب موسفا وأيزه كله يهب كله.  
**مصطفى :** ماتضيعوش الوقت .وتعالوا نعمل زيهم .. مين يمثل دور الاجانب ؟  
(لااخذ يرد) .

**مصطفى :** ولا واحد؟ طب انت يالقمان .  
**لقمان :** شوقصداك .. انا اقل عرويه في نظرك ؟ طب وحياة الله ماني  
لاعب وياكم بعد اليوم (ويخرج في الحال) .

**مصطفى :** ايه شغل العيال ده . احنا بنلاعب عسكر وحراميه ؟؟  
**سليف :** خليك انت راشد ومثل الأجني .  
**مصطفى :** نعم ؟ واشمعني انا بقي ؟؟  
**مرجريت :** (لنفسها) هتي انتي موسفا ؟؟  
**حكت :** اقولكم ..الاستاذ امين يختار كام واحد .  
**المذيع :** بس كده ؟ حادي بادي .. شاله وحطه وكله علي دي ردا ودا .  
**الثلاثه :** (بضيق) امرنا لله .

**المخرج :** جاهز بالطفي نسجل الفقره دي؟  
**المصور :** جاهز .. ابتدي .  
**رابعه :** انتم ياعرب عيبكم انكم .. بتتمسكوا بالتجالييد وتراعو الاصول في  
كل شيء!

**جاسر :** انتم ياعرب متطرفين . اي نعم متطرفين . في الكرم والشهامه حتي مع الغريب وهادا خطأ والله !

**يزيد :** انتم ياعرب متهورين . في اي معركة ترموا روحكم في التهلكه بدون ماتهابوا الموت .. وتجرجرونا وراكم!

**المذيعه :** (ومرجريت تضحك) ودي عيوب ولا مزايا؟ كسفتونا مع الاجانب .  
**عنتر :** ماتجوموا انتم بتمثيل هادا الدور وتخلصونا .

**المذيعان :** (يتبادلان نظره) مافيش مانع .

**المسذيع :** بس خلوا بالكم . احنا اجانب يعني نتكلم مابدالنا بحريتنا .

**تمام :** هادا تمثيل ايش يفضبنا؟

**مفوار :** نقطة نظام ياخوان . لابد من طرد مرجريت ، حتي لاتعرف عيوبنا .

**مصطفى :** لكن دي معانا وهي اللي غششتنا الفكره .

**حكمت :** ولو . مملوع الاجانب يشوفونا واحنا بننشر غسيلنا القذر .

**ليث :** ثم مين ادراك .. ممكن تكون دسيسه علينا ياأخي .

**مصطفى :** ياجدعان عيب .. انا ضامننا بريقتي!

**مرجريت :** All right Mostaea , I can understand their feeling

انا اقدر افهم مشاعرهم ..نتقابل بكره مرستفا .

**مفوار :** بالأذن ياخوان مالى خلق للنقاس (يخرج)

(تخرج مرجريت بينما المذيعان يلبسان قبعتين)

**المذيعه :** We are ready

**صخر :** سؤال . كيف الشرطه لها الحين موالسه مع اللي خطفوا فايز ؟

**المذيعه :** سؤال . انا كنتوا بتشكوا في نزاهة شرطتنا ..ايه اللي جابكم تدرسوا

الكانون اندنا في بلادنا؟

**صخر :** صحيح انتوا ياللي وضعتوا القوانين والدساتير الحديثه لكن انتم اول ناس بتدوسوا العدالة برجلكم .

**المذيع :** دا انتوا بتهاجروا وتيجروا تقعدوا علي قلبنا بالملايين .

**رابحه :** ولما انتوا عندكم التحرر والمدينه ليه عندكم شذوذ وسرقه وقتل وحتى اغتصاب ؟

**المذيعه :** اسم الله علي مقام حضراتكم .. يا طاهرين يا عاقلين ياللي العيبه ماتطلعش منكم . دا انتو تحتكوا بلاوي مسيحه . الفرق ان احنا ما بنكدبش زيكم .

**مصطفى :** اذا كانت الناس عندكم سعيده وحره . ليه اوربا فيها اعلي نسب انتحار فياالدنيا ؟

**المذيعه :** اذا كان عندكم اخلاق وضمير . ليه الناس في بلادكم بتموت م الجوع ؟

**جاسر :** بفضلكم .. الاستعمار بتاعكم كان بينهنا اول بأول .

**المذيع :** قصدكم الاستعمار ! يعني الحجه الي بتستحمروا بيها روحكم وتمسحوا فيها خيبتكم وقلة حيلتكم .

**غنتمر :** سؤال .. لو كان اللي اختفي طالب اوربي .. ما كنتش انجلترا قامت علي رجل واحده ؟

**المذيع :** لو كان الف واحد اختفوا في بلد عربي . كان حد فيكم هيستجرأ يفتح بقه ؟؟

**الجميع :** ايش ؟

**المصور :** يانهار اسود .

**ادهم :** احنا هنلخ من اولها ؟

**المخرج :** بلاش ضرب تحت الحزام ياأمين .

**المذيع :** خبيبي ياتسيبونا نسوف سغلنا يا بلاس!

**خزاعه :** انا ما جدر استمع لها الكلام الوقح . انا منصرف .

**يزيد :** وانا معه

يخرجان

**المذيعه :** هاهاي الزباين كشوا من اولها !

**المذيع :** لسه ماحدث جاويني ع السؤال . مين بيحاسب مين لما الناس عندكم بتتشرد او تعتقل او تتعذب كمان ؟ .

**تمسام :** وانتوا ايش دخلكم .. احنا احرار ف بعض .

**المذيع :** قصدكوا احرار تستعبدوا بعض بس احنا خدنا قرار من زمان، نحرر الانسان من الرق والعبودية ونحمي حقوقه ايا كان جنسه ولونه .

**حكمت :** كذب . احنا اخرشيء بتفكروا فيه . انتوا عملتوا احزاب للبيته تدافع عن الشجر . عملتوا جمعيات للرفق بالحيوان . بتبنوا للكلاب مدارس وفنادق ومصحات نفسيه .. واحنا تسلفونا بالفايط واللي فيض من محاصيلكم ترموه ف البحر بدل ما يدوقه الغلابه في البلاد الفقيره .

**المذيع :** احنا اللي بنديكم كل حاجه . المم اللي بتاكلوه من عندنا . الخمر اللي بتشربوه من عندنا

**سؤدد :** مادرجناش منه هاجه !

**المذيع :** وبتعلموا عندنا وتشيلوا فلوسكم عندنا وتهنكروا عندنا .. تعيوا .. تتعالجوا وتموتوا عندنا .

**المذيعه :** انتوا خدقوا كل شيء ع الجاهز . عايشين عالاه ع الحضاره اللي بتبناها بعلمنا وكفاحنا وعملنا .

**ليث :** كله دفعنا تمته غالي من عرجنا وجوتنا ودمنا اللي مصه استعماركم ودفعناه احيانا من كرامتنا واستجلالنا .

**المذيع :** كنتوا عايزين تلهفوا كل شيء مجاني ؟. والله عال. نديكوا طيارات ومصانع والات وتدخل لكم الميه والنور والمجاري والتليفونات، عشان خاطر سواد عيونكم ؟ ناقص كمان نديكم المصروف . كنتوا من بقية اهلنا ؟ ولا خلفناكم ونسيناكم ؟

**رابعه :** انتم كفره هتخشوا النار .

**المذيعه :** انتم مهاويس .عايزين تقيموا الجنه والنار في الدنيا. تقليبوها اخره من دلوقتي وتعملوا يوم الحساب النهارده وخمسه سته متكم يحاسبوا بقية البشر قبل ما يحاسبهم ربنا.

**مصطفى :** كل الشواهد بتقول ان حضارتكم في الباي باي في ظرف كام سته . قولني ان شالله !

**المذيع :** دي احلام المساطيل اللي مترصصين ع القهاوي .. احنا لولا عندنا انسانيه كنا خلاصنا متكم بقتيله ذريه .

**جاسر :** مستنين يهينونا اكثر من هكا؟ انا احتج واشجب وانسحب (ولا يخرج)

**المذيعه :** انتم كسالي ..متخلفين .

**رابعه :** مجانيين موقورين .

**المذيع :** سذج بلهاء.

**حكمت :** بارددين قاسيس.

**المذيعه :** اجلاف غلاظ دمربين منحطين .

**سعود :** مختلين كفره فاسغيين.

**المذيع :** مترمتين متعصبين .

**ادهم :** ملحين عنصريين.

**المذيع :** جهله اغبياء.

تمام : ادعياء مغرورين .

المذيعه : ديكتاتورين

عنتر : نصابين مهرجين دجاليين .

المذيع : احنا العقل .

مصطفى : احنا العدل .

المذيعه : احنا العلم .

حكمت : احنا الاخلاق .

المذيع : احنا الحاضر .

رابحه : احنا الماضي .. (مستدركه) واحنا المستجبل بأذن الله .

المذيعه : هيء هيء .. بأماره ايه ؟ عايزين ترجعوا امجادكم من غير سبب ؟

من غير تعب ؟ ماكانش حد غلب !

المذيع : وايه لاء ماهو خيالهم واسع . شهورش رجع لهم المجد الغابر لحسن

البهوات كسلانين يمدوا ايديهم ويرجعوه .

ادهم : بكفايه سخريه وجلة حيا والله مامعكم الحج .

المذيع : كان شكلها ايه بلادكم قبل ماتوصلها سفنا ومراكبنا ؟ كانت جنبه واحنا

اللي خريناها ؟ انتوا اللي اكتشفتموا البترول واستخرجتموه وكررتوه

وصدروته ع الجمال واحنا طلعتنا قطعنا عليكم طريق قوافلكم ؟

ليث : هي حصلت تدافعوا عن الاستعمار ؟

المذيع : كنتوا دوله عربييه واحده واحنا فرقنا شمل الحبايب ؟ احنا اللي عملنا

الانفصال بين سوريا ومصر ؟ ومصر والسودان ؟ وشمال السودان

وجنوبه ؟ وجنوب اليمن وشماله احنا اللي عملنا الحرب في الصحراء

المغربيه وف الخليج العربى ؟ ذا الشيء الوحيد اللي اتفق عليه

حكامكم , رغم خلافهم .. هو قهر شعوب جضرائكم .

- عنتر** : لا ....هأأا فوج الطأه والاحتمال .
- المذيع** : أفه الكلام هه ع الجرح ؟
- المذيعه** : أمفن .. كفافه ماتستفزهمش .
- المذيع** : ولاأاففن من بابا وماما ؟ ماهو بابأففف اسمه الكبرف او الأمفر وماما اسمها الحكومه اللف ففوزأمف أفوله فاعمف .. !
- صخر** : كفافه ..أفف الاأانب مافقولوا هذه الفظأعه والقأأه !
- المذيع** : وانلوسه سمعأوا أأه ؟ فف المناظره هأسمعوا أكرأ منه .
- رافحه** : وف وف وف . عفف عفكم . أفش صار ففكم ؟ أأبروا من أنسكم ومأكم وأنسوا عروأكم ؟ الله فأأكم . الف مره الله فأأكم (وأأرأ) .
- المذيعه** : أنأ اللف أأأأوا مأنا نمأأ أورهم .
- أكمأ** : أقوموا أأأأوا بأأ ؟ ؟
- المذيع** : وهو أأأأل هزار ؟
- مصطفف** : أأأا وبالأأاره الحكومه عأأنا مسمفاه ملاهف والمسأرأ نفسها أأع فولفس الأأاب !
- سؤأأ** : كبارفهاأ فأزل .
- سفف** : صأأأونف لما أأأ لكأ أأأأل أرام والأناأشه أأأأها موزفنه ؟
- صخر** : أنأ مسأأل أأكلماوا مأأهم الا اذا كنأأ أأسمأأوا بأأكارهم .
- المذيع** : أنأ اللف مأكم مأسم أصلا وعأأكم كسأ عألف وأنفمفا أهنفه !
- عنتر** : (بعصبفه) لأان أأأأل أأأش ؟ أولنا منعنا أأأأل .
- المذيع** : (فألع أأعأه) وأنا ألوأف مئ بمأل . أنا بأكلم بأسانی .
- مصطفف** : كمان ؟ أا أنأ فأأأ !
- المذيعه** : أنأ أأول أفه فأمفن ؟ ؟

**المذيع :** ايوه . انا كنت بتكلم بمنطق الاوربيين . لكن بعد اللي شفته منكم ،  
امنت ان الحق معاهم .

**صخر :** اكشف القناع عن وجهك . عميل مزدوج .

**المذيع :** ادي اللي انتوا فالحين فيه . الشتيمة والجعجه وطولة اللسان .

**المصور :** (وهو يدفع احدهم من امام الكاميرا) اوعي كده دي مش عارف  
اصور .

**ليث :** صهيوني امبريالي عميل خائن للقضيه .

**المذيعه :** كفايه ياأمين (وتمسك به) .

**المصور :** مالحقش اصور (لليث) عيذلي البقين دول ثاني وحياة والدك !

**ليث :** صهيوني امبريالي عميل خائن للقضيه .

**المذيع :** (يدفع المذيعه) سيبيني .. انا ما قبلش حد يزايد عليا ولا يعمل نفسه  
وطني اكثر مني .

**عنتر :** انت هتسكت والا اجتلك الساعة (ويخرج مسدسا)

**المذيعه :** الحقونا ..

**حكمت :** يالهوري .. ياخرابي !

**المصور :** (يترك الكاميرا) تقتل مين يا بابا هي فوضي ؟

**المخرج :** ابعديه من هنا يا صايقه .

**المذيع :** (وهو خارج مع المذيعه) انا خاين يا منافقين يا حوش يا همج ؟

**عنتر :** اتركوني ادبه هذا الوغد المتفرنج .

**المصور :** بقولكوا ايه . كل واحد يحترم نفسه ويتكلم علي قده .

**مصطفى :** (وهو يمسه من خناقه) اوعرا بقي سيبيوهولي انا

**حكمت :** (تدخل وسطهما) انتوا اتجنتتم منك له ؟

**المصور :** انا هسيبك بس عشان المدام .



**حكمت :** انا مش مدام , احترم نفسك .

**مصطفى :** والشريط اللي صورتوه ده مش خارجين بيه .

**المخرج :** ماتخافوش .. اوعدكم بشرفي ما هنذيعه ولا حد هيشوفه !

**المصور :** لاء بقي هطلع بالشريط وعليا النعمه هعرضه وافضحكم .

**ليث :** انت ؟ روح دور علي فضيحتك في قصر الملذات !

**المخرج :** (بعدم فهم) قصر الملذات ؟

**المصور :** (بأكثشاف) والله وكشفتوا روحكم .

**المخرج :** انتو بتتكلموا علي ايه ؟

**المصور :** اقول ولا نقولوا انتوا ؟؟

**ادهم :** ايه ياخوانا وحدوا الله .

**الجميع :** لا اله الا الله .

**صخر :** احنا كلنا عرب . كلنا اخوه اشقاء ومايصح نتعارك .

**عنتر :** وادي راسك اهيه ! (ويقبل رأس المصور)

**المخرج :** انا مش اي فاهم حاجه !

**اظلام**

## المشهد الثالث عشر

المنظر: الاستديو : غرفة التحكم  
المذيع: امين .. لازم تعترف انك زودتها .  
المذيع: انتي اللي لازم تعترفي انك خفتي .  
المذيع: ماتتساش ان احنا منهم وهما منا .  
المذيع : دا سبب ادعي اننا مانكديش عليهم . مافيش امه ممكن نتقدم وهي بتكذب علي روحها .  
المذيع : بس انت حصلك غسيل مخ فعلا . ودا من كتر قرابتك للكتب والجزايد الاجنبية .  
المذيع : قصدك انا اجزمت لأنني قرئت . مانا لازم ابقي جاهل عشان افتنع بالمنطق بتاعهم !  
المذيع: مش لازم تتأثر بكل اللي تقراه .  
المذيع: آه امسك العصايه م الوسط . شويه علم علي شويه خرافه . نعمل احزاب بس مش بجد . صحافه حره . كده وكده ا دستور . وابقي قابلني . فكر مفتوح ... بس مش مفتوح قروي لياخد هوا . يدوب نفكر ثواني وننام ثاني .. اصل دا عيب وده حرام ودا اياياه !

**المذيعه :** ايوه . لأن فيه عيب وفيه حرام وفيه اصول وفيه اياياه !  
**المذيع :** طبعا العيب والحرام والاصول اللي تقول عليه مامتنا , عشان احنا لسه  
صغيطين في اللغه ! لاء صغيرين ممكن بعد شويه نكبر .. اه ..  
عشان احنا متخلفين عقليا .

**المذيعه :** اتحدى انت المجتمع لوحذك ... انا فيه حدود مقدرش اتخطاها .  
**المذيع :** ايه . نفسك تبقي كبيره مزيكات ؟  
**المذيعه :** انا ما اسمحتكش تقول كلمه زياده .  
**المذيع :** انتي كمان عايزه تخرسيني ..؟؟  
**المذيعه :** (بهدهوء) لا يا امين . بس مش عايزه دبلتك (تخلع الخاتم وتضعه في يده)  
**المذيع :** (ينظر لها لحظه مذهولا ثم بلوعه) صادقه ....  
**المذيعه :** احنا ما عدناش ننفع لبعض . دور لك علي خوجايه ما تكونش  
متخلفه .

**المذيع :** (بمعاناه) انا ما اقدرش اتجوز خوجايه ولا اطيق اعيش بره بلدي .  
**المذيعه :** مفهوم . بس لانت هتقدر تخليني خوجايه ولا مصر هتبقي انجلترا!  
(تخرج ثم يدخل المصور مندفعاً)

**المصور :** اجري صالحها يا بني ادم . ماتخليهاش تبات متنكده .  
**المذيع :** (بعناد) انا ما قبلش اعامل معاملة الاطفال (ويصرخ خلفها)  
انا من حقي اتفطم .. الا جانب والخواجات مش احسن منا!  
**المصور :** انتو باينكو اهل .. تخسروا بعض شان شويه كلام خايب!؟  
**المذيع :** كلام خايب ؟

**المصور :** طبعا . بلا اوربا بلا امريكا . مافي احسن من بلدي . والمركب اللي  
بتجيب احسن من اللي بتودي . دي مصر ام الدنيا يا ابا ! (يخرج) .  
**المخرج :** امين .. انت اعصابك تعبانه .. روح نام عشان تقدر تشتغل بكره .

المذيع : انا مش هقدر اقول للناس كلام مش طالع من جوايا . شوفوا لكو  
بغبغان ثاني .

المخرج : طب والمناظره مين يقدمها مع صادقه؟

المذيع : احنا خسرنا المناظره قبل ماتبدأ .. خسرنا القضيه قبل ماينظروها.

المخرج : (بيأس) مافيش فايده فيك . (يخرج)

المخرج : (يتجه لغرفة التحكم ويمسك بميكرفون) فيف، فور، ثري، تو، ون.

المذيع : حضرات القضاة .. حضرات المستشارين في العالم الاول .. مقدمه

لسيادتكم شعوب الامه العربيه في العالم الثالث .. نلتمس من عدالتكم

تخفيف الحكم علينا من الاعداد الي الاشغال الشاقه المؤيده لمدة

خمس وعشرين جيلا . وانا لله وانا اليه راجعون!!

اظلام

## المشهد الرابع عشر

المنظر: جزء من حديقة هايد بارك

المذيعه: عزيزي المشاهد

المصور: من ركن المتحدثين في حديقة هايد بارك بلندن يتحدث اليكم ..

المذيعه: صادقه صالح ..

المصور: و.. لطفي فهمي.

(يظهر المخرج الان وهو يصورهما بالكاميرا)

المذيعه: بعد قليل تبدأ وقائع المناظره الثقافيه ..

المصور: بين الفريق العربي والفريق الاجنبي . طبعاً المناظره مش سهله

بالنسبه لنا لأنها بتجري علي ارضهم ووسط جمهورهم ! ولو اني

شايف عرب كثير جايين يشجعوا !.

المخرج: صادقه، ماتسيبيهوش يتكلم لوحده .

المذيعه: نحن الان في انتظار دخول الفريقين لبدء المباراه (مستدركه)

عفوا.. اقصد المناظره !

(يظهر الطلبة العرب ويقفون خلف السلم الايمن)

**المصور:** انا شايف الفريق العربي نازل ارض الجنينه وفريقنا النهارده مكون من مصطفى وصخر وعنتر ومغوار وجاسر. والاحتياطي ادهم وليث!

(يظهر الطلبة الاوربيين ويقفون خلف السلم الایسر)

**المصور :** اما فريق منتخب اوربا فيمثله جان بول وسام وفرانسوا وايرهارد وباباكوف ومرجريت.. الحقيقه مرجرييت مفاجاه النهارده لأنها اشتركت في اخر لحظه! حد يسألني فيه امل نكسب ياكابتن ؟ اقرله طبعاً لأن ده حوار واحنا شاطرين في المحاوره واجدع ناس نتكلم ولسانا اطول منا ا صحيح ما بنحققش اي حاجه م اللي بنقولها .. انما بكره نعمل .. والجايات اكتر!

**المخرج :** ايه اللي بتهيبه ده ؟

(يظهر ريتشارد ويقف خلف سلم الوسط)

**المصور :** ماتزعلش نفسك . انا شايف بروفيسر ريتشارد ويزدم نازل وييشاور بأيده عشان بيداً المناظره .. وفعلًا...

**ريتشارد :** ايها الطلبة الاعزاء .. انني علي ثقه انه سيأتي علي البشريه يوم قريب تنهار فيه كل الحواجز التي تخلق بين الامم الشك وسوء الفهم والعداء وتمتزج الشعوب في حضاره واحده تنعم فيها بالحب والسلام. وبعد، فهذا الحوار فرصه لكي يتعرف كل منا علي رأي الطرف الآخر بهدوء وموضوعيه. نبدأ بالطرف العربي . المتكلم الاول يتفضل.

(يتقدم صخر لكن الزملاء يشدون من ملابسه للخلف ويتشارروا الجميع همسا ورؤوسهم في رؤوس بعض مثل برنامج اوائل الطلبة ونراهم منفعلون لكن لانسمع صوتهم اخيرا يتقدم صخر ثانيه) .

صخر : اخنا تفصل يبدأوا هما من شان نعرف ايش هيقولوا ونرد عليه !

ريتشارد : لا مانع . (بشير للطرف الاوربي فيتقدم احدهم ويهم بالكلام)

عنتر : (يتقدم مقاطعا) نحن نعترض !

الطالب : What?

ريتشارد : لكنه لم يقل شيئا بعد لكي نعترض عليه .

عنتر : نحن نعترض علي ماسوف يجوله !

ريتشارد : من حقا ولكن اتركه أولا ليقوله .

جاسر : وايش يكون فائدة الرد ساعتها ؟ احنا رافضين نسمعه من الاصل !

ريتشارد : بإمكانك ان تسد اذنيك . (ويشير للطالب الاوربي ان يبدأ)

.Please go on

الطالب : ...Ladys and gentelmen

جاسر : سي ريتشارد هذا انحياز منك للاجانب .

مصطفى : طبعا .. ما هم اهلك ومش هتيجي عليهم .

ريتشارد : ارجوكم الهدوء والا سأضطر لألغاء المناظرة .

مفوار : الاخوان لا يقصدوا الاعتراض وانما يطلبون نقطة نظام .

ريتشارد : حسنا .. في هذه الحالة فقط لكم حق المقاطعة . تفصل .

مفوار : تلفت نظر الزملاء انه ممنوع عليهم الخوض في اي موضوعات

سياسيه او دينيه او عرقيه او جنسيه او تاريخيه او قوميه وكذلك

ممنوع عليهم قطعيا التعرض بالاسم او الاشارة او حتي الرمز لأي

من المسؤولين او الكبراء العرب قديما وحديثا . وعدا ذلك فنحن

مستعدون للنقاش بصدر رحب وفكر مفتوح !

الجميع : (يصفقون)

مرجريت : (تتقدم وترد بالانجليزيه)

**المذيعه :** الرد هو : لقد جئنا الي هنا لكي نتحاور لا لكي نخرس !

**مصطفى :** واحنا بنعرض عليكم من ناحيتنا ما نجيش سيرة اي نقط حساسه ممكن تضايقكم . وخليكي محضر خير يا مرجريت!

**مرجريت :** (ترد بالانجليزيه) .

**المذيعه :** (تترجم) لا توجد لدينا نقاط حساسه .. نحن لانخاف الحوار ومتمسكون بأن يتم بحريه مطلقه .

**جاسر :** ونحن نرفض الحوار بلا ضابط ونعلن انسحابنا احتجاجا علي هذه الفوضى .

**ريتشارد :** انتم احرار بالطبع ولكني اسجل اسفي لهذه النتيجة .

(يصنع صوته وسط صفير واستككار الجانب الاوري فيخرج يائسا)

**جاسر :** عيش نقولوا (ويقلدهم) انتم غير متحضرين وباشا هكا .. بينا يارجال .

(يخرج الطلبة) عدا مصطفى ومرجريت فيلتقيان في المنتصف .

**مرجريت :** « هارد لك » موسثفا .

**مصطفى :** وانتي اللي كنتي عامله صديقة العرب ..؟

**مرجريت :** انتي نسيئي ان زمايلك هما اللي طردوني ومارضوش نبقي اصحاب سوا؟

**مصطفى :** وايه يعني لما يشكوا فيكي .. مالانتي اجلبيه ! تقومي تقفي ضدي وتشتيمهم فيا ؟

**مرجريت :** انا ماوقفش ضدك موسثفا . دي مجرد نكاش ..

**مصطفى :** احنا ما عندناش ست تقدر تناقش الرجال بتاعها .

**مرجريت :** الظاهر ولا اندكم راجل يقدر يناقش اي هاجه !

**مصطفى :** ماتعجيش في اهلي .. انا بقولك اهو !



مرجريت : مصطفى

مصطفى : نعم ياروحي ؟

مرجريت : دادي قال لي ان الجواز اندكم موش هرام وموش آيب . انتي كنتي تكدي عليا ؟

مصطفى : لا والله احلف لك ان ...

مرجريت : (مقاطعه بأنفعال) اخرسي . تهلفي يأنّي تكدي . انا دلوقتي بس اتأكدي . (باكية) يأنّي لما كنتي تجري ورايا وتقوليلي نكتك البايخه وترجزييني اشان اضحك واضحك .. مضطره , كنتي تلأبي بأواطفي !

مصطفى : هي بدأت هزار فعلا بس قلبت بغم ! (مستدركا) قصدي بجد ! واكتشفت اني بهبك .. بحبك وماقدرش استغني عنك .

مرجريت : بشروطك هيببي .. وانا موش اهيل شروطك .

مصطفى : بعاطفه Why? ليه يا مرجريت ؟ انا اهب الصدا .. اهب الأدل اهب القساموه . انتي يهب الكذب ، يهب الزلم ؟!

مرجريت : Useless ...

مصطفى : طب سمعتي اخر نكته ؟

مرجريت : its over (تخرج)

مصطفى : Why ? why .

(يدخل شاب انجليزي واخر عربي ثم تدخل مجموعه من كل جانب كل مجموعه تنظر للمجموعه الاخرى بأحتقار ثم تبدأ اصدار اصوات الضحك والسخرية والاستهزاء . وكل يستعرض مهاراته وقوته بطريقه استفزازيه مما يؤدي الي تشابك الطرفين في معركة

يسودها الفوضى والارتجال علي ايقاع موسيقي مناسبه ويستغل  
عنتر الفرصه ليضرب خزاعه)  
وبينما يظلم المنظر نسمع صوت سارينه سيارة شرطه .

## اظلام

## المشهد الخامس عشر

### البنسيون

لمنظر: يدخل الطلبة خلف بعضهم في صمت وارهاق ويتجه البعض لغرفته.

عنتصر: إيش حصل بالضبط؟

صخر: بتسألني أنا؟ أنا مادريت الا والعركه قايدة نار. قلت ياهلا!

مصطفى: الاجانب اللي ابتدوا في الاول .

يزيد: والله لولا اضطرينا نجري ماكنت رحمتهم! انما ماكان مغجول نسمع سارينة الشرطه ونجف.

ادهم: انا اخدت حجي وزياده ضربت لحد ماشبعت (ويجلس علي مقعد ثم يتأوه).

عنتصر: د(بندم) للأسف.. كان منهم انجليز اصدجاء لي وانصابوا .

صخر: غريبه .ماجايت سيره قبل هيك أن لك اصدقاء منهم .

خزاعه: (بغيط مشيرا الي ورم في عينيه) حزين عليهم وما انت ندمان علي

فعلتك معي؟! بص لي (ثم لهم) ترك الاجانب وصل يصفعني

بهيستيريا!

**عنتر :** انا ماجصدت اضريك . انا كنت برهب الاجانب لاجل يسلموا بدون دم ! ايه .. ياخزاعه احنا اخوات .

**خزاعه :** بعد عني .

**سيف :** اجول لكم الحج . انتم ماكان يصح تعطوهم الفرصه يستدرجوننا للعراك . احنا جايين نتعلم مو جايين نتخانج .

**مصطفى :** ياسلام ؟

**خزاعه :** نعم ممكن يحطوا اسامينا في الجايمة السودا ويمنعونا من الحضور الي لندن نهائيا .

**رابحه :** ومن وين نشترى اغراضنا ونفانيقا ؟

**سيف :** الا اذا الواحد اتجوز اجنبيه واخذ الجنسية .  
(ايفا تدخل) .

**ايثا :** هبايبي انا جاي اقولكم ، اللي اتعاركتهم معاهم مستحلفين لكم .. .  
يعنى اللي هيخرج بره البنسيون هيخطفوه او يضربوه .

**سيف :** لكن احنا اللي معانا الحق . امشي ف الخير وقولي ف حقنا كلمه كويسه .

**ايثا :** سوري ، لازم انتوا تقعدوا بنفسكم وتتفاوضوا معاهم ، منكم ليهم .

**ادهم :** لا يستحيل نقعد معاهم علي مائدة واحده . لكن اذا كانوا هما عايزين الصلح بيجوا لحد عندنا ويوسوا راسنا .

**ايثا :** انتوا بتتشرطوا علي ايه ؟ انتوا اللي محتاجينهم .

**مصطفى :** الست دي معاهم مش معانا ومايصح نأمل فيها خير  
(ايفا تخرج)

**مصطفى :** ياخوانا كل واحد يقول اقتراح محدد وواضح . يالما نعاركتهم يالما نفارضهم يالما نفرضها سيره وكل واحد يشوف مصلحته لوحده .  
(الكل يسكت) .

مصطفى : محدش عايز يتكلم ؟ يبقى انا شخصيا هشوف صالحى . سلامو عليكم .

عنتر : لا سلام ولا كلام , هذا انسحابى هروبي خارج عن وحدة الصف .  
صخر : انا معك خير عنتر واقترح عليكم مقاطعة الاخ مصطفى حتى يفيق  
الى رشده .

عنتر : يعنى سكتكم ؟  
الكل : (يغمغم في وقت واحد بكلمات غير مفهومه)  
عنتر : موافقه اجماع .. (وينظر لهم بتجهم) تصفيق حاد .  
(الكل يصفق تدخل امل)

جاسر : اخت امل , جيتي في وقتك .  
امل : ايش سويتوا ؟ علي ايشي انتفتكم ؟  
عنتر : ابشري يااخت امل , خذنا جرار حاسم . جررنا من اليوم مجاطعة  
الاخ مصطفى . وعدم التعامل معه نهائيا .  
امل : (بفرحه) يعنى فايز هيرجع ؟  
الكل : ايه امال .. بأذن الله .

اظلام

## المشهد السادس عشر

(تدخل ايفا ومصطفى ثم يظهر بعض الطلبة)

ايفا: هالو ..

صخر: رحي نفسك محدش هيرد عليكى . كلنا مقاطعينك

عنتر: الافضل تورينا عرض جفاكى وتمشي من هنا .

ايفا: فى المشمش ياروح قلبى وعيوني .

لقمان: (بقلق) هيدي ست لسانها طويل واحنا ماقدها !

جورج: التلفزيون دا جالك .

ايفا: «ثانكس» جورج .

(ايفا تتجه للداخل)

(الكل ينظر لمصطفى بتجهم ويعرض عنه)

مصطفى: انا خلّيت ايفا تجمعني بيهم ، ووصلت لاتفاق معاهم .

جاسر: اللي يتكلم معاهم او مع ايفا يبقى ماهو منا ، لكن علينا . واللي علينا

، مالنا كلام معاه

**مصطفى :** ياخوانا افهموني . ادوني فرصه اشرك لكم انا وصلت لايه . (الكل يسد اذنيه) خلاص انتوا حرين , اتفلقوا .

(امل تدخل مسرعه بفرحه)

**امل :** فايز رجع .... بيناديني... انا سامعه صوته (تنادي بصوت ممطوط) فايز.. (لهم) بيرد عليا.. بيقول امل . سامعيه؟

**الكل :** (يتبادل النظر ثم يوميء برأسه موافقا)

**امل :** فايز..... (وتسكت كأنها تسمع الاجابه) بيقولي تعالى . (ثم تنادي) جايه لك يا حبيبي ..

(امل تخرج مسرعه)

**أدهم :** بعد لحظه يمكن رجع بالفعل (يهم بالخروج خلفها وكأنه صدق) **مصطفى :** اقعد ياله .

(ايضا تظهر باكيه وجورج خلفها)

**ايضا :** انا انتهيت يا جورج .

**جورج :** No .do not say that ..

(تدخل حكمت ورابعه ويعود الاخرون)

**حكمت :** ايه الحكايه يا جورج . ايضا مالها ؟

**جورج :** مسكينه .. بنهب!

**حكمت :** لكن فايز غايب من مده . اشمعني بقعيط عليه دلوقتي ؟

**جورج :** ماهو فايز . فايز كان مجرد واهد زبون!

**الجميع :** زبون؟

**جورج :** Yes .. لكن دافيد هو راجلها اللي بتديله الفلوس .

**رابعه :** ولبش بتكي .. هجرك؟

**ايضا :** No .. جاني خبرني التفغراف انه مريض جدا وهي موت .

- خزاعه : ريك يمهل ولا يهمل .
- جناسر : هذا اخرة الحرام . لكن حضرته مريض بشنو ؟
- ايقبا : (منفجره في البكاء) عنده الايدز !
- (بعد لحظة صمت وذهول من الجميع يبدأ كل منهم يصرخ ويلطم)
- خداعه : يامصبيتك ياخزاعه ..
- جناسر : شفائي من عندك يارب .
- لقمان : توبه اخيره وجربني هالمره .
- مصطفى : (لحكت) كله منك .. انتي اللي دعيتي عليا . ا
- يزيد : (الليث) كنت عايزنا نبقي كلنا يد واحده فيه ؟ اهو حصل .. ارتحت ؟
- انا حمل ايدز ؟
- ليث : يعني انا اللي حملة ؟ (ثم لأدهم) وانت ؟؟
- ادهم : (يشير له بالنفي في ترفع واحتقار)
- صخر : حصل ؟؟
- عنتر : حصل .. وانت ؟
- صخر : وصل .
- حكمت : اللهم لا شمانه . لكن هما رجالتنا كده زي القرع يمدوا لبره .
- رابحه : لخزاعه هادي اخرة المهام الجوميه الوسخه !
- حكمت : لأيقا طمنينا .. انتي كشتي ؟؟
- ايقبا : yes وعملت تهاليل كمان .
- رابحه : وايش النتيجة ؟؟
- ايقبا : انا موش مريضه ..
- ادهم : (يهل فرحا في الحال)
- الجميع : احمدك يارب .



**جورج** : wait .. ممكن تكون حامله الفيرس .  
**ايفى** : (ناظره لهم بكراميه) هادا .. صحيح وممكن اعدى غيري ..  
**الجميع** : سافله حقيره مجرمه .  
**جورج** : ايفا .. Go to your room .  
**ايفى** : (وهي خارجه) يارب تموتوا كلكوا ويعيش حبيبي .  
**حمت** : م النهارده تبعدوا عنا ومالكمش كلام معنا .  
**رابحه** : وايش مجعدنا وباهم الحين ؟ . كلهم وباء .  
(تخرجان)

**جورج** : اسمعني .. لازم كله يكشفتوا علي نفسه Quickle  
**الجميع** : No .. جورج .  
**مصطفى** : احنا بنكره مجرد سيرة المرض الوحش بنتشاءم ..  
**جورج** : (بدشه) وتأرفوا الحقيقة ازاى ؟  
**سؤدد** : ما بنريد نعرف الحقيقة .  
**ليث** : لأننا طول ما احنا جاهلينا .. عندنا امل !  
**جورج** : امل بدون علاج .. بدون دواء ؟  
**عائز** : اما عجبنيه والله .. احنا احرار في ارواحنا .  
**جورج** : هبيبي .. انتي تضري نفسك طظا لكن موش مسموه لك تنقلي  
امراضك لهد ثاني .  
(يخرج جورج)

**مصطفى** : يا اخوانا كلنا معرضين نتكل . يبقى يصح كل واحد يقر بأخطائه  
وذنوبه ومين عارف .. يمكن بكده رينا يغفر لنا وينجبنا .  
**يزيد** : اخطاء وذنوب ؟ مثل ايش ؟  
**مصطفى** : انتوا فاهمني كويس .. اللي كان في الماخور ليلتها يقول .

**ادهم** : والله معاك الحج.. لكن ماتبدأ بنفسك ياخي!  
**مصطفى** : انا رحت . بس عشان اخذ فكره وربنا شاهد اني ماغلطت نص غلطه . (وبعد لحظة صمت) نعم؟ ايه ماحدث راح غيري؟  
**جاسر** : انا رحت . انما لاجل اراقبكم انتم !  
**صخر** : وانا لاجل مادرس طباع الاجانب واعبر عنها بالتمثيليه .  
**عنتر** : انا ذهبت فحط لاجل ماامنع دخول بجية الزملا !  
**لقمان** : انا خفت ينضحك عليكم.. قلت يمكن بتحتاجوا مساعده .  
**خزاعه** : انا رحت لاجل ماالجرب مره واتوب ..ابقي كفرت؟  
**سيف** : الفواحش لم ارتكبها.. اما التسري بالحسان فماهو حرام!  
**مصطفى** : قصره .. واضح اننا كلنا كنا ف الماخور . السؤال ليه كل واحد فينا خبي علي الثاني مكسوفين ولاخافين من بعض ؟  
**صخر** : هل احنا اخوان بجد؟؟  
**عنتر** : وهل بنحب بعض؟؟  
**سؤدد** : ولا احنا مزنوقين في بعض؟!  
**جاسر** : لأننا بنحتقر عيوننا . بنطلع همنا في بعض .  
**خزاعه** : ولأن الاجانب بيفوجونا بمراحل مانجدر نغير منهم . ولهذا السبب بنتركهم ونتنافس مع بعض .  
**تمام** : يعني احنا الضحايا ولا احنا الجناه؟  
**ادهم** : الله معنا يا تري ..ام مع الحج هو؟؟  
**مغوار** : هل وحدتنا سر قوتنا ولا سر ضعفنا؟  
**ليث** : وهل كوننا اخوه يلغي حجيجة اتفاجنا بابليين وبرابره .. فينجيين وفراعنه؟؟  
**مصطفى** : يااخوانا عاهدوني.. حتي لو كان موتنا بكره احنا ولاد النهارده!

الجميع : اتفقنا .

مصطفى : واول حاجه نعملها نشهد بأن فايز كان معانا عشان نبرأه من  
تهمة الارهاب.

ادهم : والله كلام معجول .. لكن نشهد زور؟؟

صخر : امال نطلع احنا كنا سهرانين بدلهس وتركناه يناضل لحاله؟؟ هذا  
يبقي ظلم !

عنتمر : ثم يأخى كلنا عرب. يبجي ايش يخليه مختلف عنا ؟ اكيد هو  
ايضا كان في الماخور.

مفوار : وغالباً يكون المكروه اللي حصل له، وقع له هناك . انتو نمينوا  
اعتداء اللصوص علينا لما قاومنا ؟

ليث : وكلنا فاكرين شكل الجناح بتاعهم .

سودد : بيغي نبلغ عنهم . واذا البوليس عجز عن كشف الحقيقه واعادة  
فايز بننتقم له احنا.

(جورج يعود)

جورج : انتو لسه وقف اندك ؟ انا بلغتوا موستشفا يكتشفوا اليكم بالكوه .

خزاعه : لا يا جورج اعمل معروف .

(ايضا تظهر)

ايضا : مافي داعي يكتشفوا يا جورج. اصلهم جهله مايعرفوا ان مجرد قبله  
مستهيل تنقل العدوي!!

جورج : (ضاحكا) مجرد قبله ؟ يبقي كله براءه هيبني ..

(ثم وهو خارج) مجرد قبله ؟ هيء..هيء..هيء

(لحظة صمت والكل يتحاشي النظر للأخر) .

مصطفى : نحمد ربنا انها جات لحد كده . المهم دلوقتي نوفي النذر اللي علينا.

- الجميع :** (بدهشه) ندر.. اي ندر؟؟
- مصطفى :** نعترف بأننا كنا في الماخور سوا .
- لقمان :** انتظر. احنا مافكرنا كيف يكون منظرنا امام اهلنا وأولياء أمورنا
- عنتر :** انا لو اعترفت ابويا يسحلني .
- صخر :** انا افضل لي ماارجع وطني.
- سيف :** انا اتحرم من ميراث عيلتي.
- مصطفى :** من غير مانعترف بغلطتنا مش هنقدر نشهد ع اللصوص .
- ادهم :** يعني بدك ننجي فايز ونوجع روحنا في شر اعمالنا ؟
- منسوار :** نقطة نظام . مايلزم كلنا نشهد . بيكفي واحد يقول انه كان في الماخور ومعاه فايز.
- جاسر :** مصطفى.. خوى انت اهلك طيبين وموصارمين ..يعني لو اعترفت ما هتكون فضيحتك كبيره!
- مصطفى :** نعم؟ تطلعوا انتو كلكووا جاهرين وانا بس اللي منحل واخلاقي طين؟
- عنتر :** ايه يادرس ..ماهو لازم واحد يضحي وانت الكبير.
- مصطفى :** والله؟ في المصائب بس اناالكبير، انما ساعةالفرح نبقى كلنا قد بعض...هاو.. قديمه ياحلو.
- ادهم :** انت عندك اخلاص الفرسان .
- مصطفى :** دا بينا وبين بعض. لكن قدام العالم تطلعوني ندل وتقولوا اخيه عليه .. ماهو اصله رد الكباريه .. يفتح الله ياعم!
- خزاعه :** وايش يكون حل هذه الجضيه ؟
- مصطفى :** لازم نعترف الاول ان عندنا مشكله .
- تمام :** مشكله عندنا .
- صخر :** مشكله معضله
- عنتر :** مشكله مزمنه
- سيف :** وكل مانحاول نحلها ..

خُزَاعِه : تتعجد اكثر.  
 سـؤـدـد : نسأل اللي رايح واللي جاي ..  
 ادهـم : ماحد راضي يدلنا .  
 لقـمـان : لأننا لابنسأل بجد .  
 مـغـوـار : ولا ف نيتنا نسمع لحد .  
 حـكـمـت : ورا كل حل تطلع لنا اسئله ..  
 رابـحـه : اسئله محرجه .. اسئله مرعبه .  
 يـزـيـد : اسئله .. اسئله .  
 لـيـث : وبلا أجوبه .  
 جـاـسـر : وتتطلب رد .  
 رابـحـه : نرجع من الاول ..  
 سـؤـدـد : عندنا مشكله .  
 الجـمـيع : ومالهـاش حل .  
 لقـمـان : لأن كل الحلول الممكنه .  
 سـيـف : يلزمها جهد وعمل .  
 خُزَاعِه : والعمل لابد يسبقه فكر .  
 ادهـم : والفكر عندنا ....  
 مـصـطـفـى : مشكله .  
 تـمـام : مشكله عندنا  
 صـخـر : مشكله معضله ..  
 عـنـتـر : مشكله مزمنه ..  
 الجـمـيع : ومالهـاش حل . (ثم تثبت حركة الجميع ) .  
 إـظـلـام

## المشهد السابع عشر

المنظر: الاستديو

المصور: وأنا رحت الماخور . لكن اديني خرجت منه نضيف وصاغ سليم .

المذيع : لكن ازاي جت لهم كلهم فكرة القناع الثاني ومن غير مايتفقوا ؟؟..

المخرج : لأنهم رغم كل الخلافات اللي بينهم متشابهين بس انت اللي مش

عايز تؤمن بالوحده العربيه!

المذيع : احنا متشابهين في شيء واحد وهو اننا بلخبي الحقيقه علي بعضنا .

المخرج : وماله ؟ اذا بليتم فاستتروا . كونهم بيخبوا يعني مكسوفين مش زي

الاجانب بتوعك اللي عينهم بجحه .

المذيعه : مطبوط

المذيع : الحقيقه لايمكن ان تسيء لقضيه عادله .

المذيعه : مطبوط !

المخرج : الحقيقه مش شغلنا . شغلنا تغيير صورة العرب . مش ده هدف

البرنامج بتاعنا ؟

**المذيع :** لاء (ومستدركا) ايوه فعلا . بس دا غلط . المفروض اننا نغير الواقع نفسه مش صورته .

**المخرج :** ازاي... هو احنا مسئولين ؟ انتو نسيتموا نفسكم ؟

**المذيعه :** (للمخرج) بس انا كمان فهمت غير كده .

**المخرج :** توصيات اجتماع الوزرا العرب كانت واضحه م البدايه . العمل علي تغيير صورة العرب .

**المذيع :** لكن لما نسب الواقع زي ماهو ونجمل الصورة ، مانبقاش اعلاميين .  
نباقي مضللين .. مزورين .

**المخرج :** لا يا استاذ . نباقي وطنيين بنخدم امتنا بأنا ندي الغرب صورة كويسه عنها .

**المذيعه :** مطبوط يا استاذ عكاشه .

**المذيع :** ندي الغرب صورته عنا ؟ الغرب اللي عارف كل اسرارنا ؟ اللي بيتجسس علينا بالأقمار الصناعيه من فوق وبآلاف الدراسات والابحاث العلميه من تحت ؟

**المخرج :** انا مش فاضي للمناقشات البيزنطيه دي ، انا جالي عقد عمل في بلد عربي ومسافر قريب عن اذنكم .

(يخرج)

**المذيعه :** لاء انا كنت غلطانه . انت اللي مطبوط يا استاذ امين .

**المذيع :** رايح يكمل تزوير الصورة اللي بنضحك بيها ع الناس الغلابه اللي بيتفرجوا علينا .

**المصور :** ماحدش يقدر يضحك علينا يا بابا . احنا بنسمع من هنا ونغوت من هنا !

**المذيعه :** مطبوط يا استاذ لطفي . (مستدركه) لاء . انا ماعدتش عارفه الحق فين .

المصور : سيبك من كلام المتقفين . احنا كويسين ..والذي احنا ناس مبانجه ! -  
بس انتو اللي مش حاسين! انما اذا كنتوا مصرين تزعلوا نفسكوا، انتو  
حرين . انا مش هزعل نفسي . (يخرج)

المذيع : (بعاطفه) صادقه .....  
المصور : (سأهمه) العالم مابقاش جميل . (ثم تخرج)

المذيع : لأننا مش شايفين وجهه الحقيقي ..لأن العالم كله مستخبي ورا  
قناع كبير ( يستدير فيجدها فر خرجت . يمسك بقناع ويتأمله) .  
اقنعة فوق اقنعه... تلك هي المشكله ! للمناق وجيهين .. وللكتاب  
~~الريعه .. اما نحن فلنا مائه ! تحت الجلد المشدود .. يرقد الوجه~~  
الاخر... وجه معضله . صب من قالب بلا ملامح . لكنه صارم .  
ونظرة العينين مصمته . هذا هو الوجه النموذج . ~~تلك وجوهنا . لكننا~~  
~~لأننا لان مرأينا مكسوره .~~ وتلك هي المشكله . الحقيقه عندنا...  
فريضه واجبه .. لكنها غائبه .. ونحن قاعدون في انتظارها . من  
يحضرها لنا ؟ .. تلك هي المشكله ! . من يحضرها لنا له جائزه ..  
مائة الف جلده ثم مشنقه . وتلك هي المشكله !

اغلاق



## المشهد الثامن عشر

المنظر: البئسيون

الجميع: (واقفون كما في نهاية المشهد السابق)

(يدخل المحقق فجأة)

المحقق: Excuse me

البعض: سيادة المحقق؟؟

مصطفى: خير عند سعادتك اخبار جديده ؟

المحقق: نعم . فقد ثبت من التقارير المعملية ان حرق المكتبه تم بواسطة

مجموعه من الشركاء ..

ليث: الله اكبر وتحيا الوحده العربيه !

الكل: ( لليث) اسكت.

المحقق: وقد شهد كل منكم انه كان ليلة السبت في حجرته وبمفرده وبالتالي

لايوجد عندكم شهود نفي بالمره .

مصطفى: لكن احنا ما كناش متهمين اصلا ياباشا؟

المحقق: بالفعل ولكن اصبحتم كذلك . بالمناسيه هل هذه الاوراق تخصكم؟؟

ليث : نعم . هادا خط الاخوان .

المحقق : ( يقرأ ) والله لأقتل عشرة من الاجانب الكفار . عشرة فقط لن يشفوا غليلي سأرمي عليهم قنبله تحرقهم جميعا . هل تريدون بعد هذا دليلا ؟

مصطفى : لاء . انت سعادتك فهمت غلط . الكلام دا مش بحق وحقيق . دي بروفه .

المحقق : اعرف .. بروفه علي هجوم مسلح !

صخر : لا هيدي تمثيليه .. ماهي حقيقه .

المحقق : ( مبتسما ) ومن يقوم فيها بدور البطوله يا تري ؟  
( الجميع يسكتون وينظرون لبعضهم بعضا )

ليث : البطوله جماعيه ونحن جميعا ...

سيف : ( مقاطعا ) اتكلم عن نفسك فحط ياخي !

المحقق : عموما حجة التمثيليه طريفه .

صخر : ماهي حجه .. صدقنا .

( أمل تدخل في حالة ذهول وهي تصيح )

أمل : اجتلوهم يا رجال .. اجتلوهم وين ماتلاجوهم . اجتلوهم بلارحمه !

المحقق : هل هذه بقية التمثيليه ؟

ليث : لا هذه مشاعرنا الحبيبيه !

حكمت : قولنا لك اسكت .

أمل : مين فيكم شاف فايز اليوم ؟

المحقق : هل تعرفين مكان فايز ؟

أمل : اخوانه يعرفوا مكانه ... لكنهم ماهيدلوك عليه .

رابحه : لاتصدجها كل هذا من حزنها علي فايز ..

**مصطفى** : حرام تستجوبها دلوقتي يافندم ..حالتها زي مانت شايف !

**ليث** : استريحي في غرفتك اخت امل .. استريحي .

**امسل** : اخي ليث . ربح جليبي وفؤادي .. كم جئت منهم اليوم ؟

**ليث** : ماهو انا اللي جايم بالدور .. جصذك يزيد !

**يزيد** : انا مامعك .انا مالي دور (للمحقق) دجج فيا مليح .اناشكلي يجتل عشره وكيف؟

**المحقق** : عملي ينحصر في توجيه الاتهام . لكن محاميكم يستطيع الرد في المحكمه .

**الجميع** : (بفرع) محكمه ؟؟

**المحقق** : بهذه المناسبه انبه عليكم جميعا بعدم مغادرة البلاد الا بأذن من جهة التحقيق . ليله سعيدة ! (يرفع قبضته ويخرج)

**صخر** : كان واحد منا فقط مخطوف ..صرنا كلنا رهائن .

**خزاعه** : ياريتنا رهائن .. كنا عرفنا كام الفديه المطلوبه ودفعناها !

**سؤدد** : انا يخطفوني مامعي شيء! ... يمكن يدوني!

**امل** : (بفرح) كلكم رهائن ..؟ نعني كلكم بجيتوا فايز؟ يافرحه جليبي ..

كلكم اصبحتم رجال صناديد شجعان!!

**ادهسم** : ضاع مستقبلنا العلمي .

**مصطفى** : مستقبلنا العلمي بس؟ وضاعت حريتنا وضاعت سمعتنا !

**جاسر** : لو كنت نفذت انسحابي من البقاء وياكم كنت خلصت من قرفكم .

(التليفون يدق، مصطفى يرد) .

**مصطفى** : (في التليفون) الو.. مين معايا؟

**امل** : (لاهيه عنهم تبدأ الترنم موسيقي اغنية وطني الاكبر)

**مصطفى** : (لهم) دا محامي باعته اتحاد المحامين العرب عشان يترافع في قضية فايز ..

الجميع : احمدك يارب .

مصطفى : (في التليفون) جيت في وقتك يامتر. ايوه فيه اخبار جديده .

امل : (تغني الان) وطني حبيبي الوطن الاكبر....

مصطفى : (مضطرا لرفع صوته) لاء فايز ماطهرش..ومارجعش ..  
مانعرفش.

الجميع : جوله يسيبه الحين من قضية فايز .

مصطفى : قضية فايز ماعدتش هي المشكله..... بتكلم عن قضيتنا احنا..

احنا كلنا هنروح في داهيه . وياتلحقونا ياماتلحقونا!

امل : يوم ورا يوم امجاده بتكثر ....

مصطفى : احنا مين؟؟ كلنا.. كل الطلبة زمايل فايز!!

خزاعه : اللهم لا اعتراض ..

امل : وانتصاراته .. ماليه حياته... وطني وطني ..

اظلام

## خروج

المذيعه : عزيزي المشاهد..

المذيع : عفوا ..

المذيعه : الي هنا ينتهي برنامجكم ..

المذيع : والمفترض ان ينقل اليكم ..

المذيعه : في جميع الدول العربيه ..

المذيع : فاذا كنتم تشاهدونا الان ..

المذيعه : فقد وصلناكم رسالتنا .

المذيع : عفوا .. او بعض رسالتنا .

المذيعه : اذ يعلم الله ..

المذيع : كم بقي .. وكم حذف منها .

المذيعه : وفي النهاية لايسعنا الا ..

المذيع : ان نصارحكم بوجهة نظرنا التي انتهينا اليها .

الاثنان : الا وهي .....

(يتحدثان ولكننا لانسمع صوتهما كأن احدهم اغلق

مفتاح الصوت) .

(ثم تنزل الموسيقى المميزه للبرنامج وتهبط الستار) .

# الأسرى

مسرحية قصيرة

فبراير ٦٧ - ٢٠٠١



## الأسرى

المكان: بور سعيد

الزمن: نوفمبر عام ١٩٥٦

(صوت راديو يذيع أناشيد وطنيه من تلك الفتره  
ينخفض مع رفع الستار)

المنظر: فصل بمدرسة اطفال وقد تهدم بعض البناء. على حائط الصدر  
سيوره والى يسارها باب الدخول , يكشف عن دهليز . امام السيوره  
مكتب المدرس ومقعده ، ادراج التلاميذ كوم اغلبها فى جانب ،  
وبعضها فوق بعضه .الى اليسار شرفه زجاجيه مطلية بالازرق وبه  
جزء مهشم . على حائط اليمين شرح ظاهر وعلق فوقه علم  
وخريطه لمصرو لافتات (يسقط الاستعمار) (النصر لنا) (لا تسمعوا  
اذاعات الاعداء) ثم بعض رسوم الاطفال .

الوقت: قبل الغروب .

المنظر: (شاب فى زى جندى بريطانى ، يقارب السابعة والعشرين  
يقف فى ناهيه الى اليمن مقيدا من وسطه بسلاسل الى



عامود خراسانى، وسلاسل اخرى تقيد يديه وتتسع عند  
القدمين ومكعب الفم. الجاكت مفتوح والفائله الداخليه  
ممزقه تكشف عن صدره. رأسه منكسه كأنه نائم او  
ميت)

(ازيز طائره نمر او اكثر ثم ينقطع ونسمع ايضا عواء  
الريح بالخارج)

(صوت وقع خطوات تقترب بحذر وصوت فتاه تنادى)

الفتاه: احمد.. احمد..

(تظهر الفتاه فى الدهليز)

(تقارب التاسعة عشر نحيله ترتدى بلوفر وجونله  
بسيطه)

الفتاه: (تتوقف خلف باب الفصل وتنادى) احمد..

الفتاه: (تتحرك داخله بقلق) احمد.. انت فين ؟ .. محدش هنا ؟

(تلمح الأسير فتلفت منها صرخه)

الأسير: (ينتبه على اثرها يرفع رأسه فى ذعر هو الاخر ثم يزوم  
بغمه)

الفتاه: (تتقهقر ببطء . الاسير يحرك رأسه ويزوم ثانيه، الفتاه  
تتماسك قليلا محاوله تجاهله .. تخرج خطابا من صدر  
بلوزتها، تحتار لحظه ثم تضعه على مكتب المدرس،  
تلتفت للأسير بخوف. وتسرع للباب كأنها تهرب من  
شيح)

(صوت فتح باب خارجى ثم اغلاقه. الأسير ينكس رأسه  
فى يأس. نمر لحظه)

(الفتاه تظهر فى الدهليز عائده)  
 (تدخل فى بطن لكن بتماسك اكثر . تنظر فى عيني  
 الأسير بتحدى)  
 الأسير: (هاديء كأنه يحاول ان يطمئنها)  
 (تلمح على السبوره كتابه بخط عريض)  
 خرجت لأمر ضرورى . الأسير مقيد جيدا . سأعود بعد قليل  
 الفتاه: (تعلق الراديو الذى كان يذيع موسيقى عسكريه . تمسك  
 الخطاب وتفض غلافه وهى تختلس النظر الى الأسير .  
 نسمع محتويات الخطاب بصوت شخص)  
 الصوت: ( اخى احمد، آسف لتأخرى عن موعد استلام نبطشية الحراسه،  
 اكتب لك بسرعه فالكلاب الانجليز حضروا للقبض على ، لاتخف .  
 لن اعترف بشئ رغم التعذيب الذى اتوقعه، لكنى علمت انهم  
 يفتشون فى كل مكان وقد يصلون عندك بين لحظه واخرى .عندما  
 تصلك هذه الرساله مع اختى، اقتل الأسير فورا حتى لا يتعرف  
 علينا . وحتى لا يضيع جهادنا بلائمن . اقتله بلا اى تردد . اقتله  
 دون تفكير لانه لو عاش سيشهد علينا، حياة مجموعتنا كلها فى يدك  
 ملحوظه : لاداعى لأن تخبر اختى بأى شئ . المخلص محمد )  
 الفتاه: (تجلس على درج للتلاميذ بأنهيال وهى ترتجف، تنظر  
 الى الأسير فى ذهول ثم تغطى وجهها بيديها)  
 الأسير: (يلوم بقمه)  
 الفتاه: (تنظر لساعه يدها بقلق ، تتحرك للشرفه وتنتظر من  
 خلف زجاجها)  
 هوراح فين بس ؟ استنى ربع ساعه لو ماجاش .. (تسكت  
 بأضطراب)

(تهم بأن تعيد الخطاب فوق المكتب ثم تنظر فيه ثانية)  
الصوت: اقلل الأسير على الفور حتى لايتعرف علينا . اقله بلا اى تردد .  
اقله دون تفكير لانه لو عاش سيشهد ضدنا .

الفتاه: (تضع الخطاب، تتحرك للأسير وتتأمله باهتمام، تدور حوله)

الأسير: (يزوم بقمه ثم يتحرك فى حدود متر وهو يجر خلفه قيوده محدثه صليلا)

الفتاه: (تصرخ بفزع وتراجع ثم تكتشف ان القيد لايسمح له ان يتقدم اكثر من ذلك)

الأسير: (يشير برأسه الى مكان حيث دورق للماء)

الفتاه: (تلهم اشارته وتهز رأسها نفيا وتتحرك لتقف بعيدا عنه)

الأسير: (يزوم بصوت اعلى ويتحرك فى اتجاه درج اليسار ثم يدق الارض بقدميه)

الفتاه: (بانزعاج) بس .. Stop

الأسير: (يكرر الاشاره برأسه ويديه المقيدتين الى بعضهما الى درج اليسار)

الفتاه: (بعد لحظه تتحرك الى الدرج وتضع يدها عليه كأنه تسأله)

الأسير: (يهز رأسه بالايجاب ويبتسم لها مشجعا)

الفتاه: (بعد تردد، تفتح الدرج ثم تشهق وتراجع للخلف . تتمالك نفسها ويبد مرتعشه، تخرج مسدسا كبيرا، تمسكه بطريقة غشيمه بيديها الاثنتين'

الأسير: ( يبدو عليه الارتياح ) !

الفتاه: ( تشهر المسدس نحوه ، وتتقدم منه بأضطراب كأنها  
تحدث نفسها ) لازم أقتلك .

الأسير: ( يهز رأسه ويزوم معترضا بقوة ويشير ثانية الى دورق  
الماء )

الفتاه: ( تقترب بحذر وترفع المنديل من فوق فمه ثم تبتعد في  
خوف )

الأسير: ( يأخذ نفسا عميقا ويبتسم بضعف ) Thank you

الفتاه: ( تسأله وهي ترتجف ) احمد فين ؟

الأسير: Water , I want to drink

الفتاه: ( بخوف ) انا اللي أتكلم ، مش انت .

الأسير: ( بضعف وتوسل ) Please

الفتاه: ( بعصبيه ) رد عليا الاول

الأسير: ( يسكت وتميل رأسه الى صدره ثانية )

الفتاه: ( تتحرك وتأتى بدورق الماء بيدها اليسرى وتقربه من  
فمه ) .

الأسير: ( يشرب بشراهه والماء يتساقط على صدره ) شكرا .

الفتاه: احمد .. اللي كان هنا ، راح فين ؟

الأسير: I am hungry

الفتاه: احمد ( ثم تستدرك ) Where is he ?

الأسير: ( ينظر لها بأرهاق ولا يرد )

الفتاه: ماقالش راجع امتى ؟ ( تهم بترجمة الكلمات )

الأسير: ( مقاطعا ) No ماقالش .

الفتاه: ( تنتظر له بدهشه وتراجع )

الأسير: (بقوه) انا .. اريد اكل .

الفتاه: اتكلم ، خرج امتى وراح فين ؟؟ انطق لحسن (تلوح بالمسدس)  
الأسير: (بيتسم بمراره) مفهوم . بطله . كويس كتير .. شجاعه .. وكمان  
حلوه .

الفتاه: اخرس ياكلب !

الأسير: جورج .. اسمى جورج . انا جوعان . ربما فيه اكل فى درج هنا .  
الفتاه: مافيش اكل غير لما ترد عليا .

الأسير: I do not know

الفتاه: (مهدده) هاترد ولا لاء ؟

الأسير: (بخوف) ok Ok .. هو مشى من عشره دقيقه .

الفتاه: تعرف هيرجع امتى ؟

الأسير: (يهز رأسه) No

الفتاه: (تسكت وتتحرك مبتعده بياس)

الأسير: وانتى من تكونين ؟

الفتاه: (تعطيه ظهرها ولا ترد)

الأسير: انتى تبع ال... الفدائى ؟

الفتاه: Shut up

الأسير: لا .. مش بيان عليكى انك فدائى، انت بنت صغير .

الفتاه: (تتحرك جينه وذهابا بقلق ولا ترد فيواصل الكلام)

الأسير: كلمينى عن نفسك . اسمك ايه ؟

مش عاوزه نقولى ؟ .. Ok انا اسميكي . اسميكي فاطمه ..

اشان كل بنت مصرى اسمها فاطمه .. وكل راجل اسمه محمد ..

فى اوريا بنات اسمه فاطميا ..

- انت بتدرسى فى الجامعه ام مازلت تلميذه بالمدارس ؟
- انا اقول، انت عندك ثمانية عشر عاما وربما اقل . ليه موش تردى ؟
- الفتاه: انت عدوى، اكلمك ليه ؟
- الأسير: All right انا اكلمك عن نفسى .
- الفتاه: مايهمنيش اعرف حاجه عنك .
- الأسير: انا ارغب فى الكلام قبل مالموت .
- الفتاه: دش .. هاتى .
- الأسير: What ?? قول دا تانى .. ايه معنى دش ؟ انا اعرف هاتى .
- هاتى ميه .. هاتى اكل .
- الفتاه: ( مبتسمه ) لاء دى غير دى .
- الأسير: ضحكى فاطيما .
- الفتاه: ( تعبس فى الحال )
- الأسير: كشرتى فاطمه ، خساره ، ضحككتك هلوه .
- الفتاه: لك نفس تعاكس يا حيوان ؟
- الأسير: انا موش اقصد ، انا متأكد ان لك Boyfriend . حبيب .
- الفتاه: انت اهيل ، فاكرا انك هتضحك على عقلى .
- الأسير: انا لى صديقه .. فى بلدى وانوى الزواج منها قريباً .
- الفتاه: مش هتلق ياخواجه .
- الأسير: بنت لطيفه زيك، اسمها مرجريت ، لكن اكبر ثلاث سنوات او اكثر .
- بكت وانا اودعها .. انا ايضا كنت على وشك البكاء ..
- ( يسكت لحظه ) انا متعب كثير ، نفسى اجلس .. ارجوكى فاطيما .
- الفتاه: كمان عايزنى افكك ؟
- الأسير: انا قلت لك مكان المسدس ، اشان تبقى مطمئن .

الفتاه: ربح نفسك .. مش هيجصل .

الأسير: انا عارف .. انتى خايف .

الفتاه: انا ماخافش من امذالك .

(الأسير يتحرك خطوه فتفزع مره ثانيه)

الأسير: لاتخافى، انا مقيد جيدا . لكنى سأموت بسبب الجوع .

الفتاه: على اى حال بعد شويه هتموت بالرصاص .

الأسير: موش كويس منك تقولى كده . وقتها سأعرف بمفردى .

الفتاه: وكويس تحرقوا البلد وتهدموا حتى مدارس الاطفال ؟ كويس تموتوا

الناس ؟ تلاقى دمهم لسه على هدمك . قتلت لوحدهك كام ؟

هيدوك نيشان طبعا .

الأسير: دا حصل خطأ بدون قصد ..

الفتاه: (مقاطعه) مش عايزه كلام .

الأسير: ليس ذنبى .. انا لم احارب ولم اقتل اى مصرى . هل تعرفين لماذا

اتكلم العربيه ؟

الفتاه: مش عايزه اعرف (تتظر فى ساعتها وتتركه وتمشى

للشرفه)

الأسير: صدقنى فاطمه، انا أسرت بمجرد ان قفزت بالبراشوت، سقطت

والتوت قدمى، لم اقدر ان امشى ، هجم على اربع رجال . وضعونى

فى شوال ونقلونى الى هنا . تظاهرت انى لااعرف العربيه حتى

افهم مايريدون منى . كانوا فى منتهى الفرح والفخر، لكن موش

كان يعرف ماذا يفعلون بى . احدهم كان يذكر اى بكلمات بذيله،

بعدها بدأ يضربنى والباقى كان يتفرج على كأنى حيوان غريب .

بعد شويه، واحد منعه من تعذيبى واقترح قتلى فورا . فى النهايه

اتفقوا ان يأخذونى رهينه يساوموا بى للافراج عن بعض زملائهم .

**الفتاه:** برافو. يعنى ماقتلتش بس عشان ماجاتلكش الفرصه . انا بقى عمري

مافكرت اقتل .. لكن هابدأ بـبك . ( تفتح الدرج وتأتى له

ببعض الخبز) مافيش اكل . مافيش غير العيش المعفن ده .

**الأسير:** ( بلهفه ) thank you انت طيبه كتير.. انتى انسان .

**الفتاه:** ( مقاطعه ) انا جيت لك الأكل علشان تسكت .

**الأسير:** كان لى عم عاش فى مصر يعمل فى القنال سنين لفترة طويله .

حكى لى كتير عنها، وشجعنى اتعلم العربيه، كمان قرأت عنها

بحكم دراستى .

انا احب مصر كتير..كتير. احفظ تاريخها وحضارتها.

ولما الحرب قام استدعونى فى قوة الاحتياط، يمكن لأنى اتكلم

العربيه ..

**الفتاه:** اطفح وانت ساكت .

( يسكت ويواصل الأكل بنهم . الفتاه تشغل الراديو الذى

يذيع اناشيد)

**الأسير:** ( وقد فرغ من الأكل ) اريد الذهاب لدورة المياه .

**الفتاه:** اللعب غيرها، مش هفكك .

**الأسير:** كانوا يعطونى الماء والأكل ويسمحون لى ان ادخل التواليت . ازاى

اعيش بدون ان اذهب الى دورة المياه ؟

**الفتاه:** انت مش هتعيش .

**الأسير:** حتى اموت، يجب ان اذهب لدورة المياه، القوانين الدوليه لاتسمح

بتعذيب الاسرى او امتهان كرامتهم ، الم تسمعى عن حقوق

الانسان؟

**الفتاه:** الى يهاجم الناس ويستعمرهم مالوش اى حقوق .



**الأسير:** وهل كان من حقكم خرق اتفاقية قناة السويس الدولية ؟  
**الفتاه:** القناه بتاعتنا من الاصل وانتوا سرقتمونا وانا مش هتناقش معاك .  
**الأسير:** انا موش عايز اتناقش ، انا عايز اقضى حاجتى . وانت معاك سلاح  
تقدر تقتلنى لو حاولت امرب . . .  
**الفتاه:** ولو، مقدرش اتثق فيك ، انت ضابط واخد ع الحرب وانا بنت .  
**الأسير:** انا مجرد جندى ( بعد لحظه ) من فضلك ، افتحى درج اليسار .  
**الفتاه:** انت طلباتك كتير . عايز ايه تانى ؟  
**الأسير:** المحكوم عليه بالاعدام بيسألوه عن طلبه الاخير .  
**الفتاه:** ( تذهب وتفتح الدرج وتخرج زجاجة خمر ) خمره ؟  
مقدرش ، دى حرام .  
**الأسير:** انا اللي هشر به .  
**الفتاه:** ولو . حرام امسكها ( تعيد الزجاجة ) بتضحك ؟ طبعاً ما انتوا  
منظليين . . .  
**الأسير:** الزجاجة دى تخص واحد منكم .  
**الفتاه:** يبقى كافر زيك . . .  
**الأسير:** انتوا عندكم كفره ؟  
**الفتاه:** او يمكن مسيحى .  
**الأسير:** لا اعرف ، كان هناك اثنين ، واحد يشرب والثانى حاول يمنعه .  
**الفتاه:** وليه ماتكونش القرازه دى لاقوها معاك انت . مافيش فدائى خاطط  
قلبه على كفه يقعد يشرب منكرو هو بيحرسك .  
**الأسير:** على العكس ، التلى يشرب موش يحارب ، واللى يحارب يشرب  
بعدها عشان ينسى فعلته .  
**الفتاه:** يبقى انت عايز تشرب عشان تنسى اللي عملته .

الأسير: دا صحيح، وإيضا زميلك كان عايز يشرب عشان يجي له قلب  
يعذبني .

الفتاه: كذاب، محدش عذبك.

الأسير: تفتكرى انا عملت الجروح دى لنفسى ؟

الفتاه: تستاهل، عشان تحرم تيجى هدا تانى .

الأسير: انا أسير ، مش مفروض يبقى فيه تعذيب . موش شجاعه حد يعذب  
أسير .

الفتاه: انت اللى مش مفروض تبقى هنا اصلا، وموش شجاعه نحتلونا  
بالسلاح .

الأسير: تقضى الحرب تكون بالأيد زى الحيوانات ؟

الفتاه: الحيوانات هما اللى بيعملوا الحرب بأى طريقه .

الأسير: You are right

الفتاه: يبقى اعترف انكم حيوانات .

الأسير: Of course احنا عندنا حكومه من حيوانات، عندنا ناس كتير  
حيوانات .

الفتاه: الحمد لله .

الأسير: وانتوا كمان زينا ، عندكوا سياسين حيوانات وناس حيوانات . زى  
كل العالم .

الفتاه: (فجأه بفزع) انت يهودى ؟

الأسير: No . ليه تقولى كده ؟

الفتاه: كل حاجه بتقول انك يهودى، كلامك، وجيبك ، ومحاسنك، ماعدا  
حاجه واحده، انك مش اخنف .

الأسير: هاها . مين قال ان اليهودى اخنف ؟

الفتاه: دى حاجه معروفه .

الأسير: معروفه منين ؟ انتى Naive كثير فاطمه . انتى تتكلم زى اطفال  
الفتاه: لاء انا مش ساذجه . ع العموم حتى لو انت يهودى ، طبعاً مش  
هتتعترف بكده .

الأسير: أنتى متعصبه فاطمه ؟

الفتاه: اليهود هما اللى متعصبين واغتصبوا ارضنا .  
الأسير: May be دى وجهات نظر . وانتى علموكى كده فى المدرسه  
الفتاه: التاريخ بيقول كده .

الأسير: التاريخ كل انسان بيكتبه على هواه .

الفتاه: التاريخ بيقول ان كان عندنا حضاره من خمس نلاف سنه .  
الأسير: ده يدىكم ميزه ؟

الفتاه: طبعاً .

الأسير: والان الحضاره عندنا ، اذن دا يدينا ميزه .

الفتاه: ايوه بس مايسمحلكم ش تحتلونا اتنين وسبعين سنه ويعدين ترجعوا  
تانى .

الأسير: والعرب احتلوكم اكثر من الف سنه ، ومع ذلك انتوا بتقولوا انكم  
عرب مع انكم مصريين وعندكم حضاره قبل العالم كله . بتتكلمى  
عن فلسطين كأنها بلدك ، رغم ان الفلسطينيين طول تاريخهم ايام  
فراعنه كانوا بيحاولوا يحتلوكم .

الفتاه: انت بتخرف ، انا بناقشك ليه ؟

الأسير: انتى يخاف من المناقشه فاطيما ؟

الفتاه: انا ماأتناقش مع واحد متعصب ، ويمكن يكون يهودى .

الأسير: تقصدى صهيونى ؟

الفتاه: والله معرفش . اللي اعرفه ان بعد اربعين خمسين سنه بالكثير،  
مش هيبقى فيه حاجه اسمها اسرائيل .

الأسير: انتى لسه صغير ، انتى ماتعرفيش اللي اتكلم عنه ، لم تقرأى  
ماقرأت ولا زرتى بلاد العالم اللي زرتها .

الفتاه: طظ، لكن انا بحس ، ويفهمها وهى طايره .

الأسير: وانا معجب بك فاطيما . وارجو ان نتفاهم .

الفتاه: ماتحاولش . اللعب غيرها . احنا غيركم خالص، احنا من طينه تانيه

الأسير: تينه تانيه ؟ معاك فلم . If you please

الفتاه: عشان ايه ؟

الأسير: اسجل ال.. expression ده .

الفتاه: وايه الفايده، انت هتموت بعد شويه .

الأسير: افرضى. مش هخسر شىء .. تينه تانيه .. Ok .. Wonderfull ,  
انا حفظته .

الفتاه: ايوه، انتوا ماعندكوش مبادئ ولا قيم .

الأسير: كل الناس فى الدنيا عنده قيم . يمكن قيم مختلفه .

الفتاه: لاء انتوا منحلين .

الأسير: منحلين ؟ .. عكس مقيددين ؟

الفتاه: منحلين، يعنى على حل شعركم، ساييين ومطلوقين على بعض ،

رجالهم وسنات مافيش اخلاق ولا ضمير ، سفله، مالمش دين ولا مله

الأسير: No انتى مخطئه، احنا اعتدينا على بلدكم وبلاد كثيره، لكن

عندنا دين .. ودين قديم قبل غيرنا .

الفتاه: لكن مابتعملوش بيه .

الأسير: وماذا عنكم ، انتم تعملون كما يقضى دينكم ؟

الفتاه: طبعاً بنصلى ونصوم وعندنا اخلاق ونعرف ربنا .  
الأسير: وعندنا نصوم ونصلى ونذهب للكنائس والمعابد ، ونعرف الله ، اننى متعصبه ؟

الفتاه: انتوا الى متعصبين ويتحقروننا ، بس احنا كمان بنحتقركم .  
( ازيز طائرات بعيدة وصوت قنابل . تذهب ناحية نافذه وتصرخ بعصبيه )

الفتاه: ياكلاب . يا مجرمين ( تستدير له ) انتوا عايزين مننا ايه ؟ جايبين بلدنا ليه ؟؟

الأسير: انا اسف .. لكنه ليس ذنبى ..  
( ازيز الطائرات يعلو المكان كله يهتز وكذلك اعصاب الفتاه )

الفتاه: ( تشهر المسدس نحوه ) انت لازم تموت .. ودلوقت .. مش هستنى عليك .

الأسير: لاء يجب ان تسمعى اولاً ...

الفتاه: مش عايزه اسمع .

الأسير: وانا موش عايز يموت . ارجوكى .

( ازيز الطائرات يبتاعد . الفتاه تخفض مسدسها . تدور حول نفسها )

الفتاه: ( فى شبه بكاء ) احمد تأخر . ازاي يخرج ويسيبك ؟

الأسير: الحرب دى سينتهى قريب ، يمكن شهر .. او ايام ويصبح كله مجرد ذكرى تعيسه .

الفتاه: تعيسه لكم انتم .

الأسير: للجميع . انا اعرف ان انجلترا ستخسر هذه القضية ولكن من الصعب ان تخسر المعركة .

**الفتاه:** احنا اللي هنهزمكم ونكسب الحرب .

**الأسير:** فى الحرب عزيزتى لالحد يكسب، حتى المنتصر بيخسر نفسه وانسانيته . انا اكره الحرب بشده وأشعر بالغثيان منها، اعترف لك انا موش شجاع، انا اشعر بالخوف من الحرب الى درجة الرعب . انا لاقدر على القتل او تعذيب بشر .

**الفتاه:** قولوا لروحكم، انتم اللي عملتوا الحرب دى .

**الأسير:** ليه تقولى انتم ؟ انا اللي اتكلم معاكى .

**الفتاه:** انت واحد منهم، مافيش فرق .

**الأسير:** لاء دايما فيه فرق، انا غير هما .

**الفتاه:** ولما انت انسان ايه اللي جابك هنا تحارينا ؟

**الأسير:** موش باختيارى، انا جيت هنا غصب عنى . زى ماانا مقيد هنا غصب عنى .

**الفتاه:** وانا هقتلك غصب عنى .

**الأسير:** (بأبتسامه) متشكر

**الفتاه:** (بدهشه) على ايه ؟

**الأسير:** مدام تقتلينى غصب عنك، يعنى انتى مش عايز يقتل . لكن انا انصحك .. لاتفعلى اى شىء غصب عنك .

**الفتاه:** كنت وفر نصيحتك لنفسك .

**الأسير:** انا خدت اوامر، حطونا فى الطيارات، رمونا بالبراشوت هنا . انا مخطيء لكن موش مذنب ، دا ذنب حكومة جلاله الملكه . وذنب العصر الذى ولدت فيه .

**الفتاه:** روح قول الكلام ده لحكومة جلاله الملكه بقاعتكم .

**الأسير:** قولنا ، انا وغيرى، عملنا مظاهرات ضد الحرب وهذه السياسات،

فى بلادنا دعاة سلام من شخصيات هامه مثل الفيلسوف برتراند راسل . انا ضد ايدن رئيس الوزراء وضد الحزب ، انا ضحيه فى هذه الحرب .

**الفتاه:** وانا مالى ؟ ذنبى ايه اذا كنت انت ضحية الحكومه بتاعتكم ؟  
**الأسير:** انتى كمان ضحيه، ضحية الاوهام .. البروباجندا ، الدعايه ، الراديو والجريده .. اناشيد الحرب ، كلام اخيكى وزملائه .

**الفتاه:** امال عايزنى اتأثر باذاعتكم اللى بتكذب ويتدعى علينا ؟  
**الأسير:** كله دعايه ، كله بيكذب ، عندنا وعندكم . واذا انتى فكيتى قيودى ، انا مستعد اتكلم فى الراديو عندكم واقول انى ضد هذه الحرب .  
**الفتاه:** لما ييجى احمد ابقى قوله ، انا مش مسئوله .

**الأسير:** تفكرى احمد ييجى الآن ؟  
**الفتاه:** ادعى انه ييجى ، يمكن هو يبقى له تصرف تانى وما يقتلكش .  
**الأسير:** لا .. انت موش يقتلى . انا متأكد .  
**الفتاه:** دا عشم ابليس فى الجنه .  
**الأسير:** انا لانامنى لك ان تقتلى .

**الفتاه:** انا مش قادره استحمل .. انا مستنيه عليك ليه ؟ (تتظر لساعتها)  
الوقت فات واحمد ماجاش . وفى البيت مايعرفوش مكانى ، زمان اخواتى قلقانين عليا ...

**الأسير:** عندك اخوات كثير ؟  
**الفتاه:** محمد اكبر منى وفيه بنتين .. (تستدرك) انت ازاي تتجرا ..  
(تسكت)

**الأسير:** خايفه تفتحى لى قلبك .. مفهوم ..  
**الفتاه:** (بغیظ شديد) افندم ؟ هتخشى دور غرام ؟

(تشهر المسدس) اوعى تكون فاكرا علشان مانت راجل وانا بنت

يبقى ... ..

الأسير: (مقاطعا) بنت؟؟ انا موش شايف منك غير المسدس .

الفتاه: فعلا ولازم ماتسمعش غير صوته .. .

الأسير: لا استنى ارجوكى.. please

الفتاه: المره دى مافيش فايدة .

الأسير: (يشير الى الخطاب) لو قتلتنى زمايلى يلاقوا الرساله ويعرفوا

اللى باعتها .

الفتاه: لاياشيخ . قلبك عليا؟؟

الأسير: انا موش يستفاد شىء لو عرفوا انك قتلتنى . الميت ميت . صدقنى

مره .

الفتاه: مش هصدقك . انت عايز تكسب وقت . (تأخذ الخطاب وتضعه

فى صدرها) بس انا ماكنتش هنسى الجواب . (بهذوء) فيه ورق

تانى ممكن يدل علينا !؟

الأسير: (بيتسم) ابحنى بنفسك .

الفتاه: (تفتح الراديو فنسمع الاناشيد وتشهر المسدس ثانية)

هبقى ادور بعد ما قتللك .

الأسير: انت ماتخلفتش عشان تقتلى فاطمه .

الفتاه: (بتوحش) لكن هقتل . سامع .

الأسير: انت طفله ، لايمكن اصدق انك تقدرى تدبجى دجاجة

الفتاه: بالعكس انت خايف منى .. والخوف فى عينك .

الأسير: انا موش اخاف ، لانى متأكد انك ماتقدرش .

الفتاه: تبقى غيبى . دلوقت حالا هتشوف هقدر ولا لاء .



الأسير: انت اتكلم كثير وموش تعمل حاجه !

الفتاه: انت ربح .. بتتحدانى ؟؟ طب آدى جوابى عليك .

( تشهر المسدس فى صرامه تحرك يدها ثم يديها به  
تحاول ان تضغط على الزناد . تمسح عرق كفيها وتمسك  
المسدس مره اخرى . جسدها كله يرتعش . المسدس  
يسقط من يدها . تنهار جالساه على مقعد وتتشنج  
بالبعاء )

الأسير: موش تزعل فاطمه .. موش تزعل .

الفتاه: لاء .. لاء ( تنهض وتلتقط المسدس ) ده مش معناه انى  
ماقدرش . اللى حصل ده طبيعى لان عمرى مسكت سلاح . لكن  
مش هيسمر . كل الناس بتخاف م الحرب وبعدين بتتعود عليها .

الأسير: بالعكس الشئ الطبيعى هو اللى مفروض يستمر . انتى احسن من  
غيرشجاعه . وانتى بتعطى وخايفه تبقى اجمل بنت فى الدنيا .

الفتاه: الطبيعى انه مدام محمد هيموت يبقى انت كمان لازم تموت ..  
ياقتلنى ياقتلك . ايوه لازم افكر فى كده ... لازم افكر ان اخويا  
زمانكم بتعذبوه . ولوماقتلكش دلوقت هتتعترف عليه وتقتلوه  
( بحداه اكثر ) هتقتلوه يا مجرمين ...

الأسير: انت تزعل عشان توهم نفسك بالشجاعه .. لكن موش تقدرى .

الفتاه: ( تشهر المسدس بتصميم ) هقدر يا جورج . ولو ايدى انتهزت  
احاول تانى وثالث ..

الأسير: مش هيكون فيه تانى عزيزتى . المسدس فارغ من الرصاص .

الفتاه: كداب .. ( تحاول فتح خزانة المسدس )

الأسير: شدى لتحت ...

الفتاه: (تخرج الخزنه فارغه) يعلى طول الوقت .. كنت بتخدعنى .  
الأسير: انا عطشت تانى .

الفتاه: (تغلق الراديو) كنت بتصرخ كل ما ارفع المسدس علشان  
مااعرفش انه فاضى . برضه كنت بتضيع الوقت .

الأسير: كنت خايف اسمع صوت الزناد .. ده معناه انك تقدرى تقتلى .  
كنت احس ساعتها انى مت فعلا . ولو عشت موش راح انسى دى  
ابدا ..

الفتاه: ماتحاولش تأثر عليا بكذبك .  
الأسير: انا قلت لك انه فارغ لأنى موش عاوزك تحاولى تانى .. شعرت  
بالشفقه عليكى لما سقط منك المسدس . ليه موش تصدقينى  
مره ..؟ انا انسان .

الفتاه: انت انجليزى .  
الأسير: اشان انا انجليزى ابقى لازم يكذب ؟؟  
الفتاه: علشان انت عدوى .

الأسير: Ok انا خدعتك بالفعل، وكذبت لما قلت انى اضمن يفرجوا عن  
اخيكي اذا فكيتنى، لكنى لم اكذب عندما قلت انى لن ابلغ عنكم ..  
الفتاه: وجريت تهددنى وتخوفنى .

الأسير: نعم . لانى انا نفسى كنت اشعر بالخوف منك، انا اقدم لك  
اعتذارى .

والآن ممكن يكون بيننا تفاهم ونصل الى حل سلمى .

الفتاه: عشان مابقاش فى ايدى سلاح ؟

الأسير: عشان انا عرفت انك طيبه كثير .

الفتاه: قصدك جبانه . قولها ..

الأسير: وماهى الشجاعه ؟ اى كلب ضال يمكن ان يعض عشرة رجال .

الشجاعه ليست هى استخدام القوه .

الفتاه: انت بتفكر فى مصلحتك . فاكرا انى هفكك وأقولك اتفضل .

الأسير: كل فرد يفكر فى نفسه . ده موش عيب .

الفتاه: مصلحتك ضد مصلحتى . ومصلحة اهلى وبلدى .

الأسير: انا اريد ان اعيش .. وعاوزك تفكىنى . لكن موش عايز يقتل اى حد .

صدقنى فاطمه انا ماكنتش عايز احارب ولا كنت عايز الحرب .

Never أنا بنفذ اوامر . انا مش حر .

الفتاه: وانا كمان مش حره .

الأسير: لكن انا وانتى ممكن تبقى احرار .

الفتاه: ابقى حره لما اسيب عدوى يقلت ؟

الأسير: افهمى ، انتى الآن قويه وانا مقيد ، لكن ممكن فى وقت تانى ، تبقى

انتى المقيده . مؤكد القوه بتاعتى هيعرفوا مكانى فى وقت قصير ،

وفى هذه الحاله سيتعرض اخيكى للعقوبه . الافضل ان تطلقى

سراحي سيكون هذا افضل لنا جميعا .

الفتاه: ( تسكت )

الأسير: نعمل اتفاق سوا . انتى تفكى اللقيد وانا اوعدك بشرفى موش ابلغ

عناك او عن اخيكى ، هو يعيش وانا اعيش . Trust me

الفتاه: ( تسكت لحظه ثم يضعف كأنها تتمنى العكس ) مقدرش اثق

فيك . لو وقع اخويا فى ايديك مش هتتنسى انه خطفك .

الأسير: ( بأمل ) اقسم لك بشرفى لن انسى انك فكيتى قيودى . وانا اضمن

لك ان يفرجوا عن اخيكى ..

الفتاه: ( تسكت تتحرك بلا هدف وتفتح الراديو على بعض

الاناشيد )

الأسير: فكر فاطميا .. الوقت يمر، زملائي ممكن يوصل .. فكر .  
الفتاه: لو انت فى ناحيه ومعاك بندقيه . وهو فى ناحيه ومعاه بندقيه ,  
هتسييه يقتلك ؟؟

الأسير: أوعدك ..  
الفتاه: (مقاطعه وهى تصفعه صفعات متتاليه بهيستيريا) لاء  
لاء. ماتكذبش .

الأسير: انتى عصبية لانك تتمنى ان تصدقلى ولكنك تقاومين نفسك .  
الفتاه: اخرس .. انت حيوان .. انت حشره , انت ..

(تسكت ثم تنظر فى ساعتها) بعد شويه المشى فى الشارع  
هيبقى ممنوع . انا اروح ادور على حد .. يمكن الاقى احمد فى  
بيته .هو يتصرف معاك، دى مش مسئوليتى (تهم بالخروج)  
الأسير: One moment, please ... المبوله .

الفتاه: ايه ؟  
الأسير: المبوله .. I'm very sorry  
الفتاه: (تفكر لحظه ثم ترفع المبوله وتقربها منه)  
الأسير: (وهو يتنهد بأرتياح) اشكرك .

(الفتاه تخرج)  
(اظلام قصير جدا) .

(اضاءه تدريجيّه ، تمر لحظه)

(الفتاه تدخل عانده بسرعه وهى ترتجف)

الأسير: هل وجدتي احمد ؟ (لاترد) انت ترتعشي . حصل شيء ؟

(لاترد) فهمت . قابلتي نقطة تفتيش . (تبكي) لابد انك خفتي

لمجرد ان شاهدي الجنود ومعهم السلاح .

الفتاه: (بصوت خافت) جايين على هنا (مستدركه تؤنب نفسها) انا

بقولك ليه ؟

الأسير: موش تخافي ، لن اشهد عليكى .

الفتاه: انت اللي هتحميني ؟

الأسير: انا وانتى ليس لنا ذنب .

الفتاه: واحد فينا لازم يموت .

الأسير: افهمي ، لاتوجد مصلحه لى فى هذه الحرب ، لايوجد سبب يدفعنى

اترك بلدى واشيل السلاح .

الفتاه: لكن شيلته وساعتها اخترت لى انا كمان اشيله ، يبقى لازم تتحمل

النتيجه .

الأسير: انا مااخترتش اى شيء . انتى غلطان .. انا مااخترتش اتولد فى ايام

كلها حروب ولا ان يكون انجلترا بالذات . ولا اسرتى ولا

الحرب ولا الفرقه ولا السلاح ... مااخترتش حتى اسمى .

**الفتاه:** لكن سبتهم يسوقك زى الغنم . ويمسكوك السونكى . السلاح اللي انت خايف منه دلوقت .

**الأسير:** غصب عنى . لو رفضت الحرب اموت بايديين انجليز . لو قبلت اموت بأيديين مصرى .. لافرق .

**الفتاه:** مادام مضطر كنت حارب هناك وموت فى بلدك .

**الأسير:** مستحيل . كل جندى يخاف من زميله .. مافيش انسان يعرف ايه جوه التانى . الجندى لازم يطيع شاويش . وشاويش يطيع ضابط . وضابط فوقه قائد . انا مش قائد .. انا مش مسئول .

**الفتاه:** كان لازم تقف ضده . تحارب واحد احسن ماتحارب بلد وشعب بحاله .

**الأسير:** من غير قائد تبقى فوضى . من غير قائد مافيش جيش .

**الفتاه:** مش لازم يبقى فيه جيش ..

**الأسير:** انتى عايز تغير نظام الكون . حتى السلام موش ممكن بدون حرب . ولو كل الدنيا ملاها السلام ، يكفى راجل واحد عشان يشعل فيها الحرب تانى . العالم كله غابه كبيره فاطمه . غابه بدون قلب . القوى فيها يعتدى على الضعيف . دا اللي حصل فى كل التاريخ . عندما كنت فى سنك ، كان عندى امل ان يأتى يوم قريب ، ويصبح فيه كل البشر اخوه . يصبح العالم امه واحده . الآن انا يانس من مستقبل الانسان .

(الظلام الذى كان يهبط تدريجيا قد وصل الى درجه

كبيره الآن ..)

**الفتاه:** (ببعض الخوف) الدنيا ابتدت تضلم .

**الأسير:** مفتاح النور الى اليمين هناك

( الفتاه ترفع رأسها ببطء تسير كالمخدره وتضئ مصباح  
يتدلى من السقف )

( فجأه تسمع خطبه . تفلت . اعصاب الفتاه فنتشبث بيديها  
فى الأسير بتشنج وتخبئ رأسها فى صدره بلاوعى .  
يربت عليها بيديه المقيدتين )

الأسير: موش تخافى ، ربما سقط جزء من احجار المبنى .  
الفتاه: ( تدفع يده وتبتعد ) انا عملت ايه ؟؟ انا مجرمه . اخويا زمانه  
بيتعذب . وانا ماسكه فيك . لكن انا مكانش قصدى .. انا خفت  
المبنى يقع علينا ، عليا ....

الأسير: انتى تصرفت التصرف الطبيعى ..  
الفتاه: ( يبأس ) ياريتيه كان انهذ .  
( تنتظر فى ساعتها بقلق ) الوقت جرى . فاضل نص ساعه  
على حظر التجول . بعد كده مش هقدر اروح ، ولو جم هيلاقونى  
معاه . لو احمد ماجاش بعد خمس دقائق بالكثير .. ..

الأسير: احمد موش ييجى تانى .  
الفتاه: ( بخوف ) بتقول ايه ؟؟  
الأسير: احمد خرج من الامس . كان ضرورى تفهمى لانى جعان وعطشان  
الفتاه: يعنى ايه ؟ اتمسك هو كمان ؟؟  
الأسير: ممكن . ربما اشتبهوا فيه ..

الفتاه: ده معناه انى انا اللى لازم افنالك . انا ماكنش خايقه .. كان عندى  
امل احمد ييجى ويقتلك هو . لكن دلوقت انا مضطره افنالك  
بنفسى .

الأسير: تقتلينى ازاي ؟ المسدس كان سهل .. زى اللعبه .

الفتاه: (مرتبكه) بأى حاجه .. مش مهم . (تتحرك باحثه عن اداه للقتل) لو مالحقتش حالا يبقى مش هرجع بيتنا الليله دى .. ولا اى ليله .

الأسير: انقذنى وانقذى نفسك ..

الفتاه: ماتحاولش .. مافيش فايده .

(تفتح درجا وتتنظر ثم تخرج منه سكيناً . تتقدم ببطء . ضوء الشموع يعكس خيالها على الجدران فيبدو المنظر كليباً)

الأسير: (بعد تصديق) فاطمه .. مش ممكن . لا فاطمه .. No

الفتاه: خفت ليه ؟ انت عارف انى مقدرش اقتل .

الأسير: انا متأكد . لكن منظر السكين .. ليه يافاطمه، Why ؟ انا مش يفهم .

الفتاه: (بوحشية) كنت عامل شجاع علشان عارف ان المسدس فاضى .

الأسير: (يتحرك بعيداً عنها) خليكى انسان فاطمه .

الفتاه: (تتقدم نحوه) القنابل والمدافع انسانيه ؟؟

الأسير: ارجعى .

الفتاه: (تتقدم) الطيارات اللى بتولع حرايق فى كل حته انسانيه ؟؟

الأسير: ابعد دى عنى .. ارجوكى .

الفتاه: (بتشفى وهى تضحك بعصبيه) واخويا اللى بتعذبوه دلوقت

منتهى الانسانيه ؟

الأسير: (صارخاً باكتشاف) فاطيما .. انتى تبكى ..

الفتاه: (تضع السكين على رقبته) مش هرحمك .

الأسير: انا لاسحق أموت .. بصى لى كويس . انا اموت بدون داعى .

بدون اى معنى .



الفتاه: (بتصميم جديد) وأنا هقتلك من غير ماافهم . انا مااخترتش الموقف ده عشان ادور له على معنى .

الأسير: اذا قتلتينى غصب عنك يبقى انتى كمان مش حره .

الفتاه: لكن لو مادبحتكش هتدبحونا . مافيش اى كلام ثانى له معنى .

الأسير: أرجوكى ارمى السكين . مش عاوز اموت كده .

الفتاه: وأنا مااتعودتش ادبح . السكينه فرصت نفسها عليا وأنا هفرضها عليك ..

(تجذبه من شعره من الخلف وتغمض عينيها وترفع

السكين)

الأسير: افهمى فاطمه .. لو قتلتينى مش هتبقى بعدها نفس الانسانه , هتبقى

انسانه ثانيه , مشوهمه .. فيه فرق بين انك تظلى انى لازم اموت

وبين انك تقتلينى بنفسك . لا يقتل الا الحيوان .

الفتاه: انت اللى حيوان وتساهل الدبح (تطعنه فى كتفه)

الأسير: (باكيا) Please no ..no

الفتاه: (بضحكه هستيريا وهى تطعنه ثانية) انت كمان بتعيط ..

نبقى خالصين يا جورج .

الأسير: ابعدى . شكاك يخوفنى .. عنيكى غريبه .. (صارخا) انتى

اتجننت .

الفتاه: انا بحاول اتجنن . دى الطريقه الوحيديه اللى تخلى ايدى ثابتة .

حتى لو لك عذر . انت محكوم عليك تقتل وأنا محكوم على اقتلك .

(تطعنه مره ثالثه بضعف بينما يصرخ متوسلا فى

هستيريا)

(ثم تقع السكينه من يدها بحركه تبذو كأنها عفويه . تقف

مدهوشه ومفزوعه)

الأسير: (بانفاس متقطعه ناظرا فى عينيهما ويحاول ان يبتسم لها) فاطمه ..

الفتاه: (تنظر للسكينه بدهشه ثم بلهجة تبرير) انا ماخفتش السكينه . وقعت غصب عنى .. انا هقتك . هتشوف (تنحنى لتلتقط السكينه وترفعها بصعوبه وكأنها ثقيله . تنهار على اقرب مقعد وبأكيه باستسلام) مش قادره ...

الأسير: (مرهق جدا) فاطيما .. انا اسامحك فاطميما .  
الفتاه: مش هسامح نفسى .

الأسير: انا انزف .. ارجوكى .. هاتى اى شىء واقفى به الزيف .  
الفتاه: (تشيح بوجهها) انا مابقدرش اشوف منظر الدم .

الأسير: (يرتجف) انا اشعر بالبرد .. لا هذه حمى . جسمى ساخن . من فضلك ساعدينى هاتى غطاء . غطاء من فضلك .

الفتاه: (تنظر حولها ثم تخلع البلوفر الذى ترتديه ، لكنها تقف ويكاد يغشى عليها)

الأسير: اريد ان ارتاح . فكى قيودى حتى انام على الارض . انا مرهق وموش اقدر اهرب .

الفتاه: (تبدو على وشك التقيؤ ، تلتقى الغطاء وتسرع خارجه ونسمعها وهى تتقيأ)

الأسير: Why فاطمه ؟ لوعشت ، لن انسى هذه الليله ابدا .. ازاي حياتى فى ايديكى اللى بتترعش ؟ حياتى نهايتها معلقه فى اصابعك الناعمه . و ليه انا هنا ؟ و ليه مقيد كالحويان ؟ انه عالم مجنون .. متوحش .

الفتاه: (الفتاه تدخل عائدته ببطء تبدو شاحبه كالمرضى)

الأسير: بصى لوجهك فى مرأه .. انتى الان انسانه اخرى فاطمه (ثم يتوجع)

الفتاه: (بصوت خافت) اسفه ، مكانش قصدى اعذبك . انا حاولت اقنع نفسى واصدقك مقدرتش . معرفش اذا كنت تستاهل القتل ولا لاء لكن الشىء اللى انا متأكده منه انى لازم افعلك .

الأسير: مش تقدرى فاطمه غير انك تعذبينى وتعذبى نفسك . انتى موش مخلوق للقسه .

الفتاه: (كأنها تحدث نفسها) كل الوقت مايجرى هبقى شجاعه اكثر.

الأسير: انتى عايزه تنقذى اخوكى وده يتحقق لو افرجتى عنى ..

الفتاه: (بتردد) لو سبتك هيعتبرونى خاينه .

الأسير: تقالىنى لمجرد ماحدش يقول انك خاينه ؟

الفتاه: ايوه .

الأسير: لكن انتى تعرفى انك موش خاينه .

الفتاه: بس ممكن اكون غاطانه فى حقهم .

الأسير: فكر يافاطمه . انا انسان مثلك . انا مش حيوان ..

(يسمع صوت عربات مصفحه تقترب تهتز الجدران)

(ويتحرك بعض الاثاث)

الفتاه: (بذعر) زمايك الكلاب وصلوا .. انا ضيعت الوقت . اياك تطلع اى صوت .

الأسير: اهدأى من فضلك ، موش تخافى . اطفىء النور ..

الفتاه: (تطفىء النور ثم بقلق) انا مش شايفه حاجه .

الأسير: فيه كبريت فى الدرج الايمن .. وفيه شمعدان .

الفتاه: خليك عندك ماتتحركش (ثم تظهر وقد اشعلت الشمعدان)

الأسير: اوعذك .. لوساعدتيني هساعدك انتى واخوكى، . اقسم لك فاطمه .  
( تنعكس كشافات السيارات وهى تقترب فى الخارج على  
زجاج الشرفه فيضىء المكان ويظلم على التوالى )  
( صوت المصفحات يقترب اكثر ونسمع نباح كلاب )  
الفتاه: ( بذعر ) كلاب .

الأسير: دى كلاب بوليسيه ، مؤكد شمت رائحتى . اهري فاطمه، ارجوكى  
الفتاه: ( بطفوله وهى ترتجف ) انا عندى عقده من الكلاب . بخاف  
منهم .

( صوت الكلاب يشتد، تتكوم على الارض فى ركن  
وتصرخ صرخات مكتومه )

الأسير: اهري فاطمه . اتركينى واهري قبل ان يجدوكى هنا .  
الفتاه: لو خرجت هيمسكونى .

الأسير: اختبأى فى اى مكان اخر بالمدرسه .  
الفتاه: ( تهز كتفيها بطفوله ) لاء .. لاء .

الأسير: اذن فكى قيودى وساقول انك جيتى لاناقاذى .  
الفتاه: لاء مش هخون بلدى .

الأسير: ومش تقدرى تخونى نفسك وتقتلينى ( بعصبية ) لو تقدرى اقتلينى  
انتى عاجزه عن فعل اى شىء .

الفتاه: ( متوسله بصوت واهن ) ارجوك ماتعلش صوتك .

الأسير: ( بضعف ) انتى دون قصد تقتلينى ببطء . انا اموت موته غيبه .

( نسمع نداءات بالانجليزيه فى الخارج )

( يصيح فجأه بقوه ) Help.. Help me ..

( تفيق تنفض عليه بجنون تضع يديها على فمه من

الخلف) اسكت .. اسكت خالص .  
(يزوم محاولا ان يقاومها . ثم يسكت وتخمد حركته  
وتسقط رأسه على صدره)  
(تراجع متقهقره وتصدر عنها صرخه مكتومه)  
(تتحرك رأسه بوهن ويزوم)  
(تحملق بذهول) دالسه عايش ..  
(وهى متجمده مكانها ترتجف باكيه وكأنها مصابه بحمى  
شدیده)  
لازم اخلص عليه .. لازم اخلص عليه .. لازم اخلص عليه ..

(ستار بطيء)

# الكابوس

مسرحية قصيرة

سبتمبر ٩٦ - سبتمبر ٩٢



## الكابوس

**السوق:** لا يوجد اطار للمنظر . الخلفيه خيط عنكبوت ضخيم .  
**المنظر:** فى العمق نافذه مرتفعه . فى الامام ساعة حائط متدليه من اعلى .  
طاولة صغيره عليها تلفون . اريكه . كرسى هزاز حامل عليه لوحه  
رسم لكنها مجرد اطار فارغ . شماعة ملابس قديمه عليها روب  
رجالى . على الحائط الوهمى اطار صوره للجد بالطربوش وعليها  
شريط الحداد الاسود . لا توجد ابواب ولكن سنفترض اتجاهها يؤدى  
إلى داخل المنزل واخر إلى خارجه .  
**ملحوظة:** الشخصيات تكاد لا تحدث بعضها البعض . باستثناء الخادمه . الاب  
كل حديثه تقريبا للجمهور .

الجد يتحدث من الصوره او يخرج منها ثم يعود لوضع الثبات .

\*\*\*

الاب جالس على مقعده لكن وجهه مختفى خلف  
جريدته .

الخادمه فى الخلفيه تؤدى حركات صامته فى الهواء  
كأنها ترتب المكان .



تروح وتجيء تنحنى وتنهض تنقل اشياء من مكان لآخر  
تخرج وتدخل الخ .

الأب : يقلب الصفحة ودون ان ينظر لها اشتغلى كريس يا شغاله .  
تظهر الام من الداخل تدفع كرسيها متحركا يجلس عليه  
الفتى وتتوقف . من حين لأخر تحرك قدما نصف خطوه  
وتتوقف ثابته كأنها قطعة شطرنج .

الأم : ابنى ...  
الفتى : يستدير بكرسيه ليعطى ظهره للمتفرجين  
الاخت تظهر من الداخل  
مسرعه تتعثر فى ثوبها الطويل الابيض وتلف وشاحا  
بنفسجيا حول ظهرها ، وعندما تخلعه سنجد أن ثوبها  
عارى الظهر .  
تتوقف امام التليفون بتوقع ثم تروح وتجيء بقلق كأنها  
تتظر رنينه .

التليفون : يدق .  
الأخت : تلتفت للتليفون ثم تتراجع ببطء مبتعدة بخوف حتى  
يسكت الرنين .

الأم : بنتى ...  
الأخت : تلتقط شغل التريكو من المقعد المجاور للتليفون وتجلس  
لتعمل .

الفتى : يدور بالكرسى حول نفسه  
الأخت : دون ان ترفع رأسها عن التريكو انت هنا ؟  
الفتى : يتوقف عن الدوران لاء . آه .

الأم : تتحرك نصف خطوه هتخرج ؟

الفتى : بنغمه واحده آه . لاء .

تمر لحظه صمت طويله

الفتى : حد سأل عليا ؟

الأخت : تتوقف عن الشغل وتنظر للأمام بتصلب . تسقط كرة

الخيوط وتتدحرج .

ثم كأنها تسبه مافيش حد .

(موسيقى)

الفتى : يدفع الكرسي حتى اللوحه حيث نرى وجهه خلف اطارها

انا بشتغل يخطط بفتور وكسل دوائر فى الهواء

انا مهندس . ممكن ابنى بيت . بيت جديد . بيت كبير .

الأخت ترفع سماعة التليفون

(الاخ يظهر من الداخل)

الأخت : تشهق وكأنه ضبطها بفضيحة تضع السماعة اخويا .

الأخ : ينظر للجميع ثم بلهجه خطيره انا رايج هناك ومش راجع .

يتحرك الى الطرف المقابل ثم يتوقف معطيهم ظهره انا

رحت .

الأب : ثلاثين سنه مانفعل فى مدارس .

الأم : ياضنايا .

الفتى : يكرر حركة الشطب ويعمل من جديد

الأب : ورق ... كتب .. كلام ... حبرع الفاضى .

الأم : ياضنايا .

الأب : انا ضيعت عليه عمرى . جيت له كل اللعب . العروسة والحصان .  
الكوره والشخشيخه . القطر والمرجيحه ، الطرايطير والصفافير ، كل  
اللعب .

الأم : يا ضنايا .

الأب : فاهم انه هيخطط نظام الكون .

الفتى : انا متأكد انه هيحصل حاجه .

الخادمه تدخل وهى تدق الهون

الخادمه : حلاقاتك ... برجالاتك ... خرزه زرقا فى وداناتك .

الأم : اسمع كلام ابوك . ماتسمعش كلام امك .

الجسد : اسمع كلام المدرس فى الكتاب ... ماتسمعش كلام الكتب .

الأب : اسمع صوت العرب . ماتسمعش السى ان ان

الفتى : هيحصل حاجه .

الأم : الهى تكبرلى واشوفك ظابط قد الدنيا وماتقومش حرب .

الأب : ابنى انا لازم يطلع جمال عبد الناصر .. مش اقل من عبد الناصر

ابدا .. او الملك فاروق .

الساعة : ( تدق عدة دقات )

الفتى : ( القلم يتوقف فى يده . وجهه يتقلص ويهتز جسده فى

نحيب صامت متقطع )

الأم : ( تتقدم خطوه بتوجس ) ابنى .

الفتى : ( يجهش باكيا بصوت مرتفع )

الجسد : ( فى اطار الصورة ) مين ؟

الأخت : ( لنفسها ) مافيش حد .

الأم : يا ضنايا . الواد سخن .

الجد : رضعوه .

الأم : خذ البزّه واسكت ... خذ البزّه ونام .

الفتى : عطشان ...

الخادمه : « السح الدح اميوه . الواد عطشان اسقوه » .

الجد : « شيل الواد م الارض »

الخادمه : « ادى الواد لايوه »

الأم : « اه يا عيني الواد بيعيط »

الأب : الحياه بقّت صعبه . لازم اسافر اجيب فلوس واصرف عليه .

( الاب ينهض ويخرج )

الفتى : صحنوى بدرى . عندى ميعاد مهم ، هقابل نفسى واتكلم معاها .

الأم : ربنا يوقف لك ولاد الحلال يا حبيبي .

الأخت : هتروح مش هتلاقياها .

الخادمه : ( تكتس فتتشر عليهم التراب ولايتحركون )

حاضر ياسيدى حاضر ياستى .

( ثم تذهب وترجع ساقياها تحت قدمى الاخت )

خدامتك ياستى .

الأخ : ( يستدير ويعود الى الطرف الاخر )

انا رجعت وعابز انام .

الخادمه : حاضر ياسيدى ( وتهتم بالنهوض )

الأخت : يامجرمه . ياسافله ، يادون ياواطيه . ياملحه ، يافردة جزمه يا حته

خرقه

الخادمه : سيدى ياستى . ( تحنى رأسها وتجلس ثانيه )

الأخ : انا داخل انام .

الخدمه : سنى ياسيدى .

الأخت : يابينه وسخه . يافلاحه يافقيره ياعره ياوحشه . ياخدمه .

الأخ : امشى يابت .

الخدمه : (تنهض) حاضرياسيدى .

(الاخ يتحرك للداخل والخدمه تتبعه)

الأخت : (باكيه) يالى ماعندكيش اخلاق , يابناعه الصبيان , يامتهنكه .

الفتى : (كأنه يفوق من غيبويه) كابوس فظيع . ماكنتش قادر اخذ

نفسى .

الأم : خير؟

الفتى : (ينهض واقفا ويمشى حتى الإريكه) حلمت انى عايش .

الأم : (بعتاب) نمت فى الهوا .

الفتى : (بعصبيه) ماكانش فيه هوا ... انا ... (يفشل فى التعبير

فيسكت)

الأم : كل رز وملوخيه .

الفتى : ليه مش قادر اتكلم ؟

الأم : كل عيش وياميه .

الفتى : جوايا بينكلم ... هنفجر .

(موسيقى)

الأخت : (تجذب كرة الخيط بقوه فتدفع بعيدا . تنهض وتزحف

خلفها على اربع)

الفتى : (بخطوره لكن لنفسه) هيحصل حاجه .

التليفون : يدق

الأخت: (تتوقف عن الزحف وتنظر نحوه فتره ثم تلهض وتجرى ناحيته ولكنها تتوقف امامه على بعد متر، تمد يدها نحوه ثم تسحبها الى فمها وتعضها) .

التليفون: يتوقف عن الدق .

(بعد لحظه تتحرك للتليفون على اطراف اصابعها وترفع السماعه وتنصت)

الجد: (فى اطار الصورة) مين ؟

الأخت: (تضع السماعه وتستدير له) مافيش حد .

التليفون: يعاود الدق

الأخت: وكأنها لاتسمعه تمضى مبتعده عنه

الفتى: ينهض واقفا على قدميه يتحرك نحو اللوحه يروح ويجىء امامها لحظه .

الساعه: تدق

الفتى: يحاول التعبير، يضم قبضة يده على صدره مشيرا لنفسه ولا ينطق .

الأم : بلهفه وجزع ابنى .

الفتى: النهارده بقى عندى ثلاثين سنه .

الجد: افطموه .

الأخت: تصرخ صرخه طويله مخيفه

(موسيقى)

الأم : حاسس بأيه يا ضنايا ؟

الفتى: (بمعاناه) مش حاسس بأي حاجه .

الجد: اكسر للعليل ضلع يطلع له اتنين .

الأب : الله يرحمك يابا .

الجسد : ويحسن اليك .

الفتى : الدكتور كتب لى روشته .

الأخست : انا دكتوراه مقدرش اكشف على رجاله .

الفتى : قالى الدوا تفكر ثلاث مرات قبل الأكل

الأم : كل عيش واشرب م البحر .

الفتى : انا لازم افكر .

الأم : اتحسد .

الجسد : بخروه .

الخادمه : ( تطلق البخور ) رقيتك من كل حاسد وعزول . رقيتك سبع

مرات .. كل رقه فيها التقوى . الاوله ...

الفتى : ( وهو يخطو فوق منقذ البخور ) افكر .

الخادمه : والثانيه ..

الفتى : أفكر ...

الخادمه : والثالثه ...

الأم : ( وهى تثقب عروسه ورق ) من عين جيرانك وعين صحابك

وعين اخواتك وعين امك ياكبىد امك وعين كل اللى شافك

ولاصلاش ع النبى .

الفتى : ( باكتشاف ) انا بفكر .

الأم : ( بقلق ) الواد كبير .

الجسد : طاهره .

الخادمه : ( تغنى ) يا ام البطاهر رشى الملح سبع مرات ..

ف مقامه الطاهر خشى ويدي سبع شمعات "

الأخت: «يا عريس يا صغير .. علقه تفوت ولاحد يموت ،

الجد: «كمان» .

الفتى: استكثروا عشان افكر .

(لحظة صمت)

الفتى: To be or not to be , that is the question تلك هى

المهزله .

الأم : الواد تاه .

الجد: افتحوا له المندل .

الخادمه: عيل تايه يا ولاد الحلال .

الفتى: لآكون او..... لآكون ..... تلك هى المشكله

الأم : الواد تاه .

الفتى: اى الحاليتين امثل بالنفس ؟ اى الحاليتين اسهل للنفس ؟

اى السهلتين امثل لللبس ؟ اى اللبستين اقرب للحبس ؟

اى الحبستين افضل للتيس ؟ اى التيسين اجدر بالهمس ؟

اى الهمستين اولى باللمس ؟ اى اللمستين افضل للهلس ؟ اى

الاييتين ... (يسكت)

الأخت: (تمشى على اطراف اصابعها وهى تتسمع ثم تقف

ويهمس) راجل .

الخادمه: سيدى رجع .

الفتى: ابريا . (يتحرك بخطوات ثقيله ثم يلقى بنفسه على المقعد

المتحرك)

(الاب يظهر من الخارج بحقيبة سفر)

الآب : حمد لله على سلامتى . مقدرتش اعيش فى بلاد الخليج . خلقت

مانا قاعد يوم بعد الساشر سنه .



الخدامه: سيدى ياسيدى (تأتى له بالروب من الشماعه وتخلع عنه  
الجاكت وتعلقه على الشماعه ثم تذهب لتجلس تحت قدم  
الاخت)

الأب : (يرتدى الروب ثم يخلع شاربه ويضعه فى جيبه ويجلس  
على الكرسى الهزاز)

جبت معايا شويه هدايا، سبح وطواقى لصحابى وحبايى ..جبتهم م  
الموسكى . انتوا هنا بقيتوا متخلفين خالص .عددنا فى الخليج كنا  
بنشرف المسلسلات المصرى قبلكم .

الفتى: كابوس فظيع . (يهم بالقيام من على المقعد لكنه يفشل  
وينهار مكانه ثانية)

الأب : دلغ فارغ .

الأم : (بسرعه) باضنايا .

الفتى: لازم اكون موجود عشان لما يحصل حاجه، اعرف ايه هى .

(الاخ يظهر من الداخل)

الأخ : (يجهز حقيبته رياضيه) انا رايج الماتش مش راجع الا اذا  
انتصرنا . ولوخذنا الكاس .. هشريه (يخرج كأسا من  
الحقيبته ويشريه ويخرج)

الفتى: يبحث عن شىء حوله ثم يصرخ القلم .

الخدامه: (دون ان تتحرك) حاضرياسيدى .. حاضرياستى .

الفتى: (ينهض وينقل نظراته بينهم ويلهجة وعيد) مين خد القلم؟  
الأم : ابنى .

الأخت: مافيش حد .

الفتى: (يتراجع كأنه يتجنب الوقوع فى كمين) كلوكوا ضدى .

الأخت (تضحك ضحكه طويله عصبيه لكنها تحمل احياءا جنسيا مبتذلا)

الفتى: (صارخا) ادونى قلمى.

الأخت: (تتحرك نحوه وتقدم له احمر شفاه)

الفتى: (بتشكك) ما بيكتبش .

الأخت: بيكتب .

الفتى: (بتشكك) ما بيكتبش .

الأخت: بيكتب . (ترسم على جبهته وصدغيه خطا احمر ثم ترسم

علامة X على صدر قميصه الابيض وتراجع وتتأمل)

الفتى: القلم ياسفله . (يكتشف القلم فى جيب قميصه يمسه به

كأنه سكين وينظر له بدهشه) لازم اعمل حاجه جديده .

الأم : اعمل يا حبيبى .

الفتى: (يرفع القلم ثم يطعن به نفسه)

الأم : (تضعه على المقعد وتدفعه)

الأب : جيل فاسد .. ما يص .. مخنث . انا أقدر اكل لوحدى ثلاثه كيلو

كباب وكفته .

الفتى: اه

الأم : الواد تعبان .

الجـد: جوزوه .

(تظهر فتاه فجأه من العمق وتتوجه للفتى)

الخادمه: (وهى ترقص وتغنى) واحنا الليله دى .. كدنا الاعادى

الفنائه: (بحنان) انا مش عايزه منك حاجه .

الفتى: (دون ان ينظر لها) انتى عايزه كل حاجه .

الفتاه : انا عايزاك انت .

الفتى : ( مكملًا ) إلا اهم حاجه .

الفتاه : انا خايفه .

الأخت : باللا نخرج .

الأب : يغرق فى شبرميه .

الأم : بره زحمه ياضنايا .

الفتى : وجوايا زحمه .

الجسد : اتعشى واتمشى واتجوز اربعه .

الفتى : انا هعمل بيت . بيت كبير . بيت كل الناس تتكلم عنه . بيت يعيش على مر الازمان .

الفتاه : هستناك .

(الفتاه تختفى)

الخادمه : (تعاود الكنس ثانية) حاضر يا لسيادى حاضر .

الأب : ( وهو يهتز فى كرسية بعد كل جملة ) انا لما كنت صغير كنت بطلع الاول .

أنا دايما جزمى نصيفه ومتلعه . وضوافرى مقصوصه . انا شاطر قوى . بشتري ارخص حاجه . وابيع بالعالى . وقنوع وف حالى . ورياضى . وكل اصحابى يودونى ، عمرى ما فتحت عنيا فى ابويا .

الجسد : اضرب المربوط يخاف السايب

الأب : ( يحدث الصورة ) الله يرحمك يابا .

الجسد : ويحسن اليكم .

الأب : كله م الاسياد . ربنا يجعل كلامنا خفيف عليهم .

(الخادمه تتطوح على نغات النزار ويتبعها الجميع)

الفتى : انا هرسم لوحة .

الأم : ارسم يا حبيبى .

الفتى : انا رسمت لوحة . هسميها الموناليزا .

الأب : كله بيروح للزباله .

الأم : يا ضنايا .

(الخادمه تظهر لتذيع اخبارا وتختفى بسرعه لتظهر ثانية)

الخادمه : قريبوا الجرائين ؟

الأخت : (بلهفه) برج العذراء .

الأب : (يخرج جريده ويقرأ ) نبأ سعيد ، حمل متوقع هذا الشهر

الخادمه : الوزير قتلوه فى الشارع (تختفى)

الجسد : لا حول الله الترب هتغلا .

الأخت : انا دكتوراه . القتل بعد ما يقتل بييموت .

الأب : انا ارفض اكون وزير . مدام ماعرضوش عليا الوزاره .

الخادمه : (تظهر وللأب) سيدى ... امك قفشوها بتشحت (وتختفى)

الأب : (وهو يهتز فى كرسيه) انا اتبرعت لليوسنه والهرسك .

الجسد : أنا طلقته ، كانت ناشز .

الأخت : مافيش حد . انا دكتوراه .

الفتى : انا هكتب جواب .

الأم : اكتب يا حبيبى .

الخادمه : (تظهر وللأب) سيدى .... اختك مسكوها فى بيت الدعاره .

الأب : مش شقيقتى .

الأخت : عمى حبيبى .

الجـد : امها حيا لله كنت متجاوزها عرقي .

الأب : الله يرحمك يابا .

الجـد : ويحسن إليك .

الفتى : اكتب جواب لـ .... لـ ....

الأخت : ( تدق بعصبيه على التليفون ثم تضع السماعة بيأس وتبتعد )

الفتى : ( وقد خطرت له الفكرة ) اكتب جواب للبشرية .

الخادمه : ( تظهر ) الزلزال جه وخلص والبيت اللى جنبنا وقع ( تختفى )

الأخت : ( زاعقه ) انا دكتورره ياخداه يافلاحه ياعدمناه يامقمله ياجاهنه يامتهتكه .

الأب : ( يخرج كيسا من حقيبته ويأكل منه بشراهه ) عندنا فى الخليج مافيش ولا بيت وقع .

الفتى : ايها البشريه ... بعد السلام والتحيه ..

الخادمه : ( تظهر ) الميه اتقطعت م الحنفية ( وتختفى )

الفتى : ايها الفئران الجبناء .... ايها الجرذان ، ثوروا ضد القطط السمان .

لو أنكم اتحدثتم لاسلطعتم ان تعلقوا جرسا فى رقبة القطه . حتى اذا

افتربت منكم ، هريتم قبل ان تأكلكم .

الأب : ( يتجشأ بصوت مسموع )

الخادمه : ( تظهر ) المجارى طفحت .

الفتى : عطشان .

الخادمه : خدامتك ياسيدى . ( وتخرج )

الأم : رضعته سنتين وثلاثه واربعه . ماهانش عليا افطمه . خلص ولا

الف علبه لبن .

الأب : ( يفرغ من الاكل وينام فورا )

الفتى : عطشان .

الخادمه : ( تدخل بكوب ماء وتسكبه ببطء على الاخت التى تظل جامده ) هنيا .

( الاخ يظهر من الخارج )

الأخ : خدنا بتارنا ، ضرينا الحكم .

الخادمه : حاضر ياسيدى .

( تتحرك خلف الاخ للداخل )

الأخت : ( باكيه ) يالى ماعندكيش اخلاق ، يابنعاة الصبيان ، يامتهتكه .

الفتى : انا وصلت لاكتشاف .

الأم : مبروك يا ضنايا .

الأب : كل جسم يرتفع فى الهواء يسقط بفعل قانون الجاذبيه .

الأب : ( يصدر شخيرا وهو نائم )

الفتى : فكره .... الماده لاتفنى ولاستحدث من العدم .

الأم : مبروك يا ضنايا .

( تدخل الخادمه حامل فى الشهر السابع )

الخادمه : عجلت العجين وخبزته وقشرت البصل وخرطته وجبت الخضار

وطبخته ومسحت البلاط ونشفتة وغسلت الغسيل ونشترته وحبلت .

خدمه تانيه ؟

الأخت : سرحينى .

الخادمه : ( تجلس تحت قدمى الاخت تمشط شعرها وهى تدندن

بلحن اغنيه شعبيه )

( الاخ يظهر ويعبر للخارج )

الأخ : انا هسكروانام بره .

الفتى : انا هخترع .

الأم : (يحزن) كبدى عليك يا ضنايا .

الفتى : اخترع ايه ؟ اخترع ايه ؟ آه . اخترع جاجه للمطبخ . دولاب صاج .

ايوه صاج فيه لمبه صغيره يحطو الفيشه ، الدولاب ينور وفيه رفوف

يشيلوا فيها الاكل والقرايز . كل يوم يشتروا لوح تلج ويحطوه فى

الرف الفوقانى يقوم يحفظ الأكل والشرب ويبرده . واسمى الاختراع

تلاجه . لاء المبرد احسن .

الأخت : (تضرب الخادمه بقدميها فى بطنها) ياكلبه يا صايغه

يا ضنايغه .

الخادمه : (تصرخ باكيه وعندما تتباعد تتقصع وتغنى بميوعة)

« الطشت قالى .. الطشت قالى .. ياحلوه يالى قومى استحمى ،

الفتى : انا هألف .

الأم : ألف يا حبيبي .

الفتى : (يشرد بعمق ثم يكتب) انا ألفت . سكوت عشان تسمعوا .

الأم : هس .

الفتى : (يرفع يديه ممسكا بعصا وهميه كأنها عصا المايسترو

ويشير بها نسمع بداية سيمفونيه كلاسيكيه ثم تنقلب الى

لحن محلى مبتذل)

الجد : الموسيقى مش حرام . بس مكروهه .

الأب : (يفيق لحظه) عندنا فى الخليج مافيش موسيقى لكن فيه .....  
(ثم يعود للنوم ويشخر)

(الخادمه تتجه للخارج)

الفتى : انا هتفلسف . لازم اقول حكمه .

الأم : قول يا حبيبي .

الجسد : فتح المقص بالليل يجلب الشر .

الفتى : (بمعاناه) هقول حكمه .

الجسد : امشى سنا ولا تخطى قنا .

الفتى : (بمعاناه) هقول حكمه ... هقول حكمه ...

الجسد : اللي يخش بيت الاماره يخط بقه بدوياره

(باكتشاف) انا اتكلم، انا اتكلم... اذن انا موجود .

الأب : (يصدر شخيراً)

الأم : كل سمنه ومهلبيه .

الفتى : (بتعاسه) لازم ابقى تقدمى .

الأم : (باكيه) كبدى عليك يا بنى .

الفتى : (بتصميم) ابقى اول المتقدمين . اقف فى اول الطابور . اتقدم

الجميع .

الأم : قوم يا ضنايا . قوم اغسل وشك وافطر والبس هدومك وهاجر .

الأب : (يرفع رأسه مفيقاً) عندنا فى الخليج .... (ويتأب و ينام)

الخادمه : (تدخل) البيت هيطلع فى التنظيم الجديد .

الفتى : انا عندى مشروع بيت احسن منه

(الفتاه تظهر)

الفتاه : انت بعيد قوى يا حبيبي .

الفتى : (يتحرك ويختفى خلف الشماعه)

الفتاه : (تبحث عنه) قرب منى .

الأم : اتجوز يا ضنايا



الفتى: (يظهر خلف الفتاه ويهدوء) انا بخونك .

الفتاه: (تستدير له) اجمل منى ؟

الفتى: كثير .

الفتاه: (وهى تقف خلفه) بتقابلها ؟

الفتى: : دايما معاها .

الأم : اتجوز يا ضنايا . نفسى اشوفك قبل مالموت عريس ومطلق .

الفتاه: اوعدننى ماتفكرش فيها .

الفتى: انا مواعدها .

الفتاه: غشاش .. خاين .

الفتى: أنا بخونها معاكى .

الفتاه: : حقير... سافل .

الأم : نفسى اشوفك قبل مالموت عريس وارمل .

الجسد: ناقصات عقل ودين . كمل نص دينك .

الأخت: كل الرجاله وسخين ....والسنتات نجسين .

(الاخ يظهر من الخارج ويعبر للداخل)

الأخ : (صالحا) الخدامه هربت .

الأخت: (بفرع) مع المكوجى ؟ الخاينه خطاقة الرجاله ...متهتكه .

الأب : (ينهض بحده) لازم نبليغ البوليس . (ثم يجلس)

(الاخ يظهر من الداخل ويعبر للخارج)

الأخ : (يرتدى جلبابا وقبقاب وله لحيه) انا راىخ الجامع ومش راجع

ياكفره ....يا زنادقه . حسبى الله ونعم الوكيل .

الجسد: الله اكبر .

الأخت: (جاربه خلفه خطوتين وبعد ان يخرج) مافيش حد .

الفتاه : انا ماشيه .

الفتى : (بفرع) لاء ماتسينيش .

الفتاه : روح لها .

الفتى : مش لاقياها .

الفتاه : (بشماته) سابتك ؟

الأب : كل حاجه يضيعها .

الفتى : انا عمرى ماشفتها .

الفتاه : بتلعب بيك .

الفتى : دورت عليها كثير، مالمقتهاش فى اى مكان .

الفتاه : (تهزه من كتفيه) وانا ؟ وانا ؟ وانا ؟

الأخت : وانا ؟

الفتى : انا بخونها معاكى .

الفتاه : (وهى تهم بالأبتعاد) خاين .

الفتى : (يمسك يدها) ماتسينيش .

الأم : (تتحسس طريقها كأنها ضريره) انا جنبك يا حبيبى .

الفتى : فى الليل ... بخاف م الشماعه . .

الأب : يخاف من خياله .

الأم : يا حبيبى .

الفتاه : يا ضنايا . (تحتضنه وتربت عليه بشفقه)

(موسيقى)

(الاخ يظهر من الخارج ببطم)

الأخ : (يخلع لحيته ثم بلهجة تقرير) قفشوا اصحابى ، أنا محدش



الجسد: تقدم يارومل .  
 الأخت: (للأخ) الصرصار، شايفه ؟  
 الفتاه: هيقلب نفسه .  
 الأب : مش هيقوم .  
 الفتاه: بيتحرك . بيزحف عى ظهره .  
 الأخت: انا دكتوراه ماقدرش اكشف على رجاله .  
 الأب : هيמות لوحده .  
 الأم : يا صنايا .  
 الأب : (يهتز فى كرسية) انا محدش يغلبنى فى اللعب .  
 الفتاه: (تذهب للأخ) مافيش فايده .  
 الأخ : (يعطيهم ظهره) ماليش دعوه .  
 الأخت: (تعود وتجلس وتمسك بالتريكو) مافيش حد .  
 الفتى: (يفتح عينيه فجأه ويصرخ) حلم مخيف كابوس فظيع  
 الأم : (بجزع) ابنى ...  
 الفتى: حلمت انى ماشى على رجلىا .  
 الأم : مقدر ومكتوب ع الجبين بابنى .  
 الساعة: (تدق دون توقف ويعلو صوتها تدريجيا ويتحول الى  
 صوت معاول تدق ثم إلى صوت اوناش ترتفع انقاضا  
 ويشحب الضوء بالتدريج)  
 الفتى: (ينظر للساعة. ينهض بأرهاق شديد لكن بتصميم ويجر  
 قدميه)  
 أنا خلصت البيت .. البيت الجديد ... اهر..  
 «انما الامم الاخلاق مابقيت .فأن هم ذهبوا اخلاقهم ذهبوا»

(ثم يجلس على المقعد المتحرك ويلف به حول نفسه  
مردداً)

بس لازم هيحصل حاجه . لازم هيحصل حاجه .

ولازم اكون موجود عشان اعرف ايه اللي هيحصل .

(تستمر حركة الجميع لاطول وقت ممكن بينما يظلم  
المسرح ببطء شديد)

(الأخ واقف بظهره عاقدا ذراعيه خلفه ، الاخت تعمل  
تريكو)

(الأب يهتز بكرسيه يأكل بعض الخس بشراهه ، الجد فى  
الصوره يبرم شاربه) .

وتهبط الستار

# العار

مسرحية قصيرة

سبتمبر ٦٩ - سبتمبر ٩٢



## العار

المنظر: بداخل مصلحه .

لا يوجد ديكور انما المسرح محاط بستائر سوداء .  
فقط ساعة حائط متدليه من اعلى . صوت عدة  
الات كاتبه تدق طوال المشهد

\*\*\*

(عدد من الموظفين جلوس فى صفين فى مواجهة  
المشاهدين على مقاعد وهميه يعملون على مكاتب  
وهميه ورؤسهم منكبه الى اوراق وهميه)  
(يظهر ساعى بالبدله الصفراء التقليديه يستعرضهم واحدا  
بعد الاخر. يحدجهم بشك ويعد ان يلف عليهم يعود الى  
احدهم ويشير بسبابته نحوه)

الساعى: انت..

(هو يقف بالقميص والبنطلون ورباط العنق ويحمل  
جاكته على ذراعه)

هو: (بدهشه) انا ؟



الساعى: سيادة المدير عايزك .

هــو: (بقلق وهو يتحرك من خلف مكتبه الوهمى) عايزنى انا ؟  
الساعى: (لا يرد)

هــو: (ينظر لبقية الزملاء لكنهم ينهضون دون ان ينظروا اليه  
ويخرجون تباعا . يدور حول نفسه فى مساحة متر ويفرك  
يديه بقلق)

الساعى: (يستدير ويخرج من حيث اتى)

هــو: (يتبع الساعى مسرعا وهو يبدأ فى ارتداء جاكنته)  
(تدخل من الناحية الاخرى منصة خطابه لكنها بضعف  
الارتفاع المعتاد ، عليها ميكروفون ويجلس خلفها المدير  
كأنها مكتبه) (المدير يضع نصف قناع لوجه عادى  
يغطى من رأسه حتى انفه) (الساعى يدخل ثم يظهر هو  
خلفه يزرر جاكنته حافى القدمين.)

الساعى: (يستدير عائدا ويفلق بابا وهميا نسمع صوت اصطفاقه)  
هــو: (ينظر خلفه ثم يتقدم بخطى بطيئه لمسافه معقوله من  
المنصة و رأسه فى الأرض)

المدير: (يتأمل طويلا)

هــو: (يفتل كحه خفيفه ليغطى ارتباكه)  
(تمر لحظة صمت طويلة)

المدير: (يحرك شفثيه فقط ونسمع صوته مسجلا) تعرف مين اللى  
قدم الشكوى ضدى؟

هــو: (يتردد) لاء .

(لحظة صمت)



المدير: ابدا ؟

هو: (يحك جبهته ليتذكر احيانا ومستدركا بسرعه) بس قليل ..  
قليل خالص .

المدير: وامتي هتعرف وتقولى مين اللى قدم الشكوى ضدى ؟

هو: (يفتح فمه ويفلقه)

المدير: لما تحاول . مضبوط ؟

هو: م..مضبوط .

المدير: يكفيك شهر ؟ اتنين ؟ تلاته ؟

هو: (يهز رأسه موافقا)

المدير: تلاته . بس مش اكتر .

## السلام

(٢)

المنظر: حجره الصديق .

الوقت: ليل .

شباك متدلى من اعلى يشبه نوافذ زنازين السجون .  
سبوره سوداء صغيره على حامل ومن طرفها تمتد خيوط  
عنكبوت الى اعلى . الصديق جالس على حصيره صغيره  
كأنها سجادة صلاه يقرأ فى كتاب كبير وقد بسطه على  
ركبتيه فى وضع يشبه تمثال الكاتب المصرى القديم  
وعلى عينيه نظاره سوداء وفى يده ريشه طويله بينما

صدره عارى . نسمع موسيقى من الجزء الكورالى من  
السيمفونيه التاسعه لبيتهوفن . هو يدخل ببطء ثم يقف  
امام الصديق الذى لا ينظر نحوه .

هو: انت صاحبى .

الصديق: ( يقلب صفحه من الكتاب )

هو: ( يروح ويجىء امامه ) قالى لما تعرف قولى .

الصديق: ( يقلب صفحه من الكتاب )

هو: أنا . انا فعلا ماعرفش .

الصديق: ( بروتينيه وهو يقلب صفحه من الكتاب ) لازم تعرف .

هو: لكن انا فعلا ماعرفش .

الصديق: ( بنفس الطريقه ) لازم تعرف .

هو: انت عرفت ايه ؟

الصديق: القطط العميا بتولد القطط العميا .

هو: تعال نخرج .

الصديق: انا بقرا ( ويغلق الكتاب بعنف )

هو: بتقرا ايه ؟

الصديق: ( ينظر له ) اللى بكتبه .

هو: مافيش وقت .

الصديق: فعلا مافيش وقت لازم اقرا . ( يفتح الكتاب ثانيه )

هو: ورق . كلام . اوهام .

الصديق: مش كله . ( وينزع ورقه من الكتاب يكورها ويلقيها )

هو: كله بيروح للزياله .

الصديق: حاصل الجمع مش هو حاصل الطرح .

هو: خاينا فى موضوعنا .

الصدىق: انت بتطرح .

هو: انا متحير .

الصدىق: تبقي بتقسم .

هو: الحسبه صعبه .

الصدىق: النظرية سهله ( ينهض للسبوره ويمسك بطباشيره ويكتب  
بخط واضح مايقول)

الرابع + الربع = ربعين والنص + النص = نصين .

انما الواحد مايقبلش القسمة لأنه واحد صحيح .

هو: والواحد يساوى ايه ؟

الصدىق: يساوى الكل .

هو: الواحد يساوى صفر .

الصدىق: جرب تضرب الواحد وشوف النتيجة .

هو: قالى لما تعرف قولى .

الصدىق: لازم تتعلم الضرب . ( يتحرك كالأعمى ماذا يديه للأمام

ويصطدم به)

هو: معرفش .

الصدىق: فتح عينيك .

هو: مش شايف .

الصدىق: حاول تبص ابعد من مناخيرك .

هو: السمكه عتمة .

الصدىق: مش ممكن تتوه طول ما الارض تحت رجلك والشمس فوق جيبك .

مش ممكن تتوه وايدك اليمين على يمينك وايدك الشمال على

شمالك .

هو: أنا بكره الألباز .

الصديق: لأنها واضحة .

هو: مش فاهم .

الصديق: (يجلس مكانه ويقرأ من الكتاب لنفسه)

قد قيل: الغريب من جفاء الحبيب .

واقول: بل الغريب من وأصله الحبيب وتغافل عنه الرقيب .

بل الغريب من نودى من قريب . من هو فى غريته غريب .

يا هذا الغريب ..

الذى لاسم له فيذكر ولا رسم له فيشهر

ولاطى له فينشر ولا عذر له فيعذر

ولأننب له فيغفر ولا عيب عندف فيستر

هذا غريب لم يتزحزح عن مسقط رأسه .

ولم يتزعزع عن مهب انفاسه .

وأبعد البعداء من كان بعيدا فى محل قربه .

لأن غاية المجهود ان يسلو عن الموجود. وينمض عن المشهود .

يارحمته للغريب....

طال سفره من غير قدوم، وطال بلاؤه من غير ذنوب .

واشتد ضرره من غير تقصير وعظم عناؤه من غير جدوى (\*\*\*)

هو: مش فاهم .

الصديق: مش ممكن هتفهم طول ماانت بتفكر .

هو: مش فاهم ... مش فاهم ... مش فاهم .

السلام

(\*\*\*) من قطعه لايوحيان التوحيدى .

المنظر: محطة اتوبيس .

الوقت: نهار .

لافتة المحطة . ودكة انتظار .

تظهر فتاه محجبه من ناحيه ثم يظهر هو من الناحية  
الآخرى ويتوقفان . يدخل مجموعة الزملاء من اتجاهات  
متباينه وهم يمثلون شخصيات ماره من كل نوع . طلبه  
موظفون . باعه . يمرون من امام وخلف هو والفتاه  
ويخرجون بسرعه ويعودون بشخصيات اخرى يشكلون  
زحاما حولهما يتحدثون ويشيرون ويضحكون الخ لكن  
اصواتهم متداخله مع ضجيج الشارع والعربات . يتمشى  
كل من الفتاه وهو عكس اتجاه الآخر فى انتظار  
الاتوبيس .

فجأه يتوقف كل منهما ويستدير ليوواجه الآخر وينظر له  
محققا . موسيقى مناسبه وتختفى اصوات الشارع ويختفى  
الماره ايضا .

هو: ( باكتشاف ) انتى خطيبتى ؟

الفتاه: ( باكتشاف ) ايوه . وانت كمان ؟

هو: مضبوط .

الفتاه: ( تصافحه ) فرصه سعيدة .

هو: أنا اسعد .

الفتاه: ( كل منهما ينظر امامه كما فى البدايه وتمر لحظات  
صمت طويله )

هــو: (يهم بأن يقول لها شيئا ثم يغلق فمه ثانية)

الفتاه: (تفتعل كحه خفيفه)

(يتظاهر بالنظر للأتوبيس وتنظر هي لساعة يدها)

هــو: (يتلفت حوله ثم هامسا بحذر) هشواك ؟

الفتاه: (دون ان تنظر له) مش لازم .

هــو: محتاجك .

الفتاه: بعدين .

هــو: مافيش وقت .

الفتاه: الصبر طيب (تتحرك مبتعدة قليلا)

هــو: (يقترب منها) تعالى نشم الهوا .

الفتاه: مايصحش .

هــو: كل الناس ...

الفتاه: (مقاطعه) ماعندهم اخلاق .

هــو: مافيش وقت .

الفتاه: استناك .

هــو: قالى لما تعرف قولى .

الفتاه: لما تحوش المهر .

هــو: حوشت خمسه جنيه .

الفتاه: كفايه حصيره وقله وطيليه .

هــو: نفسى مره تجينى فى المنام .

الفتاه: رضا الوالدين .

هــو: اوصفلى شكاك .. لون عينيكى .

الفتاه: رضا الوالدين .



هو: (يرتعث) أنا بردان ..

الفتاه: رضا الوالدين .

هو: (يمسك يدها ويضعها على جبينه) جسينى .

الفتاه: (تسحب يدها وتصرخ بفزع)

(تعود اصوات الطريق ويدخل الماره بسرعه ليحموا الفتاه  
فتخرج باكيه)

(الماره يتجمعون حوله للانتقام منه)

هو: (صارخا فيهم بعصبيه) مافيش وقت .. مافيش وقت .. مافيش  
وقت .

اظلام

( ٤ )

المنظر: زقاق .

الوقت: ليل .

فانوس نور فى جانب، صندوق قمامه كبير وبعض  
الصناديق الخشبيه المهمله .

من بعيد يأتى صوت كلب ينبج . ودقات ساعة الجامعه .  
هو يظهر ثم يروح ويجيء تحت الفانوس وينظر لساعته  
بقلق . يخرج من جيبه زجاجة خمر صغيره ويشرب منها  
ويمسح فمه .

تظهر بائعة هوى متبرجه تلوك قطعة لبان وتمسك  
بسيجاره، تراه فتتوقف وتشير له .

هــو: (يدفع نحوها بغضب) أتأخرتى .

المـرأة: (بخلاعه) هـىء هـىء هـىء .

هــو: هاهاهاها .

المـرأة: (تلف حول عمود النور وهى تدندن بلحن)

هــو: (يمسك بالعمود ويلف خلفها ويدندن مثلها ثم يستدير ليواجهها)

المـرأة: (تتحنى وتقلت من تحت ذراعه)

هــو: (يحتضن العمود ويقبله بئماله)

(المرأه تجلس على صندوق ويجلس على الارض تحت قدميها)

المـرأة: (تشده من شعره وتغرق فى الضحك)

هــو: (يضحك بدوره حتى يتعب فيسند رأسه على ركبتيها ويبيكى فجأه)

المـرأة: (تمسح على رأسه بحنان) ماتبكيش .

هــو: (يعتدل ويقبل يدها ثم يهم بأن يقبلها فى خدها)

المـرأة: (نضع يدها فوق فمه لتمنعه)

هــو: ليه ؟

المـرأة: (تشير بيدها علامه على طلب النقود)

هــو: (يخرج لها جيبه فارغين)

المـرأة: (تنهض وتهتم بالمشى) يحزن .

هــو: (يمسك يدها ثم يخرج من شرابه ورقه مالىه)

المـرأة: (بأحتقار) خمسه جنيه ؟

هــو: (بخجل) المهر .

المــــرأة: هــى هـىء ( تدس الورقة فى صدرها ثم تمسك به وتهم  
بتقبيله )

هــو: ( محرجا وهو يتلفت ) هنا ؟  
( تهجم عليه فيسقط وراء صندوق القمامه وتسقط فوقه  
ونسمع صوت تحرش قطتين )

المــــرأة: ( تظهر المرأة وتعديل ملابسها وشعرها وتبصق على  
الارض ثم تخرج )

هــو: ( يخرج من خلف الصندوق زاحفا على يديه وقدميه ثم  
ينظر الى اعلى )

ولا نجمة واحده فى السما . ( ينقلب راقد على ظهره ) ولا نجمة  
ولا نجمة ولا نجمة ..

( ويتجدد نباح الكلب الا ترى من بعيد )

اظلام

( . ٥ )

المنظر: طريق .

الوقت: غروب .

( فى صدر المسرح الى اليمين لافتة ممنوع الانتظار )

( فى مقدمة المسرح الى اليسار اشارة مرور واللون

الاصفر مضاء )

( هو يظهر داخلا بلاهدف . يتجاوز اللافتة ثم يقف ليحدق

فيها طويلا )

(نسمع ايقاع مارش جنائزى بطيء يعلو تدريجيا ثم  
يظهر نغش يحمله رجلان ويسير خلفه شخص واحد وقد  
عقد يديه خلف ظهره)

هو: (لنفسه وهو يتراجع فى فزع) انا اعرفه . الميت . حاسس  
انى اعرفه .

(ينطفئ النور الاصفر فى الاشارة ويضاء الاحمر .  
يتوقف النغش)

الشخص: (يلتفت له) اتشهد .

هو: (يتمتم بشفتيه)

الشخص: غريبه ، يموت مغموور فى اوضه عريانه ؟

(وبعد لحظه) قصت عليه الرطوبه والوجد .

هو: (يحاول الحديث ويفشل)

كان طيب ..... وصبور . كان متواضع . وكان اصيل ..

كان عظيم .. كان بطل .. اسطوره .. كان نسيج لوحده .

كان راجل ولا كل الرجال . كان راجل عادى خالص .. مش

هيجى زيه ابدا .

هو: هوه . انا اعرفه .

الشخص: : يرحمنا الله . مات صغير فى سنى وستك . فى الخامسة وثلاثين .

هو: لاء . مكانش خمسه وثلاثين . كان ثلاثين . ثلاثين سنه بالظبط .

الشخص: البقيه فى حياتى .

(نسمع صوت الصديق)

الصوت: يا هذا الغريب .. الذى لاسم له فيذكر ولا رسم له فيشهر

ولا طى له فينشر ولا عذر له فيعذر ولا نذب له فيغفر ولا عيب

عنده فيستر، هذا غريب لم يتزحزخ عن مسقط رأسه . وإبعد  
البعداء من كان بعيدا في محل قربه . لأن غاية المجهود ان يسلو  
عن الموجود . وينمض عن المشهود .

( ينطفئ النور الاحمر ويضاء الاخضر فتتحرك الجنازه )

الصوت : يارحمته للغريب .. طال سفره من غير قدوم ، وطال بلاؤه من غير  
ذنوب . واشتد ضرره من غير تقصير وعظم عناؤه من غير جدوى

( تخرج الجنازه )

هو : ( يتمتم بذهول ) النعش ماطارش ..

( ثم صارخا ) النعش ماطارش .. النعش ماطارش ..

افلام

( ٦ )

المنظر : المصلحه .

مجموعة الزملاء على مكاتبهم الوهميه كما في البدايه  
يدخل برباط عنق اسود وقد تدلى ، يبدو حزينا متعبا .  
يتحرك ويتفرس في الزملاء مثل الساعى ثم يتوقف  
عند احدهم بشك .  
الجميع يخرجون عدا الزميل الذى شك فيه فيجلس على  
الارض .



( ينظر له فى قمة الغضب والضيق وهو يلهث )

هــو: ( يبدأ الغناء ) كاكاك .. كاكاك . كاكاك . كاكاك . كاكاك .

الزمـيل: ( يخلع جاكته نراه مرتديا اساور قميص فقط وفانلته ممزقه )

( تسقط من جاكته ورقه دون ان ينتبه )

هــو: ( يلتقط الورقه ويفتحها وينظر فيها ) الشكرى .

الزمـيل: ( ينقض عليه ويخطف منه الورقه ويدفعه فى صدره )

هــو: ( يشير نحوه بسبابته ) انت .

الزمـيل: ( بخوف وهو يرتجف ) كاك كاك كاك .

هــو: ( لنفسه ) انا دلوقت عرفت . ( يهم بالخروج )

الزمـيل: ( يستوقفه بتوسل ويقبل يده باكيا ) كاك كاك كاك .

كاك كاك ؟؟

هــو: ما اعرفش .. معرفش .. معرفش .

اظلام

( ٧ )

المنظر: مكتب المدير .

المدير جالس لا يتحرك كأنه تمثال . يظهر هو . الساعى

يعترضه .

هــو: عايز اقابله .

الساعى: ( يهز رأسه بالرفض )

هــو: قالى ثلاث تشهر مش اكتر .

الساعى: ( يهز رأسه بالنفى )

- هو: خرج ؟
- الساعي: (يهز رأسه بالنفي)
- هو: مشغول ؟
- الساعي: (يهز رأسه بالنفي)
- هو: (بفرحه) مات ؟
- الساعي: (يهز رأسه بالنفي)
- هو: (بخوف) زعلان مني ؟
- الساعي: (يهز رأسه بالنفي)
- هو: طب ليه ؟
- الساعي: خلاص .
- هو: خلاص ايه ؟
- الساعي: خلاص عرف ؟
- هو: عرف ايه ؟
- الساعي: اللي كان عايز يعرفه .
- هو: (بارتياح) الحمد لله . انا فعلا ماكنتش عارف .
- الساعي: عارف ايه ؟
- هو: ماكنتش لسه قررت .
- الساعي: (وكانه فهم) الله .
- هو: اولاء .
- الساعي: (بدهشه) اولاء ؟
- هو: أه اولاء . (ثم بأرهاق) لكن الحمد لله .
- الساعي: حاسس بحاجة ؟
- هو: أه . شويه صداع بسيط .
- الساعي: بسيطه الحمد لله .



هو: دوخه...لكن بسيطه .

الساعى : بسيطه الحمد لله .

هو: ومغص شديد .

الساعى : بسيطه الحمد لله .

هو: وألم فى جنبى .

الساعى : : بسيطه الحمد لله .

هو: وحاس انى عايز أ..أ.. (ويبدو كأنه سيتقيأ)

الساعى : بسيطه الحمد لله .

هو: (بدهشه) حاجه غريبه .

(ثم يفرع) حاس بحاجه غريبه . حاس بحاجه غري

## اظلام

( ٨ )

المنظر: عياده طبيه .

اريكه كشف وبارقان ومقعد ابيض .

هو جالس على الاريكه وقميصه مفتوح يكشف عن

صدره العارى .

الطبيب: (يظهر من خلفه مرتديا المعطف الابيض ودون ان ينظر

له) ارقد .

هو: (يرقد على ظهره ويتدلى رأسه مواجهاً المشاهدين) .

الطبيب: استرخى (يضع السماعه على صدره) خذ نفس .

شهيق .. زفير . خذ نفس .. أكثر .. أكثر . انهج . كح . قول اه .

هو: آه .

الطبيب: (شاخطا بقوه) قول اه .

هو: (يتوجع) آه .

الطبيب: (يضع يده على بطنه) حاسس بحاجه هنا ؟

هو: آه .

الطبيب: (يضع يده على اجزاء من جسده ورأسه) وهنا ؟ وهنا ؟

وهنا ؟ وهنا ؟

هو: آه..آه.. (وصارخا) آه.....أولاء .

الطبيب: (يتركه ويتحرك جيئةً وذهابا بتفكير وحيره)

هو: (يعتدل مرتبكا) انا عندي حاجه يادكتور ؟

الطبيب: قول حاجه غريبه .

هو: (يندفع واقفا بقلق)

الطبيب: (يضع يده على كتفه ويعيده للاريكه) انت ايه اللي خلاك

نفكر تكشف ؟

هو: عشان....عشان اتأكد من نفسى .

الطبيب: فيه شىء محدد تاعبك ؟

هو: (يفتح فمه ويحاول الكلام بجهد) اه (مستدركا) لاء .

الطبيب: (يتأمله لحظه بطريقه تخرجه ثم يتحرك ويعطيه ظهره

ويسأل بسرعه) يتحسن بدوخه مثلا ؟

هو: (يتردد) أ..آه .

الطبيب: وصداع ؟

هو: أ..آه .

الطبيب: ورغبه فى القىء .

هو: أ..آه .

الطبيب: وآلام فى جسمك ؟ وتحس انك مشدود للأرض ؟ وتشتهى حاجات غريبه ؟

هو: آه .. آه . انا عندى ايه يادكتور ؟

الطبيب: ( يستدير له ويوقار علمى بارد ) يؤسفنى اقولك ان دى اعراض الحمل .

هو: ( يتفص بذعر ) ايه ؟

الطبيب: ايوه ، وحضرتك حامل فى ثلاث تشهر .

هو: ( ينهار ) مش ممكن .. مش ممكن .. مش ممكن ..

## اظلام

( ٩ )

المنظر: عبادة الطبيب .

( هو جالس على اريكة الكشف وظهره للجمهور )

هو: ( واقفا مواجهها الجمهور ينظر فى صورة اشعه )

الطبيب: هيه عامل ايه دلوقت ؟

هو: ( يبظم ) مابقتش عارف انا مين .

الطبيب: انت .. انت .

هو: فيه شىء جوايا بيرفص .

الطبيب: دا طبيعى ونتيجة الاشعه والتحاليل ايجابيه .

هو: ( ينهض ويستدير فنرى بطنه مرتفعه ) انت متأكد يادكتور ؟

الطبيب: العلم مايكدبش .

- هــو: انا مش قادر اصدق .
- الطبيب: دى مشكلتك .
- هــو: متهيألى انه كابوس .
- الطبيب: الحقيقه دايما كده .
- هــو: ليه ؟
- الطبيب: القسمه .
- هــو: اشمعنى انا يارى ؟
- الطبيب: النصيب .
- هــو: ( يعود للجلوس بيأس ) يبقى اعمل فيا اللى انت عايزه .
- الطبيب: المهم تصارحنى .
- هــو: أنا تحت امرك . ( ثم بثوره مفاجئه ) لكن ازاي .. ازاي ؟
- الطبيب: اعرف نفسك بنفسك .
- هــو: جاوبنى .
- الطبيب: اى ثمره هى نتيجة بذره . لازم ندورع البذره . وانت اللى هتصارحنى .
- هــو: مش فاهم .
- الطبيب: لابد من افتراض علاقه .
- هــو: مش فاهم .
- الطبيب: سبب يتصل بسبب اخر يؤدرا للنتيجه . عنصر يمتزج بعنصر ينتج عنهم مركب .  $s \times s = s$  ص ، دا قانون طبيعى ورياضى ومنطقى .
- هــو: مستحيل .
- الطبيب: مؤكد ناسى... حاول تفكر .
- هــو: ( يحاول التذكر لحظه ثم يطرد خاطر ) لا لا .

- الطبيب: انا طبيبك وما فيش معنى للخجل .
- هو: ( محتجاً ) كفايه يادكتور .
- الطبيب: ماحدش معصوم م الخطأ .
- هو: لكن انا عمرى ماعملت حاجه غلط .
- الطبيب: انت مش عايش ع الارض ؟
- هو: عايش . هو مجرد العيش خطيئه ؟
- الطبيب: كل شىء ممكن ومحتمل اذا غاب البرعى .
- هو: أنا مستغرب نفسى .
- الطبيب: كل جديد بيبقى غريب لحد مانتعوده .
- هو: والعمل ؟
- الطبيب: الراحه .
- هو: منين ؟
- الطبيب: القلق او المجهود فيه خطر ع الجنين .
- هو: ملعون ابوه . ( باكية ) انا مش عايزه يادكتور .
- الطبيب: للاسف، فأت الاوان، الجنين اتخلق .
- هو: يعنى ايه ؟
- الطبيب: ترضى بيه . ترقد عليه بحب لحد ماتفقس .
- هو: مش ممكن . لازم فيه طريقه .
- الطبيب: اى خطر ع الجنين فيه احتمال خطر على حياتك .
- هو: حياتى انتهت .
- الطبيب: الولاده حياه جديده وانت لسه صغير .
- هو: انصحنى .
- الطبيب: الحكمة . الصبر والوقاحه والسماحه وروح الفكاهه .
- هو: والنهايه ؟

الطبيب: طبيعیه جد، هنكش البيضه واطلع الكتكوت .

هو: مش هقدر اورى وشى للناس .

الطبيب: اطمئن ..سرك عددى .

هو: أنا فى عرضك يادكتور تستر عرضى .

الطبيب: خليك راجل .

هو: مش هقدر اتحمل الالم .

الطبيب: تحت التخدير مش ممكن تحس بأى آلم . بالمعاسبه، نفسك فى ولد ولا بنت ؟

هو: مش عاوزه .

الطبيب: الصنا غالى .

هو: أنا رافضه .

الطبيب: هتغير رأيك لما تشوفه بيحبى ويأوأ وينده لك . لما ترضعه وتهشكه وتكبره وتشوف فيه نفسك .

هو: (بتصميم مفاجئ) يبقى هموت نفسى ..هموت نفسى .هموت نفسى .

اظلام

( ١٠ )

المنظر: عيادة الطبيب .

( هو ممد على الاركة ومغطى بملاءه ويجواره مهد صغير

لطفل ) ( الطبيب يخلع قفازه الطبي ومعطفه ملوث

بالدماء )

هو: ( تحت تأثير البنج ) معرفش ..انا فعلا معرفش .

الطبيب: انت لسه مافتتش .م البنج ؟

هو: أنا لسه ماعرفتش .

الطبيب: (يفهم) آآه .

هو: (لنفسه) اولا .

الطبيب: حمدلله على سلامتك .

هو: (يتأوه) آه .

الطبيب: (يكتب رويته) شوية مسكنات هتساعدك .

هو: لاء (ثم ينهض جالسا بصدرة فى قلق مستدركا) هوانا

خلاص ؟

الطبيب: ايوه . مبروك . الولاده كانت طبيعیه جدا . والمولود كامل النمو .

هو: (بتصميم) هقتله . هقتله . واتاويه .

الطبيب: مش هوصيك ، رضعته تبقى بانتظام ..

هو: (بضعف) هقتله .

الطبيب: وتغير له باستمرار . النظافه اهم حاجه .

هو: مش عايزه .

الطبيب: ولا يتعرضش لتيارات هوا . ويستحسن تعلقه له خمسه وخميسه ،

محدث بينفد م الحسد .

هو: هرميه على باب الجامع .

الطبيب: بلاش دلغ .. قوم على حيلك واشرب المغات .

هو: هسيبه فى اقرب ملجأ .

الطبيب: لازم تشغل كثير عشان تقدر تصرف عليه

هو: ولا عمري هرجع له .

الطبيب: طب مش تشوفه الاول ؟

هو: (يغطى عينيه) لاء .. لاء .. لاء .

(نسمع صوت صراخ مولود)







# الشيء

مسرحية قصيرة

٨٧-٩٦



## الشخصيات

عــواد فلاح  
محروس ابنه ٨ سنوات  
مرفص افندي مدرس ابتدائي  
محمددين فلاح  
حسنين فلاح  
الخفـير خفير العمدة  
الشيخ سماعيل أمام الجامع  
أبو علي رجل مراهق!  
العمـدة عمدة البلد  
زكريا كهل أعمى  
تريزا زوجة مرفص  
عارف طالب بكلية العلوم  
متياز ثرى من الأعيان  
ثريـا زوجته  
نصـوحى أمطل.

سـسـالم شاب ناصرى  
 جـاير عاطل  
 حـافظ شاعر وأديب  
 الباشـمهندس مهندس الرى  
 فـهيمـه حكيمه الوحدة الصحية  
 أم أحمد امرأة حامل  
 زـمـره شابه  
 خـضـره شابه  
 أبو ظريفـه نشال  
 البـقال بقال القرية  
 المحـافظ  
 السـكرتـيسـر سكرتير المحافظ  
 الضـابط نقيب بالشرطة  
 عدد من الجنود

## الشئ

المنظر: قطعة ارض زراعيه على طريق فرعى . جسر او قنطره  
فى الخلفيه وتظهر بيوت بسيطه وتبرز الشمس الان فى  
الافق .

عواد يفلح فى الارض بفأسه ومعه محروس .

يمر مرقص افندى

مرقص: نهارك سعيد يا عواد .

عواد: وعليكم السلام ورحمة الله وبركاته . اتفضل يا مرقص افندى .

مرقص: لسه برصك مش عايز تدخل محروس ابنك المدرسه ؟

عواد: ابوله لسه صغار .

مرقص: حرام عليك . دا فات سن المدرسه بحولين .

عواد: التواد نبنيه ومقطعق هيعمل ايه بالعلام . ولا اللى اتعلموا خدوا ايه ؟

دولا هما اللى جابونا ورا .

مرقص: الله يحفظك .

عواد: لا مؤاخذه اتى مقصدكشى ، اصلى صراحه يعنى . انى كبرت

والفدان بيهدي حيلى وعايز اللى يساعدنى .

**مـرقص:** انت حر. بس دى فيها غرامه عليك , اصطفى بقى مع الحكومه .  
سعيده عليك .

**عواد:** وعليكم السلام .

**مـرقص:** (يغمغم لنفسه) وانت مالك يامرقص ابنه يتعلم ولامايتعلمش .  
هى كانت بلدكم ؟ ميت مره اقولك انت بلدكم اسيوط .

### مرقص يخرج

**عواد:** (لنفسه) والحكومه ايش دخلها بينى وبين ابنى ؟ اما حكومه رزله  
صحيح . يعنى لاترحم ولا بتسيب رحمة ربنا تنزل .

**محروس يتجه الى ناحيه ويحملق فيها**

**محروس:** الحق بابا ..

**عواد:** (بفزع) فيه ايه يامحروس ؟ الحكومه جت ؟

**محروس:** لقيت فى الحفره حاجه ..

**عواد:** حاجه ايه ؟ ماتنطق ..

**محروس:** معرفشى، فيها حاجه غريبه ماشفتهاش قبل كده

**عواد:** (يتحرك وينظر) بسم الله الرحمن الرحيم

**محروس:** يطلع ايه البتاع اللي جوه دا بابا ؟

**عواد:** اخرس ياوله . اللهم اجعله خير. جيب العواقب سليمه يارب . انا

اصطبحت بوش مين ؟

### يـمـر حـسـنـين

**حسنيين:** مالك بتبرطم ع الصبح ياعواد ؟

**عواد:** الحقنى ياحسنين، تعال بص وقولى البتاع دا خير ولاشر ؟

**حسنيين:** بسم الله الرحمن الرحيم

**عواد:** (بلهفه) ايه ؟

حسنين : لاحول ولا قوة الا بالله العلي العظيم ..

عواد : (بلهفه) ايه ؟

حسنين : ايه ده يا عواد ؟

عواد : انت بتسألنى ؟

حسنين : دا شىء مالوش راس من رجلين ولاوش من قفا .

عواد : مانى شايف وعارف .

حسنين : ليه كده يا عواد ؟ ليه ؟

عواد : ليه ايه ؟ . هو انا كنت عملته على ايدي ؟

حسنين : انت نيتك مش صافيه يا عواد .

عواد : ويمين الله ابدا .

حسنين : عامة يعنى .. .. سلم لمرك لله .

عواد : ونعمه بالله لكن يعنى اعمل ايه يعنى ؟

محروس : عم حسنين .. هو ايه البتاع دا يا عم حسنين ؟

حسنين : (لايلفت لمحروس)

عواد : استنى يا وله ، دبرنى يا حسنين ، شور عليا ..

حسنين : اقولك .. اخفيه واكفى ع الخبر ماجور ، اردم عليه ولا من شاف

ولا من درى .

عواد : فكرك كده ؟

حسنين : طبعا ، لو حد شم خبر هتروح فى سين وجيم .

عواد : عندك حق .

حسنين : دا غير الخلق كلاتها هيتشاءموا منك .

عواد : وانى ذنبى ايه ؟

حسنين : مدام ظهر فى ارضك ، تبقى انت المسئول .



عسواد: طب ايدك معايا نردم عليه، وانت كمان ياواد يامحروس .

(يظهر محمدین فجأه)

حسنين: استنى، الواد محمدین معدى ودا واد خباص، اعمل نفسك مش شايفه . (يغنى) «فلاح كان فايت بيغنى من جنب السور، من جنب السور»

محمدین: (يلتفت على الصوت) سلام ياعواد، سلام يا حسنين .

حسنين: اتفضل (ثم غامزا عواد) كده وكده يعنى (لمحمدین) عليا الطلاق لتتفضل .

محمدین: تعيش، انى مستعجل .

حسنين: طب اشرب شاي حتى .

محمدین: تعيش، هوفين الشاي ده ؟

حسنين: عواد كان لسه هيصبه .

محمدین: (يقترّب ويجلس) وماله، زيكم يارجاله، سلامات كده، الله مالكم مش على بعضكم ؟

حسنين: (يتجاهل محمدین ويتحرك للحفرة وينظر فيها)

محمدین: (يتحرك للحفرة وتجحظ عيناه) بسم الله الرحمن الرحيم، سبحان الله .

عسواد: (بلهفه) ايه ؟

محمدین: دا شيء لاع البال ولا ع خاطر، حقا بطلوا دا واسمعوا دا .

عسواد: شفت يامحمدین . شفت ؟ مصيبه وجاتنى .

محمدین: مصيبه ؟ ماتقولش كده ياراجل، دا بدل ماتحمد ربك وتشكر فضله ؟

محروس: عم محمدین .. هو ايه البتاع دا يا عم محمدین ؟

محمدین: الشيء ده بشرة خير لاهل البلد كلتها وهديه من رب السماوات .

عواد: (بآمل) فكر كده يعنى ؟  
محمدين: امال .. رينا عالم بحالنا وعشان كده بعتهولنا وانت راجل طيب  
ووشك حلو .

عواد: رينا يظمن قلبك (وينظر لحسنين بعتاب) دافيه ناس قالولى  
غير كده خالص .

محمدين: انهى بهيم اللى قالك كده ؟  
حسنين: انت بتقول ايه يا محمدين . ده بشرة خير ؟ ده ؟  
محمدين: امال .

حسنين: والله انت فلاح وما بتفهم ايتها حاجه .  
محمدين: يعنى انت اللى بتفهم ياخى ؟  
حسنين: طب فرضا بقى انه طلع شىء بطل ، تأذى الراجل ليه ؟  
عواد: هو ايه اللى فرضا ، امال انت كنت بتخضنى ليه ؟  
محمدين: (لحسنين) وافرض انت بقى يا حنق انه طلع حلو وكويس ؟  
عواد: انت كمان بتقول افرض ؟ آل جبتهك يا عبدالمعین تعینى لقينك  
تنعان .

### يظهر الخفير

حسنين: هش .. غفیر العمده طب . (بصوت عال) امسك لسانك لتروح فى  
داهيه يا عواد .

الخفير: (يتوقف) فيه حاجه يا عواد ؟  
حسنين: لا مافيش . دا بس عواد لقي شىء ف ارضه .  
الخفير: شىء ؟  
حسنين: الحق يا عواد ، دا عرف !  
الخفير: والجهه دى لقيتها ازاي وامتى ؟ انطق .

عواد: جثة ايه، تف من بقتك .

حسنين: دا شيء كده الله اعلم بيه . هذا هو .

الخفير: (ينظر فى الحفرة) بسم الله الرحمن الرحيم، يانهارمش فايت .

عواد: (بلهفه) ايه ؟

الخفير: ودا جالك منين يا عواد ؟

عواد: والله ماعرف ولا لى دعوه بيه ، انا لقيتك كده مطرحه ، لاء دا حتى

الراد محروس هو اللى عتر عليه .

محروس: (للخفير) هوايه البتاع دا ياعم ؟

الخفير: لازما ابغ العمده (يجرى) يا جناب العمده .. يا جناب العمده ..

(الخفير يخرج)

حسنين: جالك كلامى يا عواد ؟؟

عواد: (يلطم) يا وقعه سوخه يا ولاد، اعمل ايه دلوقتى ؟

حسنين: اتخلص منه قوامك . شيله وازقله ف الترعه ولا قولك ارميه ف

زام الكفراللى ف ريحنا .

عواد: حاضر (يهم بنزول الحفرة)

محمددين: لاء اوعى يا عواد الخفير شافه وهيبغ العمده ودى مسئوليته عليك ،

هيسألوك وديت الشيء فين ... تقولهم ايه ؟

عواد: (يتراجع وينظر لحسنين) ايوه صحيح ، اقولهم ايه ؟

حسنين: ياسلام ؟ قولهم طار .

عواد: ودا بيطيير ؟

حسنين: هو كان حد شافه عشان يعرف بيطيير ولا لاء ؟ اسمع كلامى الشيء

دا شؤم .

محمددين: بالعكس بقى ، الشيء ده فال كويس ويكره نقول محمددين قالى .

عواد: (بحيره) انى اتلخبطت .. يعنى افرح ولا اتغم ؟

حسنيين : الشيء ذا هيصرك ويجيب لك وجع الدماغ .

محمددين : بالعكس الشيء ذا هيفيدك ويبقى فاتحة خيران شاء الله .

عواد : ربحوني، اظهره ولا اخفيه ؟

محمددين : تظهره وتأخذ الحلاوه .

حسنيين : تخفيه وتريح نفسك ، الطمع يقل ما جمع ، شيله بسرعه .

عواد : ودا ينشال ؟

حسنيين : جرب .

عواد : طب شيل قصادي .

حسنيين : لا ياعم وانا مالي .

محمددين : اسمع كلامي انا ، الواد حسنين مش رايد لك الخير . دى البلد كلاتها هتدعيلك ويمكن يصورك ف التلافزيون كمان .

عواد : نفسى اصدقك يا محمددين .

محمددين : صدقي، دا انت امك داعيه لك .

( يظهر سماعين امام الجامع وخلفه جابر )

عواد : بس . امام الجامع هو اللي يفتيني ( ينادى ) ياسيدنا الشيخ، يا شيخ سماعين .. تعال افيتني الله يخليك .

سماعين : (دون ان يتوقف) حرام . حرام . تنظيم النسل حرام وقتلها اكثر من مره .

محمددين : اسمعنا بس الاول ويعدين ..

سماعى : (مقاطعا) الحلال بين والحرام بين .

محمددين : احنا عايزينك تفتي لنا الشيء دا ايه، تعال بص هنا .

سماعين : ( يقترب وينظر ) بسم الله الرحمن الرحيم .

عواد : ( بلهفه ) ايه سكت ليه ياسيدنا ، حرام ولا حلال ؟

**سماعين** : اعوذ بالله من الشيطان الرجيم .  
**محروس** : ايه البتاع دا ياسيدنا ؟  
**سماعين** : هذا الشيء رجس من عمل الشيطان الرجيم . هذا الشيء ايه ؟  
**جابر** : رجس  
**سماعين** : من عمل مين ؟  
**جابر** : الشيطان .  
**سماعين** : فتح الله عليك .  
**حسنين** : جالك كلامى يا عواد ؟  
**محمددين** : قول والله اعلم ياسيدنا .  
**عمسواد** : استغفر الله العظيم من كل ذنب عظيم .  
**سماعين** : وهو دليل على غضب الله سبحانه وتعالى على عباده الظالمين  
 الفاسقين بل هو علامه من علامات الساعة وقيام القيامة .  
**محمددين** : قول والله اعلم ياسيدنا .  
**سماعين** : لقد حذرت وانذرت والله على ما أقول شهيد . اللهم انى بلغت اللهم  
 فأشهد .  
**محمددين** : برضك اضمن تقول والله اعلم ياسيدنا .  
**(يدخل بعض الاهالى على صوته وينظرون فى الحفرة)**  
**الكل** : ايه ؟ فيه ايه ؟ خبر ايه ؟  
**حسنين** : اصل عواد لقي الشيء دا . تعالوا شوفوا . تعالوا اتفرجوا  
**الكل** : بسم الله الرحمن الرحيم .  
**سماعين** : هذه فتنة القصد منها الهاء العباد عن دينهم . ومش بعيد رينا يسخط  
 كل من ينظر لهذا الشيء .  
**(حسن ابو على يقف خلف زهره وخضره ويلتصق بهما)**  
**أبو على** : بصى بصى شايفه بيلعب ازاي .. يا حلاوه .

**خضـره:** شایفه حاجه یابت یازهره ؟  
**زهـره:** ابدا لایبعب ولا حاجه .  
**أبو علی:** دلوقتی یلعب بس اصبری علیه شویه .  
**زهـره:** یاللا بینا یابت بلا لعب عیال .  
**خضـره:** استنی خمه اما نشوف آخرتها . مش یمکن یلعب ؟  
**زهـره:** (لایوعلی) ماتفسح شویه یاخویا، مائلزقش کده .  
**أبو علی:** ایه .. مش عارف اشوف زى الناس .  
**أم أحمد:** (تشهق وتبصق ف جلبابها) یالطیف اللطف احفظنا یارب .  
**خضـره:** والنبی شکله یشرح القلب .  
**زهـره:** مش قوی یعنی، یاللابینا یاخضره .  
**خضـره:** استنی عایز اشوفه زى الناس .  
**أبو ظریفه:** مش یمکن الشئ دا بیتاکل ؟  
**جـابر:** اخص الله یلعنک .  
**أبو ظریفه:** یعنی جریته ؟ ماکل حاجه فی الدنيا بتتاکل، اشمعنی دا ؟  
**جـابر:** بعدمالک یعنی (یهم بضربه)  
**حافظ:** مش کده . لازم نحترم کل وجهات النظر.  
**(الفتاتان تخرجان فیتحرك ابوعلی خلفهما)**  
**حسین:** خلی بالک یام احمد م اللى ف بطنک .  
**أم أحمد:** بعد ایه . اناحاسه انی اتشاهرت، ورتونی المصیه دى لیه ؟  
**محروس:** خاله ام احمد .. هو ایه البتاع دا یاخاله أم احمد ؟  
**أم أحمد:** ابعد عنی الساعه دى (وتعاود النظر للحفره) یالهی علی شکله ،  
 فطیع .. بشع .  
**عواد:** الله طب ماتبعدى عنه .  
**أم أحمد:** (تلطم) ماشفته واللى کان کان .

**البقال:** معايا الساقع .. ازوزه ازوزه المتلج . بل ريقك يعطشان  
**سماعين:** اللهم ارفع غضبك عنا . اللهم اشلنا برحمتك وعفوك ورضناك .  
**الكل:** امين .

**سماعين:** اللهم انصرنا على القوم الكافرين .  
**الكل:** امين .

**عواد:** انت بتدعى على مين دلوقتى ياسيدنا ؟

**جابر:** ماشور عليهم بحاجه ياعم الشيخ ، دول غلابه .

**سماعين:** الشئء ده روح شريره شيطانيه . ارجموه .

**محمددين:** هو دا راجل ولاست عشان نرجمه ؟

**جابر:** هتعدل ع الامام بقاعنا ؟ قالك روح شريره بيقى لزما نقطعه حتت  
ونحرقه . ايدكم معانا يارجاله (يرفع فأسه) الله اكبر .

**محمددين:** اعقل ياد يا جابر .

**جابر:** ما عقتل لازم اخلص بلدنا م النجاسه دى . الله اكبر .

**عواد:** (يمسك يده) انت نفسك فى جنازه وتشبع فيها لطم ؟

**حسنين:** سيبه شويه يا جابر احنا لسه ما اتفرجناش زى الناس .

**البقال:** ايوه دى حاجه ماشوفنهاش قبل كده . معايا الازوزه .

**عواد:** اه يابلد مالهاش كبير ، نزل الفاس يانه

**محمددين:** نصبر يا اخوانا لما يوصل العمده ونشوف رأيه .

**البقال:** حد عايز شأى ، شاندوتشات ..

(يظهر الخفير ثم العمده)

**الخفير:** وسع للعمده منك له ، فسح يا حمار .. فسح يا طور . اوعوا يا بهائم .

سمع هس .

**العمده:** سلامو عليكم يارجاله .

البعض : أتفضل يا جناب العمده ..

العمده : ( ينظر للحفرة ) بسم الله الرحمن الرحيم .

عواد : ( بلهفه ) ايه ؟ قلت ايه يا عمده ؟

العمده : ( للخفير ) روح بلغ الست الدكتوراه فهميه حكيمة الوحده .

الخفير : حاضر واجيب باشمهندس الرى بالمره .

( الخفير يخرج )

سماعين : هذا الشيء شرمستطير وهم خطير وفسق كبير .

العمده : قول والله اعلم يا شيخ سماعين .

سماعين : والله اعلم ، وما على الرسول الا البلاغ .

عواد : شايف ايه يا عمده ؟

العمده : ( يمسح على شاربه بتفكير ) الشيء ده جايز يكون من عمل

الحكومہ .

الكل : ( يهمهم ) الحكومه ؟

سماعين : ولو ، لاطاعه لمخلوق فى معصية الله .

الكل : لاله الا الله .

العمده : ( بعصبية ) بقول جايز . ما بتفهموش ؟ وف الحاله دى ، الحكومه

ادرى بفائدته وعارفه شغلها ويبقى الشيء ده عهد ف ذمتنا .

محمددين : عندك حق يا عمده ، والله بيتحدث صح يا ولاد .

العمده : وجايز يكون مش بتاع الحكومه ، وف الحاله دى هي ادرى بضرره

ويبقى الشيء ده حرز فى مسئوليتنا لحد ماتيجى نتصرف فيه .

حسنيين : الله اكبر . ما يجيبها الا عمدتها .

( يدخل الخفير وفهميه والباشمهندس )

الخفير : الست فهميه حكيمة الوحده الصحيه وباشمهندس الرى كمان .



العمده: اتفضلى يادكتورہ .

فہیمہ: (للاہالی بتأفف) اف اف .. ابعدوا ، ابعدوا ریحتم وحشہ .  
اف .

المهندس: سلامو علیکم یارجالہ .

العمده: (مقاطعا) وضح لنا ایه العبارة دى يادكتورہ .

المهندس: (للفسہ بغیظ) اشمعنى يعنى يسألوها هى الاول ؟

فہیمہ: (ترکع قرب الحفرہ ثم تلتفت للمهندس الذى رکع خلفها)  
وانت کمان ابعد .

المهندس: انا مهندس زراعى والارض اختصاصى انا .

فہیمہ: بس خلاص .. فہمت .

عسواد: (بلہفہ) ایه یاست فہیمہ ؟

فہیمہ: اصبر (تعاود النظر ثم تنهض وتنظف يديها) .

المهندس: انا رأیى يادكتورہ ان ..

فہیمہ: (تجأله وتخطب العمده) شوف ياعمدہ الشىء دا مالوش نفع  
ولا ضرر .

المهندس: كنت لسه هقولها .

العمده: لاينفع ولايضر؟ امال ايه ؟

فہیمہ: ابدا دا زى اى شىء ، ممكن يكون نافع وممكن يضر .

المهندس: صح . تمام . دا نفس رأیى من قبل ماشوفہ .

العمده: يعنى ايه ؟

فہیمہ: الكلام واضح ، يعنى الزك على الاستخدام السليم .

المهندس: فعلا مظلوط .

فہیمہ: وكأجراء وقائى بقترح اولاً .. الاہالى مايقربوش منه .

### (الاهالى يقتربون)

فهيمه: ثانيا.. لوقربوا منه يغسلوا ايديهم بالدينول والاحسن يستحموا ,  
ريحتهم وحشه قوى.

العمده: لكن دا الاهالى بتقول ..

العمده: (مقاطعه بأحتقار) ماليش دعوه بالاهاى، الاهالى تقول زى  
ماهى عايزه، انا قولت لكم رأى العلم فى الموضوع وخلصت  
ضفيرى .

المهندس: بس حضرتك نسيتى حاجه مهمه يادكتوراه وهى ان ..

العمده: (مقاطعا وللدكتوراه ) طب حضرتك تكتبى الكلام دا على ورق؟  
فهيمه: انا مامضيش على اى حاجه . ورق مامضيش، شهادات مامضيش،  
روشانات مامضيش (وهى تزيج الناس) فسحوا جتكم البلا .

### (فهيمه تخرج)

العمده: (للغفير) اتحفظ ع الشئ ده تحت نظرك وفض الاهالى من هنا.

### العمده يخرج

الخفير: كله بيعد من هنا، سمعتوا اوامرجناب العمده .. مش عايز ايوها  
مخلوق النواحى دى. (الناس تبتعد للوراء لحظه حتى يخرج  
العمده ثم تعود)

المهندس: (لنفسه بغيظ) يعنى اشمعنى محدش سألنى انا ؟

عماد: مافيش حد فى البلد دى كلاتها بيل ريقنا بكلمه ؟

المهندس: طب والله مانا قايلهم، خايهم كده على عماهم .

حسين: محدش عارف حاجه .

سام: (هامسا) انا عارف

حسين: طب وساكت ليه ؟

سـالم : (هامسا) هـش مش عايز حد يسمع .  
 حـسنين : طب قولى وانى مش هقول لحد انك عارف .  
 سـالم : الشىء دا من صنع المخابرات الاجنبيه .  
 حـسنين : يانهار مطين بطين . .  
 سـالم : (يكنم قمه بيده) وطى صوتك .  
 حـسنين : انت متأكد ياسى سالم ؟  
 سـالم : للاسف ايوه .  
 عـواد : انتوا بتقولوا ايه ؟  
 سـالم : (بقلق) لا ولا حاجه . ولا حاجه .  
 محمدين : انت ساكت ليه ياسى حافظ ، مش انت راجل شاعر وادباتى ؟  
 حـافظ : أنا كنت بتأمل عشان اوصل لكنه واغوار هذا الشىء .  
 محمدين : ووصلت ؟  
 حـافظ : بالطبع .  
 محمدين : اسكتوا شويه يا عجر ، سى حافظ وصل .  
 أم أحمد : حمدالله ع السلامه ياسى حافظ .  
 المهندس : (ساخرا) قولنا اللى وصلت له يافيلسوف الغبرا .  
 حـافظ : ف واقع الامر ، فأن هذا الشىء .. فى الحقيقه .. وان شننا الدقه ..  
 الكـيل : (بلهفه) ايه ؟  
 حـافظ : لاشىء .  
 الكـيل : (بعدم فهم) هه ؟؟  
 عـواد : ويعدين ؟  
 حـافظ : خلاص . خلصت .  
 حـسنين : هى ايه اللى خلصت ، هى نكته ولا فوزره ، اشرح لنا يعنى ايه .

**حافظ:** يعنى باختصار وباللغه اللى تفهموها الشئ ده او الحاجه دى ولا حاجه ولا شئ بالمره .

**محمددين:** وجهة نظر تحترم برضه .

**المهندس:** ( بأحتقار ) جهله وادعياء .

**عواد:** معلش قول تانى بس بالراحه علينا .

**حافظ:** ( يتنهذ ) للاسف، مهما حاولت اشرح لكم مش هتفهموا .

**جابر:** سيونى عليه لحسن انا مياؤ منه الجدد ده

**محمددين:** مش كده خليك انت الكبير .

**المهندس:** ( لنفسه ) اقولهم وامرى لله ( ثم بلهجه مختلفه ) لكن لاء،

مايستا هلوش يعرفوا بالساهل اللى تعبت لحد ما اتعلمته

**حسنين:** ( لسالم ) ماقولتليش انهى مخابرات اللى دست علينا الشئ ده ؟

**سالم:** دا ثمره تعاون مشترك بين الموساد والسى اى ايه .

**حسنين:** قصدك السى ان ان .

**سالم:** لاء السى اى ايه يعنى مخابرات امريكا والموساد مخابرات

اسرائيل . اه لو ان عبدالناصر عايش، مكانش الشئ دا يستجرى

يظهر عندنا .

**حسنين:** عندك حق ، كان أأمه .

**سالم:** والكارثة ان محدش واخذ باله ولاحاسس باللى بيتدبر لنا .

**حسنين:** طب ماقولهم انت وتوعيههم

**سالم:** هينتقموا منى، هو مين اللى كان ورا فصلى م الجامعه ؟ ولانت

صدقت انه عشان استنفدت مرات الرسوب ؟

**المهندس:** ( يصرخ ) كفايه جهل واشاعات، انا هتكلم .. كله يسكت .

**الكل:** ( يسكت تدريجيا )

المهندس: (دون أن ينظر لهم) الكلام الذى هتسمعه منى محدش تانى  
هيقولوهولكم . الشئ دا معروف فى أغلب بلاد العالم المتحضر  
وغير المتحضر ويمرور الوقت هتتعودوا على وجوده ، ولا بد نعمل  
حسابنا اننا نتعايش معا . اى اسئله ؟

الكل: (ينظرون لبعضهم ولا يتكلمون)

المهندس: محدش عايز يستفهم عن حاجه ؟

عواد: وانت قلت حاجه ؟

المهندس: انا الحق عليا ، ومش هقولكم اكتر من كده . سلامو عليكم .

(يتحرك ثم يقف عندما لا يرد عليه احد ويعصبيه) بقول  
سلامو عليكم.

الكل: (شاخطين) وعليكم . دهدى .

(إضاءه على دوار العمده)

الخفير: (فى التليفون) خليك معايا لحظه ثم للعمده . مطيع بيه سكرتير  
المحافظ معاك .

العمده: الو ..

(إضاءه على مكتب بالمحافظه)

السكرتير: (فى التليفون) نعم يا عمده ؟

العمده: سلامات كده يا مطيع بيه ، ازى صحة جنابك .

السكرتير: انت هتصاحبنى ؟ انا مش فاضى لك ، عايز ايه ؟

العمده: اصل يافندم ظهر عندنا شئ ومش عارفين حاجه عنه . ياترى

الشئ ده تبصكم وحاطينه خصوصى يعنى ولا مش تبصكم ؟

السكرتير: شئ ايه يا عمده وضح كلامك .

العمده: ماهو دا المشكل ياسعادة البيه السكرتير . شئ مالناش درايه بيه

السكرتير: يعنى ايه . انت مش شوفته ؟

العمده: ايوه امال .

السكرتير: مش فيك مخ، مش فيك عتین ؟

العمده: ايوه امال .

السكرتير: خلاص، يبقى تقولى الشىء دا ايه . عدو ولا حبيب ؟

العمده: مانا لوعرفت انه عدو ماكنتش استنيت عليه . ولو كان خير ماكنتش كلمت حضرتك من اصله .

السكرتير: قصدك كنت لهفته لوحداك . مانا عارفك كرشك كبير يا عمده .

العمده: الله يحفظك . عامة مدام مش من حداكم يبقى مافيهوش خير، بس اتصرف ازاي ؟

السكرتير: سعادة الباشا المحافظ قدامه ورق مهم ، نص ساعه واتصل بيا تانى اكون بلغته .

العمده: الو الزاغل قفل السكه ف وشى .

(اضاءه على القرية)

حافظ: (محاولا تأليف قصيده) يا هذا الشىء الذى .. ، ايها الشىء الذى ..

حسنين: ماتسينى انا افطن الناس بموضوع المخابرات الاجنبية  
سسالم: اوعى، هيخطفوك ويعذبوك . وتحت التعذيب هتتعترف عليا .  
اصلك ماتعرفهمش .

حسنين: يعنى اكن انت رأيك من رأى الشيخ سماعين .

سسالم: اعوذ بالله ، ازاي بقى ؟

حسنين: ايوه ماهو راخر بيقول ان الشىء دا شر يبقى لزما الكفار هما اللى عملوه .

سالم: انت مغيب ومضلل ومهمش سياسيا ، بروجوازي راديكالي ليبرالي  
متعفن ومش فاهم حاجه خالص .

(يدخل زكريا على عكاز وهو كفيف)

محمددين: (وهو يسحب من يده) يا اخوانا جبت لكم عم زكريا . تعال قرب  
يا عم زكريا ويص .

عسواد: بيص ازاي وهو كفيف يامفتح ؟

محمددين: يحس عليه ، يمكن ..

زكريا: لاء مافيش داعي بس قريوني منه .

محمددي: اهو الشيء دلوقتي قدامك .

زكريا: (بدهشه) بسم الله الرحمن الرحيم .

عسواد: ( بلهفه ) ايه انت راخر ؟

زكريا: هو .. هو الخالق الناطق هو . الشيء نفسه ، نفس الشيء . لاحول  
ولا قوة الا بالله .

عسواد: انت تعرفه من قبل كده ؟

زكريا: يا اخوانا الشيء دا ظهر قبل كده بس انتوا ماتوعوش عليه .

حسنين: الراجل باينه كبير وخرف .

زكريا: يشهد عليا المرحوم حسب الله عبدالباسط والمرحوم عبدالله  
عبدالواسع ..

محمددين: وانت شوقته ايامها يا عم زكريا ؟

زكريا: زى مانا شايك قدامى دلوقتي .

أبو ظريفة: اوصفوهلنا ، كان شكله ايه .

زكريا: افولكم

(الكل يترك الحفرة ويتجمع حول زكريا)

زکریا: کان شکه زی الشیء دا تمام ، بس دکھوا کان اکبرمن داهوا  
شویه .. لاء قول شویتین . قول تلاته .

الکمل: ( پانبهار ) یاسلام .

زکریا: امال ، حاکم کل حاجه زمان کانت کبیره ، هوانتوا شفتوا حاجه فی  
زمانکم دا ؟

البقال: وایه کمان ؟

زکریا: بس لونه کان یفرق شویه .

البقال: کان افتح ولاغفق ؟

زکریا: دکھوا کان افتح من دهوه شویه واغفق منه شویه ، من دا علی دا  
یعنی .

الکمل: ( پانبهار ) یاسلام ..

أبو ظریفه: المهم .. کان بیتاکل ؟

جاپر: اسکت یاوله ، انت همک علی بطنک وبس ( لزکریا ) والناس عملت  
ایه ؟

زکریا: الناس یاولده اتلخبطت ومعرفوش یتصرفوا ازای وکل حی طلع  
برأی . اللى يقولك السلطان حسين هو السبب واللى يقول لاء دول  
الانجليز واشى ابصر ایه ، کانت اللتیجه ان الشیء اختفى .

عسواد: اختفى ازای ؟

زکریا: معرفش ، زی ماطهر فجأه ، اختفى فجأه بقدرة قادر ، ومن ساعتها  
البلد ماشفتش یوم عدل . مافاتش شهور الاو الحرب قامت .

حسنین: عرفتوا ان الشیء دا شوم ع البلد ؟

محمدین: ولیه ماتقولش ان دا حصل للبلد اجرن الشیء اختفى ؟

زکریا: انا بحکی لکم التاريخ زی ما حصل بالمظبوط .



## (مرقص افندى يمر)

عسواد: مرقص افندى، تعال شوف الشيء اللى ظهر ف ارضى .

مرقص: ايوه سمعت عنه . بس انا مستعجل صدقنى .

عسواد: تعال بص بصه واحده .

مرقص: (ينظر ثم يرسم علامة الصليب) بسم الله الرحمن الرحيم !

عسواد: (بلهفه) ايه ؟

مرقص: انا ماليش دعوه بالحاجات دى يا عواد، انا راجل موظف ف الدوله .

عسواد: ضرورى برضك لك رأى . دا انت مدرس ابتدائى قد الدنيا .

مرقص: صدقنى .. انا كنت ادبى . سعيده عليك .

## (اضاءه على منزل مرقص)

مرقص: (داخلا) سعيده ياتريزا .

تريزا: شفت الشيء اللى طلع ف البلد يامرجص ؟

مرقص: ماشوفتش ومش عايز اشوف .

تريزا: (وهى تخلع عنه الجاكته) يوه، ايه ؟

مرقص: اسمعى يا اوليه . يظهر ميت شىء او يختفى، احنا مالناش ايوها دعوه بأيوها شىء .

تريزا: وغلط يعنى نبص ؟ انا مرضقتش اخرج اشوفه غير لما انت تجى .

مرقص: قسما عظميا ياتريزا ، لو هريتى ناحيه الشىء دا لتعرفى شغلك .

تريزا: اباه ؟ ماكل الخلايج بيتفردوا عليه .

مرقص: مالناش دعوه بالناس، احنا ماشفتناش حاجه ولا سمعناش حاجه ، دى

مش بلدنا . ومالناش صالح فيها ، احنا بلدنا اسويوط وان شاء الله

اخلى الفل ونرجع لها . ياللا حضرى الوكل و .. (يتنحنح)

وسخنى ميه عشان هستحمى بعد العشا .

ثريـزا: يوه ، يابروذك يامرجص، محبكش الحموم غير النهارده ؟

(اضاءه على القرية)

حسنين: ممتاز بيه وصل .. والهانم معاه كمان.

(يدخل ممتاز وثرىا)

ممتاز: ازيك ياسى ..

عواد: عواد ياسعادة البيه .

جابر: الباشا يطور .

عواد: يا سعادة البيه الباشا .

ثرىا: سمعنا ان عندك شىء كده، هىء هىء . ماتفرجنا عليه .

عواد: اتفضلى .

ثرىا: اوه . بسم الله الرحمن الرحيم ماشاء الله ومايطلعش الا فى ارضك

انت يا ..

عواد: عواد ياسعادة الست الباشا .

ثرىا: بص ياممتاز حاجه فانتستيك .. ارت ستيك، خالص . يهبل

ياربى ..

ممتاز: فعلا . دا مش بعيد يكون سقط من الفضاء الخارجى .

ثرىا: أنا عايزاه ياممتاز .

ممتاز: طب وطفى صوتك عشان مايطمعوش فينا .

حسن: (مشيرا الى ثرىا) شايف الشىء دا ياوله يا جابر .

جابر: ايوه مش تقولى زهره وخضره وصفرا .

ممتاز: روحى انتى دلوقتى، الفلاحين بيتفرجوا عليكى .

ثرىا: عليا انا ؟

أم أحمد: لاء عليا انا .

ممتاز: ابوه ما هو انتى شىء ماشافهوش قبل كده من قريب . روحى وانا  
خمس دقائق واخلص الموضوع .

ثرىسا: طب ماتأخرش عليا ، اورفوار يا جماعه .

(ثرىا تخرج بينما يدخل عارف)

محمددين: الحمد لله الأستاذ عارف بيدرس فى كلية العلوم وهيحل لنا اللغز.

جاسپر: وهو معقوله ، بتاع العلوم يعرف زى سيدنا ؟

حسنين: طبعا يا جاهل ، دا بيدرس اللغة العربيه على اصولها .

عواد: طب فطمنا ، ربنا يفتحها عليك كمان وكمان .

عارف: انا لابدرس دين ولا بدرس عربى . انا بدرس العلوم .

جاسپر: تبقى مش عالم .

حافظ: دى علوم ودى علوم (لعارف) تعال بص وقلنا رأيك .

عارف: (ينظر) بسم الله الرحمن الرحيم، ياه ..

عواد: (بلهفه) ايه ؟

عارف: اصبروا عليا (ويقترّب من الحفرة اكثر)

عواد: بس .. ماتقرّيش اكثر من كده .

عارف: (متراجعا بقلق) ليه ؟

حسنين: واحنا ايش عرفنا ، مش يمكن بيعرض ؟

عارف: ليه بتقول يعرض ؟ جايز يكون نتايه مش دكر .

الكل: (بأسستكار) نتايه ؟؟

عارف: دا لو كان شىء حى .

محمددين: حى ولا مش حى ، المهم تقولنا ده خير ولا شر ؟

أبو ظریفة: بالصريح كده هينفع ولا هينضر ؟

ممتاز: ابوه يعنى يجيب همه ولا ماساواش نضيع وقتنا قدامه .

**عارف:** (مرتبكا) هه ؟ انتوا عايزين الحق ولا ابن عمه ؟

**حسنيين:** قولنا الاتنين واحدا ننقى الاحسن فيهم !

**سالم:** عايزين الحق طبعاً .

**عارف:** الحقيقة .. معرفش .

( حالة استهجان من الجميع والبعض يدق كفا بكف )

**سماعين:** ويقولك بتاع علوم، بيدرسولهم فى العلوم معرفش، ويتس علام الكفار.

**محمددين:** ماتتحقق كويس ياسى عارف .

**عارف:** ( ينظر ثانية ) مش عارف .

**حسنيين:** معلش، اصله لسه فى سته تانيه هىءهىء .

**عارف:** فعلاً، دا بره المقرر اللى بتدرسه .

**حافظ:** يعنى رأيك ايه ؟

**عارف:** ماليش رأى .

**جابر:** طب فسح بقى شويه .

**ممتاز:** انا رأى نستورد خبر اجنبى يشوفه ويقولنا رأيه .

**سماعين:** كمان عايزين تجيبونا الكفرة ناخذ رأيهم ؟

**سالم:** ( بتوجس ) خبر اجنبى ؟ ف ايه بالطبط ؟

**عارف:** ابوه خبر اجنبى ف ايه ؟ فى البيولوجيا ولا فى الكميا ولا الطبيعة ؟

**ممتاز:** ماهى دى مهمة الخبر الاجنبى هو اللى يحدد لنا نجيب خبر ف .  
انهى علم .

**حسنيين:** يبقى يا هولندى، يا المانى .

**ممتاز:** اشمعنى ؟

**حسنيين:** ماهو دول اللى بيحبوهم عشان يدربوا فريق الكوره بتاع مصر .

**عارف :** یا جماعہ انا عايز اقول ..

**ممتاز:** انت تسكت ومانقول حاجه خالص انت الوحيد اللى ماتعرفش حاجه، وقالتها بعضمة لسانك .

(يدخل الشيخ نصوصه والبقال يسحبه)

**البيقال :** جبت لكوا الشيخ نصوحى .

**حیافظ: اهو دا الخبير الاجنبی ہیء ہیء ہیء .**

سماعين: أشهدى يامة الاسلام . الاهطل العبيط يسمونه بالشيخ ويستفتوه .

**نصوحی: بس یاشیخ بطاطا .**

**جواب:** اھيہ .. يوضع سرہ ف اضعف خلقه ياعم الشيخ سماعيل.

**البيان :** قولنا ياعم نصوحى، الشيء ذا كويس ولاوحش ؟

نصصوحي: الشيء دا.. دا.. دا

عواد: (بلفه) ایہ؟

**نصوحی: لاء مش حقول، ہیء ہیء ہیء .**

**عواد:** حلفتك بالغالى يا شيخ لانت قايل، ندرعليا لوقت، اعد شهر بحاله امسح لك رياتك بجلايتي .

البسقال: (وهو يعطيه شينا في يده) رحمة حلاوه طحينيه تحلى بفاك .

نصوحی: الشیء ذا کویش .. کویش خالش .. حلوہیءہیءہیء .

**البیقال: یعنی فیہ برکہ ؟**

نصوحی: دا کله برکه . دا حاجه حلوه خالاش هی هی.

الكل: (يهلل فرحا والنسوه يزغردن)

**جسینین: انا قلبی کان حاسس م الاول ، ای واللہ .**

**سماعين: اللهم بلغت اللهم فاشهد .**

**الخفیر:** الشيء ما طلعش بتاع الحكومة ولا تعرف عنه حاجة .

محمدین : (لعواد) هیص یاعم هتتشهر وتتغنی .

عواد : انت هتقر علیا ؟ دی ارادة رینا .

ممتاز : عایزک یاعواد . (ویتحرک مبتعدا)

عواد : افندم یاسعادة البیه (ویلحق بممتاز)

ممتاز : انت صعبان علیا، انا مستعد اشتری منك الفدان بحاله واخلصک م  
الهم ده .

عواد : کتر الف خیرک یاسعادة البیه ..

ممتاز : یعنی موافق ؟

عواد : وانا هلاقی فرصه احسن من دی ؟ شیل .

ممتاز : هدیك عشرتلاف «کاش» بس تسلمنی الارض النهارده .

عواد : طب لما اشیل منها الشیء الاول .

ممتاز : لاء یاحدق، انا شاری الارض بالشیء اللی فیها .

عواد : یفتح الله .

ممتاز : طب بلاش الارض، تبیع الشیء بکام ؟

عواد : سعادتک تقدّر، واناخداک .

ممتاز : خمستاشرالف کویس ؟

عواد : ایه ؟ طب قول ثلاثین، خمسین .

ممتاز : کل دا فی حقة شیء ؟ دا انت مغلوانی قوی یاعواد .

عواد : (ساخرا) خلاص اشتری من بره ارخص . دا شیء مالوش سعر  
ومایتقدرش بتمن یاسعادة البیه .

ممتاز : لاحظ انی هشتريه منك ع المغمض وجایز یطلع ف الآخر  
مایساواش نكله .

عواد : وجایز یطلع لقیه ویسوی وزنه دهب .

ممتاز: اوكى بس اناللى هتحمل «الريسك» انما انت راجل غلبان مش قد  
المغامره ، ماتقفش حظك، دا رزق ابنك محروس، هديك عشرين  
الف . قلت ايه ؟

عواد: يفتح الله .

ممتاز: احسن . اصلك مش وش نعمه .

(اضاءه على دوار العمده والمحافظه)

(العمده يتحدث فى التليفون والسكرتير يرد)

العمده: ايوه يامطبع بيه كلمت سيادة المحافظ ؟

السكرتير: الباشا ماعندوش وقت ييجى وييقولك ابعت له الشئ على وجه  
السرعه عشان يشوفه بنفسه ويتخذ فيه قرار .

العمده: بلاش ييجى بذات سخفه بيعت لناحد بي فهم .

السكرتير: الباشا مايبقتش فى رأى حد ولازم يعاين بنفسه .

العمده: طب ماحضرتك تشرفنا بداله ، اكيد الباشا بيعق ف حضرتك .

السكرتير: انا مشغول مع سعادته يابنى ادم ، ياللا ابعت لنا الشئ  
بسرعه ..الباشا فاضل ساعتين ويروح البيت يكوع .

العمده: أنا ماضمش يافتدم ايه اللى يحصل ..

السكرتير: يعنى ايه ؟ دا أمر ياعمده انت بتهزر ؟

العمده: بس الاهالى يافتدم هيقولولى واخذ الشئ وموديه على فين ؟

السكرتير: والاهالى مالها يابنى آدم .انت عمده مش مالى مركز .

العمده: الله يحفظك . طب افرض سيادتك الشئ مرضاش يتنقل ؟

السكرتير: يعنى ايه مايرضاش هو بكيفه ؟

العمده: قصدى يعنى انامش عارف انقله ازاي .

السكرتير: على حساب المحافظه يابنى ادم .

العمده: مش الغرض، سيادتك مافهمتيش ..

السكرتير: ومش عايز افهم . اللي قولته يتنفذ بالحرف .

العمده: مش الفكره يافندم لكن ..

السكرتير: مالتكش . سعادة المحافظ قال الشئ ييجي له يبقى ييجي له ،  
مفهوم ؟

العمده: ايوه بس دا شئ مش عنادي يا حضرة السكرتير، ده شئ  
ماشوفنا هوش قبل كده .

السكرتير: ولو ، اى شئ تابع لمحافظة سعاده لازم او امره يسرى عليه .

العمده: دا مش اى شئ ، افهم حضرتك ازاي بس ..

السكرتير: مش عايز افهم .

العمده: خلاص . المحافظه تبعت تنقله على مسئوليتها .

السكرتير: اللي قلته يتنفذ بالحرف والا مش هيحصلك كويس ( يضع  
السماعه )

العمده: الو ... اتصرف ازاي بس ياربي ؟

( تظهر زوجة ممتاز فيتحرك لها )

ثريا: هيه خلصت معاه ؟

ممتاز: الحيوان مش راضى يبيع .

ثريا: أما عجيبه والله هيعمل بيه ايه المغفل ده ؟

ممتاز: هما الفلاحين كده بهائم لكن طماعين وف منتهى الخبث .

ثريا: بس انا عاوزة الشئ ده ياممتاز .

ممتاز: تعملى بيه ايه بس يا ثريا ؟

ثريا: كفايه يقولوا الشئ فى بيت ثريا والداس ييجوا يزورونا عشان  
يشوفوه .



**ممتاز:** انتى كمان هتكلفينى عزاييم فوق ثمنه ؟

**ثريا:** امال انت كنت عايز تشتريه ليه ؟

**ممتاز:** مش عارف لسه مافكرتش ، لكن هلاقى طريقه استغله بيها ، انشالله

استغله فى الدعايه لشركاتى ، مش عشان احطه وافرج الناس عليه  
مجانا زى الساجيد اللى بميه وميتين الف اللى معلقاه ع الحيطه .

**ثريا:** وانت عايزنا ندوس برجلينا ع الساجيد دى .. انت مجنون ؟

**ممتاز:** سيبك م الشىء واجيب لك بداله فرو «منك»

**ثريا:** عندى اتنين . ثم ايه الفايده وكل صحباتى عندهم «منك» ؟  
انا عايزه شىء مش عند حد.

**ممتاز:** يوه ياثر يا مش هخلص من زنك ده .

**ثريا:** مستخسر فيا حته شىء ياراجل ياناقص يالايحه .

**ممتاز:** ثريا .. وبعدها لك يعنى ؟

**سالم:** ( يقف خطيبا فى الناس ) اسمعونى يا اخوانى ، الشىء دا لازم  
الحكومه تأممه .

**حافظ:** أول مره نتكلم صح .

**عواد:** تأممه ازاي ، دا ظهر فى ارضى يعنى ملكى .

**سالم:** ولو تأممه للمتفعه العامه انا هتصل بالمسئولين فى الحزب .

**عواد:** وانا اخرج م المولد بلاحمص ؟

**محمد دين:** ماتخافش الحكومه ملزومه تدفع لك تعويض .

**عواد:** الحكومه عمرها مابتدفع حاجه ولودفعت هتدينى ملايم .

**حافظ:** تعرضك فى حاله واحده ، اذا أمت الارض ، لكن لو أمت الشىء  
لو حده يبقى مالكش حاجه وممكن تعتبره من الآثار .

**عواد:** كمان ؟ انتوا كلوكوا عليا يا افنديات ؟

أبو ظريفه : ايوه تأمعه ، خلى الغلابه تاكل .

( عواد يجرى نحو ممتاز ويأخذه بعيدا )

عواد : ممتازيه ، انا موافق على عشرين الف .

ممتاز : المبلغ كله مش معايا دلوقتى .

عواد : هات اللي ف جيبك .

ممتاز : عندى فى البيت عشرين تلاف ، بس تسلمنى الشئ الاول يا حدق .

عواد : معاك حاجه تاخذ فيها ؟

ممتاز : ابعت أجيب عريبه تنقله .

عواد : طب بس ماتتأخرش عليا .

ممتاز : مسافة السكه .

( يخرج ممتاز وزجته )

عواد : عشرين تلاف مش وحشين برضك . دا رزقك ياواد يا محروس

محروس : هو ايه الشئ دا يا بابا ؟

عواد : اخرس ياله .

( العمده يدخل )

الخفير : وسع لجناب العمده منك له .

العمده : عايز تلات اربع رجاله يشيلوا الشئ دا .

عواد : هتودوه فين يا عمده ؟

العمده : مش شغلكم . الباشا المحافظ ذات نفسه طلبه .

عواد : الحقونى ياناس .

محمددين : هو ايه العبارة ، كل ما يطلع عندنا حاجه يستخسروها ف بلدنا ؟

أبو ظريفه : عايزين ياخدوه على مصرعشان يتمتع بيه البهوات وحديهم .

العمده : يا اولاد دول هيكتشفوا عليه ويرجعوهلنا تانى .

**حافظ:** عمرهم مارجعوا حاجه . دا حتى النفر اللى بيخرج من هنا ما بيرجعش ابدأ .

**البقال:** ولو كشفوا عليه هنتقل بركته .

**جابر:** أيوه يتقل بركته طبعا والمثل بيقول من خرج من داره اتقل مقداره .

**العمده:** (ساخرا) ابقوا اوزنوه قبل ماياخدوه .

**حسنين:** ولما ياخدوه تبقى انت عمده على ايه، تقدر تقولى ؟ على شوية فلاحين غلابه وشوية بهاييم تعبانه ؟

**محمددين:** ياشماتة عمد الكفور اللى حوالينا فيك يا عمده .

**الخفير:** الحق يا عمده الباشا المحافظ طالبك ع التلافون .

**سالم:** احنا نعتصم جنب الشىء ونعمل اضطراب عن الطعام .

**حافظ:** ايوه نعمل مظاهرة و نتصل بوكالات الانباء العالميه .

**جابر:** عليا النعمه الشىء دا لو اتقل من هنا لكون مصور قتيل .

**العمده:** بس اخرسوا . او عوامن سكتى، انا هشاور الحكومه واللى نقول عليه الحكومه يمشى على رقبة اتخنها تخين .

**(العمده يخرج)**

**عارف:** طب ممكن اخد عينه م الشىء ؟

**عواد:** تاخذ عينه يعنى ايه ؟ قالولك انى بفرق منه ؟

**أبوظريفه:** وانت هتعمل بيه ايه كله لوحذك ؟

**عواد:** مش هقولك وانتوا مالكم ؟ شىء وطلع فى ارضى وملكى، ايش حشركم ؟

**عارف:** دى عينه صغيره جدا انشالله واحد سنتى .

**عواد:** ولما انت تاخذ وغيرك ياخذ، يفضل لى ايه ؟ على رأى المثل خد م الثل يخل.

أبو ظريفه : ادونى حته وانا اقولكم طعمه ايه .

عواد : (لعارف) شفت . عاجبك كده ؟ كله بيعد بقى . الشىء دا طلع فى

ارضى انى ، واللى هيقرب له ، يمين بالله ما يحصل له طيب .

(يظهر المحافظ والسكرتير فى صالة المسرح)

(اضاءه على دوار العمده)

السكرتير: العمده معاك يامعالى المحافظ

العمده: (فى التليفون) ايوه ياسعادة الباشا .

المحافظ: الشىء ماوصلش لحد دلوقتى ليه ياعمده ؟

العمده: انا مش عارف اتصرف جنابك ردى لامؤاخذه مش مسئوليتى .

المحافظ: ازاي ؟ انت العمده والشىء دا ظهر فى بلدك .

العمده: اهيه طب ماحضرتك المحافظ والشىء دا ظهر فى محافظتك .

السكرتير: انت راجل ربح .

العمده: كتر الف خيرك .

المحافظ: انت لايمكن تكون مسئول .

السكرتير: طبعا لايمكن يكون مسئول .

العمده: ماناعمال اقولك كده لسعادتك م الاول .

المحافظ: قصدى من بكره مش هتبقى مسئول .

العمده: بركه ياجامع اللى جت منك ماجاتش منى .

المحافظ: دا انت مستبيع بقى .

السكرتير: دا مستبيع بقى .

العمده: إذا كان الشىء يرضى بالتهزىء اللى خدته بسببه انا راضى .

المحافظ: (يسكت لحظه) هو الشىء دا له بركات ؟

العمده: والله معرفش حضرتك تيجى تمتحنه بنفسك بقى .

**المحافظ:** انا جيت سيرة الشىء بالغلط ؟ انا بهزأك علشان خاطره .  
**العمده:** مش قولتولى ازاي دا يظهر فى بلدى ؟ انا مقدرش اقله مع السلامه  
اظهرف حتة ثانيه . تعال حضرتك وزعه بمعرفتك .

**المحافظ:** انت بتقولنى كلام ماقولتوش ياحضرةالعمده  
**السكرتير:** سعادتك ماقولتش فعلا وانا شاهد .  
**العمده:** والله للى اعرفه يابيه ان للى عايزشىء يجيله بنفسه .  
**المحافظ:** ياجنبالعمده احنا ماقولناش لاء . انا كنت مشغول والزفت  
السكرتير بتاعى مابلغنيش الكلام صح ومع ذلك انا جاى على وجه  
السرعه .

**العمده:** تشرف وتنور ( يغلق السماعه )  
**المحافظ:** الو .. الو  
**السكرتير:** ( بأستكار ) قفل السكه فى وش جنابك ؟  
**المحافظ:** لاء دا الظاهر الخط انقطع . انت عايز توقعلى فى شرا عمالى  
يامطيع ؟ يبقى الشىء دا له كرامات وتصللنى ولا تقوليش .  
**السكرتير:** والله ما اعرف ياباشا .

**المحافظ:** عايز تثير الاهالى ضدى ؟ انت ماتعرفش خطورة تصرفك دا م  
الناحية الساسيه ؟ انت ماتنفعش تكون سكرتير .  
كلم مدير الامن يكلف قوه م المركز تروح تتحفظ على الشىء  
وتحرسه من الاهالى  
( يخرج المحافظ والسكرتير )  
( الشمس تميل للغروب )  
( يدخل ضابط وبعض العساكر بخطوات منتظمه )  
**الضابط:** قوه .. انتباه .. قوه .. انتشر لحراسة الشىء .

(ثم فى ميكرفون) على جميع الاهالى الابتعاد للوراء ..  
ممنوع التصوير او الاقتراب من الشيء . قوه .. نفذ .  
(القوه تزيح الاهالى للوراء وتقف فى حراسة الشيء)  
(يظهر مرقص مع زوجته فى الفراش)

مرقص: سخنتى مية الحموم ؟

تريزا: احنا مش قولنا نحدد الخلفه ياراجل .

مرقص: الشيخ سماعين قال تحديد النسل حرام .

تريزا: واحنا مالنا ومال الشيخ ؟

مرقص: اهو نعمل زى الناس مابتعمل , اشمعنى احنا ؟

تريزا: ماهو ..

مرقص: اتكلمى بقى .

تريزا: (تتحرك) طب افقل الشباك الاول .

مرقص: سيبه الدنيا حر .

تريزا: يوه انت اللى كل مره تتحجج وتقول الجيران جارحينا .

مرقص: مافيش جيران، كله جرى ينفرج ع الشيء .

(تريزا تسدل الستار فنرى خيالهما فقط)

مرقص: تعالى . بتحبيلى ياتريزا ؟

تريزا: بحبك بس ..

مرقص: (صوت قبلات) بس ايه ياروحى ؟؟

تريزا: نفسى تفرجنى ع الشيء .

مرقص: (بعصبية) يخرب بيت الشيء ع اللى عاجز يشوف الشيء يعنى

هتشوفى الامله ؟ كويس كده ؟ انتى الخسرانه .

(اضاءه على المحافظه)

المحافظ: اديت خبر للعمده انى هزور الشىء ؟

السكرتير: اديت ياباشا

المحافظ: العربيات جهزت ؟

السكرتير: جهزت ياباشا

المحافظ: التشريفه جهزت ؟

السكرتير: جهزت ياباشا

المحافظ: الصحفيين جهزوا ؟

السكرتير: جهزوا ياباشا .

المحافظ: تفكر اخذ للشىء حاجه فى ايدى ؟

السكرتير: تفكر ياباشا ؟ سعادتك صاحب واجب فى كل شىء

المحافظ: ماناعارف بس شىء زى دا اخذ له ايه ؟

السكرتير: تاخذ له اى شىء ياباشا

المحافظ: طب جهزلى كام شىء كويسين اخدهم للشىء معايا .

(اضاءه على القريه)

جابر: الحقوا ..الشىء بيتحرك ويمين الله اتحرك (ويجرى مبتعدا)

عسود: (لمحروس وهو يجرى) اجرى ياوله .

(الكل يجرى عدا محروس وعارف)

البعض: (وهو يجرى ويذيع النبأ) الشىء اتحرك ..الشىء اتحرك

ياولاد .

الضابط: (يفيق ويتحرك ثم فى اللاسلكى) الشىء اتحرك يافندم

..اعمل ايه ؟ لا يافندم الاهالى هما الللى شافوه وجريوا ..انااعمل

ايه ؟

(مرتبكاً) أأقرب له واشوفه بنفسى ؟

عواد: يا واد يا محروس تعال .

عارف: تلاقية ما تحركش والواد جابر اتيهيا له كده .

عواد: يخبية . وقع قلبنا (ويقترب من الشيء)

الضابط: ولو اتحرك كده ولا كده؟ اعمل تشكيل قتالي لمحاصرته والتعامل

معه؟ مفهوم يافندم (مستدركا بقلق) استنى يافندم . اتعامل

معه ازاي؟ قصدى بالسلاح الابيض ولا بالذخيره الحيه ؟ حسب

مقتضيات الموقف ؟ لاء مفهوم يافندم، بس ..

خلاص مابشش يافندم . مفهوم يافندم . علم وجارى التنفيذ يافندم .

(يقلق الجهاز ثم للعساكر) قوه .. انتباه للخلف در ..

(العساكر يواجهون الشيء ويشهرون السلاح)

أول ماتسمع الامر كله (ويغمغم بكلام مدغم) مفهوم ؟

(لا احد يتحرك فيصرخ بعصبيه) قلت مفهوم ؟

جندى ١ : سؤال يافندم ..

الضابط: (مقاطعا) ما فيش اسئله، نفذ الاول يا عسكرى وبعدين استفهم .

مفهوم ؟

جندى ٢ : مفهوم يافندم ..

الضابط: انت اللى بتفهم فيهم ، فكرنى ارقيك . قوه .. استعد (ويغمغم

بكلام مدغم) نفذ .

جندى ٢ : (يتقدم بقفزه ويصيح) ها .. (العساكر تقلده)

الضابط: (لنفسه) اكيد انا كان قصدى كده

(ثم فى الجهاز) تمام يافندم .. تم تطويق الشيء وجارى التعامل

معه .. (بقلق) والله حضرتك اللى قلت لى اتعامل معه . اه اذا

اتحرك تانى .. مفهوم يافندم . (ومستدركا) طب واذا اتحرك

وسكت طوالى ؟ الو .. الو



(للعساكر) قوه .. استرح ،اناواصل دورة الميه وراالشجره اياكم

حد يتحرك .

جندى ٢ : مفهوم يافندم .

(اضاءه على مكتب المحافظ)

السكرتير: (يعرض على المحافظ باقة ورد) ينفع الشيء دا ياباشا ؟

المحافظ: على بركة الله

(جرس التليفون يدق)

المحافظ: مش هرد على جنس مخلوق دلوقى حتى لوكان مراتى .

السكرتير: الو الباشا مش هيعبراي مخلوق دلوقتى ولاحتى مراته .دى الاوامر

ياسيادة اللوا.

المحافظ: مديرالامن ؟ (يخطف السماعه) ايوه ياسيادة اللوا فيه شيء ؟

قصدى فيه حاجه ؟

السكرتير: شيء حاجه ؟

المحافظ: اتحرك ؟

السكرتير: اتحرك ؟

المحافظ: هو الشيء دا بيتحرك ؟

السكرتير: (يدق كفا بكف) هو بيتحرك ؟

المحافظ: ودى حركه ؟ لاء طبعا دى حركات ماتطمنش .

السكرتير: طبعا ماتطمنش .

المحافظ: هو انا الى اخذ القرار ؟ دا موقف امنى وسعادتك المسئول مش انا .

طب هبلغك القرار بعد شويه (يضع السماعه ثم للسكرتير)

الغى زيارتى .

السكرتير: (يرفع السماعه) ايوه ياعزت، الغى زيارة الباشا . انا الى

بقولك يابنى آدم .

المحافظ: انا اللي قلت لك .

السكرتير: قصدى سعادة الباشا هو اللي قالى .... عشان نقولهم يا بنى آدم . اف  
( يضع السماعه وللحافظ ) خلاص لغيت زيارتك .

المحافظ: ( بضيق ) انا اللي لغيتها .

السكرتير: سعادتك اللي لغيتها .

المحافظ: تخدعنى يا مطيع وتقولى ان الشىء فيه شىء لله وهيجى منه  
خير؟ عمر فيه شىء بيتحرك وييجى منه خير ابدا ؟

السكرتير: يا باشا ..

المحافظ: اخرس . ابعت لى فاكس بسرعه للجهاز المختصه والجهاز  
المعنيه ... السياحه والثقافه والصحه والامن والحكم المحلى  
والبحث العلمى .

اكتب .... السيد فلان الفلانى، تحيه وبعد، نرجو موافقتنا بقراركم  
بخصوص الشىء على وجه السرعه ..

السكرتير: ( وهو يكتب ) على وجه السرعه ..

المحافظ: وعلى مسئوليتكم الكامله .

السكرتير: وعلى مسئوليتكم الكامله .

المحافظ: وتفضلوا ..

السكرتير: وتفضلوا ( مستدركا ) بس احنا بالليل وكل المسئولين روحوا  
سعادتك .

المحافظ: يبقى اطلبهم لى فى بيوتهم واحد ور التانى .

( اضاءه على القرية )

( العساكر فى حالة استرخاء )

( عارف يظهر ومحروس خلفه يراقبه )

( عارف ينير بطاريه ويقترب من الحفرة بخطوات متسلله

ويهم بنزولها)

جندى ١ : ( ينتبه ) ها .. مين هناك ؟ قف من انت .

عارف : انا عارف

جندى ١ : الحق يافندم ..

الضابط : ( يظهر مسرعا ) ايه اتحرك تانى ؟

جندى ١ : لاء ظبطت الافندى بيحوم حوالين الشىء وعايذ ينزل له .

الضابط : تعالى لى .. كنت نازل للشىء تعمل ايه ؟

جندى ١ : ( متراجعا بخوف ) اتفرج والله .

الضابط : خش فى عبي ( يأخذ البطاريه ويضيئها فى وجهه ) اعترف .

ايه علاقتك بالشىء ؟

عارف : والله مااعرفه .

الضابط : ولما انت ماتعرفوش نازله له ليه ؟

عارف : ماانا كنت عايذاعرف .

الضابط : تعرف ايه ؟ اتكلم احسن لك .

عارف : وانا كنت لسه عرفت ؟

الضابط : وكنت عايذ تعرف ليه ؟

عارف : من غير ليه .

الضابط : انت هتخلى عليا ؟ جاوب لحسن والله العظيم اجيب لك العسكرى .

عارف : اعرفه وخلص ، فضول .

الضابط : ليه هوانت مسئول عن الشىء دا ؟

عارف : لاء

الضابط : يبقى اعترف يا عارف واوعدك مش هيحصلك حاجه . مين

شركائك ؟

عارف: مالیش شرکاء .

الضابط: شوف هتتعترف یعنی هتتعترف، اتکلم مین اللى حرصك ودفعت  
تحاول تعرفه ؟

عارف: عقلی .. عقلی هو اللى حرصنى .

الضابط: حلو.. وعقلی دا بيشغل ايه ؟

عارف: نعم ؟

الضابط: سمعت سؤالى . ماتلفش عليا . عقلی دا مهنته ايه , بيشغل ايه ؟

(اضاءه على المحافظه)

المحافظ: (فى التليفون) یعنی ايه حضرتك مش مسئول ؟ امال مین

المسئول ؟ مش حضرتك اللى كنت بتقول ان الشئ دا تبعك ؟ الو

..الو (يضع السماعه بيأس) مافيش ولا مسئول عايز يبقی

مسئول عنه . الظاهر انا مضطر اخذ قرار بنفسی .

السكرتير: دا ظلم يافندم .

(اضاءه على القرية)

عارف: قلت لك عقلی ..عقلی .

الضابط: عقلی .. عاطل ولا بيشغل ؟

عارف: بيشغل طبعا.

الضابط: كويس اديك اعترفت . بيشغل ايه بقى ؟

عارف: بيشغل مخ .

الضابط: فهمت .. مخ التنظيم . ومين بقى عضلاته ؟ مين الجناح العسكری

بتاعكم ؟

(يسمع اشاره فى الجهاز فيرد) ايوه يافندم ..

دا انسب حل يافندم . مفهوم يافندم . علم وهنقد يافندم

(يغلق الجهاز ويلتفت لعارف) غورمن وشى جتك البلا .  
(عارف يخرج مسرعا)

فى هذه اللحظة يغافل محروس الجميع وينزل الحفرة)  
الضابط: قوه .. انتباه . فى لحظه عايزكم تردموا الحفرة دى . مفهوم ؟  
جندي ٢ : مفهوم يافندم .

الضابط: كويس ياوحش ، فكرنى اريقك . قوه .. نفذ .  
(العساكر يسدون الحفرة بحجر كبير ثم يرد مونها بالتراب  
المتجمع حولها)

عواد: وله يامحروس .. هوراح فين .. وله يامحروس .  
(عواد يخرج)

الضابط: اسرع يا عسكرى .. اعملك همه . لازم نمشى قبل اول ضوء  
جندي ١ : تمام يافندم .

الضابط: (فى الجهاز) تمام يافندم تم التنفيذ على اكمل وجه ( يغلق  
الجهاز) قوه .. انتباه . للخلف در .. بالخطوه السريعه ، معتدل  
مارش .

(الضابط يخرج بالقوه)  
(نور الفجر ينبلج والشمس تشرق)  
(عواد يمر وهو ينادى)

عواد: محروس .. وله يامحروس .. رحبت فين يامحروس ؟  
(يظهر الالهالى تباعا)

(ويمرون على الشئ وينظرون بدهشه)  
الكل: (معا وفرادى) بسم الله الرحمن الرحيم .  
(يعود عواد مسرعا كالمجانين)

عسواد: محدش شاف محروس . زى مايكون قص ملح وداب .

البعض: (البعض يدق كفا بكف) لاحول ولا قوة الا بالله .

محمددين: صحيح يا ولاد مافيش شىء بيفضل على حاله .

(بعض النسوة يزغردن)

حسنين: (بفرح) جالكم كلامى ؟ قلت لكم م الاول دا شؤم ماصدقونيش .

أبو ظريفه: ياميت خساره يا ولاد ..

سماعين: الله اكبر والحمد لله كثيرا .

محمددين: دا كان خساره فى جتتنا , احنا مانستحقوش .

زكريا: اختفى زى الشىء اللى ظهر زمان بالظبط . مش قلت لكم ؟

سالم: (هامسا لحسنين) المخابرات الاجنبية هى اللى خفته . واضحه

زى الشمس .

جاساير: الحكومه سدت الباب اللى جاى منه الريح .

أبو ظريفه: انت بتصدق انهم دفنوه ؟ دا اتلطش ... معلوم دا شىء يسوى شىء

وشويات .

زكريا: وهيرجع يظهر تانى وتالت ورابع ويكره تقولوا عم زكريا قال .

سماعين: ظهر الحق وزهق الباطل , رينا استجاب لدعائى .

عسواد: محروس .. محدش شاف محروس . ماشفتهمش ياعم مرقص ؟

مرقص: انا ماشفتش حاجه , ابعادوا عنى .

(الاهالى تفترق تباعا)

عسواد: أنا بسأل ع الواد محروس .. محروس ضاع .

مرقص: لو كنت وديته المدرسه مكانش ضاع منك .

عسواد: الواد اكيد جراه مكره . دا هو الى حيلتى , طب خدوا الشىء ,

كانوا يسبوا لى محروس .

مـرقص : الواد كان نبيه ولو كان اتعلم مش بعيد كنت تشوفه ف يوم زى كده .

( ثم يمشى محدثا نفسه ) لكن وانت مالك يا مرقص ..هى

كانت بلدكم؟ ميت مره افهمك، انت بلدكم اسبوط .

عـواد: ( يدور حول نفسه ويصرخ بصوت محشرج ) محروس ..

اغلاق بطيء

وتهبط الستار

# كلنا عايزين صوره

مسرحية قصيرة

٨٧ - ٩٦





## كلنا عايزين صوره

المنظر: حاره بحى شعبى

فى ركن يافطه (حارة المنصور) ويجوارها عامود نور.  
فى الصدر مقهى عليه يافطة (قهوة الدراويش) وكراسى  
مرصوصه فوق الرصيف . الى اليمين بيت تحته محل  
فيديو ويظهر فى واجهته اعلانات افلام ومسرحيات ويعلو  
المحل نافذة فى شقه . اليسار سور وامامه كوم زباله  
وصندوق قمامه كأنه نصب تذكارى . فى الركن يجلس  
على الرصيف اثنان يدختان الجوزه . رجل جالس الى  
مانده اكبر وخلفه مظلله وعليها يافطه بكلمه مغلق  
بالعربية والانجليزيه .

المنظر وقت الغروب نسمع نداءات الجرسون وثرثرة  
الزبائن وهم يلعبون الطاولة او الورق ومغنى يندندن  
على عود .

فجأه يظهر ضوء شحيح فى فانوس الاضاءه ينقطع ويعود .  
يتوقف مسعد الجرسون حاملا صينية الطلبات ويحملق فى  
الفانوس بدهشه .

**مسعد :** ياخبر ابيض .. دا باين الفانوس هينور ياجدعان . والله مش بعيد  
ينور، نور يا حبيبي .. نور والنبي، والنبي هينور .

**مسطول ١ :** ماتصدقش دى تهنؤات ياكروديا (لزميله) هو فيه حد غير نامنور؟  
**مسطول ٢ :** ماسمعتش .

**مسطول ١ :** هيءهىء مع (يسحب نفسا من الجوزه ثم بثقه) خدها منى  
حكمه .

**مسطول ٢ :** هات .

**مسطول ١ :** فانوس الحكومه ماينورش غير بالنهار .

**مسطول ٢ :** طب مالحناسه نهار .

**مسطول ١ :** يانهار .. امال محدش قالنا ليه ؟

**مسطول ٢ :** يمكن احنا هفيه .

**عدنان :** (بالجلباب ويدخن الشيشه) دا عمره مانور من يوم ماركبوه .

اشمعنى يعنى هينور النهارده ؟ دول تلاقىهم بيعملوا تجارب .

(النور يزداد فى الفانوس ويغمر المنظر)

(بعض الاطفال يتجمعون حول الفانوس ويتصايح الكل)

هيبه ..

**السكر :** الله اكبر .. الله اكبر .

(زبيده تظهر فى النافذه وتزغرد)

**مصطفى :** عمار يا مصر .

**مسعد :** كل حاجه حلوه بالصلاة ع النبي .

**مسطول ٢ :** هما بيهللوا على ايه ؟

**مسطول ١ :** معرفش .. باينهم مساطيل، المفروض العالم اللي مش قد الشرب  
ماتشربش .

بلد سايبه ياجدع .

مسطول ٢ : على رأيك .

مسطول ١ : لكن احنا مالنا ؟ هيء هيء هيء ( ثم يسعل بشده ومناديا ) وله  
يامسعد .

مسطول ٢ : ( يسعل مثله ) وله يامسعد

مسعد : نعمين ..

مسطول ١ : انت مش شايفنا ؟ غير لنا الحجر .

مسعد : من علنا .. وعندك نص قرش كماله وصلحه .

عدنان : ( وهو يدخن الشيشه ) احنا عندنا فى الخليج الشوارع متوره ليل  
نهار . والاسفلت ببيرق زى المرايه . حاجه تانيه خالص .

مصطفى : ( وهويلعب عدنان الطاولة ) ياسلام ؟

عدنان : بالك ، مش بعيد كمان يكيفوا الشوارع .

مصطفى : لاء ؟

عدنان : امال . بلاد متحضره .

شاب ١ : طب ماتشوف لى عقد عمل هناك الله يخليك .

شاب ٢ : حاضر ، بس اشوف لك كفيل الاول .

شاب ١ : اكشف ورقك .

شاب ٢ : مدام الفانوس نور ، سمعنا حاجه بالمناسبه دى .

شاب ١ : يعنى الهلال طلع ياخى ؟

المغنى : عيا ( يبدأ يغنى اغنية رمضان جانا )

شاب ١ : انا بقى بالعكس قلبى انتقبض من ساعة الفانوس مانور . دى حاجه

ماتطمنش .

شاب ٢ : اشمعنى ؟

شاب ١ : معرفش ، بس اصل قطع العاده مش كويس .

(احادیث مختلفه للزبائن بجمل منقطعه)

(عربی يتحدث مع مسعد وقد جلس على مقعد امام

محل الفيديو)

عربی: انا ماحدش يلعب بيا . انا مش مختوم على قفايا . لو شريفه خانتنى هديحها .

مسعد: تدبج ايه ياراجل ياطيب . قلبك ابيض . وبعدين مش شريفه اللي تعمل كده .

عربی: ايوه شريفه ماتعملش كده ، انا عارف انها ماتعملش كده . بس انا الفار ابتدى يلعب فى عبي . واذينى بقولها بأعلى صوت قدام الحاره كلها ، لو شريفه خانتنى تانى .. هديحها واشرب من دمه .

(يدخل فكرى وصديق)

فكرى: انت جايينى فين يا صديق ؟

صديق: سكة ابوزيد كلها مسالك . تعالى نخرم من هنا .

فكرى: دى حاره سد . تعال نرجع .

صديق: انا رجليا ورمت م المشى ، نرتاح خمسه ونشرب حاجه تبل ريقنا .

فكرى: حاسب دا فيه وحله .

صديق: شمر البطلون .

مسعد: منورين ياعسل . طلب البهوات .

صديق: اتنين شاي بالنعناع .

مسعد: وجب .. وعندك اتنين شاي فى الخمسينه ونعنه .

فكرى: اف ريحة نتانه لاتطاق ، ( وهو يهش الذباب ) وايه الدبان دا كله

؟ جه ملين ؟

صديق: ماجاش . دا ساكن هنا ، معلى كلها خمسه نشرب الشاي ونقوم .

ماتقلع الكاميرا التي ف رقبتهك دى . مابتتعيش من شيلها طول  
النهار ؟

فكرى : خدت على كده .

صديق : لما انت غاوى تصوير للدرجة دى مااشتغلتش مصور وريحت نفسك  
ليه ؟

فكرى : هكره التصوير من تانى يوم . لكن دى هوايتى من صغرى .

فاضل معايا صوره فى الفيلم . اصور ايه .. اصور ايه ؟

صديق : كفايه، انت ماشبعتش من تصوير الجوامع والاسواق والاثار القديمه ؟  
صديق : رايح فين ؟

فكرى : ارمى العلبه الفاضيه .

صديق : ارميها فى الارض، ماكلها زباله .

فكرى : وليه ياخى مافيه صندوق زباله اهو . انت عايزنى اعمل زيهم ؟  
( يتحرك لصندوق القمامه ويلقى العلبه بداخله فترتد  
له ) .

( فكرى يبدو عليه الدهشه ويلقيها ثانياً فترتد له ايضا  
ويسمع صوتاً من الداخل )

صوت : ابن كلب مين اللي بيرمى علينا الزباله ؟ انت يا حمار ياللى فرق .  
( يطل رجلا برأسه من الصندوق )

الكناس : انتوا عمركوا ما هتتضفوا يا حوش ؟ هى الوساخه طبع فى دمكم ؟  
فكرى : انا اسف معرفش ان فيه حد ساكن هنا .

الكناس : ( وهو يبصق على الارض ) جتكم القرف . اتفوه .  
فكرى : ماقلت لك متأسف ..

صديق : ( مقاطعاً ) خلاص . كويس كده ؟ قلت لك ارميها فى اى حتة .  
انت فاكرك نفسك فى اوربا ؟

(الرجل على المائدة ذات المظله يستيقظ ويتمطى)

نزيهه : القهوه يامسعد .

مسعد : عنيا يالسااذ متعاص . وعندك قهوه مضبوط للمتعاص .

(المتعاص يقلب اليافته فترى مكتوب عليها ) مكتب

تسهيل الرشاوى ادارة نزيه امين المتعاص , ليسانس

حقوق )

المتعاص : بسم الله الرحمن الرحيم , يارزاق ياكريم , استعنا ع الشقا بالله .

فكرى : مكتب تسهيل الرشاوى ؟ كويسه هاهى .

صديق : دا تلاقية راجل لاسع , الاشكال دى منها كثير هنا .

فكرى : اصوره .

صديق : بلاش ..

(الرجل يخرج من الصندوق ويفترش الارض ويلم من

القمامه المحيطه به بعض الاكياس , يفتحها ويخرج منها

بقايا طعام متعفن ثم يحيط رقبتة بفوطه و يخرج شوكة

وسكينه ويشرع فى الأكل)

الكناس : الشاى يامسعد خلينا نبلع اللقمه .

مسعد : ايوه جاى .

فكرى : (بدهشه) الحق يا صديق , الراجل بياكل الزباله .

صديق : وانت مالك , هتبص للراجل فى اللقمه ؟

الكناس (يتوقف عن الاكل وينظر لهما) بسم الله , اتفضلوا .

صديق : تعيش .

فكرى : اهو المنظر دا بقى لازم اصوره .

صديق : بلاش , دا راجل غجرى , ابعد عن الشر وغنى له .

فكرى: أحتة دى غريبه قوى , كل حاجه فيها هنا تتصور .

صديق: ماهو حى عشوائى . انت مش من هنا ولا ايه ؟ (ثم يلاحظ ان

عربى يزوم) بس كل الناس هنا طيبين واخلاقهم عاليه .

(تظهر شريفه وخلفها التاجر)

شريفه: سا الخير عليكم , قهوه ياد يامسعد , والشيشه بتاعتى .

فكرى: هى دى تبقى .....؟

صديق: ايوه تبقى ... امال شكلها كده ؟

فكرى: يعنى ... من اسمهم ايه دول ؟

صديق: عليك نور . اى خدمه ؟

فكرى: اه . ياريت نفسى .

صديق: ليه هو انا من اياهم ؟

فكرى: نفسى اصورها , ماتفهميش غلط .

صديق: دا انت نفسك حلوه . بلاش .

عربى: اتأخرتى ليه يا شريفه ؟

شريفه: حكم الشغل يا عربى , مش بأيدى .

عربى: هو كل يوم حكم الشغل , حكم الشغل ؟

شريفه: بقولك ايه .. انا راجعه طهقانه ومش طايقه حد .

عربى: من ايه بقى ؟

شريفه: حيلى مهدود وعرقانه وعائز استحمى , اوعى

عربى: لاء مش شريفه اللى تعمل كده .

(ثم يدخل خلفها محل الفيديو)

مسطول ٢: ماقولتايش , كنا بنقول ايه اوله امبارح ؟

مسطول ١: كنا بنقول ع اللى حصل امبارح



مسطول ٢ : اسكت ..

مسطول ١ : ايه ؟

مسطول ٢ : مش طلع انه محصلش لسه .

مسطول ١ : يانهار زى بعضه . انا كنت فاكركه هيحصل .

مسطول ٢ : بس ولا يهكم , مسيره فى يوم .. ما يحصلش .

مسطول ١ : قديمه ... هيءىءهاهاى .

فكرى : يعنى ايه تسهيل رشاوى يا اخ ؟

المتعاص : نرشو ونرتشى ونتوسط , هدايا , تسليك , تخليص بضائع بدون  
جمرك الخ . نسهل جميع المخالفات . مخالفة مباني مخالفات  
عقارات . وقوف فى الممنوع , اعطاء تراخيص مضرويه . منح  
تخصيصات اراضى . تخفيض ضرائب . رشاوى محليه ورشاوى  
دوليه . دفع عمليات سرية . رشوة حكام محليين واجانب تفويت  
مباريات كوره قدم وخلافه .

فكرى : ياسلام .. كده فى عز الضهر وعلى عينك ياتاجر ؟

المتعاص : مستغربين ليه ؟ مالرشوه موجوده فى كل الدنيا .

فكرى : ايوه , لكن مستخبيه .

المتعاص : ماهودا كان عيينا , احنا دلوقت فى عصر الحريه , عصر الشفافيه .

عدنان : على فكره الرشوه دى لها مهمه اجتماعيه واقتصاديه خطيره ..

مصطفى : ياسلام ؟

عدنان : طبعا . دى نوع من التكافل الاجتماعى . اللى بيرشى بيبقى عنده

فائض من الاموال . واللى بيرتشى بيبقى غلبان ومحتاج الرشوه .

مصطفى : عندك حق .

شباب ١ : واللى ماحيلتش حاجه , يدفع رشوه منين ؟

**المتعاص:** يستلف، يعمل جمعيه ، المهم لما يدفع هياخذ اكثر ، ويعدين مسيره  
زى مادفع هو كمان يجيى له يوم ويرتشى . انتوا داخلين القرن  
الواحد وعشرين ، فوقوا ويطلوا تخلف .

**فكرى:** انت بتخرف . الرشوه ضد القانون ياحضرة .

**المتعاص:** وهى المخدرات مش ضد القانون ؟ اشمعنى مصلحة الضرايب  
بتاخذ ضرايب من تجار المخدرات ؟

**صديق:** تصدق انها وجهة نظر برضه .

**فكرى:** ايه ؟

**صديق:** (متظاهرا بالمزاح) هاهى . بهزر .

**فكرى:** والحكومه هتسيبه يعمل كده ؟

**المتعاص:** مش احسن ما الحكومه تقف تتفرج وماتستفدش حاجه ؟ لما القانون

يفرض غرامه على عربيه واقفه فى الممنوع خمسين جنيه ، بيجى  
العسكرى ياخذخمسه جنيه ويفوت العربيه ، العسكرى استفاد  
وصاحب العربيه اتهرب ، الحكومه استفادت ايه ؟ لكن لما الرشوه  
تتم عن طريقى ، هدفع للحكومه ضريبه مبيعات .

انت مش بتغير عمله فى البنك ؟ بتغير عمله فى مكتب صرافه ؟  
اهو مكتبنا دا زى مكتب الصرافه تمام .

**فكرى:** سيبك منه دا بيخرف ، محدش هيسمعه .

( للجالسين ) بذمتكم انتم ، حد يصدق ان الحكومه توافق ع

الكلام دا ؟

**عسرى:** لاء طبعا ، الحكومه ماتعملش كده .

( يتحرك له ) بالحق . انا عليا قضايا ضرب وسرقه واتلاف واحكام

كثيره ، كلها ظلم . وشرافك انت ظلم . تقدر تطلعنى براءه ؟

**المتعاص:** لاء طبعاً . الا الاحكام، مقدرش اغير لك الاحكام، لكن ممكن النى  
لك القضايا كلها .

**عربى:** يبقى احسن . بس ازاي ؟

**المتعاص:** رشوه لساعى المحكمه يرمى عود كبريت يحرق لك ملفات القضايا  
كلها . تطلع منها وينوبك ثواب فى بقية اخوانك المظلومين . هات  
لى بياناتك .. وخمسين جنيه .

**عربى:** هوا . بت يا شريفه ، خدى بالك م المحل، انا واصل مشوار وراجع  
دوغرى .

(يخرج عربى)

**شريفه:** وانا .. انا نفسى اتعين مسيحه فى التليفزيون . شوفى لى واسطه .

**المتعاص:** اه جيتى فى الصعب، مش كل حاجه يتمشى بالرشوه .

**شريفه:** ياسلام ؟ يعنى المبيعات اللى تخن كده ووشهم استغفر الله  
وما بيعرفوش ينطقوا جملة، اتعينوا من غير رشوه ؟

**المتعاص:** طبعاً، لانهم قرايب المسئولين فى التليفزيون . ومع ذلك ممكن بس  
تدفعى رشوه كبيره .

**شريفه:** منين يا حسره ؟

**التاجر:** انا تاجر جزم . ومع ذلك لسه محدش استضافنى فى برامج  
التليفزيون لحد دلوقتى .

**المتعاص:** استدى . لقيناها ، حضرتك تدفع للست عشان تكمل حق الرشوه  
وتبقى مذيعه، وساعتها تستضيفك فى التليفزيون .

**التاجر:** ممكن تستضيفينى، ولا انا ثقيل عليكى ؟

**شريفه:** هى هى اتفضل، عايز فيلم ايه ؟

**التاجر:** امراه واحده لا تكفى، نساء صعاليك .

شريفه : بس كده ؟ عنيا . وطلبك ايه كمان ؟

التاجر : عندك ملف فى الاداب ؟

شريفه : عندى . كله موجود فى المخزن , خش اتفرج ونقى الى يعجبك .

( شريفه تدخل المحل والتاجر خلفها )

المغنى : ( يغنى ) ايوه ياواد خدت الاموره , ايوه ياواد وعرفت تنقى

فكرى : لاء الحكاياه دى مش داخله دماغى .

صديق : مادخلت خلاص .

فكرى : مش ممكن الحكومه تسمح بحاجه زى كده .

صديق : والحكومه مالها ؟

المتعاص : يعنى ايه بننصب ؟ انا معايا تصريح بمزاولة المهنة , خد علقه

يابنى عشان يخرم عين التخين .

فكرى : ازاي يدوك تصريح زى ده ؟

المتعاص : الا ازاي . دفعته رشوه فى مكتب الحى . وادى الوصل .

صديق : ( يقرأ ) وصل من السيد نزيه امين المتعاص , مبلغ وقدره خمسة

الاف جنيه قيمة رشوه للتصريح لسيادته بمزاولة مهنة تسهيل

الرشاوى . وفيه خمس امضاءات وختم .

المتعاص : وحياتك دفعت فوقهم رشوه ثلاث الاف كمان بره الرسمى .

ماعدش فيه ذمه .

( البعض ينهض ويتقدم له )

المتعاص : لاء بنظام من فضلكم . بالدور . طلباتك .

صديق : كويس كده , اهو كان قاعد ينش , انت الى لفت نظرهم له .

شاب ١ : انا عايز واسطه اتعين فى الحكومه .

المتعاص : انت عاطل ؟

شاب ١ : لاء انا محمد .

المتعاص : آه انت غبي .

شاب ١ : لاء انا كهريائي . عندي محل .

المتعاص : انت منور .

شاب ١ : لاء انا عايز يبقى لى ماهيه ثابتة وحوافز واوفر تايم وتأمينات ومعاش .

المتعاص : حاضر . اعينك فى الحكومه . بس هتدفع لى انا مرتب اول ست شهر . ومرتب سنه لمدير المصلحه اللى هتعينك .

شاب ١ : طيب ، بس بشرط تكون شغلانه مافيهاش اى شغل . امال مين اللى هيشوف المحل ؟

الكناس : انا عايز اعزل واسكن فى الزمالك ، تقدر تنقل لى الصندوق هناك ؟  
المتعاص : ممكن بس هتدفع خلو خرابه .

شاب ٢ : انا عايز اخش طب ، بس مجموعى خمسين ف الميه .

المتعاص : بسيطه ، خش معهد تربيته بدنيه ، وانا اجيب لك شهادة دكتوراه فى الجمباز ، وتوماخذت دكتوراه تفتح العياده اللى تعجبك .

عدنان : انا لى خدمه عند مسئول . اوصل له ازاى ؟

المتعاص : عندك طريقين ، الاولانيه تمدح المسئول ده بمقاله ، ينبسط ويقربك له . طشك ، تكتب مقاله ثانيه ، تشتمه فيها ، يعمل حسابك وينفذ لك طلبك .

عدنان : امال الرشوه هتدفعها لمين ؟

المتعاص : للجرنان اللى هيتشر لك المقال .

عدنان : وافرض مدحته مادنيش . شتمته ماهموش .

المتعاص : اه دا يبقى من المسئولين اللى دمهم تغيل ، دا تصبر عليه ، هما شهرين تلاته ويعدين تلاقيه اتشال لوحده .

**المغنى:** انا عايز اغنى، فى حفلات الاذاعه والتلفزيون .

**المتعاص:** (يتأمل شكله بقرف) ارقص

**المغنى:** لاء ، انا بعرف اغنى بس .

**المتعاص:** طب سمعنى صوتك .

**المغنى:** (يغنى) «بحلم بيك انا بحلم بيك وبأشواقى مستنيك وان ماسألنش  
فيا ،

**المتعاص:** شوف يابنى انا هكلمك بصراحه . الا الفن ، اهو دا الشىء الوحيد  
اللى ماتنفعش فيه الواسطه ولا الرشوه .

**المغنى:** بس انا كل الناس بيقولولى ان صوتى كويس وسليم ، لا انا بخنف  
ولا بلدغ .

**المتعاص:** يبقى مهما دفعت مش هتاخذ فرصتك .

**المغنى:** ليه بقى ؟

**المتعاص:** هتدفع عشر تلاف عشان يخلوك تغنى ، بقية المطربين هيدفعوا  
عشرين الف عشان ماتغنيش .

**المغنى:** «ظلموه .. ظلموه» ..

**مصطفى:** فريق الشركه بتاعتنا هيلعب ماتش مع الاهلى ونفسى نعمل نتيجته  
كويسه .

**المتعاص:** عندك طريقتين . الاولانيه نرشى لك كام لعيب من اللعيبيه  
بتوعك .

**مصطفى:** نرشى اللعيبيه بتوعى انا ؟

**المتعاص:** ايوه عشان يلعبوا كويس ، الحل الثانى نرشى لك الحكام ، واحتياطى  
نرشى لك كام معلق رياضى يقول الاجوان اللى دخلت فيكم ظلم  
والحكم الفرنساوى اهلاوى لقيتوا روحكوا انقلبوا ، انسحبوا  
وماتكملوش الماتش .

**مصطفى:** اتحاد الكوره يوقفنا وينزلنا درجه ثانيه .

**المتعاص:** نغير القانون ونخلى لك العقوبه مجرد غرامه، وبعدين صهين وما تدفعش، وكلها يومين والناس تنسى . ولعلمك بقى دى حصلت، وانا اللي مخلصها .

**فكرى:** انتوا ساكتين ع الراجل ده ليه ؟ حد يبلغ المسئولين .

**المتعاص:** قابلنى لو حد منهم رد عليك . ثم فرضا قدرت تقفل لى المكتب ده، الرشوه هتختفى ؟ احوال الحته هتتصلح ؟

**مصطفى:** اه والله بيتكلم صح .

**فكرى:** الجدع دا فور دمي ، ياللا بينا .

**صديق:** طب احاسب ع الشاى الاول .

**فكرى:** (مشيرا للمسؤولين) هما الاتنين اللي هناك دول ببيلقوا فينا كده ليه ؟

**صديق:** لا ببيلقوا ولا حاجه . دا انت اللي بيتهيا لك اكمهم مساويل . مش شايف عينهم مدخمسه ازاي .

**فكرى:** (ينظر حوله) منظرهم انتيكة قوى، اخذ لهم الصوره اللي فاضله فى الفيلم . (ثم لمسه) قولى لو خدت صوره للجماعه دول ما يضايقوش ؟

**مسعد:** (ضاحكا) مش لوحسوا، خدبراحتك دول قاعدين يحششوا من اول امبارح العصر .

**فكرى:** ببششوا ؟

**شاب ١:** اه، اصلهم دقه قديمه، مالهمش فى البانجو .

(فكرى يقترب من المسؤولين)

**فكرى:** ميه مسا ..

فكرى : دخلت هنا .

صديق : وانت مالك ؟

فكرى : مش ببسألى ؟ المفروض مابقاش سلبى زيهم .

عبرى : انت متأكد يا اخينا ؟

فكرى : ايوه طبعا .

مسعود : روق كده يا عربى .. تشرب عتاب ؟

عبرى : لاء . انا هشرب من دمها . هذبها .

( عربى يتجه داخل المقهى )

صديق : عاجبك كده ؟ انبسطت ؟

فكرى : وانا اعرف منين انه عايز يتخانق معاها ؟

صديق : وانت مالك ؟ تتدخل من اصله ليه ؟

( عربى يظهر وهو يجرها من شعرها )

عبرى : فوتى قدامى .

شريفه : الحقونى ياناس .

فكرى : هلسيه يضربها ؟

صديق : تانى ؟ ماقولنا مالكش دعوه .

شاب : اتزنقت فى خانه اليك .

مصطفى : استغفرالله العظيم يارب .

عدنان : عندنا فى الخليج لايمكن تشوف المتاظردى ابدا .

مصطفى : طب هات لى انت بس عقد العمل وانا احلى لك بقك .

شريفه : حرمت يا عربى . ماعدتش اعمل كده تانى . احلف لك بشرفى

حرمت .

( يخرج سكيناً ) اخرسى يا فاجره . هذبها واغسل عارى .

عبرى : خليكوا شاهدين .



قدیمه .. هیء هیء هاهاى .

مسطول ۲ : تأنفس ؟

مسطول ۱ : شكرا .. تتصور ؟

فكـرى : اتصور اى حاجه . هیء هیء هع .

مسطول ۲ : وحضرتك ؟

فكـرى : انا اتصور العمى ، ولا اتصور كش هیء هیء هع .

مسطول ۱ : طب بصوا ناحيتى . ياه الفلاش لسه بيشحن . لحظه واحده . خليكوا

فكـرى : زى مانتوا .

(المسطولان يجمدان حركتهما)

لاء ارتاحوا ، مقصدش تتخشبوا كده .

فكـرى : مش بمزاجنا .

مسطول ۲ : (عربى يعود)

(للمتعاص) اتفضل ، ادى ورقى كله .

عـربى : (تسمع ضحكه لشریفه من الداخل)

(عربى يلتفت ويدخل المحل)

مسعد : ياستار .. يا حليم .

(التاجر يخرج مهرولا حافيا وهو يكمل ارتداء ملابسه)

التاجر : الاقى جزمه ؟ عايز حد يدبنى جزمه .

( اكثر من شخص يخلع حذاءه ويهم بضربه )

التاجر : مش عايز .

(يخرج ثم تظهر شریفه مهروله وتختفى داخل القهوه)

عـربى : راحت فين البت شریفه ؟

مسعد : ماخذتش بالى يا عربى .

شـاب ٢ : راحت عليك العشرة .

(عربي يدفعها داخل محل الفيديو ويفلق بابها)

فـكرى : (وهو يرتجف) الحق بيقولك هيدبحها .

صـديق : ماتصدقش دى جعجه ع الفاضى . ويعدين دى حلفت له بشرفها .

فـكرى : بس داف ايده سكينه . افرض عملها بجد .

صـديق : واحنا مالنا يافكرى ؟ (ثم للجرسون) هو دا يبقى جوزها ؟

مـسعد : (وهو يرفع صينية الشاى) لاء اخوها . بس بنت حرام ولا مؤاخذه .

فـكرى : (يتصل بالمويابل هامسا)

صـديق : انت بتعمل ايه ؟

فـكرى : ريحت ضميرى ، اتصلت ببوليس النجده وبلغت ان فيه جريمه  
هتحصل فى حارة المنصور .

صـديق : طب ياللا نمشى بسرعه من هنا .

فـكرى : اظمن ماقولتش اسمى (يتحرك ثم يقف) لحظه واحده انا نسيت  
اخذ الصوره (المسطولين) استعدوا ، ابتسموا عشان الصوره تطلع  
حلوه . ماتكشروش .

مـسطول ٢ : مش بمزاجنا .

(يظهر طاهر يحمل جريده وحزمة جرجير)

طـاهر : سلامو عليكمو يارجاله .

عـدنان : وعليك السلام وزحمة الله وبركاته ، اتفضل يا مسى طاهر .

طـاهر : شكرا .. شكرا .

(تطل زوجة طاهر من الشرفه)

زبـيده : (من النافذه) اتأخرت ليه يابو تامر ؟ دا الطبخ برد . مش

هتبتل عوايدك دى ؟

طاهر: خشى ياوليه ماتقفيش فى الشباك .

زيبيده: حاضر (وتظل واقفه مكانها)

(يهم بدخول منزله بينما فكرى يلتقط لهما الصوره)

(فيتوقف ويلتفت)

فكرى: واحد.. اثنين .. ثلاثة . شكرا ..

صديق: ياللا بينا بقى يافكرى .

طاهر: لوسمحت يااخ .. انت .

فكرى: (يتوقف) انا ؟

طاهر: ايوه . اللي عملته حضرتك ده ؟

فكرى: عملت ايه ؟

طاهر: مين اللي سمح لك تصور الجماعه دول ؟

صديق: مش انا .

فكرى: (يرتبك) هما قرابب حضرتك ؟

طاهر: لاء ياسيدى مش قراببى . لكن اهل حتى . وانا امنعك نلقط صوره

زى دى تسمى لاهل حتى .

صديق: (ملطفا) طب وهو حصل ايه يعنى ؟

طاهر: دا بيقرلى حصل ايه ؟ حصل انهم محششين زى ما انت شايف .

ولامالكش عينين ؟

فكرى: وهو انا اديتهم الحشيش وقلت لهم حششوا ؟

صديق: طب نتعرف . انت مين سيادتك ؟

عدنان: حضرتته الاستاذ طاهر موظف فى وزارة العدل .

طاهر: تسمح تورينى الكاميرا دى ؟

فكرى: لاء طبعا ما اسمحش .

طاهر: انالحد دلوقتى بتكلم معاك بالذوق .

فكرى: غصب عنك تتكلم بالذوق، هو انا بشتغل عندك ؟

شريفه: ( من الخارج ) الحقونى ياناس .

طاهر: لاء دا انت غتيت بقى .

صديق: طب بس اتفضل أقعد ونتفاهم .

فكرى: ( لصديق ) نتفاهم على ايه انت راخر؟ سيبك منه وبالاينا .

طاهر: خد هنا ياله، انت فاكرها وكاله من غير بواب ؟ مافيش قانون ف البلد ؟ مافيش رجاله ؟

زييده: فيه ايه ياطاهر ؟ عملك ايه الراجل ده ؟ قولى بس .

طاهر: ( بقوة ) مالكيش دعوه انتى ياولييه . خشى واقفلى الشباك .

زييده: ( بخنوع وطاعه ) حاضر. ( لكنها تظل واقفه ) .

( يتجمع حولهما البعض )

عبدنان: اهدوا بالله ياخوانا . تسمح يااخ توريه بطاقتك ؟

فكرى: بطاقة ايه، هوانا صورت سرحربى ؟ دول اتنين قاعدين ع القهوة ، اسألوهم، لو متضايقين انى صورتهم ، مستعد احرق الفيلم كله قدامكم .

مصطفى: نسألهم ازاى وهما اخر سطل ؟

طاهر: لاي مزاجك ولاي مزاجهم . دى حاجه تخصصنا كلنا . واذا بليت

فأستقروا واللى يصور المناظر دى يبقى اكيد مش مصرى .

فكرى: ( يعضب ) انا مصرى غصب عنكم .

زييده: ( تشخط فى فكرى ) انت بتتزرين ع الراجل كده ليه ؟ ماتاخده قلمين احسن .

طاهر: ( بقوة ) خشى ياولييه بقولك واقفلى الشباك .

زبيده: (بنفس الخنوع) حاضر (وتظل واقفه).

عدنان: يعنى يااستاذ يرضيك الناس ف بلاد بره يقولوا علينا بلد حشاشين ويشوهوا صورتنا كلنا ؟

فكرى: دى صورة اتنين، هو انا صورت الشعب المصرى ؟ ويعدين مالالعالم كله ييشرب مارايجوانا وكوكايين وهيروين. اشمعنى احنا اللى يقولوا علينا ؟ صورتى انا اللى هتعمل دا كله ؟

طاهر: (بأنتصار) اهو الحمد لله اعترف انه ناوى ينشرها.

زبيده: (تزغرد)

عدنان: لما انت بتقول انك مصرى، مفروض يكون عندك نخوه . انا اشتغلت فى الخليج . ولما كانوا يعرضوا فى التلفزيون فيلم مصرى فيه رقص ومخدرات ..كنت بروح الشغل تانى يوم ورقبتى قد السمسمه واسمع التريقه والغمزواللمز، مقدرش افتح بقى، اللى بيعملوا الافلام دى لا فنانين ولا عندهم ذرة وطنيه ولاغيره على بلادهم . بقى مصر غرقانه فى المخدرات والجنس ؟

فكرى: (بعضبيه) هو انا الفت ولاهيبب ؟ اناخذت صورته الواقع .

طاهر: بس الواقع مش كده .انا امنعك تقول ان الواقع كده ؟ ماتقول . انكلم لورا جل .

فكرى: (بتعب) ياعم الله يهديك اناماليش دعوه بالسياسه انا راجل هاوى تصوير بمشى بالكاميرا والمنظر اللى يعجبني بصوره .

طاهر: (بسخرية) وايه اللى عجبك فى منظر اتنين بيحششوا ؟ عمرها ما حصلت ؟

فكرى: طب ماتقولوا لنفسكوا، لماهى مش حاجه غريبه مضايقاكوا ليه ؟

طاهر: عشان مايصحش ننشر غسيلنا الوسخ .

صديق: واللى هيشوف الصورة دى هيعرف ازاي اذا كان اللي فى الجوزه  
معسل ولا حشيش ؟

طاهر: ولو .. برضه شبهه .

فكرى: تكونوش فاكرنى بشتغل مع المباحث ؟

مسعد: لا احنا عارفين بتوع المباحث كلهم واحد واحد , دول ناس اشراف ,  
وما يمشوش بكاميرا , يمشوا بجرنان مخروم .

فكرى: (بتعجب) طب خايفين من ايه ؟ احلف لكم على مصحف انى  
مش هبلغ عنهم ؟

طاهر: تبليغ , ماتبلغش . مالناش دعوه , وريلى البطاقة بتاعتك .

(يأتى صوت شريفه وهى تصرخ متوجعه بصوت  
متحشرج) .

فكرى: الحقوا فيه جريمه هتحصل .. مش سامعين ؟

طاهر: ماتحاولش تغير الموضوع .

صديق: (يهمس لفكرى) ماتعندش ولم الحكايه .

طاهر: شفتم ؟ مش عايزيورينا البطاقه , ايه رأيك بقى ان شكلك مش  
مصرى ؟

فكرى: (يفعل اكثر) بقولك انا مصرى غصب عنك .

مسعد: انا اول ماشفته لابس بنطلون جينس قلت دا خواجه .

صديق: طب مانت .. قصدى حضرتك لابس جينس .

مسعد: دا مش بتاعى , انا شاحته .

صديق: وريهم البطاقه يافكرى .

فكرى: هو انامتهم ؟ حاضر . ادى الباسبور . ارتحتم ؟

مسعد: باسبور ؟ يعنى خواجه .

فكرى: كنت فى بعته ولسه راجع .

طاهر: ( ينظر فيها ) بتدرس كمبيوتر ؟ ولما انت مش صحفى. بتصورهم  
بتاع ايه ؟

فكرى: اناحر .

طاهر: ( بخطوره ) مدام مش صحفى تبقى جاسوس .

فكرى: انا مالسمحكش، انت فاهم .

صديق: امسك اعصابك يافكرى .

فكرى: انت مش سامعه بيقول ايه ؟

صديق: وانت عيب يا حاضرة تغلط مايصحبش تتهمة بحاجه زى دى من  
غير دليل .

طاهر: الدليل اهو، الكاميرا اللى فى ايده .

صديق: اديهم الكاميرا يافكرى .

زيبيده: ماتحرقش دمك ياطاهر انت عندك ضغط .

طاهر: ( بروتينيه ) خشى ياوليه ماتتكشفيش ع الرجاله .

زيبيده: حاضر، بس ماتسكتلوش ابن الهرمه دا، اقطع له لسانه من لغلوجه،  
عرة الرجاله اللمامه .

فكرى: سكت مرانك دى .

طاهر: ماتجيش شيرة حريمى على لسانك لحسن مش هيحصلك طيب .

عسدنان: ايه اللى دخل الحريم بينا دلوقتى ؟

مسعد: ماتغلطش بقى، عيب . انت مزين ياله ؟

مصطفى: ( بتشنج ) احفظ ادبك، الا الحريم .

فكرى: هى اللى شتمتنى .

عسدنان: كلمنا احنا .

الكناس: (ينفض فاردا صدره) انت ماحدش مالى عينك ولا ايه ؟  
 (البعض يمسك به) انا هفهمه غلطه بس .  
 فكرى: (وهو يتراجع) محدش يقرب منى .  
 طاهر: (وهو يضرب الهواء) نزل ايدك لاقطعها لك .  
 المتعاص: (همسا لصديق) بريزه واخرج لك صاحبك سليم بالفيلم بتاعه .  
 صديق: ماشى . ازاي ؟  
 المتعاص: دى ناس طيبه وانا عارفها، اهرش فى جيبك .  
 (ياخذ ورقه من صديق ثم يتحرك للجمع) مش كده . وحدوا  
 الله يا اخوان .  
 الكل: لا اله الا الله .  
 المتعاص: الشاب مش من هنا، لكن باينه مؤدب وابن ناس ومكانش يقصد ،  
 ويا بخت من قدر وعفى والمسامح كريم .  
 طاهر: وانت شفتنا بنقول ياشر ؟  
 المتعاص: يبقى خلاص يا استاذ طاهر حصل خير . والجدع مستعد يعتذر للكل .  
 المتعاص: (لفكرى) ياللا حب على راس الاستاذ طاهروبوس جزمته وقوله  
 حرمت ..  
 فكرى: اعتذر وابوس راسه دا ايه ؟ انا ما غلطتش :  
 صديق: خلاص انا حرمت وادى جزمته (ويقبل رأسه)  
 طاهر: كده ؟ يبقى مش هتخرج من هنا بالفيلم . (يمسك به ويصيح  
 فيمن حوله) حد ينده البوليس من ع القهوة ، (ويعد يده يريده  
 انتزاع الكاميرا منه) .  
 صديق: اديهم الفيلم يا فكرى .  
 فكرى: مش هديهم الفيلم، انا حر .



**عدنان :** انا متبرع لك بتمن فيلم جديد , بس دا تحرقه قدامنا .  
**فكرى :** احرق ايه هو انا ماصورتش غيرها ؟ دا فيلم فيه ٣٦ صوره .  
**طاهر :** اه وقع باسانه . يا عالم مصورايه كمان . مش بعيد يكون صور كوم الزبالة عشان يقولوا الحته بتاعتنا قذره .  
**الكناس :** اشمعلى هنا ؟ ماكنت تروح تصورفى الزمالك ولا المهندسين .  
**طاهر :** اقطع دراعى ان ماكان الصوره دى هيديها لوكالة انباء اجنبية عشان يفضحونا .

**عدنان :** اعترف .. مصورايه كمان ؟  
**فكرى :** مصورالى مصوره ، محدش له يحقق معايا .  
**طاهر :** يبقى تيجى معايا القس وتقول الكلام ده قدام النيايه .  
**فكرى :** اروح معاك القسم , هو انا هخاف ؟ ياللا بينا يا صديق .  
**صديق :** انا عندى ميعاد .

### ( يظهر امين شرطه )

**مسعد :** كويس اهو حضرة الامين جه لوحده .  
**الأمين :** ايه ؟ فيه ايه ؟  
**الكل :** ( يتحدث فى نفس الوقت ) .  
**الأمين :** بس ، مش ميت واحد يتكلم فى نفس واحد ( الكل يسكت )  
 ايه بقى الحكايه ؟ ماتتكلما  
**الكل :** ( يتحدث فى نفس الوقت )  
**الأمين :** بس يا عجر .  
**زبيده :** حاضر .

**الأمين :** لعلمكم .. احنا عارفين كل حاجه , وبالا ماره فيه جريمه هتحصل بعد شويه . احنا مش نايمين , احنا جلانا بلاغ بكل حاجه . مين فيكم بقى الى بلغ وازعجنا ؟ نفسى اعرفه .

صديق: (هامسا لفكرى) ازای الحال ؟  
 الأمین: مش عایزین تنکلموا ؟ انکلمی انتی یام تامر .  
 زبیده: حاضر .  
 طاهر: انا .. انا کنت لسه ناوی ابلیغ یافندم .  
 الأمین: انکلم . ایه معلوماتک ؟  
 طاهر: الاخ ده ظبطته بیاخذ صوره للاتنین دول وهما بیحشوا .  
 الأمین: کویس وبعدين ؟  
 طاهر: قلت له بالذوق یخرج الفیلم ویحرقه عشان مایسیئش لسمعة البلاد .. رافض تماما یافندم ... مش کده یارجانه ؟  
 الأمین: (مقاطعا) بس خلاص فهمت (لفكرى) الکلام دا صحیح ؟  
 فکری: ایوه انا معترف انی صورتهم ، لکن نیتی کانت سلیمه .  
 الأمین: لحظه واحده بقى . محدش یتحرك من مکانه  
 (و یتحرك للمسؤولین) ورنی الجوزه دى .  
 مسطول ۲: ادى له یأنفس ؟  
 مسطول ۱: ماتسألش فیه دا عمره ما وجب معانا .  
 الأمین: (بخطوره) فعلا دى فیها حشیش .. وصنف کویس  
 صديق: الحمد لله ، طلعت منها یافکری .  
 فکری: بس انا ماکنتش عایزهم یتأذوا بسببى .  
 الأمین: (لفكرى بقوة) سین .. ماهو الهداف من تصویرک لاتنین  
 بیحشوا ؟  
 فکری: ایه ؟  
 صديق: بس ساعة ماخذ الصوره ماکنوش بیحشوا یافندم .  
 الكل: لاء . کانوا بیحشوا .

**مسعد:** انا برص لهم الحشيش من اوله امبارح . ومستعد اشهد بكده .

**الأميين:** (لفكرى) الشهود كلهم ضدك . اعملك ايه ؟

**المتعاص:** (همسا لصديق) بريزتين وسيبنى اتفاهم مع الامين وتنقضى الشغلانه .

**صديق:** خالصا (يناوله نقودا)

**المتعاص:** لو سمحت لحظة يا حضرة الامين (ويأخذه الى جانب ويهمس له)

**فكرى:** فيه ايه يا صديق ؟

**المتعاص:** مافيش سيني انا احلها لك بطريقتى .

**الأميين:** (ينظر تجاه فكرى) الاستاذ يبقى قريب حضرة الظابط محمد بيه ؟

**المتعاص:** ايوه .

**الأميين:** (لفكرى) ولما حضرتك من عيله ، مش كنت تقول كده م الاول ؟ وازى حضرة الملازم محمد بيه دلوقتى ؟

**فكرى:** محمد بيه مين ؟ ..

**صديق:** جوز بنت خالتك يا أخى .

**فكرى:** مافيش فى عيلتنا ظباط خالص .

**المتعاص:** والله هو اللي قالى كده يا حضرة الامين (لفكرى) يعنى كنت بتدعى كذب ان قرابيك ظباط وبتهددنا ؟ لاء تستاهل اللي يجراك بقى .

**صديق:** يا فندم اصله غريب ع الحته ومكانش يعرف انهم بيحششوا .

**عسدنان:** ماهو باين من منظرهم انهم مساطيل ، انتوا هتستعبطوا ؟

**فكرى:** ايوه كنت عارف انهم بيحششوا وصورتهم ، عايزين ايه ؟

**طاهر:** سجل انه اعترف ياقتدم .

**الأمسين:** دا احنا ياللى اسمنا شرطه , مانقدرش تصور حد غير بأذن نيابه .

انت ياله ماسمعتش عن حقوق الانسان ؟

**صديق:** (بانفعال) وهو اللي هيشوف الصورة دى هيعرف منين , اذا كان

اللى فى الجوزه محسل ولا حشيش . هى الصور بريحه ؟

**الأمسين:** انا قلت لك تتكلم ؟ اخرس خالص .

**صديق:** سامنر .

**البنعض:** ماهو دا راخر معاه , ويحامى له .

**الأمسين:** (يلتفت له بحركه مفاجئه) انت اللي حرصته ياخذ الصورة ؟

**صديق:** (بفزع) انا ؟ لاء طبعا .

**الأمسين:** ع العموم كل شىء هيبان فى التحقيق .

**صديق:** انله طب وانامالى ؟ انا مجرد شاهد .

**فكرى:** بتبعلى يا صديق ؟

(صوت شقيقه وهى تصرخ اعلى من كل مره)

**الأمسين:** (يتحدث فى جهاز اللاسلكى)

**مسطول ٢:** دا باين فيه عركه .

**مسطول ١:** (ينظر للموقف ثم لزميله) مات لندن نفهم ايه الحكايه .

(مسطول ٢ يشغل راديو ترانزستور فينطلق صوت المذيع)

**الصوت:** هنا لندن .. مازلنا سيداتى سادتى نذيع عليكم نشرتنا الاخباريه . فى

القاهره يتم التحقيق الان مع رجل بتهمة تصوير بعض اللقطات

اللى تسمى - حسب اقوال رسميه - الى السمعه الوطنيه وقد تكتمت

الجهات المسئوله طبيعة الصورة موضع النزاع الا ان مندوبنا فى

القاهره قد وافانا بالتقرير التالى .

**صوت:** الصورة موضع الخلاف لشخصين مصريين يتناولان المخدرات على احد المقاهى بحى شعبى. اما المتهم فشاب من اسره مصريه متوسطه يهوى التصوير الفوتغرافى هذا ومن المنتظر ان تنقسم اراء الكتاب والصحفيين بين مؤيد ومعارض وقد صرح مصدر مسئول ان الامر موكل الى القضاء وهو الذى سيحسم القضيه. ويتوقع المراقبون ان يرفع بعض المحامين قضية حسمه ضد المتهم. هنا لندن .

**مسطول ١:** اقلب يا جدد بلاوجع دماغ . ويقولك راديو لندن بيـجـيب اخبار جديده . مع ..

(صديق يتسلل خارجا بهدوء)

**الأميين:** (لاهل الحاره) اللى مستعد يشهد بيـجـى ورانا طاهر: انا جاى معاك .

**البعض:** واحنا كمان . (هامسا لجاره) اهو نتفرج .

**فكرى:** (يتلفت حوله) صديق . انت فين يا صديق ؟

**الأميين:** (يمسك بفكرى) اتفضل معايا ع القسم , ولو كان لك حق تاخده بالقانون.

(صوت شريفه فى حشرجه اخيره ثم يتوقف)

**الأميين:** (يتوقف وينتبه) ايه الصوت دا ؟

**زبيده:** دا عقبال اولادك واحده بقولد .

**الأميين:** ورايا ع القسم .

(يخرج الامين وفكرى وطاهر والبعض)

**زبيده:** يام السعد , انت يا وليه , بيقولوا قفشوا جاسوس فى حارتنا .

(ثم تلتفت حيث خرج طاهر) ماتغيـبـش يا طاهر. الطـبـيـخ

هيـعـفـن .

طاهر: (يظهر بسرعة) خشى ياوليه .

زبيـسـده: حاضر (وتنقل واقفه) .

(عربی يظهر ويیده سکین)

عسـریـی: دبحثها وانتقمت لشرفی .

زبيـسـده: تسلم يدك . راجل ابن راجل .

عسـریـی: السافله، كانت بتقبض وتخبى الفلوس منى . بتطلع مع خمس زباين  
يوماتى وتحسبهم عليا اتلين، كانت فاكراى كرودىا . اخص عليكى  
ياشريفه .

مسـعد: الحق فك يا عربى، الجو ملغم الساعة دى .

عسـریـی: (وهو يجلس) ادينى الاول فلجان قهوه يعدل دماغى . دى اختى  
مهما كان .. اختى يا عالم (ويواصل البكاء) .  
(نسمع صوت سياره) .

مسـعد: عربية المحافظة جت، خير يا ترى .

(الكناس يضع لافتة ممنوع الاقتراب او التصوير فوق  
كوم الزبالة)

شـابـ١: قلت لكم من ساعة الفانوس مانور وانا قلبى انقبض واتشاءمت .

شـابـ٢: انت اللى غم (للمغنى) سمعنا حاجه تفك عننا .

المغنى: (يقنى) «صوره .. صوره .. صور» ، كلنا كده عايزين صور»  
«صوره للشعب المنصور تحت الراية المنصورة»

(ينطفئ فائوس النور ويحل الظلام فيتجمع الاطفال  
تحت ويهتلون الاطفال)

الأطفال: هيبه .

مسـطـولـ١: الحشيشه دى بابنها مش قد كده .

- مسطول ۲ : ما انت بتشرب فيهام الصبح .
- مسطول ۱ : حاسس انها كبست على نافوخ اللي ف الحاره .
- مسطول ۲ : فكرك مغشوشه ؟
- مسطول ۱ : يستهياالى يانجف .
- مسطول ۲ : (بأستنكار) طب واحنا ساكتين ليه ؟ مانبلغ .
- مسطول ۱ : وفكرك يعنى حد هيتحرك ولا هي عملوا حاجه ؟ دى بلد سايبه ياجدع . (ثم يسعل بشده ويصفق بيده) وله يامسعد...
- مسعد : يانعمين .
- مسطول ۱ : غير لانا الحجر والكراسى ..... والزباين بالمره هى عهىء هاوأو أو .

## ستار

## فهرس

٥	وكأنك يا أبو زيد .....
٧	دخول .....
١١	المشهد الأول .....
٣٧	المشهد الثانى .....
٤٤	المشهد الثالث .....
٥١	المشهد الرابع .....
٦١	المشهد الخامس .....
٧٥	المشهد السادس .....
٨٦	المشهد السابع .....
٩٦	المشهد الثامن .....
١٠٣	المشهد التاسع .....
١١٥	المشهد العاشر .....
١٢٤	المشهد الأخير .....



١٢٩ .....وجهة نظر

١٣١ .....افتتاحية

١٣٣ .....الفصل الأول

١٣٥ .....المشهد الأول

١٦١ .....المشهد الثانى

١٧٥ .....المشهد الثالث

١٨٠ .....المشهد الرابع

١٨٩ .....الفصل الثانى

١٩١ .....المشهد الخامس

٢٠٠ .....المشهد السادس

٢٠٦ .....المشهد السابع

٢١٦ .....المشهد الثامن

٢٢٣ .....المشهد التاسع

٢٣٢ .....المشهد العاشر

٢٤٠ .....المشهد الحادى عشر

٢٤٧ .....بالعربي الفصيح

٢٤٩ .....عش الزنابير

٢٥١ .....الفصل الأول

٢٥٣ .....دخول

٢٦٨ .....المشهد الأول

٢٨٣ .....المشهد الثانى

٢٨٥ .....المشهد الثالث

٢٩٣	.....المشهد الرابع
٢٩٧	.....المشهد الخامس
٣٠٣	.....المشهد السادس
٣١٢	.....المشهد السابع

## ٣٢٥ ..... الفصل الثانى

٣٢٧	.....المشهد الثامن
٣٢٩	.....المشهد التاسع
٣٤٠	.....المشهد العاشر
٣٤٦	.....المشهد الحادى عشر
٣٥٠	.....المشهد الثانى عشر
٣٦١	.....المشهد الثالث عشر
٣٦٤	.....المشهد الرابع عشر
٣٧٠	.....المشهد الخامس عشر
٣٧٣	.....المشهد السادس عشر
٣٨١	.....المشهد السابع عشر
٣٨٤	.....المشهد الثامن عشر

٣٨٩	.....الأسرى
٣٩١	.....الأسرى
٤٢١	.....الكابوس
٤٢٣	.....الكابوس
٤٤٥	.....العار
٤٤٧	.....العار

٤٧٣	..... الشيء
٤٧٥	..... الشخصيات
٤٧٧	..... الشيء
٥١٩	..... كلنا عايزين صوره
٥٢١	..... كلنا عايزين صوره
٥٥٢	..... الفهرس





وبعد أكثر من عشرة أعوام من عمر مكتبة الأسرة  
نستطيع أن نؤكد أن جيلاً كاملاً من شباب مصر نشأ  
على إصدارات هذه المكتبة التي قدمت خلال الأعوام  
الماضية ذخائر الإبداع والمعرفة المصرية والعربية  
والإنسانية النادرة وتقدم في عامها الحادى عشر  
المزيد من الموسوعات الهامة إلى جانب روافد الإبداع  
والفكر زاداً معرفياً للأسرة المصرية وعلامة فارقة في  
مسيرتها الحضارية .

سوزانه م بارا

Bibliotheca Alexandrina



1118349



التنفيذ

الهيئة المصرية العامة للكتاب

الثنى ٣٠٠ قرش